



BIBLIOTHECA
UNIV. JAGELL.
CRACOVENSIS

585694

585696a


Mag. St. Dr.

I

E^r N^o 2
129

Bib. Nov. Vit. S. V. H.

Mag. St. Dr.



585694-
-585696

I

DE BREVIARIO
CONCIO-
NATORIO,

Strenæ, Conciones Occurrentes
& Funebres,

Cum

Aliquibus Fragmentis.

AUTHORE

R. P.

ADALBERTO TYLKOWSKY,
Societ. JESU Theol. Presbytero.



Typis Monasterii Olivensis,
Imprimebat JOANNES JACOBUS TEXTOR,
Factor, 1686.



INDEX STRENARUM.

	Num. I
S piritualis Circumcisio.	11
De Nomine <i>JESU</i> .	23
De Nominibus quæ in Baptismo assumimus.	32
De Renovatione & Novo Cantico.	44
De Tempore & tempestiva Penitentia.	55
De Mortis Memoria.	59
De his quæ fuerunt circa Nativitatem Christi.	74
Distribuitur stabulum Bethleemiticum.	86
De septem donis Spiritûs S. in figura columba.	100
De Floribus & Plantis.	123
De Avibus.	142
De Animalibus quadrupedibus.	



Mag. St. Dr.

a



PARS PRIMA.

Strenæ in Communi.

STRENA I.

Spiritualis Circumcisio.



Non ero contrarius Apostolo intonanti Galatis 5. cap. *Si circumcidamini Christus vobis nihil proderit. Si dixerō. Nisi circumcidamini Christus vobis nihil proderit. Ille enim de Judaica, ego de Christiana; Ille de carnali, ego de spirituali affirmo circumcisio, sic enim sua etiam animæ & spiritui circumcisio, & sicut nihil profuisset nobis Christum natum, passum, mortuum fuisse, nisi & nos cum illo renascamur, patiamur, & moriamur, sepeliamur, & resurgamus; mortui peccato in vitæ novitate ambulantes; ita nihil nobis contulerit ejus circumcisio quam nostri causâ hodie suscepit, nisi & nos fuerimus circumcisi, nisi ut passionem, ita & circumcisionem in nobis circumferamus, non carnalem verò sed spirituales, quæ est in veteris hominis expoliatione, malarum concupiscentiarum refectione, mentisque totius renovatione, quod usque adeò necessarium est, ut nisi quisque ita fuerit circumciscus, ad plenam & perfectam, quæ erit in altera vita ab omni carnis corruptione & mortalitate, pervenire non possit; ita enim Ezech. 44. *Omnis alienigena incircumciscus corde non ingredietur in sanctuarium meum.* Sed pro dolor, nec enim frustra lamentatur Jer. 9. *Omnis**

A

domus

2
domus Israël incircumcisi sunt corde. Et cap. 6. Ecce incircumcise aures eorum, & audire non possunt. Multi, quorum D. Stephani Act. 7. servit increpatio. Durâ cervice, & incircumcisis cordibus, & auribus, vos semper Spiritui S. resistitis. Sanè eò jam Christianam rem videmus rediisse ut si mores affectusque spectes, vix à Paganis & Gentilibus distingvi valeant, imò Ethnicorum multi castius, magis sobriè, justè vivant. Dabo itaque vobis pro Strena artificium Spiritûs circumcidendi, sed prius de illius necessitate. Dixi Gentiles castius, justius, & magis sobriè vivere ne videar asperè locutus, uno saltem exemplo id ipsum illustro. Refert Plutarchus Themistoclem Atheniensibus pro Concione dixisse, se consilium reperisse quòd summopere ad dignitatem utilitatemque Atheniensium pertineret, sed id esse ejusmodi ut in publicum proferri non expediret. Populus ergo censuit ut uni Aristidi rem indicaret, si id probaret ille, probaturos omnes. Aperuit Themistocles Aristidi, se de incendenda Hostium navali statione cogitare: sic enim fore ut Athenienses totius Græciæ dominio potirentur. Aristides ad populum prodiens dixit. Re, quam machinatur Themistocles, neque compendiosiore esse, neque iniquiorem. Hoc est, consilio Themistoclis neq; utilius quidquam, nec eodem iniquius. Audito iniquitatis nomine Populus, veruit ne super ea re verbum faceret Themistocles. Quis hunc amorem justitiæ inter Christianos facilè reperiat? quis ita horret nomen iniustitiæ, quotus adeò reperitur amans innocentiam, ut oblatam sibi insignem utilitatem cum iniustitia, rejiciat? Virtus post nummos, Christiani, agitur de prædolo acquirendo, nulli fraudi parcitur, agitur de lucro misero nullum vitatur perjurium. Quot crimina quotidie Mercatores, quot Opifices, Judices, Causarum Advocati committunt? quot, usuris, rapinis, cruore pauperum sua lucra augent? Ad summam utilitatem

Athenienſium pertinebat quod Themiftocles intendebat, Athenienſium, quibus non fides Chriſti, non lex Divina, non ſupplicia æterna fuerant nota, quia verò cum injuſticia conjunctum fuit, ne quidem ſunt paſſi verbum de illo fieri. Ideòq; juſtiſſima eſt contra nos Dei ira, & niſi hæc vitia in nobis excindere curaverimus graviffimum imminet iudicium. Nemo ſe fallat, ut quia Chriſtianus, quia baptiſatus, quia Sacramenta frequentat, ſi eſt injuſtus & Gentilibus deterior, ſalvandum ſe putet. Exemplo ſit nobis populus Iſraëliticus. Fuit ille magis DEI clementiâ de toto mundo ſelectus, ut eſſet ſingulariter illius & peculium Domini cenſeretur. *Omnes mare rubrum tranſierunt, omnes in nube baptiſati ſunt, omnes eandem eſcam ſpiritualem manducaverunt, & potum ſpiritualem biberunt.* Omnes circumciſionis Sacramentum ſulceperunt, nihil eis hæc omnia profuerunt ut dicit Apoſt. I. Cor. 10. ſed proſtrata ſunt in deſerto corpora eorum, perierunt ab Exterminatore, excluſi ſunt à terra promiſſionis. *Hæc autem in figura noſtri contigerunt.* Hæc ſcripta ad noſtram corruptionem. Nemo igitur Eccleſiæ Sacramentorum ſocietatem, & participationem ſibi profuturam exiſtinet, niſi vitæ novitati, & morum correctioni det operam. Nemo quia natus, circumciſus, & paſſus eſt Chriſtus ſperare ſalutem debet, niſi ei ſimilis eſſe ſtuduerit, niſi intus renaſcatur, & circumcidatur, & Chriſto commoriatur. Alioqui idem illi eventurum quod Iſraëliticis circumciſis ut in ſæculi deſerto pereat, nec ad illam ſecundam & beatam circumciſionem perveniat, ſed ut ait Propheta Ezech. 28. *Morte incircumciſorum moriatur.* Omnes vitis illius, quæ Chriſtus eſt, palmites: omnes membra corporis eſſe volumus, ſed quomodo id fieri poteſt? cum palmites qui in vite ſunt, Pater coeleſtis Agricola purget, Joann. 15. ut fructum ampliorem afferant. Nos autem & foliis & pampinis abundamus, purgantis

& refecantis DEI Patris manum molestissimè ferimus, imò aversamur, nec eam sustinemus. Purgare nos illa vult ab amore divitiarum, & bonorum præsentium inordinato & perverso affectu, eò bella tendunt, vastitates agrorum, direptiones, militares executiones. Præscindere à nobis noxias carnis voluptates laborat, quando pauperiem & morbos immittit, à nimio nostri nos amore conatur revocare, per varias humilia-
 tiones, & dejectiones, & ecce nihil aliud quàm DEO obmurmuramus, & per impatientiam reluctamur, adeò fructum plurimum non afferimus, ut pro uvistantùm labrascas proferamus Isai. 5. An non ergò impendet nobis, quod apud Joann. Christus cap. 5, ait. *Omnes palmitem in me non ferentem fructum, tollet eum Pater meus, &c.* Id sanè restat, & timere debemus, ne quando à noxiis & superfluis sarmentis purgari & præscindi nolumus, nec fructum ad terre studemus, toti simul abscindamur, nò in futuro tantùm, sed hìc quoq; ab ipsa vitis Christi societate & incidere permittamur in hæreses, imò Atheismos. Dum enim puram, circumcisam, & bonam habere conscientiam negligimus, & eam à nobis repellimus, fit, hoc præsertim sæculo, ut fidei naufragium patiamur. 1. Tim. 1. Certè ut parcat hìc nobis longanimitas DEI, manet nos sanè atrocissima & horrenda in futuro sæculo resectio & circumcisio, vel potiùs amputatio, quando à bonorum omnium coetu, à bonis omnibus, atq; à DEO ipso bonorum omnium authore & fonte, per divinam sententiam penitùs abscindemur. O quo igne ibi ardebunt recisi palmites isti! ò quantum & quàm grave non ex foeno tantùm & stipula, sed ex vasta lignorum & sarmentorum strue orietur incendium! ò quanta tunc uret flamma, cui tanta nunc corruptionis nostræ, quam nunc circumcidere & sanare nolumus nutrimenta præparamus! ò quàm torquebunt, & in quanta tormenta vertentur noxiæ istæ & luxuriantes cupiditates! quas hìc,
 nihil

nihil eis denegantes fovemus, & in immensum augemus. Sic ostensâ circumcissionis hujus necessitate, audite ejus artificium, & in quo ipsa consistat.

Circumcidamus affectus nostros & corda nostra, & Divini timoris gladio malarum cogitationum, & cupiditatum omnium intemperantiam abscindamus. Non ambulemus post concupiscentias nostras, nec in viis cordium nostrorum nec in intuitu oculorum nostrorum. Eccl. 18. Non faciamus quæcunq; placent, non cogitemus quæcunque volumus, non loquamur quidquid in os venit, sed ut artificium clarius fiat, in quædam præcepta est distingvendum. Circa tria ergo potissimum hæc ars versatur, circa membra nostra seu corpus, affectus, & bona externa.

Quod attinet membra corporis nostri, & sensus exteriores. Adeo natura humana peccati morbo infecta est, ut vix quidquam in ea sit quod spirituali circumcissione non egeat, quâ noxia subtrahantur, & salutaria relinquuntur. Docet hoc D. Bern. serm. 1. de Circumcis. ita loquens. *Et nos Fratres circumcidi necesse est, non literâ, sed spiritu & veritate, circumcidi non uno membro, sed toto corpore simul. Licet enim magis in ea parte in qua mandata est Judæis circumcisio, regnet additamentum Leviathan, quod à malo est, & amputari debet. Universam tamen occupat carnem, à planta pedis usq; ad verticem capitis non est sanitas in nobis, non est aliqua pars qua non sit hoc veneno tabida. Propterea sicut parvulus in fide, & dilectione populus congruum sibi mandatum exigua circumcissionis accepit, sic ubi crevit in virum perfectiorē toto jubetur corpore baptisari, quæ totius est hominis integra circumcisio. Hinc est quod Salvator noster & circumcidi octavo die, & post annum trigesimam dignatus est crucifigi, ubi in pœnam corpus omne distensum est, cujus similitudini mortis complantamur & nos &c. Sic ille.*

Circumcidendi ergo primùm sunt Oculi, quorum

circumcisionem Propheta sic à DEO petebat Ps. 118. *Averte oculos meos ne videant vanitatem.* Sed hic iterum videamus Ethnicos, ne fortè nos superaverint. Curt. in Alex. Refertur Alexander Magnus dixisse. *Dolores oculorum sunt Persica puella, sed ego eas tanquam statuas inanimes prætereo:* nimirum ab iis avertendo oculos. Scribitur de Scipione Africano, quòd captam in Hispania nobilem, & pulcherrimam puellam conspiciere vix voluerit, sed viro cui desponsata fuerat, intactam reddiderit. Oculos incircumcisos habent illi, quos D. Petrus. 2. Petr. 2. dicit, *habere oculos plenos adulterii & incessabilis delicti.* Cujusmodi & fornicaria illa habebat, de qua Sapiens Prov. 7. *De fenestris adium suarum prospiciens, videt parvulos, considerat vecordem Juvenem, &c.* Sed modò plorandum cum Jeremia cap. 9. *Ascendit mors per fenestras, id est, oculos, qui quasi fenestræ sunt domûs. Et ingressa est domos nostras. Quid ex eo? idem quod ex furis ingressu. Thren. 5. Oculus meus depradatus est animam meam.*

Circumcidendæ etiam *Aures* ne otiosis verbis, ne detractionibus, ne impudicis, ne adulatoriis, ne pravis consiliis, aditum præbeant. Ad quod Salomon inducit, cum ait Eccl. 28. *Sepi aures tuas spinis, & noli audire linguam nequam.* Ad detractiones quasi surdus efficiaris, sic audies extra culpam, ac si non audires quando aliter nec prohibere loquentem, nec evitare vales. Si non pudet in hoc sanctos imitari, saltem pudeat non imitari Gentilem Ulysses, qui malo alligatus, audivit Sirenum cantus quidem, sed his contemptis syrtes prætervectus evasit qui etiam fociis contra vocem prospexit illecebras, dum aures eorum cerâ impactâ præcepit obturari.

Circumcidendus quoque *gustus* ut victu simplici contentus exquisitos sapes, cupedias, atque varia genera deliciarum, tanquam carnalium hominum inventa, superbix & elationis fomenta, libidinum irritamenta, detestetur. Hæc enim præci-

præcipit Apostolus. Rom. 13. quando monet, *ne carnis curam faciamus in desideriis.* Coloss. 3. *Vt sapiamus quæ sursum sunt, non quæ super terram.* 4. Reg. 4. Non gustemus mortem quæ est in olla hujus carnis. Job. 6. Non gustemus quod gustatum affert mortem. Non sapiamus quæ sunt carnis sed quæ Spiritus Dei. Cogitemus, voluisse Christum bibere amarum passionis calicem vino myrrhato cum felle mixto atque aceto potatum. Recordemur absynthii ejus & fellis, nostrumque cibum ac potum amaritudine passionis ejus temperemus: Sobrii simus, & saporem in spirituali edulio collocemus. Sermo Dei, oratio, fraterna admonitio, Sacramentorum usus nostri delectent cordis palatum.

Circumcidendæ sunt *manus* ne aliena rapiant, ne pauperibus eripiant, ne servos & mercenarios operis sui præmio spoli-ent. Potius ad pauperes sunt extendendæ, uti Mulier illa fortis, quam adeo commendat Sapiens in proverbii cap. ult. facere solita est. *Manum suam aperuit inopi, & palmas suas extendit ad pauperem.* Imitemur Patrem nostrum coelestem, *qui aperit manum suam & implet omne animal benedictione* Pl. 144.

Præter hæc circumcidenda est *lingua*, quæ Jacob. 3. *maculat totum corpus nostrum, & inflamat rotam nativitatis nostræ inflammata à gehenna.* Rota nativitatis nostræ est corpus istud cum quo nati sumus, quod ab ortu ad mortis usque occasum rotæ instar per continuam inconstantiam & varietatum volubilitatem versatur, & hæc rota ignibus infernalibus accensa non cessat mille modis maledicta congerere, mentiri, calumniari, lites movere, cædes struere, & quasi incendio suo quæcunque attigerit, involvere: eo modo, quo, si rotam pice perlitam & incensam circumagas, quæ ædes, horrea, sylvas, & oppida integra flammis voracibus absumat. Contra hanc de cælo petendum cum Propheta auxilium Pl. 140. *Pone Domine custodiam ori meo, & ostium circumstantia labiis meis.* Est

Est & alia interior *affectuum* nostrorum & desideriorum circumcisio: latet enim in corde nostro concupiscendi appetitus, qui carnalium *affectuum* & cupidinum est origo, à quibus omnia scelera prodeunt, ut ambitio, libido, avaritia, ira, invidia, contentiones, inimicitia &c. Hæ namque pestes ex corde nostro oriuntur dicente Domino Matth. 15. *De corde exeunt cogitationes mala, homicidia, adulteria, supra, falsa testimonia &c.* Cum ergo hæc omnia mala ex corde nostro veluti ex teterrimo fonte scaturiant, necesse est, ut ad letalis hujus arboris radicem securis apponatur, ut radice utraque abscissa, malorum quoque germina extirpentur. Hoc enim est quod Moyles olim populo præcepit Deut. 10. *Circumcidite præputium cordis vestri & cervicem vestram ne induretis amplius.* Quod quidem Divinæ legis præceptum Apostolus explicuit & implevit 2. Cor. 4. cum se occultæ dedecoris abdicare testatus est. Hoc autem facit quisquis omnia peccati germina ex corde pullulantia gladio Divini timoris abscindit. Hanc cordis circumcisionem postulabat Propheta Regius, Ps. 50. *Cor mundum crea in me Deus, & spiritum rectum innova in visceribus meis.* Quod ubi obtinuerat, exclamavit præ gaudio & dixit Ps. 83. *Cor meum & caro mea exultaverunt in Deum vivum.*

Tertiò etiam *bona externa* circumcidenda sunt, ut intra suam se quisque mensuram contineat, & ad ea quæ vires suas & facultatem superant, extendere se non audeat. Ita se Rex ille Sanctus continebat Ps. 130. *Domine non est exaltatum cor meum neque elati sunt oculi mei neque ambulavi in magnis, neque in mirabilibus super me.* Sic etiam Apostolus, se continebat 1. Tim. 6. *Habentes alimenta & quibus tegamur, his contenti simus.* Hæ namque naturales sunt divitiæ, hic usus vitæ, hæc virtus, hæc natura postulat, quibus olim contenti homines fuerant, cum juxta præscriptum naturæ viverent. Cætera verò quæ postea in mundum

injecta

inventa sunt, partim hominum intemperantia, partim terrena prudentia excogitavit. Natura enim præcipuè quærit quæ Sanctus ille Patriarcha optabat Gen. 28. *Si Dominus dederit mihi panem ad vescendum, & vestimentum quo operiar.* Et Salomon Prov. 3. *Divitias & paupertatem ne dederis mihi, sed tantum victui meo tribue necessaria.* Quod si hanc regulam usum vitæ metiamur, bone Deus, quanta in domibus opulentorum inveniemus quæ oportebit refecare! quot genera indumentorum quibus corpora non teguntur sed gravantur, quot peristromatum & aulæorum formæ quibus muri & lapides vestiuntur dum Christi pauperes frigore consumuntur! quot ciborum, cupediarum, deliciarum, atque odora mentorum species! quàm multis esurientibus reficiendis, quot nudis vestiendis illa sufficerent, quæ tu cum summa pauperum injuria inaniter & turpiter profundis! Notum est illud S. Ambrosii. *Pasce fame morientem, si non pavisti, occidisti.* Contra tales ita fulminat S. Basil. hom. 6. in direlcentes avaros. *Esurientis est panis quem tu retines, nudi est velis quam in arca custodis, discalceati calceus qui apud te marcescit, egentis argentum quod tu infossam terra possides. Quare, tot injurias hominibus quot poteris opem conferre.* Quocirca hanc moralem circumcissionem benè servant, qui voluntariam Paupertatem amplectuntur, & relictis omnibus, nudi nudum Christum sequuntur. *Optimè*, ait Bern. serm. 1. de Circumcis. *Circumcidit nos, & superflua refecat universa, voluntaria paupertas, penitentia labor, regularis observatio disciplina.* Hanc amplexus est Christus D. qui dicit Ps. 39. *Ego sum mendicus & pauper, & in laboribus à juventute mea.* Et Luc. 9. *Vulpes foveas habent, & volucres cæli nidos ubi ponant pullos suos: Filius autem Hominis non habet ubi caput reclinet.* Hanc elegit Apostolorum Princeps Act. 3. *Aurum & argentum non est mihi.* Hanc Doctor Gentium 1. Cor. 4. *Usq; in hanc horam & esurimus & sitimus & nudi sumus.* Hoc

præscriptum à Domino discipulis Luc. 9. Ut non possiderent aurum, neque argentum, neque duas tunicas &c. Nec verò Sancti tantum hanc rerum temporalium abdicationem & circumcissionem sunt amplexi, sed etiam Gentiles multi. Nota est Diogenis egestas ejusque dolium: Nota est Crateris quem D. Hieron. scribendo ad Paulinum, refert magnum auri pondus abjecisse, cum ad Philosophandum pergeret Athenas, eò quòd non putaret, se simul divitias & virtutem posse possidere & Aristides vir summus Athenis in tanta paupertate vixit, ut in attrita lacerula incederet, frigusque & famem domi sæpè pateretur. Narrat D. Chrysof. lib. 2. contra Vituper. vitæ Monastic. lib. 4. de Thebano Epaminonda, quòd in concionem vocatus venire non potuerit, quia vestem laverat, nec aliam habuit quàm indueretur. Scribit etiam Valer. Max. Publicolam posteaquam in ipsa urbe Roma ter Consul fuisset creatus, in tanta postmodum egestate mortuum, ut sumptu publico debuerit mandari sepulturæ. Hi confundent in die Judicii Christianos, qui divitiis & bonis temporalibus inhiant, qui congregant & thesaurifant, qui superfluis abundant, qui nihil minùs quàm hanc moralem circumcissionem cogitant. Studeamus huic circumcissioni, amputemus omnia superflua & noxia. Corrigamus affectus nostros. Castigemus cupiditates nostras, frænemus desideria carnis: Ita futurum est ut ad illam circumcissionem perveniamus, ubi non solùm omnis cupiditatum nostrarum intemperantia, sed etiam omnis laborum & dolorum, lacrymarum, & ærumnarum molestia, non ferreo aut lapideo cultro, sed plenissimæ felicitatis gladio reseccanda est; cum vocem illam jucunditatis plenissimam audire à Domino merebimur. *Euge serve bone & fidelis, quia in pauca fuisti fidelis, supra multa te constituam, intra in gaudium Domini tui. Matth. 25.*

STRE-

S T R E N A I I.

De Nomine JESU.

Nomen novum & à sæculo non auditum in strenam vobis offero. Est enim Jesus idem quod Salvator, ut ex ratione ab Angelo allegata manifestum est. Cùm etenim S. Joseph Virginem S. deserere cogitaret apparuit illi Angelus Matth. 1. cum his dictis. *Joseph fili David noli timere accipere Mariam conjugem tuam: &c. Pariet filium & vocabis nomen ejus Jesum, ipse enim salvum faciet populum suum à peccatis eorum.* Hanc salutem, hanc gratiam, hanc libertatem, hunc denique Salvatorem hætenùs non agnovit mundus. Fuerunt quidem & alii Salvatores, ut Joseph, Gedeon, Jephthæ, Samson, David. Sed qui temporalem tantùm procurârunt salutem non verò æternam. Quinque libros Moyse de lege Domini scriptos reliquit, sed in illis vix aliud, quàm vineas, oliveta, domos, rura, pecora, sospitatem, pollicitus est, juxta illud Isai. 1. *Si volueritis & audieritis me, bona terra comedetis.* Quia enim carnalis ille populus spiritualium bonorum dignitatem aut ignorabat, aut parvipendebat, aut certè negligebat, terrenorum verò bonorum magis amore capiebatur, ideò hæc ipsa pro illa temporis ratione maximè lex divina promittebat. Qualis ergo erat salus quam lex tẽpore illo suis cultoribus promittebat, tales erant & Salvatores, quos aliquando Deus ad salutem illorum destinabat, nempe temporales, qui non veram, solidam, æternamque salutem; sed fragilem, caducam, & cum ipso corpore perituram præstabant. Jesus autem ideò Salvator dictus est, quia spiritualem & æternam salutem nobis contulit, & non tantùm nos à malis liberavit, sed etiam ab omnium malorum causa, nempe peccato. Illi alienum fundendo sanguinem, suis pacem & salutem pepererunt, hic

verò novus Salvator fundendo proprium. Illi certis quibusdam Civitatibus & Provinciis, hic autem toti planè mundo hanc libertatem & salutem attulit. O novum nomen, novam salutem, novam Divinæ pietatis gratiam! Quia igitur hoc est *nomen novum* juxta Scripturam *Isai. 61. quod os Domini nominavit*, etiam nos hoc nomen Strenæ loco vobis offerimus. De quo nomine multa quidem dici possent, tantùm quædam sub triplici capite proponemus. Quorum primum erit de dignitate, excellentia, & reverentia hujus nominis. Alterum de virtute & efficacia. Tertium de dulcedine & suavitate.

Quod primum attinet, dignitas nominis, ab Authore peti desumiq; solet, quòd hoc nomen inditum sit non temerè aut casu aliquo, non humano sensu aut suffragio delatum, non privata authoritate ambitiosè usurpatum, sed divinitùs & à Deo ipso impositum, nec qualitercunq; & usitatà providentiâ, sed per specialem revelationem & Angelico interveniente ministerio. Nec MARIÆ Virgini tantùm, priusquàm in utero conciperetur, sed etiam Josepho. Neque verò hoc nomen illo tantùm tempore, quo sic ab Angelo est appellatum, nobis insinuatum est, sed & indè à primi hominis lapsu prædictum ac promissum *Gen. 3. Prædixit enim DEUS se inimicitias positurum inter serpentem & mulierem*, inter semen illius & hujus, caputque serpentis conterendum. Promisit etiam in hoc benedicto semine *Gen. 18. omnes gentes benedicendas*, sed nec fidelibus & Israëlitis tantùm, verùm etiam ipsis Gentilibus per Sybillas, hoc nomen Salvatoris revelatum fuit. Extat enim apud Euseb. in Orat. Constantini Imperatoris carmen Sybillæ Erithrææ cap. 18. Cujus initiales litteræ in unum collectæ hæc in se verba comprehendunt. *JESUS Christus DEI Filius Servator*. Quod Sybillæ carmen ne quis ab aliquo religionis nostræ homine conscriptum, & alieno editum nomine suspicetur, Constantinus citatæ Orationis cap. 9. etiam Ciceronem id vidisse, legisse, & carminis elegantiam delectatum in
Roma.

Romanum vertisse sermonem suisq; scriptis attexuisse testatur. Hujus quoque nominis dignitas ex eo patet, quòd cum varia in Scripturis nomina Deus & Dei Filius sortiatur, vocatur enim Dei Filius, Verbum Patris, Emmanuel, Adonai &c. nullum tamen sit ad cujus pronuntiationem genua flectamus, vel profundæ humiliationis edamus signa, nisi ad hujus nominis prolationem juxta illa D. Pauli verba Philipp. 2. *In nomine Jesu omne genua flectatur, caelestium &c.* cujus hæc ratio dari potest. Quia tale honoris signum non solum in reverentiæ, sed etiam in grati animi officium Christo Deo propter redemptionis & salvationis nostræ beneficium exhibeamus. In aliis siquidem nominibus sola Christi gloria, non etiam salus nostra designatur. At nomen JESUS, Salvatorem sonat, quo nomine & ipsius gloria, & salus nostra continetur. *Non est enim aliud sub celo nomen datum hominibus in quo oporteat nos salvos fieri.* Act. 4. Cum igitur hoc solo nomine constet nostra salus, etiam ad hujus solius nominis honorem assurgimus, & genua flectimus, Divini Numinis Majestatem reverentes, & pro salute nobis per hoc sacrum nomen impensa gratias agentes. Hoc enim nomē gloriosos alioqui titulos Angelorum superat, dicuntur namq; Dominationes, Throni, Potestates, Virtutes, Cherubim, Seraphim, nullus tamen eorum Salvatoris titulum accipere meruit. *Non est Salvator,* inquit Oseæ 13, *præter me.* Hoc nomen unicum & singulare nomen super omne nomen, sive quod in terris, sive quod in cœlis, sive quod in præfenti, sive quod in futuro nominabitur, uni DEI Filio proprium. *Tantò quippe major Angelis effectus est* Hebr. 1. *quantò differentius præ illis nomen hereditavit.* Quis non ergò hic cum Prophetâ exclamet. Psalmo 8. *Domine DEUS noster quàm admirabile est nomen tuum in universa terra!* Imò & in Cœlis, & apud inferos, gloriâ ejus plena sunt omnia. Et terra quidem tam mirabili quotidie tot peccatorum conversione ac liberatione, Cœlum tantâ Electorum & Salvatorum

gloriâ : Inferi , tot olim Patrum inde ereptorum beneficio. Tartara deniq; ipsa , tot debellatorum dæmonum plena victoriis, An non ergo dignum est ut in nomine JESU omne genu flectatur, coelestium, terrestrium &c. ut omnes illius Majestatem honorent, venerentur, adorent, utque omnis creatura subjiciatur, serviat, & obediat. Deniq; *omnis lingua*, nolit, velit, dæmonum etiam ac reproborum, *confiteatur* & clamet, quia *Christus JESUS est in gloria Dei Patris*. An non meritò Dominus per Isaiam cap. 45. *Mihi curvabitur omne genu, & omnis lingua jurabit*. An non meritò Micheas cap. 6. *Curvabo genu DEO excelso*. An non meritò Propheta Regius Ps. 61. *Nonne DEO erit subjecta anima mea ab ipso enim salutare meum*. Quasi diceret, Ipse est JESUS Salvator meus. Pulchrè D. Ambrosius in Ps. 18. *Quanta fecit DEus audeo dicere, & non flexi ei genu, sed flexi ei postquam se humiliavit*. Quasi diceret, Fecisti me, & fecisti mundum propter me. Dominum orbis me constituiisti, & non genu flectens adoravi te, ac postquam te vidi pro me humiliatum, plagatum, crucifixum, id est, postquam te ostendisti verè Jesum & Salvatorem meū, stare non potui sed tanto amoris pondere victus, in terra prostratus, adoravi te. Nō desunt qui erga Dominos & Benefactores gratitudinē testantur a pertione capitis cū eorum nomen audiunt, Si hæc reverentia Principib; tantili beneficii intuitu exhibetur, quid nos tantæ salutis auctori & libertatis nostræ vindici exhibere decet? Quid enim per Jesum nacti sumus? quam dignitatem adepti? *Fecisti nos* inquit Joannes Apoc. 5. *DEO nostro regnum & Sacerdotes, & regnabimus supra terram*, imò super cœlum. Per te enim Domine regnum, per te Sacerdotium, per te DEI amicitiam & pacem, per te Spiritum S. per te dignitatem adoptionis hæreditatisque filiorum DEI, per te veniam peccatorum, per te Angelorum contubernium, per te deniq; immortalem gloriam, & confessum ad de-

xteram

xteram DEI Patris, adepti sumus. Veniant ergo omnes Gentes quascunque fecisti, psallant & adorent coram te Domine & glorificent nomen tuum. *Juvenes etiam & virgines, senes cum junioribus laudent Nomen Domini quia exaltatum est nomen ejus solius.* Pl. 148.

Jam secundo loco dicendum est de hujus nominis virtute, potentia, efficacia. Potentiam verò & efficaciam hujus nominis declarat Sapia Prov. 18. cum dicit. *Turris fortissima nomen Domini,* & Jer. 10. *Magnus es tu, & magnum nomen tuum in fortitudine. Quis non timebit te o Rex Gentium?* Vis potentiam videre, virtutem, efficaciam istius nominis? Mala omnia depellit, aufert, dissipat, bona omnia confert & conciliat, invictos, insuperabiles, inexpugnabiles reddit. Primum itaq; ægros sanat, leprosos mundat, visum cæcis restituit, claudis gressum præbet, paraliticos confirmat, mortuos suscitatur: *In nomine JESU Nazareni,* inquit Petrus Act. 3. *surge & ambula,* Et Act. 4. *Notum sit vobis omnibus quia in nomine JESU iste adstat coram vobis sanus.* Et Dominus Marc. ult. *In nomine meo demonia ejicient &c.* In hujus nominis virtute prostravit inermis David armatum Philistæum, cum ait 1. Reg. 17. *Tu venis ad me cum gladio & hasta & clypeo, ego autem venio ad te in nomine Domini exercituum.* Ita Joann. 18. & cohortes militum cum proditore Judæ ad Christum capiendum venientes, nominis hujus virtus atque potentia retrorsum egit. Hoc Reges nomen salvat. *DEUS,* inquit Psalmista 3. *in nomine tuo salvum me fac.* Hoc nomen Gentibus est timori Pl. 101. *Timebunt Gentes nomen tuum.* Hoc nomen auxilium præbet afflictis Pl. 123. *Adjutorium nostrum in nomine Domini.* Hoc nomen dæmonibus est terribile Psal. 101. *Sanctum, & terribile nomen ejus.* Hoc nomine omnia à Patre obtinentur. Joann. 15. *Si quid petieritis Patrem in nomine meo dabit vobis.* Hoc rursus nomine justificamur & sanctificamur.

Abluti inquit Apost. 1. Cor. 6. estis, sanctificati estis &c. in nomine Domini nostri JESU Christi. Hoc nomine salvamur Heb. 4. Non est aliud datum nomen sub celo in quo nos oporteat salvos fieri. Et Joël. 2. Omnis qui invocaverit nomen Domini, salvus erit. Et Jer. 14. Tu autem in nobis es Domine, & nomen sanctum tuum est super nos, ne derelinquas nos Domine DEUS noster. Iterum, Hoc nomine, peccatorum omnium, quamvis gravium & enormium, fit remissio Pl. 24. Propter nomen tuum Domine propitiaberis peccato meo. Denique hoc nomine superamus adversarios nostros. Pl. 19. Hi in curribus & equis, nos autem in nomine Domini invocabimus, &c. Postremò hoc nomine Philosophi & Sapientes hujus mundi sunt victi, de quo præclarum extat exemplum apud Sozomenum lib. 1. c. 17. de duobus Philosophis, qui duorum Senum simplicitate cum illis differentium ad fidem sunt conversi, quorum quidem Senum unus Philosopho præcipiebat in nomine D. JESU Christi ut audiret: alter verò in eodem nomine præcipiebat Philosopho ne loqueretur. Tantaq; vis horum verborum in Senibus fuit, ut utrumque vicerint, qui tamen priùs nec per Concilium quidem Nicææ exactum, cui interfuerant converti poterant. Quia verò Sathanas hujus nominis virtutem & potentiam non ignoravit, sed suo magno malo jam diu expertus est, ideò ad illud ipsum opprimendum & extingvendum totum concitavit orbem, Judæos, Gentiles, plebem, Monarchas, Philosophos, Hæreticos, eosque omni armorum genere, furore, crudelitate, ingenio, arte, fraudibus munivit. Ego, inquit unus Act. 20. inter omnes estimaveram adversus nomen D. JESU Nazareni debere multa contraria agere, quod & feci. &c. Verùm extingvere, & opprimere hujus nominis gloriam, & virtutem, nullo modo potuerunt. Hic triumphalis ille titulus quem Pharisæi abolere nequiverunt: quod enim scripserat Pilatus Joan 19. scriptum remansit. JESUS Naz. Rex Jud. Imò quantò magis Tyranni oppri-

opprimere hoc nomen conati, tantò illustrius reddiderunt. Quisquis ergo acerbissimas Sanctorum passiones & cruciatus cogitas, exquisitissima miraris supplicia, qualia quantaque in sævitiam ingeniola impietas & crudelitas excogitare potuit & infligere, in his tam fortiter toleratis & superatis contemptis, vim hujus nominis & insuperabilem potentiam contemplare. O verè gloriosum & triumphale D. N. JESU CHRISTI nomen! ô verè potens, atque invictum! Verè turris fortissima nomen Domini Jer. 10. Verè Domine magnus & tu es, & magnum nomen tuum in fortitudine. Confugiamus igitur in omnibus necessitatibus nostris, periculis, tentationibus, ad hoc sanctum & invictum nomen, velut ad fortissimam turrin & insuperabile præsidium. Frequenter hoc nomen invocemus, dicamusque cum Pl. 59. DEUS in nomine tuo salvum me fac. Et Pl. 30. Fortitudo mea & refugium meum es tu. Propter nomen tuum deduxisti me. &c. Exaudiat nos Dominus in die tribulationis, protegat nos nomen DEI Jacob Pl. 10. Quisquis enim testisai. cap. 5. ambulavit in tenebris, & non est ei lumen &c. Speret in nomine Domini, & innitatur super DEUM suum. Sanè testatur D. Chrysof. Hom. 9. in epist. ad Coloss. Super neminem unquam infirmum nomen JESU piè & sanctè invocari, quin sanitatem, si ei expediat, consequatur. Sed fit malitià & infidelitate nostrâ, ut evanuerit jam quodammodo hujus nominis virtus & potentia, & tamen rarò apud nos sese exerat. Nam quomodo sine fide invocatum & prolatum non proficit, docet Lucas in Act. 19. ubi adjuratus in hoc nomine Sathanas dixit, JESUM novi, & Paulum scio, vos autem qui estis?

Jam tertio dicendum de dulcedine & suavitate nominis JESU. Rectè enim Bern. serm. 15. in Cant. Nullum in sacris paginis reperies nomen, scilicet Divinum, quod non aut Majestatis potentiam, aut pietatis gratiam sonet. Et quidem nomina olim in ve-

reri lege DEO attributa, plena sunt Majestatis, terroris, ac
 formidinis, ut cùm dicitur, DEUS, Magnus, Potens, Excelsus,
 Fortis, Zelotes, Adonai, DEus Sabaoth, DEus Deorum Do-
 minus, DEus ultionum, Visitans iniquitates, DEus scrutans cor-
 da & renes, Terribilis super omnes Deos, Ignis consumens,
 Auferens spiritum Principum. At nomen istud benedictum
 JESUS, nomen est pietatis, benignitatis, indulgentiæ, miseri-
 cordiæ, charitatis, gratiæ, dulcedinis, suavitatis. Significans ni-
 mirum reconciliatum nobis DEUM Patrem, placabilem, indul-
 gentem, benignum: qui priùs ob peccata nostra iratus, terro-
 rem & mortem ingeminabat. Fuit aliquando tempus cùm di-
 ceret Jer. 18. *Ecce ego fingo contra vos malum, & cogito contra vos
 cogitationem.* At nunc, *Scio inquit cogitationes quas ego cogito
 super vos cogitationes pacis, & non afflictionis.* Jer. 9. Quoties in
 veteri lege minabatur. *Semel descendam inter vos & delibo vos de
 superficie terræ.* At nunc Matth. 20. descendit ad nos DEI Filius
 non ut pereat mundus sed ut salvetur, & animam suam det pro mul-
 tis. Olim propèerat, ultionum Dominus, longè à peccatoribus
 salus. At per Filium DEI Hominem JESUM factum, facta est
 peccatoribus salus. Id quod olim prævidens David Psal. 34.
 aiebat. *Dic anima mea salus tua ego sum,* quasi diceret. Satis diu
 hæc nomina potestatis, majestatis, terroris,
 &c. Abscondantur hæc nomina potestatis, majestatis, terroris,
 & exhibeatur illud nomen gratiæ, misericordiæ, & benignita-
 tis. Veniat JESUS, veniat DEUS Salutis, veniat Salutare Dei
 & Salus mundi.

Hujus nominis dulcedinem gustaverat Propheta, Ps. 134.
Laudate Dominum quoniam bonus, quoniam suave nomen ejus. Et al-
 lius qui sic dicit, Isai. 26. *Nomen tuum & memoriale tuum in desi-
 derio anima mea.* Et rursus alius. Abac. 3. *Ego autem gaudebo in
 Domino, & exultabo in Deo Jesu meo.* Et Eccli. 24. *Spiritus meus su-
 per mel*

per mel dulcis. Hæc est illa dulcedo quam montes stillaturos prædixit Joël cap. 1. Hic mel de petra, oleumq; de saxo durissimo fugitur. Deut. 32. Hæc illa dulcedo de forti egressa, mel inquam de ore leonis à Samfone interfecti, Judic. 14. Hoc illud dulce oleum de quo Cant. 1. *Oleum effusum nomen tuum.* Et rectè oleum juxta S. Bern. Sermon. 15. in Cant. *Oleum enim tria habet, lucet, pascit, & dulciter ungit.* Ita hoc nomen lucet prædicatum, pascit recogitatum, lenit & ungit invocatum. Nec tantùm oleum, sed oleum effusum usquequaq; nempe de calo in Judæam, de Judæa in omnem terram excurrit; effusum sanè quod non solum calos terrasq; perfudit, sed aspersit & inferos. Quàm hoc oleum carum, & quàm vile & vile, sed salubre. Si vile non esset, non mihi essanderetur: si salubre non esset, non me lucraretur. Et quid mirum si sponsi effusum sit nomen, cum ipse quoq; effusus sit. Nam semetipsum exinanivit. Philip. 2. *ideoque ait Psal. 21. Sicut aqua effusus sum.*

Lacteam & mellifluam hujus olei dulcedinem expertus est Apostolus, in cujus ore oleum hoc natabat. Hinc ita frequenter in epistolis suis hoc dulce nomen scriptum reliquit; juxta quorundam enim supputationem, ducenties & eò amplius illud nominavit. Sanè apud Corinthios agens non se aliud scire judicabat, quàm JESUM Christum & hunc crucifixum. D. quoque Joan. Evang. adeò frequenter hoc dulce JESU nomen in ore habuit, ut illud non minus quàm ducèties quinquagesies scriptis suis inseruerit. Quàm avidè hanc etiam dulcedinem imbiberat S. Eustochia, in cujus mamillis multis post annis ab ejus martyrio, inventum fuisse scribit Alanus Copus lib. 3. Dialog. cap. 29. Quàm hæc dulcedo affecerat palatum D. Bernardi loc. cit. cum ait. *Aridus est omnis anima cibus, si non oleo isto infunditur, insipidus est, si non hoc sale conditur. Si scribas, non sapit mihi, nisi legero ibi JESUM. Si disputes, aut conseras, non sapit mihi nisi ibi sonuerit JESUS. JESUS mel in ore, melos in aure, jubulum in corde.*

Divus quoque Augustinus lacteum hoc nomen cum ipso lacte, instillante piâ matre, sic combiberat, ut nullus quoque illi saperet liber, quantumcunque elegans, in quo hoc nomen non legeretur. Ut ipsemet de se testatur & confitetur in libro 3. suarum Confessionum cap. 4. Tanta porrò est hujus nominis dulcedo, ut instar generosi & suavis vini mentes hominum potenter inebriet. Docent hoc Apostolorum & Martyrum exempla, de quibus legitur Act. 5. *Ibant Apostoli gaudentes, à conspectu Concilii, quoniam digni habiti sunt pro nomine Jesu contumeliam pati.* Et Paulus. *Non solum alligari, sed mori Act. 21. inquit, paratus sum propter nomen Domini nostri Jesu,* unde frequenter gloriatur, quòd sit victus JESU Christi, & ad Gal. 6. *Ego stigmata Domini nostri Jesu Christi in corpore meo porto.* Hinc iterum Rom. 8. clamat. *Quis nos separabit à charitate Christi, tribulatio, angustia, &c. Certus sum quia neq; mors, neq; vita, &c.* Quid etiam aliud Stephano dulcem fecit illum imbrem taxicum? Quid Laurentio flammam refrigeravit? Quid aliud Vincentio ignes in rosas convertit, quàm dulcissimum nomen D. N. JESU Christi?

Denique quid cæteros Martyres ad tam dira currere impulit supplicia & cruciatus, quorum vel sola recordatio horrorem armis incutere queat, nisi hoc mellifluum nomen? O indicibilem nominis hujus dulcedinem, ejusque dulcedinis energiam! O invictam Divinæ suavitatis potentiam omnibus mundi hujus gaudiis & voluptatibus, imò & tormentis & cruciatibus cunctis superiorem! Sed quàm abdita, quàm latens, quàm occulta est? Exclamabat olim David Ps. 30. *Quàm magna dulcedinis tua multitudo Domine, sed quàm abscondisti,* inquit, *timentibus te!* & rectè inquit hanc Deum abscondisse. Verè si quidem abscondita est à mundi hujus sensu, & oculis, valdeque secreta. Est enim manna illud absconditum omne habens in se delectamentum. Hic thesaurus est in agro Domini occulta,

tus. Matth,

rus. Matth. 13. Hoc mysterium & Sacramentum à sæculis absconditum. Coloss. 2. Hæc margarita illa pretiosa inventa non obvia. Verè DEUS absconditus tuus. O Beatos, ter & ampliùs quibus revelatur, à quibus invenitur, qui illum assequuntur: infelices verò qui nesciunt, qui contemnunt, qui negligunt: sed quisnam inquires, modus, hunc thesaurum inveniendi, aut quamnam ejus quærendi ratio? Audi Christum D. Matth. 11. *Confiteor tibi pater Domine cæli & terræ, quia abscondisti hæc à sapientibus, & revelasti ea parvulis.* Quibus verbis significat solos pauperes spiritu & parvulos in oculis suis hujus mysterii capaces esse. Humiles ergo simus & parvuli, ne pudeat nos parvuli & humilis JESU, ne erubescamus eum inglorium, pauperem, infirmum, esurientem, sitientem, lassatum, lacrymantem, omnibus deniq; injuriis expositum. Neq; offendat nos crux ejus, Judæis quidem scandalum, Gentibus autem stultitia. Sed, quod res est, unam hanc sapientiam, unam gloriam, unam virtutem reputemus. In uno JESU crucifixo omnem beatitudinem, omnes honores, opes, voluptates, & oblectationes quæramus. Hoc primò est faciendum.

Secundò. Frequenter recogitando, & in mentem revocando beneficia, hoc nomine præstita nobis. Quemadmodum enim aromata nisi ore sumpta & soluta vel comminuta, vim suam non exerunt; & quemadmodum quarundam herbarum vix sentitur odor, nisi digitis manibusq; confricentur, ita nominis hujus dulcedo ac suavitas non excipitur nisi piè & jugiter mediteris, ruminas, & in mentem revoces ejus beneficia.

Tertiò. Abducendus est animus à terrenarum voluptatum amore, nam deliciis nominis hujus frui nemo potest, qui non his libenter caruerit, iisque valedixerit. Ablactatos nos oportet à mundi lacte, ab ejusq; uberibus avulsos, neq; enim hoc cæleste nobis manna dabitur nisi defecerit farina Egyptiorum.

Quartò, tribulationes omnes, atque adversitates patienter ferendas propter hujus nominis amorem; nusquam enim magis se insinuat aperitque JESU nostri nominis dulcedo quàm in tribulationibus. *Cum ipso*, inquit Pl. 9 *sum in tribulatione*, & Pl. 93. *Secundùm multitudinem dolorum consolationes tua latificaverunt animam meam*. Sic legitur de Apostolis Act. 5. *Ibant gaudentes &c.* De SS, etiam Marco & Marcelliano scribitur, quòd cum Tyrannus ad eos in tormentis positos exclamaret *Respicite miseri, respicite & vos ipsos ab his cruciatibus eripite*, animosè responderunt: *Nunquam tam jucundè epulati sumus, quàm hæc libentes JESU Christi causâ perferimus, in cujus amore fixi nunc esse cupimus.* In Breviar. Rom. 18. Jun.

Postremò, si frequenter hoc nomen invocemus, & ab iniquitate discedamus; *Discedit enim ab iniquitate*, inquit Apost. 2. Tim. 2. *qui invocat nomen Domini*, ne per nos nomen Domini blasphemetur. Quo verò fructu invocetur, audi D. Bern. *Tristatur inquit, aliquis nostrum, veniat in cor JESU, & inde saliat in os: & ecce ad exortum nominis hujus, nubilum omne diffugit, redit serenum. Labitur quis in crimen, currit in super ad laqueum mortis desperando, nonne si invocet nomen vite confestim respirabit ad vitam? Cui fons fortè siccatus lachrymarum, invocato JESU, non continuo erupit uberior, fluxit suavior? Cui in periculis palpitanti & trepidanti, invocatum virtutis nomen, non statim fiduciam præstitit, & pepulit metum? Cui quæso in dubiis fluctuanti, & astuanti, non subito ad invocationem hujus nominis emicuit certitudo? Cui in adversis diffidenti, iam jamq; deficienti, si nomen adjutoris sonuit, defuit fortitudo? nimirum morbi & langviores animæ isti sunt, illa medicina. Invoca me inquit in die tribulationis &c. eripiam te.*

Denique si omnia quæ facimus ad istius nominis gloriam referamus, dicente Apostolo 1. Cor. 15. *Omne quodcumq; facitis in verbo, aut opere, omnia in nomine D. N. JESU Christi facite, gratias agentes*

agentes Deo & Patri per ipsum. Et. Sive manducatis, sive bibitis, vel aliud quid facitis, omnia in gloriam DEI facite, qui est benedictus in sæcula.

STRENA III.

De Nominibus quæ in Baptismo assumimus.

Quandoquidem in præterita Strena multa disseruimus de nomine JESUS & Scriptura etiam faciat mentionem novorum nominum, quæ DEUS dedit, vel dare promisit Apoc. 2. Non alienum fuerit, nec inutile, si etiam aliquid hæc occasione pro Strena dicam, de impositione nominum Christianorum quæ fit in Sacramento Baptismi: in hac enim nominum impositione & ipsis nominibus non exiguum latet mysterium. Estque res consideratione & observatione dignissima, quemadmodum olim & ipse Chrysostr. S. observavit hom. 21. scribens in cap. 5. Genes. explicans autem genealogiam Seth, cui natus legitur Enos, qui coepit invocare nomen Domini. *Vidisti, inquit, appellationem diademate clariorem, purpurâ nobiliorem, quid fuerit illo beatius, qui invocatione nominis Dei ornatur, idque pro nomine possidet! Vides & in parvis appellationibus magnas sententiarum divitias esse reconditas. Non solum enim hæc Parentum monstratur pietas, sed & magna erga pueros diligentia. Et quomodo statim & à principio erudiebant pueros qui ipsis nascebantur, admonentes appellationibus, quas illis imponebant ut virtutem exercerent? & non sicut nunc fortuito & absque causa nomina fiunt. Dicunt enim, Juxta nomen Avi aut Abavi nominetur puer. At præsci non ita, sed omnem operam adhibebant, ut talia nominis imponerent nomina, quæ non solum illos qui nomina sortiebantur*
in virtute.

in virtutes adducerent, sed & alios omnes qui sequentibus sæculis futuri sunt, nullam non Sapientiam docerent. Igitur & nos non vulgaris pueris nomina indamus, neq; Avorum, aut Abavorum, & eorum qui genere clari fuerunt, nomina tribuamus, sed Sanctorum virorum qui virtutibus fulserunt, plurimamq; erga Deum habuerunt fiduciam. Imò neq; horum nominibus fidant Parentes, vel Pueri, quibus talia nomina contingunt. Nihil enim prodest alicui vocabulum, quo virtus non commendatur, sed habenda est salutis expectatio in omni virtutis operatione. Dicemus ergo primum, quid sibi velit, quòd ut olim in Circumcisione, ita & nunc in Baptismo demum nobis nomina imponuntur. Deinde, cujusmodi nomina infantibus imponenda, Denique quomodo in hac parte peccari contingat.

Quod primum attinet, quòd Anonymi seu sine nomine omnes in hanc lucem edamur, vel, si contendes noscum nominibus nasci, ea non nisi obscura, ignobilia, & ignominiosa sunt, nimirum Peccatores, Inimici Dei, Filii tenebrarum, Exules paradisi, Mancipia Sathanæ, &c. Vera igitur nomina, splendida, ac gloriosa demum in Baptismatis Sacramento sortimur. Quid ergo hinc nobis significatur? nimirum in nobis primæ nativitatis corruptio & damnatio, quia enim Inimici Dei, Iræ, & prodicionis Filii omnes hinc nascimur, nescit & ignorat nos Deus, nec alicujus apud eum nominis sumus. Unde & impii homines etsi in hoc sæculo nominatissimi sint, tamen quia apud Deum nullius sunt dignitatis ac meriti, ideò nescire, ac ignorare eos dicitur. Contrà verò, homines Sancti, etsi in hoc mundo ne de nomine quidem vulgo fuerint cogniti, tamen Deo sunt notissimi, & Angelis, & nomina eorum in cælo scripta sunt. Hinc est quòd in Scriptura S. mendicus ille & pauper Lazarus nominatim honorificè describitur. Dives autem epulo velut obscurus & incognitus Deo, licet hinc celeberrimus & famosissimus Luc. 16, nullum tamen

tamen non habeat, uti nec alter ille dives Luc. 12. horreorum suorum dilatator. Observat hoc D. Greg. historiam divitis Eulonon hom. 40. ita describendo. *Certè in populo plus solent nomina divitum quàm pauperum sciri, quid est ergo quòd Dominus de paupere & divite verba faciens, nomen pauperis dicit, & nomen divitis non dicit, nisi quia DEus humiles novit & approbat, & superbos ignorat? unde & quibusdam de miraculorum virtute superbientibus, in fine dicturus est. Nescio vos unde sitis, discedite à me omnes operarii iniquitatis. Matth. 7. At contra, Moyses dicitur Exod. 33. Novi te ex nomine. Ait ergo de divite, Homo quidam. Ait de paupere: egenus Lazarus. Quasi diceret apertè, pauperem humilem scio, superbum divitem nescio. Illum cognitum per approbationem habeo, hunc per judicium reprobationis ignoro. Quia igitur ut olim circumcisionis beneficium adscribebat populo Dei, & foederis Abrahæ ac benedicti seminis participes faciebat; ita & nunc per Baptismi gratiam regenerationis Sacramentum prioris generationis corrigit vitium, novaque renascitur creatura, & Christi membra effecti in filios DEI adoptamur; rectè sanè nobis nomen imponitur, tunc enim loco aliquo & dignitate apud DEum esse incipimus, tunc etiam in ejus quasi devenimus notitiam, & in amicitiam recipimur, tunc regius nobis character imprimitur, quo internosci & distingvi à cæteris valeamus, tunc in Sanctorum societatem admittimur tunc in cœlis, & in libro vitæ nomina nostra inscribuntur.*

Sed neque mysterio carebat dies octavus nominum depositioni olim destinatus, qui & ipse Baptismo nostro continetur, significans, videlicet fore, ut quotquot vitæ innocentiam Domino sese consecrarent, & circumcisionis, regenerationisque beneficium in finem observarent, & nominis sui tuerentur honorem, eos omnes æternæ beatitudinis, quam post vitæ hujus septimanam, octava consequitur, hæreditatem assecuturos, & æternum in cœlis nomen accepturos, quod nullam unquam

vetustate deleatur. Contrà verò, ingratorum & impiorum hominum etsi secundùm præsentem justitiam scribi ad tempus in libro vitæ nomina contingat, delenda tamen ea atque abolenda, & nisi resipiscant, aternâ oblivione sepelienda, & obliteranda. Hæc Gentes ignorant, nihil de lapsu Adæ, & primæ generationis corruptione, ac damnatione intelligentes, nihil de futuri sæculi beatitudine, vel miseria cognoscentes. Quare mirum non est, si mox ut nati sunt, nomina infantibus imponant, sed quia in terra scribentur, & ut nullus in hoc mundo ignoret, nesciat tamen DEUS.

Quodnam ergo est nomen, quo à DEO in Baptismo exornamur, quod in albo cœlesti, & libro vitæ inscribitur? sanè non unum, sed varium & multiplex. Abolitis enim obscuris, ignobilibus, & maledictis nominibus, quæ nobis Sathanas imposuerat, alia nobis induuntur generalia nomina, dicimurq; jam sancti, immaculati, filii lucis, domestici, amici, Filii DEI, ciues Sanctorum, domus & templum Spiritûs S. hæredes regni, Ephes. 4. 1. Tim. 3. 1. Petr. 3. Denique ab ipso Christi nomine, & appellatio nobis Christianorum imponitur, in signum, quòd à tenebris & ignobilitate pristina vindicati, non solum in jus & dominium Christi, sed in dignitatis ejus societatem admisi sumus, Reges & Sacerdotes effecti. O verè gloriosa nomina, honorificosque titulos, quibus DEUS nos etiam hic in terris exornare dignatur! Si autem tanto nos honore dignatur in hac vita, qualem putamus futuram eam titularum gloriam, quam in futura expectamus? Quis explicet, quodnam sit novum illud nomen, illud nomen æternum quo in cœlis donandi ac coronandi sumus? Quid nomen illud intelligat meliùs à Filiis & Filiabus de quo Isai. 56. quod nemo novit nisi qui accipit, & de quo Joann. Apoc. 2. *Vincenti dabo &c. in calculo nomen novum scriptum.* Sanè multò gloriosiora erunt illa nomina, quàm quæ quon-

quondam Romani Ducibus suis imponebant post devictos hostes clarissimosque triumphos, quæ demum tunc sciemus quando accipiemus.

Sed hæc fidelibus omnibus communia sunt nomina, veniamus ad particularia. Laudabile est ergo infantibus imponere nomina aliquorum Sanctorum aut talia quibus officii & virtutis admoneantur ut supra diximus ex D. Chrysof. Qualia sunt, Pius, Clemens, Gregorius, Agnes, Catharina, &c. Vel talia, quibus in divini alicujus beneficii memoriam reducimur, ut Dorotheus, Theodorus, &c. Huc pertinent SS. Apostolorum, Martyrum, Confessorum, Virginum nomina, quorum optamus aliquando imitatores vitæ, uti & nominum esse. Habent enim hæc ipsa nomina tacitam quandam precationem, & commendationem, ut Sancti quorum nomina præferuntur, nos in suam recipiant tutelam, & pro nobis in coelis orent. Quin & excitamur nominis affinitate ac similitudine, ut frequentius libentiusque ejusmodi Sanctos invocemus, quorum nomine gloriamur. Sanè laudat Julianam quandam S. Ambr. lib. exhort. Virgin. quòd postquam B. Laurentii precibus & meritis à DEO impetraverat filium, ejus quoque nomine appellandum curaverit, quam & hortatam ait, ut ad ejus exemplum & castitatis & Cleri propositum susciperet. *Considera, inquit, quis te ut nacereris, invenit, filius es magis votorum quàm dolorum meorum. Considera cui te muneri Pater tali nomine designaverit, qui vocavit Laurentium. Ibi vota deposuimus, ubi nomen assumpsimus, vota effectus secutus est. Redde Martyri quod debes Martyri. Ille te nobis impetravit, tu restitue quod de te hujusmodi appellatione promisimus.*

Hoc Parentes spectare convenit in nominis impositione ut non ad sæculi hujus gloriam, laudes bellicas, prophanam sapientiam, Majorum memoriam, nominis sui propagationem, vel similes vanitates respiciant; sed ad pietatem bonæque vi-

tæ informationem, & æternum illud nomen, quod pro meritis
 quisque suis in coelo est accepturus. Et fit sanè non rarò, ut
 DEUS Parentum pietate, tacitoque voto & precibus motus,
 Filiis largiatur gratiam, ut verè feronimi fiant, & nomini sint
 respondentes, DEI sic Providentiâ disponente. Neque enim
 temerè aut absque DEI consilio factum putamus, ut Gregorius
 Papa I. hanc appellationem nominis primus acceperit, futuri
 haud dubiè prælagium, Gregorius enim vigilantem significat.
 Sic & Basilius ut nomine, ita & vitâ & scriptis basilicum & Re-
 gium aliquid præsetulit. Similiter Achanasius, re & nomine
 immortalis. Stephanus primus Martyrii coronâ illustris. Vin-
 centii nomen tam præclaras victorias, Laurentii laureas præ-
 dixit. Stanislaus, quod est, fiat gloriæ, factus est suæ gentis
 gloria, dum ejus allato miraculo Concilium hæresim damna-
 vit &c. Talia igitur fideles imponant suis Filiis nomina quæ
 pietatem excitent & promoveant, dentque hi operam ut no-
 minis sui ethymon & rationem intelligant, Sanctique ejus no-
 men gerunt, vitam nôrint, ejusque virtutes imitentur, & hoc
 esse laborent & quod dicuntur. Si verò profanum aliquod, aut
 Gentilium nomen, ut subinde fit, in Baptismo acceperint, com-
 mutant illud in Sacrum ac Christianum, dum Confirmationis
 aut Ordinis Sacramentum suscipiunt. Quale refert exemplum
 Euseb. 8. hist. cap. 21. scribens eos qui ex Gentilibus ad fidem
 Christianam accedebant, suscepto Baptismo, vetera Paganorum
 & Idolorum nomina in pia, & Christiana convertisse. Non
 carent offensâ, qui Ethnicorum potius quàm Christiana suis Fi-
 liis imponunt nomina, ut Paridis, Hectoris, Achillis, Scipionis,
 Demosthenis, Ciceronis, Lucretiæ &c. Uti & non leviter pec-
 cant, qui Christiana prius sortiti nomina, ea postea in Ethnica
 pervertunt, ut quosdam fecisse constat. Nec adeò laudabile
 est Judaica & veteris testamenti nomina usurpare, cum pluri-
 ma

ma suppetant Christiana. Cujus hanc dare licet rationem, quia veteris testamenti Patres non tantum verbis, sed etiam frequenter nominibus quisque suis, Christi D. incarnationem & gratiæ ipsius beneficium præfigurârunt ac prænuntiârunt. Unde fit quoque ut Ecclesia non tam solenniter eorum quoque recolat memoriam, sed Sanctorum duntaxat novi testamenti, in quorum honorem festos dies & solemnes instituit, qui non nasciturum vel passurum, sed natum jam ac passum Christum confessi sunt. Quare cum jam horum non illorum tenenda sit fides, rectius hujus quam illius temporis Sanctorum etiam nominibus utimur.

Ex iis quæ de nominibus Christianorum dicta sunt salubria quædam documenta oriuntur. *Primò non esse nobis gloriandum de titulis mundanis, aut sectandam nominum celebritatem in hoc mundo, more illorum qui turrim Babilonicam ædificare aggrediebantur, dicentium Genes. ii. Celebremus nomen nostrum antequam dividamur in universas terras.* Vel eorum de quibus Ps. 48. *Vocaverunt nomina sua in terris.* Sed laborandum ut nostra nomina scribantur in cælo juxta illud Christi Salvatoris. Luc. 10. *Gaudete quia nomina vestra scripta sunt in cælis.* 2. Non doleamus, neque ideò nobis ipsis displiceamus, quòd obscuri, ignobiles, vel parum famosi, ac celebres in hoc mundo simus, vel habeamur: Sed consolemur nos Christiano nomine, quo nullum gloriosius esse potest. Cogitemus vera esse illa verè aurea D. Hieron. verba l. 2. ep. 2. *Nescit religio nostra personas accipere, nec conditiones hominum, sed animos inspicit singulorum Servum & Nobilem de moribus pronuntiat. Sola apud Deum libertas est non servire peccatis. summa apud Deum nobilitas est clarum esse virtutibus.* Nam & aliàs, inquit, frustra sibi aliquis de nobilitate generis applaudit, cum universi paris ho-

noris & ejusdem pretii apud Deum sint, qui uno Christi Sanguine sunt redempti nec interest quâ quis conditione natus sit, cum omnes in Christo renascamur aequaliter. 3. Si quis forte infamiâ injustè nomen nostrum aspergat, in odium ac invidiam vocet propter justiciam vel pietatis causam, dicatque nos Christianos hypocritas, scrupulosos &c. vel etiam ob Christum nos affligat, persequatur, doloribus & ærumnis afficiat, non dolendi sed gaudendi nobis materiam præbet. Unde B. Petrus 1. Petr. 4. *Nemo vestrum patiat ut homicida, aut fur &c. si autem ut Christianus &c. gaudeat in isto nomine.* In hoc nomine gloriabatur Martyr quidam apud Euseb, lib. 5. cap. 1. qui à Judice interrogatus quod ei nomen, & unde esset: aliud nihil, licet maximis tormentis excarnificatus, respondit, neque respondere voluit, quàm illud, *Christianus sum.* Simile quid ibid. refert de S. Blandina, quæ in maximis & exquisitissimis tormentis hæc proferebat. *Christiana sum, & nihil apud nos admittitur sceleris.* Meminerimus ergo & nos, Christianos nos dici, & respondeamus nomini nostro, Christi que imitatores efficiamur. *Conversatio enim Magistri, forma est discipuli,* ait D. Leo. *Et frustra dicimur Christiani si non fuerimus imitatores Christi.* Et D. Ignatius M. *Dignum est non solum nos vocari Christianos, sed etiam esse. Non enim dicere, sed esse facit beatum.* Rursum D. Leo. *Agnosce Christiane dignitatem tuam, & iam divina consors factus natura, noli iterum in veterem vilitatem degeneri conversatione redire.* Hanc dignitatem explicat D. Petrus, dum ait 2. Petr. 1. *Omnia nobis videtur dedisse &c.* Et Paulus Coloss. 3. *Deum dignos nos fecit.* Hanc etiam dignitatem agnoscebat S. Agatha, Breviar Rom. Feb. 5. *Cum enim Quintianus Tyrannus ei objiceret servilem vitam Christianorum, dicens. Nonne te pudet Nobili genere natam, humilem & servilem Christianorum vitam agere?* Sapienter respondit.

dit. *Mulio præstantior est Christiana humilitas Regum opibus & superbiâ.*

Danda est igitur nobis strenuè opera, ut postquam hæc tam honorifica & gloriosa sortiti sumus nomina, retineamus & tueamur nominum nostrorum gloriam, honorem & splendorem, nec ea malefactis inhonoremus atque deturpemus. Aut si quid tale humanâ fragilitate nobis evenerit, maculam illam & dedecus mox abluere curemus, alioquin futurum ut nomina nostra deleantur de libro viventium. Si autem ea sanctis moribus & virtutibus honorare & exornare studuerimus, futurum est, ut gloriosa sint & celebria, & ut suavissimæ fragrantia odor, non in terram hanc tantum, sed in coelum quoque ipsum, spargant atque diffundant, utque immortalitate dotata scribantur in albo electorum, ac libro vitæ, unde nunquam deleantur. Imò, ut aliud longè honoratius nomen, magnificentius, & gloriosius in futuro sæculo consequamur, verè Regium, Coeleste, & Divinum. Christianorum enim dignitas non tam in terra, quàm in coelo posita est, teste D. Aug. l. quæst. utriusque testamenti, cujus dignitatem, majestatem, splendorem, ac pulchritudinem nulla lingua eloqui, mens nulla concipere possit. Idque gratiâ & misericordiâ D. N. Jesu Christi, qui propterea Jesus in terris hodie appellari dignatus est, ut Anonymi cum essemus, nomen nobis aliquod in coelis, & inter electos suos, adeoque æternum & immortale comparare ac promereri posset juxta illud. *Nomina eorum vivent in generatione, & generationem.* Cui sit cum Patre & Spiritu Sancto honor & gloria in sæcula sæculorum.

STRENA IV.

De Renovatione & novo Cantico.

Hortatur nos Apostolus non in uno loco ut exuamus veterem hominem, & induamus novum Ephes. 4. Depo-
 nite vos, &c. *Et induite novum hominem qui est secundum*
DEUM. Quibus verbis singulos nostrum monet, ut depositam ve-
 teri pannosam ac sordidam peccatorum veste, quam à primo no-
 stro Parente accepimus, induamus novum justitiæ vestimen-
 tum, quod secundus noster Adam confecit, & de coelo nobis
 detulit. Adeundem ferè modum & alibi scribit, Col. 3. *Ex-*
poliantes vos veterem hominem cum actibus suis, & induentes no-
vum &c. Et iterum Rom. 12. *Nolite conformari huic saeculo, &c.* Et
 rursum Rom. 6. *Scientes quia vetus homo simul crucifixus est, &c.*
 Quam Apostoli doctrinam de novo & vetere homine ut melius
 intelligamus, sciendum est; Adamum antequam peccasset, fu-
 isse novum hominem seu novam creaturam, nosq; etiam futu-
 ros fuisse novos, si in eo non peccavisset. Quod novum est,
 plerumq; purum est, firmum, ac forte. Merito proinde novus
 tum Adam erat, quia purus à sordibus peccati, fortis ad resi-
 stendum peccatis, firmus ad perseverandum in accepta justi-
 tia, si voluisset. At verò peccando, vetus effectus est; quia
 quod vetus est, impurum est, infirmum, ac debile. Fa-
 ctus est impurus, quia vitio corruptus, factus est infirmus
 ad resistendum deinceps peccatis & tentationibus. Hæc
 enim animadversione à DEO percussus fuit, ut qui cum posset
 noluerat; jam velit & non possit. De quo vide Aug. lib. 11. de
 Genes. ad lit. cap. 4. & seqq. & in Pl. 77. Denique effectus est de-
 bilis ad operandum, ad perseverandum diu in accepta justitia,
 nisi speciali Dei gratia adjuvaretur. Vetus ergo homo non est
 aliud, quàm verustas & corruptio vitiorum, quam per Adæ pec-
 catum

catum contraximus: Cujusmodi est concupiscere, desideria carnis perficere, voluptatibus indulgere, pravis inclinationibus obtemperare, carnisque motibus consentire. Hæc est Adami tunica quam exuere monet Apostolus. Non verò sufficit ut hanc solam exuamus, sed monet insuper ut induamus novum secundi hominis indumentum, seu novum hominem cum virtutibus suis. De quo Roman. 13. *Induimini D. N. JESUM Christum, Christum verò induimus, cum ejus sanctitatem, innocentiam, puritatem, & vitæ castimoniam pro viribus imitamur, cum virtutum exercitiis strenuè operam navamus, & à peccatorum sordibus nos quàm maximè alienos reddere laboramus. Hanc vestem vobis pro Strena dabo.*

Prior qui nobis suadet ut hanc vestem induamus, induit ipse Paulus, cum ita confidenter Gal. 2. *Vivo ego jam non ego, vivit verò in me Christus.* Hoc vestimentum si imposuerimus nunquam sordescemus nisi illud deposuerimus. Chrysof. serm. 13. in cap. 4. Ephes. in moralib. exhortat. *Nunquam adeò turpe est homini nudo esse corpore, atq; virtute. Quod si nudum aliquem, dic quæso, per forum incedere videres, non doleres? cum ergo tu, præter hoc indumentum justitiæ nudus discurras, quid quæso dicemus? non vides mendicos illos quos lotagas vocare debemus, quo pacto circumceant, & quomodo illorum misereamur? Veruntamen nihil venierentur neque enim illis ignoscimus, siquidem taxillis ludendo vestimenta perdunt & amittunt. Quomodo ergo DEUS ignoscet nobis hoc novum indumentum perdentibus? Diabolus enim si quando nudum virtute repererit quempiam, mox faciem ei polluit & offuscat, vulnerans etiam, & ad mala magna cogens. Nudi simus pecuniis, ne nudi reddamur delituamurq; justitiâ. Pecuniarum indumentum justitiæ vestem ledit ac perdit. Est enim spinarum amictus, tales verò sunt spina, & quanto plures nobis circumdederimus, tanto erimus nitidiores. Et lascivia quoq; justitiæ vestem nobis adimit, ignis enim est. Ignis verò hujus indumenti consumptivus est. Divitiæ tineæ sunt quemadmodum tineæ cuncta permolitur, ita & divitiæ.*

Ista itaq; abiciamus omnia ut iusti reddamur, novumq; induamus hominem. Sed ista fufius sunt exponenda. Ut ergo accedamus ad novam vestem, seu renovationem, sciendum est ex D. Aug. l. 14. de Trin. c. 17. renovationem hanc non momento uno fieri, sicut momento uno fit illa in Baptismo renovatio, remissione scilicet omnium peccatorum, ubi nec unum quantulumcunq; remanet quin remittatur; sed quemadmodum aliud est carere febribus, aliud ex infirmitate quæ febribus illata est revalescere. Itē, aliud est infixum telum de corpore demere, aliud vulnus quod eo factum est secundā curatione sanare. Ita prima curatio est causam removeere langvoris, quod per omnium fit indulgentiam peccatorum; secunda, ipsum curare langvorem, quod fit paulatim proficiendo in renovatione nostræ imaginis, quæ demonstrantur in Ps. 102. ubi legitur. *Qui propitiatur omnibus iniquitatibus tuis,* quod fit baptismo. Deinde sequitur. *Qui sanat omnes langvores tuos,* quod fit quotidianis accessibus cum hæc imago renovatur. De qua re Apost. 2. Cor. 4. apertissimè locutus est. *Et si exterior homo noster corrumpitur, sed interior renovatur de die in diem, renovatur autem in agnitionem Dei,* hoc est, in justitia & sanctitate veritatis, qui sic de die in diem proficiendo renovatur, transfert amorem à temporalibus ad æterna, à visibilibus ad invisibilia, à carnalibus ad spiritualia. Atque ab istis cupiditatem frænare atque minuere; illisque se charitate alligare diligenter insistit. Huic doctrinæ D. Augustini D. etiam Bern. Serm. de Coena Domini consonat. *Dixi vobis sapius, nec mente excidere debet, quemadmodum in casu primi hominis omnes secidimus. Cecidimus autem super acervum lapidum, & in luto, unde non solum inquinati sed & vulnerati, & graviter quassati sumus. Lavari quidem possumus citò, ad sanandum verò opus est curatione multâ. Lavamur igitur in Baptismo, quo deletur chyrographum damnationis nostræ, & gratia hæc nobis confertur, ne jam nobis concupis-*

centia

centia noceat, si tamen à consensu abstineamus, atq; ita tanquam sanies inveterati ulceris remouetur, dum tollitur damnatio, & responsum mortis quod prius inde manabat.

Sed quis poteris tam effer os motu frangere? quis pruritus ulceris hujus ferre queat? confidite quia & in hoc gratia subuenit, & ut securi sitis, Sacramenti Dominici corporis & sanguinis Christi investituram habetis. Duo enim illud Sacramentum operatur in nobis, ut videlicet & sensum minuat in minimis & in gravioribus peccatis tollat omnino assensum, si quis vestrum non tam citò modò, non tam acerbos iracundie sentit motus, invidia, luxuria, aut ceterarum hujusmodi, gratias agat corpori & sanguini Domini, quoniam virtus Sacramenti operatur in eo, gaudeat quòd pessimum ulcus accedat ad sanitatem. Sic Bernardus insinuat hanc de qua loquimur renovationem paulatim perfici per Sacramentorum usum & frequentationem, potissimum SS. Eucharistiæ. Hujusmodi porrò innovationem docent nos creaturæ irrationales, Serpens & Aquila, Phoenix, quas nobis Scriptura proponit.

Serpens cum se gravatum experitur senio, veterem pellem ut exuat facit quinque, eadem nos imitari convenit. 1. Diebus aliquot abstinet ab alimento. 2. Quendam herbam amarā comedit. 3. Se immergit aquæ & se abluit. 4. Foramen petrae violenter intrat, veteresque deponit exuvias. 5. Calori se exponit ut novam pellem fortificet ac induret. Hæc nos etiam facere oportet, qui vetere homine sumus prægravati, & spiritu mentis cupimus renovari. Primò domandum est corpus abstinentiâ & jejuniis & castigationibus. Ita fecit Judith de qua cap. 8. *Erat Judith cilicium habens ad carnem & jejunans.* Eccl. 1. Cor. 9. Paulus de se dicit. *Castigo corpus meum & in servitutem redigo.* 2. Comedenda nobis amara herba, hoc est, eliciatur contritio peccatorum, ut verè possimus dicere Ilai. 38. *Recogitabo tibi omnes annos meos in amaritudine anima mea.* 3. Lavanda la-

erymis anima, ut fecit ille qui dixit Pl. 6. *Lavabo lectum meum, lacrymis rigabo stratum meum.* 4. Foramina petræ, id est, vulnera Christi, qui Petra dicitur in Scriptura, per devotam meditationem conemur intrare, & ibi antiquam peccatorum pellem deponere ac relinquere. 5. Exponamus nos Soli Justitiæ, ut novus homo confirmetur, & nova pellis induretur, ac bonis operibus assuescat. Ad hæc omnia Christus D. nos exhortari intendit, cum serpentinam prudentiam nos vult imitari Matth. 10. *Estote prudentes sicut serpentes.*

Jam verò quoad Aquilam, dicit Pl. 102. *Renovabitur ut aquila inventus mea.* De qua renovatione Authores diversa tradunt. Quidam dicunt, Aquilam postquam senuerit, pennis gravari, & oculis fieri obtusis, ut nec altè volare, nec solis radios directè intueri possit. Sentiens ergo se deficere in istis, in quibus maximè solita est prævalere: fontem quærit, in quem se ter immergit, & sic veteribus plumis exuitur, & novis postea succrescentibus induitur, pristinoque vigori restituitur, & quodammodo juventutem recuperat, reparat etiam oculorum aciem. Scribunt alii, Aquilam quolibet decennio donec ad centum pertingat annos, ignem petere elementarem, & ab illo ambustis pennis sese in mare dejicere, indeque novas illi plumas succrescere, ac ita redire in juventutem. Ad eundem modum cum nos ipsos peccatorum pondere prægravatos senserimus, ut cælestia petere nequeamus, mentisque aciem peccatorum caligine obscuratam in Solis Justitiæ splendorem derigere non valeamus, in fonte lacrymarum nos expurgemus & renovemus. Quem fontem desiderabat Jeremias cum diceret cap. 9. *Quis dabit capiti meo aquam, & oculis meis fontem lacrymarum?* Per hunc fontem mentis puritas & novitas acquiritur. Sicut enim post longam pluviam sequitur magna ænis claritas, sic post multos lacrymarum imbres magna oritur mentis serenitas. Alii tamen

cum

eum S. Aug. in Pl. 102. dicunt. Aquilam cum ad senectam devenit, rostrum acquirere aduncatum superiori labio super excrecente inferiori, ita ut hic uncus quo incurvatur rostrum superius supra inferius non patiat eam cibum sumere, atque ita necessario viribus deficere, quod ubi sentit, naturali quâdam industriâ, ad petram advolans, & attemperans rostrum attritione, aufert impedimentum cibi sumendi. Impedimento sublato cibum sumit, viribus reparatur, ac modo quodam rejuvenescit. Hunc rejuvenescentis aquilæ modum imitari studeamus. Est autem hoc aduncum rostrum, ratio, seu voluntas ad pravam sensualitatem inclinata, fomiti pravo, qui internè habitat, condescendens, & peccato illi quod in carne habitat, consentiens. Ab hoc enim aduncato rostro impeditur homo ne cibum animæ sumat ad salutem & veram vitam necessarium, de quo cibo per Salvatorem dicitur. Joan. 4. *Meus cibus est ut faciam voluntatem ejus qui misit me.* Et iterum Joan. 6. *Operamini non cibum qui perit, sed qui permanet in vitam æternam.* Et rursum. Matth. 4. *Non in solo pane vivit homo &c.* Hunc panem sumere non potest qui rostrum habet aduncatum & incurvatum, atque ita continuo defectu in seipso contabescat, & tendat ad interitum necesse est. Quemadmodum conqueritur Pœnitens ille qui dicit. Pl. 108. *Percussus sum ut fœnum, & aruit cor meum, quia oblitus sum comedere panem meum.* Hic igitur ne pereat & morti æternæ succumbat, accedat ad Petram, Petram inquam mysticam, Christum D. ad eum aduncatum hoc rostrum atterat & allidat. Pl. 146. *Beatus qui allidit parvulos suos ad Petram.* Id est. Qui omnes pravos concupiscentiæ suæ motus, & pravas inclinationes, contemplatione Passionis Christi frangit & atterit, rostrum sic cōtritum ipse pro sacrificio acceptabit Pl. 50. *Sacrificium Deo Spiritus contribulatus, cor contritum & humiliatum Deus non despiciet.* Ubi autem hoc peccator effecerit, tum panem quem comedere oblitus fuerat, resumet: tum iterum

gratia Dei & verbo ejus pascetur, tunc exultabunt ossa humiliata, reparabitur virtus spiritus, creabitur cor novum, spiritus rectus innovabitur in visceribus, & redibit læticia salutaris DEI.

Quod nunc ad Phœnicis renovationem attinet. Scribit S. Ambr. lib. 5. Hexam. cap. 23. Phœnicem, ubi quingentis annis vixit, & vitæ suæ finem adesse præsentit, construere sibi nidum quasi thecam de thure & myrrha cæterisque odoriferis lignis, in quam intrans se comburit, de cinere oriri vermem qui paulatim adolescens, alarum remigia acquirit, tandemq; novi Phœnicis speciem & naturam induit. *Fac & tu*, ait idem Doctor, *tibi thecam, expolians veterem hominem cum actibus suis, novumq; indue. Theca tua fides est, imple eam bonis virtutum odoribus, agnosce diem mortis tuæ. Intravit Paulus thecam suam dicens 2. Tim. 4. Bonum certamen certavi, cursum consummavi, fidem servavi: implevitq; thecam thure Fidei, odore Martyrii.* Phœnix ergo ut renovetur, thecam ingrediens seipsum comburit: sic tu dicas cum S. Job 29. *In nidulo meo moriar, cordisq; tui thecam ingressus consumas & exuras vetustas peccatorum tuorum cōsuetudines & inveteratas cōcupiscentias carnis tuæ, contemplatione ignis infernalis & horribilis gehennæ, ut ille fecit qui dixit. Pl. 76. Annos aternos in mente habui, meditatus sum nocte in corde meo, exercitabam & scopebam spiritū meum. Cogita, ut monet Basil, in Pl. 33. Profundum barathrum, inextricabiles tenebras, ignem carentem splendore, urendi quidem vim habentem, sed lumine privatum, deinde vermium genus venenum emittens ac carnem vorans, postremo appropriū illud & confusionem sempiternam. Hac time, & hoc timore animam suam à peccatorum tuorum concupiscentia, tanquam frano quodam reprime. Jam verò cinis in quem Phœnix convertitur, & vermis qui inde nascitur, repræsentant considerationem mortis, quæ est efficacissima ad novam vitam inchoandam,*

andam novumque hominem efficiendum. S. ergo Jobum 17. imitare qui dicit. *Putredini dixi, Pater meus es: mater mea & soror mea vermis.* Dic cum Abrahamo Gen. 18. *Loquar ad D. DEum meum, cum sim pulvis & cinis.* Memento quotidie quia cinis es, & in cinerem reverteris. Dic cum Propheta Pl. 21. *Ego vermis & non homo.* Hæc dicendo, & seriò cogitando pennarum remigia acquires, quibus ad cœlum evolare poteris, cujusmodi sibi postulat qui dicit. Pl. 54. *Quis dabit mihi pennas ut aquila, &c.*

Hoc de renovatione trium dictorum animalium ad instructionem nostram. Renovamini ergo in novo hoc anno, & omnia corporis membra quæ primò fuerunt vitiorum instrumenta, convertite in virtutum instrumenta juxta Apostolicam admonitionem Rom. 6. *Sicut exhibuistis membra vestra, &c.* Et iterum ibid. *Non exhibeatis membra vestra arma, &c.* Sic ergo vivite hoc anno, ut de vobis liceat dicere: Cor. 6. *Hæc fuistis aliquando, id est variis obnoxii vitiis sed abluti estis, &c.* Sint mores in melius mutati ut quilibet de se dicere valeat, quod Juvenis quidam, de quo S. Ambr. lib. 2. de pœnit. cap. 2. *Ego non sum ego.* Id est, non sum amplius fornicator ut fui, luxuriosus, ebriolus, &c. ut fui. Adolescentem, inquit S. Doctor, quendam ferunt propter amores meretricios peregrè profectum, & abolito amore regressum, postea veteri occurrisse dilectæ, quæ ubi non interpellata, putabat se non cognitam, & rursus occurrens Juveni dixit. *Ego sum, respondit ille, sed ego ille non sum.* Rogemus DEum, ut nobis det cor novum, & spiritum novum Ezech. 11. ut auferat cor lapideum, & det carneum. ibid. 37. cujusmodi post multas preces tandem obtinuit D. Aug. ut de se pulchrè scribit, & confitetur 8. Confess. 11. & 12. Similiter S. Cypr. lib. 2. epist. 2. & Apostolus qui ex lupo factus est Agnus, ex persecutore acerrimus Ecclesiæ defensor, ex raptore Doctor gloriosus &c.

Hanc

Hanc de qua agimus renovationem etiam novus hic Puer Bethleemicus nos docet, qui & ipse admirandam novitatem in seipso exhibuit, & omnia fecit nova. Factus est enim nobis novus Adam, qui simul sit & Deus & homo. Factus est novus Adam non de terra terrestris, sed de cælo cælestis. Novo modo conceptus absque virili semine. Novo modo de Virgine natus Matris integritatem non violans. Unde Jeremias 31. *Novum creavit Dominus super terram, femina circumdabit virum.* Idem novum assumpsit nomen Isai. 62. *quod os Domini nominavit.* Idem novo modo per novam stellam innotescere mundo voluit. Novi testamenti Author, novi consilii Angelus, novus legislator, novam ferens doctrinam, novam gratiam: Sacramentorum quoque innovator, novarum beatitudinum promulgator, novorum miraculorum patrator, novæ vitæ in humilitate, paupertate, castitate &c. inchoator, novum novi anni Sacrificium. Deniq; totus novus per resurrectionem. Et hæc quidem in præsentī vita, in futura quoque faciens omnia nova, novos coelos, novam terram, novam Jerusalem, nomen daturus novum in calculo candido, innovaturus quoque ut Aquilæ juventutem nostram, totam postremò immutaturus ac innovaturus naturam. Cùm ergo omnia novus hic Rex faciat nova, cùmq; omnia innovet in hac vita, & in futura: quomodo nos in verustate nostra manebimus? quomodo non etiam omnia innovabimus? *Recedant igitur recedant vetera, nova sint omnia, corda, voces, & opera.* Voces, inquam, nam & novum canticum cantare jubet Propheeta Regius omisso veteri Ps. 32. *Cantate Domino canticum novum, bene psallite ei in vociferatione.* Et Ps. 143. *Deus canticum novum cantabo tibi, in psalterio decachordo psallam tibi.* Forsitan quæres, quodnam sit canticum illud vetus quod amodò cantare non oporteat? rursus, quod sit novum canticum, quod sit deinceps cantandum? Canticum vetus est, tota veteris & carnalis hominis con-

nis conversatio, cum omnibus desideriis, affectibus, dictis, & actibus suis. Hoc vetus canticum canunt, qui nihil nisi terrena & carnalia sapiunt, & quorum cogitationes & studia in his versantur. De his solliciti, secum loquuntur & cum aliis, nec de rebus coelestibus vel mentionem faciunt, in illis solis confectandis occupantur. Quorum denique in his otium & negotium.

E contrario verò novum canticum est, spiritualis justificatio & novi hominis vita: pura, sanctaque desideria, sermones & colloquia, quæ ad pietatem & salutem æternam pertinent, quæ proximos ædificant. Opera deniq; misericordiæ, justitiæ, castitatis, sobrietatis, cæteraque omnium virtutum officia. Hoc est quod D. Aug. breviter dicit in Pl. 149. *Vetus homo, vetus canticum: novus homo, novum canticum. Vetus Testamentum, vetus canticum. Novum Testamentum, novum canticum. In veteri Testamento promissiones sunt temporales & terrena, quisquis terrena diligit, vetus canticum cantat. Qui vult cantare canticum novum, diligat æterna. Et rursum in Plal. 97, Vetus cantat cupiditas carnis, novum cantat charitas Dei. Quidquid cantaveris de cupiditate, vetus cantas. Et si non sonant in ore verba cantici novi, non est speciosa laus in ore peccatoris. D. Prosper Augustinum secutus sentent. 82. Canticum novum est carmen fidei, quæ per charitatem operatur. Iterum novum canticum est gratia novi testamenti. Hanc gratiam qui acceperunt & secundam eam vivunt, Deo non saeculo & carni servientes, hi novum cantare dicuntur, idè verò novum quod non à veteri Parente Adam edocemur, sed à novo homine Christo, non per veterem generationem, sed per novam regenerationem & lavacrum, non per carnem & sanguinem, sed per aquam & Spiritum Sanctum.*

Vetus canticum nostrum fuit quod ab Adamo & Eva didicimus, quo culpam agnoscere nolumus Gen. 3, sed in alios rejicimus. Recedat hoc vetus canticum, & cantemus novum, dicamusque cum Davide 2, Reg. 24. *Ego sum qui peccavi, qui iniquè egi.*

Confitebor adversum me in iustitiam meam Domino. Pl. 31. Peccatum meum contra me est semper. Et cum Daniele cap. 3. Peccavimus, injustè egimus, iniquitatem fecimus. Et cum Publicano Luc. 18. DEUS propitius esto mihi peccatori. Prov. 28. Confiteamur peccata nostra & relinquamus ea, ut misericordiam consequamur. 1. Joan. 1. Fidelis est enim DEUS ut nobis remittat &c. In operibus bonis vetus est canticum, quo nobis tribuimus, & in iis gloriamur tanquam non accepissèmus. Recedant hæc vetera cantica, & audiantur nova, ut qui gloriatur 2. Cor. 10. in Domino gloriatur. Et Pl. 118. Non nobis Domine non nobis, sed nomini tuo da gloriam. Et Isai. 26. Tibi Domine gloria, nobis autem confusio faciei. Et, Non ego, sed gratia DEI mecum. Omnia opera bona operatus es in nobis Domine. In adversis & tribulationibus vetus est canticum, DEO obmurmurare, & cum Judæis occinere, Ezech. 18. Patres nostri comederunt uvam acerbam, & dentes filiorum obstupuerunt. Cesset hoc vetus canticum, & dicamus novum. Omnia que fecisti nobis Domine in recto iudicio fecisti. Iustus es Domine, & rectum iudicium tuum. Omnia bene fecit. Job. 1. Dominus dedit, Dominus abstulit &c. Et 1. Reg. 3. Dominus est, quod bonum est in oculis suis faciat. In rebus prosperis vetus canticum est. Luc. 12. Anima mea habes multa bona, &c. comede, epulare. Vetus canticum est Sap. 2. Nullum pratum sit, quod non pertranseat luxuria nostra. Sileant hæc cantica, audiantur nova, Pl. 15. Dominus pars hereditatis meae. Pl. 72. Domine quid mihi est in celo, & quid volui super terram? Philip. 3. Omnia arbitratus sum ut stercore, ut Christum lucrifacerem. In sumenda vindicta canticum vetus est. Vicem pro vice. Cesset hoc vetus canticum, canamus novum. Ignosce illis quia nesciunt quid faciunt. Luc. 23. & Act. 7. Ne statuas illis hoc peccatum. De morte vetus canticum. Siccine separas a-mara mors? Et Eccl. 41. O mors quàm amara est memoria tua! Non audiat hoc ultra, sed novum. Philip. 1. Cupio dissolvi & esse cum

se cum Christo. Et, *Mihi vivere Christus, & mori lucrum*, Et Luc. 2.
Nunc dimittis Domine servum tuum in pace. Et Ps. 4. *In pace in idipsum dormiam & requiescam.* Et Matth. 26. *Si non potest hic calix transire à me, nisi bibam illum, fiat voluntas tua.* Canticum vetus est. *Bibamus, edamus, cras enim moriemur.* Suspendantur hæc organa, & audiantur nova. 1. Petr. 5. *Fratres sobrii estote.* &c. Luc. 1. *Videte ne graventur corda vestra in crapula & ebrietate.* Et Rom. 14. *Non est regnum DEI esca & potus.* *Cantate Domino canticum novum, cantate omnis terra.* Nec sufficit ut lingvâ & ore canamus, sed curandum, ut animus & cor à lingva non dissi- deant. Nec aliud verbis, aliud vitâ, operibusque canatur, sed canticum cum cythara conjungatur. Psal. 32. *In Psalterio decem chordarum psallite ei.* Decachordum Psalterium juxta D. Aug. in Ps. 9. significat decem præcepta legis. *Non est speciosa laus in ore peccatoris. Laudat verbo, blasphemat vitâ. Laudat canticum in verbis, sed non cytharâ in opere. Si verba sola dicis quasi canticum solum habes, cytharam non habes. Non valdè aures mea inclinantur ad vocem cantoris, sed quæso morem operantis,* inquit idem in Ps. 149. *Benè canit, qui glorificat, & portat DEum in corpore suo.* 1. Cor. 6. *Benè canit qui voluntatem Patris coelestis facit. Benè canit qui in omnibus gloriam DEI quærit, sive manducet, sive bibat, sive alud quidquam agat.* 1. Cor. 10. *Benè canit, qui in omni tempore Dominum benedicit, & in cujus ore laus semper ejus.* Ps. 78.

Implemini ergo spiritu, loquentes vobismetipsis in psalmis, & hymnis & canticis. spiritu cantâtes, & psallentes in cordibus vestris Domino. Ephes. 5. Et Col. 1. *Gratias agentes Deo & Patri qui dignos nos fecit in participatione sortis Sanctorum, in lumine, qui eruit nos de potestate tenebrarum, & transtulit in regnum dilecti Filii sui.* Si sic cantaverimus in hac vita, futurum est ut in æterna vita canamus canticum novum Beatorum, de quo D. Joann. Apocal. 5. *Quatuor animalia & viginti seniores ceciderunt coram Agno, ha-*

bentes singuli phialas, & cytharas aureas plenas odoramentorum, qua sunt orationes Sanctorum. Et cantabant canticum novum dicentes, Dignus es Domine &c. Et rursum ibid. Dignus est Agnus. &c. Et iterum. Sedit in throno & Agno, benedictio, & honor, & gloria, & potestas in saecula saeculorum. Denique cap. 4. Sanctus, Sanctus, Sanctus. &c. Et. Dignus es Domine DEUS noster accipere gloriam, & honorem & virtutem, quia tu creasti omnia, & propter voluntatem tuam erant, & creata sunt. Beati, ergo, qui habitant in domo tua Domine in saecula saeculorum laudabunt te. Isai. 38. *Novas semper harmonias vox meloda concrepet, in jubulum prolata mulcent omnes organa. Digna, per quem sunt victores, Regi dant praemia.* Ut canit S. Aug. in lib. de gloria paradisi.

STRENA V.

De Tempore, & tempeſtiva Poenitentia.

Sil quis nostrum ritè perpendat, justamque ad crutinam libret, non tantum SS. Patrum, verum etiam Ethnicorum vitam, is facile advertet, quam plerique Christianorum hujus aevi sint ipsis dissimiles, tum multis aliis in rebus, tum vel maxime in habenda temporis ratione, eoque fructuose & salubriter expendendo. Solebant enim hic non tantum SS. illi Patres ac Catholici Doctores, Cyprianus, Basil. Chrysoſt. Ambr. Hieron. aliique innumeri sanctissimi Viri, sed etiam Ethnici plurimi exactissimam habere temporis rationem, cum scirent nihil eo pretiosius inveniri, nec aurum ullum, nedum argentum illi conferendum. Hinc illud dictum Lycurgi. *Rectè eruditi temporis rationem habent.* Hinc & illud Democriti. *Pretiosissimum impendium tempus.* Hinc Theophrasti. *Sumptuosissimus tempus.* Hinc denique temporis aestimationem & usum Lucilio commendans epist. i. *Vindica tibi & tempus quod adhuc vel auferatur, vel surripiebatur, aut excidebat, collige & serva. Persuade tibi sic esse, ut scribo. Quadam tempora eripiuntur nobis,*

nobis, quadam ſubducuntur, quadam effluunt. Turpiſſima tamen eſt jactura quæ per negligentiam venit. Et ſi volueris attendere, magna vitæ pars elabatur malè agentibus, maxima nihil agentibus, tota aliud agentibus. Quem mihi dabis qui aliquod pretium tempori ponat, qui diem æſtimet? Sanè Plinius omne illud tempus periſſe arbitrabatur quod ſtudiis non impendiſſet, Titus Veſpaſiani Filius qui in ultionem Dominici Sangvinis, ut ait Hieron. in 5. ad Galat. ſubverſis Jeruſolymis, Romam victor ingreſſus tantæ dicitur fuiſſe bonitatis ut cùm quâdam nocte ſerò in cœna fuiſſet recordatus, quòd nihil boni illa die feciſſet, dixerit amicis. Hodie diem perdiidi. Dixit hoc ille ſine lege, ſine Evangelio, ſine doctrina Chriſtiana.

Verùm ſi nos quotquot Chriſti nomine gloriamur, ſervaremꝰ collectionem noſtram, ac diligenter revolveremꝰ quemadmodum tranſegerimus elapſa pridem tempora, poſſemꝰ, atq; adeò deberemꝰ ſimilem in modum exclamare. Amici perdiidimus diem. Quid verò dum? imò hebdomodam, quid hebdomadam? imò menſem, quid menſem? imò annum. Vix quidquam à nobis boni præſtitum elapſo hoc anno, nulla vitæ emendatio ſecuta eſt. Quales fuimus primo anni præcedentis die, tales & heſterno eramus, qui fuit ultimus. Priore anni die eramus ſuperbi, vinolenti, luxurioſi, ebriofſi, injuſti, invidi, avari, &c. tales & noviffimus anni dies nos invenit. Heu perdiidimus diem & annos, perdiidimus tempus, tempus inquam tam pretioſum. Hanc tamen jacturam vix ſecum aliquis noſtrùm perpendit, multò minùs deplorat. Verùm, hanc cæcitatem plangit in multis S. Bern. ſerm. ad Soror. *Nihil pretioſius tempore, ſed heu nihil hodie vilius invenitur &c. O donec tranſeat tempus, quo divinam propitiare debueras pietatem, properare ad Angelicam ſocietatem, ſuſpirare ad amiſſam hæreditatem, excitare remiſſam voluntatem, flere commiſſam iniquitatem.* Dicere ſolent iſtius modi temporis decoctores, ut quid anxie curemus horulas, non nos
ipſis,

ipsis, sed ipsæ nobis factæ sunt? quasi verò ideo tempus in horas
 distinctum sit, non ut exacta ejus habeatur ratio, sed ut pro li-
 bitu bonæ horæ consumantur. Quid autem fiat in secretis an-
 gulis cubiculi, dum sic tempus deperditur, dum sic luditur, au-
 di disertè ita de se, & contra se scribentem eundem Bern. serm. 3.
 de Nativ. Dom. *Ludebam ego foris in platea, & in secreto regalis
 cubiculi super me ferebatur iudicium mortis, &c.* Addamus si pla-
 cet huic D. Chryst. hom. 57. in 9. Joann. *Propterea ingemisco,*
quia quod sit damnum, quod malum non intelligitur. Dedit tibi
DEus horam, ut eam coleres, tu eam incassum & inutiliter consu-
mis. Queris quod sit damnum? si vel parum argenti amiseris, id
omniò damnum æstimas: si totos dies in diaboli operibus consum-
pseris, nihil amisisse opinaris. Opus est in Sacrificiis & precibus vi-
tam omnem impendere: tu ad clamores, perturbationes, obscœna ver-
ba, contentiones, intempestivas voluptates, in tuum cõvertis detrimen-
tum. Et cum hac commiseris, quod damnum acceperis, interrogas?
neq; intelligis omnia potiùs amittenda, quàm tempus. Aurum a-
mittis, poteris recuperari, amissum tempus difficulter. Brevè nobis
in presenti præstatur vita, qua nisi utamur in necessariis, quid illuc
migrantes faciemus? Dic queso, si cui Filiorum præciperes ut aliquam
artem disceret, ille autem vel domi, vel alibi frustra tempus contere-
res, possetne apud Magistrum excusari? nonne diceret, convenimus,
tempus statuisti. Si tibi non cura est ut apud me incumbat arti fi-
lius, quomodo eum erudiemus? Hæc & vobis dicenda. Nam exiget à
vobis DEus rationem. Vobis, inquiet, tempus dedi, ut pietatem &
rectè vivendi artem erudiremini, vos incassum & inutiliter hoc
tempus consumpsistis. Proinde mirandum non est, tempus in
tremendo iudicio advocandum in nostri damnationem, testan-
te Jeremia Thr. 1. Vocavit adversum me tempus. Et ratio est illa,
quam Psalmista explicat Ps. 118. Tempus faciendi Domine dissi-
perunt legem tuam, id est, Tempus ad faciendum, ad laboran-
dum

dum in vinea Domini, atque ad operandam ſalutem, vobis datum eſt: id tamen non ſolum non præſtiterunt impii, ſed/ eo etiam in ſuperbiam abuſi diſſipaverunt legem tuam juxta illud alterius Scripturæ Job 24. *Dedit ei DEus locum pœnitentia, & ipſe abutetur eo in ſuperbiam.*

Aliquando ergo DEus ſumet ſibi tempus ut contra temporis proditores judicet, Pl. 74. *Cum accepero tempus ego juſticias judicabo.* Quomodo enim non judicabuntur injuſtitiæ, & temporis proditio, cum & ipſæ juſtitiæ judicandæ ſint? cum profectò nobis denegabit temporis horam, qui ſanguinem ſuum nobis non negavit. Jurat enim Angelus Apoc. 10. per viventem in ſæcula ſæculorum *quia jam non erit tempus.* Dum ergo habemus tempus Gal. 6. operemur bonum. Et Ephel. 5. Redimamus tempus, quoniam dies mali ſunt, & ſerò nimis deplorabimus meſſem tranſiſſe, finitam æſtatem, & nos ſalvatos non eſſe. Jer. 8. Cogitemus & illud Apoſtoli 1. Cor. 7. *Hoc itaq; dico Fratres tempus breve eſt.* &c. Et alibi 2. Cor. 6. *Ecce nunc tempus acceptabile, ecce nunc dies ſalutis.* Audiamus & illud Ezech. 7. *Venit tempus, appropinquavit dies, qui emit non latetur.* Vivamus tanquam citò morituri, quia incertum craſtinum viſuri. *Quis ſcit an adjicient hodierna craſtina vite tempora Dii Superi?* Illuxit quidem nobis primus dies anni hujus; ſed quàm multos putatis præcedentis anni initio qui ſubitam longam vitæ uſuram promittebant ut & hunc diem viderent, qui tamen jam diu à vermibus corroſi in ſepulchris jacent, quorum *vita præciſa eſt velut à texente* Iſai. 38. quosque ſuccidit DEus dum adhuc ferè ordirentur. Quàm multos etiam exiſtimatis nunc primo hujus anni die ſuperſtites, qui mira hoc eodem anno agere ac tractare proponunt, qui tamen ſequentis anni non videbunt lucem? Nos ergo qui Chriſti D. beneficio hucusque reſervati ſumus aliis interim ex hac vita ſubito ereptis dicamus
cum

cum Propheta Thren. 3. *Misericordia Domini quia non sumus præterito anno consumpti.* Et cum Pl. 93. *Nisi quia Dominus adjuvit me paulò minus in inferno habitasset anima mea.* Grati sumus Bethleemitico nostro Regi, qui vitæ nostræ tam longas concessit inducias. Oremus eundem, ut merito ac virtute suæ dolorosæ circumcisionis, ac pretiosi sanguinis hodiernâ die effusi, nobis gratiam largiatur, quâ adjuti præsentem annum transigamus cum omni pietate, justitia, ac sobrietate, ut in ipso fine anni sanctiores coram ipso inveniamur quàm in principio. Tum utiliter tempus nobis divinitus concessum, salubriterque expendentes, tunc sapienter tempus redimamus. Unde etiam confidenter cum Apostolo Tit. 3. expectare poterimus *beatam spem, & adventum gloria magni Dei, & Salvatoris nostri Jesu Christi &c.* Demus etiam hoc anno operam, ut, quemadmodum in rebus pretiosis facimus, magnâ circumspeditione, parsimoniâ, frugalitate, temporis thesauro utamur, eumq; sic dispensemus, ut in res cæteras, puta, cibum, potum, somnum, aliasque humanas necessitates, quàm parcissimè impendamus, maximam verò eus partem Deo & animæ nostræ salutem demus. Quin verò sufforemur aliquid non modò de jocis, lusibus, fabulis &c. sed de somno etiam matutino, ut vel hoc ipsum tempus Deo laudando, gratiisque agendis consecremus ad exemplum Davidis Regis, qui regni negotiis interdum occupatus lucis exortum antevertere solebat, ut de seipso testatur Pl. 118. dicens. *Præveni in maturitate & clamavi &c.* Et ibid. *Prævenere oculi mei ad te diluculo. &c.* Magna proinde cæcitas eorum qui hanc rem pretiosam negligunt, miserè perdunt, dissipant, atque profligant, otio, fabulis, lusibus, vanitatibus, & voluptatibus intenti & immersi. His justo Dei judicio contingit, ut quia dum tempus habent, eo ad salutem uti nolunt, postea dum volunt, tempus eis denegetur. *Veniet dies, inquit Christus Salvator, Luc 17.*

Quando

Quando desiderabitis videre unum diem Filii hominis, & non videbitis. Sic quidam narrante D. Gregorio 4. Dial. 38. clamavit in hora mortis. *Inducias usque ad mane!* nec tamen ipsi concessæ fuerunt. His enim simile quid accidit, quod Viatoribus qui dum in via interdum hærent, potant, ludunt, nec iter inceptum absolute proferant, nocte & tenebris ingruentibus, urbe excluduntur. Excitiamus ergo omnem sollicitudinem, vigilemus, laboremus, tempestive pœnitentiam agamus. Magnum in mora periculum, breve tempus est. *Securis ad radicem posita.* Matth. 3. *Omnis arbor quæ non facit fructum bonum, & quidem pœnitentiæ dignum, excindetur & in ignem mittetur.* Luc. 15. *Nisi pœnitentiam habueritis omnes peribitis,* clamat Salvator. Dum ergo adhuc maturum est, dum tempus favet, dum cœlorum regnum pœnitentibus patet, pœniteamus: ne post, elapsâ impetrandi occasione, clauso cœlorum ostio, serò frustra que pœnitentiam agamus, & ad ea deveniamus inferorum loca, ubi nunquam nec fletus, nec dentium stridor est defuturus, & quantumvis clamantes nemo sit qui exaudiat. *Quia enim vocavi,* inquit DEI Sapia Prover. 1. *& renuistis, despectistis omne consilium meum, &c.* Quare ne nobis idem eveniat, *quæramus Dominum dum inveniri potest.* Isai. 55. *Invocemus eum dum prope est.* Ambulemus, dum lucem habemus. Joann. 12. ne tenebræ nos comprehendant. Non tardemus converti ad Dominum, nec differamus de die in diem. Eccl. 5. *Subito enim veniet ira ejus, & in tempore vindictæ disperdet nos,* Eccl. 12. *Meminerimus Creatoris nostri in diebus juventutis nostræ, antequam veniat tempus afflictionis nostræ, & appropinquent anni de quibus dicamus. Non placent nobis, antequam tenebrescant, Sol, Stella, & Luna, & revertantur nubes post pluviam:* quando non clarè ob senium aspiciemus Solem & Lunam, & post egestam unam catharri nubem, alia veniet. *Quando commovebuntur custodes domûs, cum manus trement: & nu-*

*rabunt viri fortissimi, genua quæ totum corpus sustineant. Et
otiose erunt molentes, dentes non molent cibum collapto ad il-
lum appetitu, imminuto numero, & tenebrescent videntes per fo-
ramina, oculi, & claudent ostia in platea, cæteri sensus deficient,
in humilitate vocis molentis, & consurgent ad vocem volucris gal-
linacei ob inopiam somni, & obsurdescent omnes filia carminis,
aures, quia obturabuntur arteriæ, per quas sonus permeat.
Excelsa quoq; timebunt & formidabunt in via, timendo ascensum
montium & saxa. Florebit amygdalus, canescet caput. Impin-
gvabitur locusta, & dissipabitur capparitis, pro quo alii legunt, In-
curvabitur seu onerabitur dorsum, & dissipabitur concupiscen-
tia; quoniam ibit homo in domum æternitatis suæ, in sepulchrum.
Et circuibunt in platea plangentes, de morbo unus alteri signifi-
cando, antequam rumpatur funiculus argenteus, candida pellicu-
la cerebri, & recurrat vita aurea, flavescat cutis. Antequam
conteratur hydria supra fontem, & confringatur rota super cister-
nam, oculi crepent, ubi fons lacrymarum. Antequam ergo
hæc incommoda senectutis, & mala vicinæ mortis veniant, me-
mento Creatoris tui in diebus juventutis tuæ. Hæc igitur longâ
verborum serie, sermo nos monet Ecclesiastes, ut tempestivè
nos convertamus ad DEUM, poenitentiamque agamus in ju-
ventute, & nullo modo in ultimos differamus dies. Ob quas
etiam causas, stultum, periculosum, & præposterum est poe-
nitentiam differre in finem annorum vel in senium. Primò
quia tempus illud nobis incertum est, neque infallibiliter pro-
missum. Qui enim verè poenitentibus promisit veniam, pec-
cantibus non promisit vitam. Mors senibus est in porta, ju-
venibus in insidiis: illis à fronte, his à tergo. Illi debent citò
mori, isti possunt. Quid ergo putas te diu victurum, qui
nullum diem habes securum? hæc inani spe vitæ innumeræ
perie-*

perierunt animæ. Sic inter multos perit dives ille Evgangelicus. Luc. 12. Cujus ager cum uberrimos produxiſſet fructus, ſic intra ſe cogitavit, & dixit. *Quid faciam, quia non habeo horrea quò congregem fructus meos? hoc faciam, & destruam horrea mea, & majora faciam, & illuc congregabo omnia quæ nata ſunt mihi, & dicam animæ meæ. Anima mea habes multa bona, &c.* Interim dum infelix ita ſecum cogitat, audita eſt vox ſubitò illi dicens. *Stulte hâc nocte repetent animam tuam à te, & hæc quæ congregaſti cujus erunt?* Avicula ſedens in arbore quocunq̃e liber ſe evolare poſſe credit, ſed priusquàm evolaverit, eam inopinatus iſtus ſagittæ dejecit. Sic & tu longa vitæ promittis tempora, & mirabilia facere diſponis, & nescis an in veſperam ſis viſturus, & non ſubita morte, ut plurimis contigit, ſis abripiendus. Quænam ergò poteſt eſſe major inſania, quàm hominem propriâ ſuâ authoritate velle diſponere de tempore futuro, non aliter atq̃ue ſi ipſe eſſet Rex temporum, atq̃ue momentis, quæ Pater in ſua poteſtate poſuit, præſſet. Et ſi Filius DEI, Apoc. 1. & 3. ſolus habeat claves vitæ & mortis, ut claudat & aperiat, cui & quando illi placet, quomodo audet vilis homuncio, imò vermiculus hanc ſibi poteſtatem uſurpare?

Secundò, quia pœnitentiâ ſera rarò vera. Audi D. Aug. hom. 41. inter L. *Si quis poſitus in ultima neceſſitate ſua ægritudinis voluerit accipere pœnitentiâ, & accipit, & mox reconciliatus hinc abit, fateor vobis, non illi negamus quod petit, ſed non præſumimus quòd benè hinc exit. Si ſecurus hinc exierit, ego nescio, pœnitentiâ dare poſſumus, ſecuritatem dare non poſſumus. Nunquid dico, damnabitur? ſed nec dico, liberabitur. Vis ergo à dubio liberari? vis quòd incertum eſt evadere? age pœnitentiâ dum ſanus es. Si ſic agis, dico tibi, quòd ſecurus es, qui a pœnitentiâ egreſſus eo tempore quo peccare potuiſti. Si*

enim vis agere pœnitentiam, quando jam peccare non potes, peccata te dimiserunt, non tu illa. Ideò rursum idem salubriter monet de vera & falsa pœnitentia cap. 17. Nullus, inquit, existimet, qui peccare non potest. Arbitrii enim libertatem quarat, ut dolere possit peccata commissa, non necessitatem; qui prius itaq; à peccatis relinquitur, quàm ipsa relinquat, ea non tam liberè, quàm ex necessitate condemnat. Quem ergo serio pœnitet, oportet non solum demereri Judicem, sed diligere quæ sine charitate nemo salvus esse potest. Ideòque qui proferat pœnitentiam usque in horam mortis videtur is non ex voluntate, neque ex charitate, sed ex necessitate pœnitentiam agere. Talis videtur fuisse pœnitentia Semei 1. Reg. 16. quam fecit ob delictum in Davidem Regem commissum, cum à facie Absalonis fugeret, qui Semei cum jam videret ad Davidem victoriam inclinasse, considerans punitionem sibi verisimiliter instare, descendit cum viris de Benjamin, prostratusq; coram Rege veniam delicti rogavit. Quod cum Abisai vidisset, dixit. Nunquid pro his verbis nõ occidetur Semei qui maledixit Christo Domini? Sanctus verò Rex non ignorans quàm exigui meriti hæc fuerit pœnitentia, tunc quidè factum dissimulavit, tamen inultum noluit: Sed jam morti proximus non vindictæ cupiditate, sed justitiæ zelo, præcepit Filio suo ne pateretur illum innoxium, qui, & postmodum eundem Semei occidi iussit. Ejuscemodi videtur mul-
torum Christianorum pœnitentia, qui cum totâ vitâ DEUM offendendo in peccatis perseveraverunt, cum appropinquaverit hora reddendæ rationis, ubi mortem adesse, sepulchrum apertum, & præsentem Judicem viderint, intellexerintq; non inveniri fortitudinem, non potentiam contra illam infinitam potentiam, & quod in illo momento determinabitur, est semper duraturum, convertuntur ad Judicem orationibus, & protestationibus utinam veris & sinceris! Sed experientia docet, tales ubi periculum mortis evaserunt, confestim omnium promisso-

missorum oblivisci, & tanquam sues ad volutabrum reverti, quod argumento est, eos non ex amore DEI, sed ex timore quodam servili fecisse ea quæ fecerunt, more eorum qui in periculis maris constituti nihil non sanctum promittunt, qui tamen portum assecuti protinùs obliviscuntur promissionis factæ, & votorum suorum nullam rationem habent. Quia igitur sera illa pœnitentia rarò vera & sincera est, magis ex timore mortis, quàm ex DEI amore proficiscens, nequaquam tam diu differenda.

Sed etsi ut plurimùm talis pœnitentia vera esset, nihilominus periculosissimum est eam in illud tempus prorogare. Quomodo enim scis eo tempore te acturum pœnitentiam? cum enim sit speciale DEI donum, quod non omnibus datur, imò quod multis justo DEI judicio denegatur, quomodo audes hoc donum tibi promittere in ultimo vitæ, qui præteritos omnes annos in vitiis consumpsisti? An nescis Greg. hæc animadversione percuti peccatorem, qui vivens oblitus est DEI, ut & moriens obliviscatur sui? An nescis cor hominis peccatoris tum minùs ad DEum posse elevari & in exercitiis veræ pœnitentiæ posse occupari, quando tot obstant perturbaciones ex vehementia dolorum, ex amissione rerum temporalium, ex jactura amicorum, ex apprehensione imminentis mortis & futuri mox judicii? An nescis te etiam tum vehementiùs à diabolo impugnandum? quomodo igitur tam repentiè diaboli laqueis te explicare poteris infirmitate depressus, quibus te sanus extricare non potuisti? quomodo tam citò ab eo deficies, & Christo militare incipies, quando de prælio est exeundum? quomodo arbor quæ semper arida fuit, tunc virere & florere poterit cum jam ad radicem securis posita est ut excindatur, & in ignem mittatur? Dices fortassè & obtendes quosdam in vineam Domini novissimâ horâ venisse Matth. 20. & mercedem acce-

pisse cum aliis qui primo manè venerant: imò latronem invenisse misericordiam jam jam moriturum. Audi, hæc scito esse privilegia paucorum quibus tu fidere non debes, cum nescias an eadem gratia tibi sit præstanda. Arripit quis iter Romanam versùs, invenit fortè marsupium plenum auro, quo iter ad finem perficere possit, quia hoc semel fortassè & valdè casu contigit, tu iter illud peracturus pecuniam tecum non deferens confidens te similem thesaurum reperiturum? nimis manifesta, hæc foret stulticia, rarissimè enim talis casus accidit. Quod verò attinet vocatos ultimò, illi faciebant, quod in se, stabant parati, prospiciebant ut quis vocaret. Ita novissimà horà hominem à Deo vocari, & ab eo trahi, rarò contingit. Nimis igitur stultus es si spe istà differas poenitentiam. Quare si sapias, compara tibi nunc provisionem itineris tui, longa enim tibi restat in cælum via. Præpara tempestivè oleum in vasis tuis, ne serò veniens cum fatuis Virginibus Matth. 26. excludaris à regno cœloꝝ. Audiamus igitur Conclusionis loco D. Ambr. salubriter ita admonentem lib. 20. de Poenit. cap. 1. *Agenda est poenitentia maturè, ne fortè Evangelicus ille Pater-Familias qui arborem ficum plantaverat in vinea sua, veniat, & fructum in ea quarens, si non inveniat, dicat cultori vineæ suæ Luc. 13. Succide illam ut quid etiam terram occupat. Et nisi cultor vineæ interveniat dicens, Domine dimitte illam & hoc anno &c. Stercoremus ergo & nos agrum hunc quem possidemus, & imitemur laboriosos agricolas, quos non pudet simo pingvi satiare terram, & immundo cinere agrum aspergere, ut fructus uberiores colligant. Quemadmodum stercoremus docet Apost. Philip. 2. Omnia existimo ut stercore ut Christo lucrifaciam, qui per infamiam & bonam famam meruit Christo placere. 2. Cor. 6. Legerat quòd Abraham Gen. 18. dum se stercoreus & cinerem fatetur summà humilitate, invenit apud DEUM gratiam. Legerat quòd Job 42. in sterquilinio suo sedens, omnia qua*

ami-

amiserat recuperavit. Legerat prophetam David Psal. III. Quòd DEUS de terra suscitet inopem, & de stercore erigat pauperem. Et nos ergo non erubescamus fateri Domino peccata nostra, pudor est ut unuquisq; sua crimina prodat, sed ille pudor agrum suum curat, spinas tollit perpetuas, sentes amputat, fructus exhibet quos jam mortuos esse credebat. Sequere illum qui benè arando agrum suum fructus quæsit aternos. Maledicimur, inquit, & benedicimus: persecutionem patimur & sustinemus, blasphemamur & obsecramus, tanquam purgamenta hujus mundi facti sumus. Si & tu sic araveris, seminabis spiritualia. Ara ut peccatum auferas, fructum acquiras.

STRENA VI.

De Mortis Memoria.

Dabo vobis in Strenam hâc die Reliquias Sanctorum. Joannes Damascenus, pius & antiquus Scriptor atq; Ecclesiæ Doctor describens vitam Josaphat & Barlaam, eorumq; gesta ac peregrinationem, refert hos Sanctissimos viros secum ferre solitos ossa quædam, seu reliquias SS. Martyrum, eaque in magno habuisse pretio. Cùmq; aliquando rogarentur à quodam Principe viro, quam ob causam hæc mortuorum ossa quotidie circumferrent, responderunt, sese hanc observare consuetudinem ob varias considerationes. 1. In memoriam talium Martyrum vitæ defunctorum. 2. Ut per aspectum sacrarum reliquiarum subinde excitari possent ad eos imitandum. 3. Ut per contactum eorundem ossium, quæ sanctificata fuerunt per Spiritum S. etiam ipsi sanctificari possent. 4. & postremo. Ut videntes hæc ossa semper reminiscerentur futuræ mortis.

Nimirum usq; ad eò existimabant salutare illi viri mortis esse recordationem, ut ob hoc potissimum mortuorū ossa secum deferrent. Sed quid mirandum quòd illi hoc sibi persuasum habuerint,

buerint, cum & hoc ipsum Plato Philosophus Ethnicus licet sibi persuasum habuisse videatur. Docet enim ille in Phædone, *Summam philosophiam esse mortis meditationem.* Eò, quòd hujus rei meditatio magnum objiciat peccatis obstaculum ac remoram. Quod equidem disertissimè Scriptura testatur Eccl. 7. *In omnibus operibus tuis memorare novissima, & in aeternum non peccabis.* Quasi diceret, hoc fræno sis compesces & constringes omnes passiones & appetitus carnales, ut non facilè in ullum peccatum mortale præcipiteris. Hinc quidam antiqui Reges ac nominatim Philippus Macedonum, constituebant certum aliquem cui demandabant hoc ministerium, ut quotidie matutino tempore accurreret ad ostium cubiculi sui, diceretq; hæc verba. *Domine mi Rex memineris te moriturum, seu memento esse hominem.* Ipsâ etiam die, quâ Imperatores solent coronari, quatuor aut quinque artifices cum lapidibus diversi generis ad coronatum ingrediatur, & ipsummet interrogant. Ex quo ô Imperator, horum lapidum tuum monumentum fabricemus? Philosophi etiam qui Brachmani dicebantur, solebant apertum quoddam sepulchrum ante fores ædium suarum construere, ut intrantes & exeuntes semper mortis reminiscerentur, & à peccatis tantò magis sibi caverent. Sed jam ad vos Christianos, quid putatis causæ esse, quòd olim DEUS volens instruere Jeremiam Prophetam cap. 18. mandaverit illi, ut iret in domum figuli, ibiq; verba DEI audiret? an non potuisset illi Dominus loqui loco alio? equidem poterat, sed voluit eum in domo figuli audire verba sua, ubi in luto & terra operabatur, ut eò meliùs humanæ conditionis, ejusq; fragilitatis ac mortalitatis memoriam teneret, sciretq; homini jam pridem dictum. *Memento quia terra es, & in terram reverteris.* Quemadmodum ergo D. DEUS Prophetam misit in domum figuli ut ibi disceret ac audiret verba divina, ita ego vos mitto omnes ad domum sepul.

sepulchri tanquam scholam famosissimam, ut ibi coelestem, quandam Philosophiam hauriat. Ibi enim discetis, quomodo sit brevis, fragilis, caduca, fallax, & inanis humana vita. Ibi discetis vitam nostram esse *ventum* Job. 7. Ibi discetis vitam nostram esse *fanum* Pl. 102. Ibi discetis vitam nostram esse *momentum* Itai 10. Ibi discetis vitam nostram esse *vaporem* Jacob 4. Ibi discetis vitam nostram esse *umbram* Pl. 108. Ibi discetis vitam nostram esse *succisum florem* Pl. 101. imò flore succiso deteriorem & infeliciorem. Flos namque licet succisus, siccus, marcidus, adhuc benè olet, homo autem falce mortis sectus, mox corrumpitur, putrescit, ac gravissimè foetet. Denique ibi discetis vitam vestram esse *vanitatem* Pl. 38. *Verùm tamen universa vanitas omnis homo vivens.* Et Eccl. 1. *Vanitas vanitatum & omnia vanitas.* An non mera vanitas est quòd in hoc mundo amplissima & pretiosissima quæramus palatia, cum tamen in sepulchro contentos nos oportebit esse angustissimo & viliissimo novem vel decem pedum domicilio? ut meritò Alexandrum irriserint, qui de eo post mortem dixerunt Plut, in Alex. *Heri Alexandro totius terra spatium non sufficiebat, hodie Alexandro sufficere debet sepulchrum vel quatuor ulnarum.* *Heri Alexander terram oppressis, hodie Alexander terram opprimitur.* An non summa vanitas, quòd hic in mundo corruptibili hoc nostrum corpus tam pretiosis & exquisitis adornemus vestibus, quòd in sepulchro operietur serpentibus ac bufonibus? An non summa vanitas, quòd hoc moriturum corpus tam delicatis fovete delectat alimentis, quòd futurum est alimentum insectorum? An non summa vanitas, hoc mortale corpus hic tam splendida ac opima ambire convivìa ac epulas, quòd tam horrendi convivæ epulaturi vermes dico, serpentes, bufones, mures. Ibi discetis hoc nostrum corpus quòd aliquando servi ac famuli stipaverunt ac defenderunt contra

H

adversa-

adversariorum incurfus, jam à nullo ampliùs defendi cōtra morsus venenatorum animalium. Verè univèrsa vanitas omnis homo vivens. Rursum in hac schola disceris non esse feliciorè Regum, Principum, ac Imperatorum sortem quàm rusticorum, & mancipiorum. *Pallida mors equo pulsat pede pauperum tabernas Regumq; turres.* Contemplare nunc obsecro cineres alicujus pauperis, & contemptibilis homuncionis, eosq; confer cum cineribus ac ossibus ditissimi ac potentissimi Regis vel Imperatoris, & vide num eos discernere poteris. Imò ad hoc convoca omnes Philosophos, Doctores, Sapientes, Medicos, &c. ut tibi dicant, quænam sit horum discretio, & vide utrum id præstare poterunt? Sanè in 4. Reg. 9. legimus quòd cùm pulcherrima illa, florentissima, ac potentissima quondam Regina Jezabel de fenestris præcipitata, atq; à canibus maximà sui parte dilaniata, transeuntes dixerunt, & cum stupore magno exclamaverunt, *Hæcine est illa Jezabel?* illa inquam Jezabel, nobilis, famosa, venusta, potens ac gloriosa? Illa, iterum dico, Jezabel, quam omnes suspiciebant, venerabantur, adorabant? Illa Jezabel, cujus imperio ac nutu, parebant universi? Eheu quàm jacet contemptibilis, ignobilis, ignominiosa? quænam hæc tam stupenda metamorphosis? Ad eundem modum si nunc quisquam nostrum sepulchrum aliquod aperiret, in quo fortè jacet famosa & formosa quædã foemina, sive puella cujus amore tantoperè inescatus eras, cujus aspectum tantoperè ambiebas. videns hoc ipsum corpus seaturire scedisimis vermibus, ac omninò corrosum & dilaniatum improbis eorum morsibus, annon stupefactus exclamares. Hæcine illud corpus cujus elegantiam, ac compositam venustatem toties admiratus fui? ubi nunc rubicunda facies sibiò depicta? ubi nunc coruscantes oculi? ubi nunc disertissima & melliflua lingua, ubi ornata comæ & capillitia? ubi pretiosæ vestes? ubi famulorum ac famularum turba? ubi mulier ac tibicines? ubi ludi, ubi voluptuosa convivia? Eheu nihil

hil horum hic intueor: *Transferunt illa omnia tanquam umbra, & tanquam nuncius præcurrens, & tanquam navis qua transit fluctuantem aquam, cujus cum præterierit, non est invenire vestigium.*

Hanc dico tam salutarem doctrinam possitis haurire in schola illa sepulchri si frequenter illam adiretis, ac dociles & attentos discipulos ibidem vos præberetis. Sed proh dolor, pauci hanc scholam adeunt, aut si adeunt, parum in ea proficiunt. Equidem crediderim esse fanaticum aliquem cacodæmonem qui ab hac nos tam utili schola arceat, qui hujus rei de qua agimus, meditationem, contemplationem, & Philosophiam, nobis avertat, vel excutiat. Quis foret enim alioqui possibile ut hujus rei tam citò eventuræ, tam alta nos oblivio caperet?

Omnes viam mortis ingredi necesse est, testatur hæc natura, docet experientia, clamat Scriptura, *statutum est omnibus hominibus semel mori.* Non licet hic nobis uti vocabulo, *forte*, sicut faciebat Eva cum diceret, *ne forte moriamur.* Sed vocabulo, *certo*, & *infallibiliter.* In omnibus sermonibus vocabulum *fortis* an locum habet, hic verò minimè, &c. Sic ergò cuilibet quilibet annus suspectus, sit & quilibet mensis, quælibet dies, quælibet hora, &c. Et cogitemus singula horum dum currunt, nobis esse postrema juxta illud Eccl. 38. *Mihi heri, tibi hodie.* Si sic fecerimus, futurum est ut maturante morte non timeamus, sed cum fiducia dicamus, *Mori non timeo in Christo.*

PARS SECUNDA.

Strenæ Particulares.

STRENA I.

De his quæ fuerunt circa Nativitatem Christi.

Seprem sunt in Ecclesia Status seu conditiones hominum, 1. Magistratus Ecclesiasticus. 2. Magistratus civilis. 3. Status

virginalis. 4. Status vidualis. 5. Status conjugalis. 6. Adolescentes. Pueri. 7. Famuli, singulis istis afferemus Strenas ex Natalitiis Christi.

Incipiamus à Statu *Ecclesiastico* seu Sacerdotali. Huic in Strenam dono *Stellam* illam admirabilem, quæ Orientales Magos fulgore suo, & conspicuâ claritate præcessit, & in domum Bethleemicam, ubi Christus adhuc infans erat, adduxit. Et quidem convenienter hæc illis offertur stella, quia sicut illa, stella fulgidâ quâdam claritate illos antecedebar donec venirent in locum ubi erat Puer, ita Ecclesiasticorum & Sacerdotum est, lucidis bonorum operum exemplis antecedere laicos & sæculares dicente Christo D. Matth. 5. *Vos estis lux mundi. Et, Sic luceat lux vestra coram hominibus, ut videant opera vestra bona;* iuxta id quod & Magi dicebant, *Vidimus Stellam ejus.* Hi enim potissimum sunt qui in medio nationis pravæ atque perversæ lucere debent sicut luminaria in mundo. Hi sunt, qui videre & cavere debent, ne lumen quod in iis est, tenebræ fiant. Ne cum aliorum debeant esse duces, ipsi etiam in tenebris ambulent. Et sic tam ipsi, quàm alii, quorum duces sunt, turpiter corruant. *Si enim cæcus, Matth. 15. cæco ducatum præbet, ambo in foveam cadunt.* Hæc stella oriens fuit. Imitentur Sacerdotes eum de quo scriptum est Zach. 6. *Ecce vir, Oriens nomen ejus.* Ps. 111. *Exortum est in tenebris lumen rectis.* Et. *Vistavit nos Oriens ex alto.* Sint Ecclesiastici fideles aliorum duces, ducant statum sæcularem per hujus mundi tenebras ad cognitionem veræ lucis, quæ est Christus D. qui de seipso dicit Joann. 8. *Ego sum lux mundi.* De quo & Joannes Joann. 3. *Lux venit in mundum, & dilexerunt magis tenebras quàm lucem.* Ducant errabundos per viam veritatis & mandatorum DEI. Ducant populos in Jerusalem, quæ est domus pacis: in Bethleem, quæ est domus panis. Id est, monstrent sæcularibus viam, quæ tendit ad

coele-

cœlestem patriam, ubi est sempiterna pax, Isai. 32. Ubi sedetur in pulchritudine pacis & requie opulenta: ubi Angelorum panis comeditur, de quo scriptum est Luc. 14. *Beatus qui manducabit panem in regno DEI.* Hoc totum Sacerdotes exactè fecerint, si aliis præluxerint verbo doctrinæ, & exemplo vitæ juxta salutarem Apostoli monitionem, sic adhortantis suum discipulum. Tit. 2. *In omnibus præbe ternetipsum exemplum bonorum operum in doctrina & integritate.* Et licet hæc stella ad modicum tempus lumen suum Magorum obtutibus subtraxerit, dum scilicet cum Herode in Jerusalem agerent, tamen egressis ab Herode mox iterum apparuit, neq; eos deseruit, donec ad optatum pervenerent locum. Ad eundem modum si contingat Ecclesiasticos dum tractant cum Herode amisso lumine bonorum operum tenebris peccatorum obcœcari, dum sæcularibus implicantur negotiis, dum in aulis Principū versantur. *De humano namq; pulvere necesse est etiam Religiosorum corda sordescere,* ait D. Leo. Si, inquam, id eveniat, ut ad tempus aliquod lumen exemplaris vitæ abscondant, conentur mox iterum illud omnibus conspicuum reddere, tantòque vivant sanctiùs, quantò majora de se pravitate exempla dederunt. Meminisse namque debent aureorum illorum verborum D. Greg. hom. 17. *Nullum, puto Fratres charissimi, ab aliis majus præjudicium quàm à Sacerdotibus DEUS tolerat, quando eos quos ad aliorum correctionem posuit, dare de se pravitate exempla cernit. Quando ipsi peccamus, qui peccata compescere debuimus. Nulla animarum lucra querimus, ad nostra quotidie studia vacamus, terrena concupiscimus, humanam gloriam intenta mente captamus. Et quia eo ipso quo ceteris prælati sumus, ad agenda qualibet majorem licentiam habemus, suscepta benedictionis ministerium vertimus ad ambitionis argumentum DEI, causas relinquinus, ad terrena negotia vacamus: locum sanctitatis accipimus, & terrenis actibus implicamur.* Videant igitur Sacerdo-

res, ne de istorum sint numero. Porro quia inter Ecclesiasticos præcipui sunt Episcopi, Prælati, & Pastores, qui ex eo quod bene præsumunt. 1. Tim. 5. *Duplici honore sunt digni*, ideo etiam peculiarem illis Strenam offeram, quamvis & præcedens illis potissimum conveniat. Do itaque & his loco Strenam Pastores illos, qui in nocte Nativitatis vigilabant Luc. 2. & excubabant super gregem suum contra incursum luporum aliarumve ferarum. Est enim Pastorum & Prælatorum vigilare, pro subditorum salute, eosque defendere contra rabidos luporum, id est hæreticorum morsus Act. 20. *Attendite ait Apostolus vobis, & universo gregi, in quo vos Spiritus S. posuit regere Ecclesiam DEI, quam acquisivit sanguine suo. Ego scio quoniam post discessionem meam venient lupi rapaces.* &c. Hinc vocantur in divinis literis speculatores, quia scilicet undique prospicere debent, attendereque diligenter, ne grex animarum ab hoste invadatur. Gregor. *Quisquis enim populi speculator ponitur, debet in alto stare per vitam, ut prodesse possit per providentiam seu vigilantiam.* Utinam igitur Prælati & Pastores imitentur vigilantiam ac sollicitudinem Patriarchæ Jacob in custodiendis ovibus Laban, cui sic locutus Gen. 31. *Viginti annis fui tecum, oves tuæ & capra steriles non fuerunt, arietes gregis tui non comedi, nec captum à bestia ostendi tibi, ego damnum omne reddebam, die noctuque, astu urgebar ac gelu, fugiebatque somnus ab oculis meis.* Si enim tantam diligentiam adhibuit Jacob pro custodiendis sibi ovibus concreditis irrationalibus, quantam adhibere oportet Prælatos & Pastores in custodiendis ovibus rationalibus, animabus, inquam, Christi sanguine redemptis. Sanè eorum somnus nimis periculosus est, nimisque perniciosus, quandoquidem illis dormientibus navicula Petri, id est, Ecclesia multum periclitetur, iis dormientibus veniat inimicus homo Matth. 13. & superseminet zizania in medio tritici. Quid causæ putatis cur Christus D. voluerit

Iuerit naviculam illam Matth. 8. in quam ascenderat, operiri fluctibus, & propemodum submergi se dormiente, nisi quòd in se, suoque exemplo docere nos voluerit, quantum Ecclesiæ DEI immineat periculum, quanto exposita sit discrimini dormientibus in ea naucleris seu Pastoribus & Rectoribus negligentiae & corporis somno oppressis? Quid rursum causæ existimabimus, quòd idem Christus dormientibus in horto tribus discipulis suis, Petro, Jacobo & Joanne, quorum omnium erant oculi gravati, potissimum tamen se ad Petrum converterit, eumque præ cæteris increpauerit? Marcus enim cap. 14. dicit Christum inuenisse eos dormientes, & dixisse Petro *Simone dormis, non potuisti unâ horâ vigilare.* Nisi quia, ut sapienter Doctores notant, Petrus à Christo constitutus est supremus in Ecclesia Pastor, cujus proinde præ reliquis erat vigilare, & gregi sibi commisso attendere? Quid denique causæ censebimus, quòd Dominus Jeremiæ Prophetæ cap. 1. quem populo suo præfecerat, statim ostenderit virgam vigilantem, seu ut alii legunt, amygdalinam; nisi quia hâc visione voluit ostendere Præfectorum & Pastorum Ecclesiæ esse vigilare, & excubare, ovesque Dominicas custodire, juxta illud Ilai. 62. *Super muros tuos Jerusalem constitui custodes, tota die ac nocte non tacebunt.* Nec refert quòd loco *virgam vigilantem*, alii legunt, *amygdalinam* etenim & amygdalina virga hâc virtute prædita à quibusdam dicitur, ut si dormientis capiti, vel cervicali supponatur, evigilare tempestivius faciat. Audi quomodo Sapiens Prov. 6. Præfectos & Pastores ad vigilandum hortetur. *Fili si sponderis pro amico tuo &c.* Fac igitur ne *dormitent palpebra tua.* In quæ verba pulchrè more suo S. Greg. part. 3. pastoral. *Quisquis ad vivendum aliis in exemplum proponitur, ut sunt propofiti Pastores & Ecclesiarum Præfecti, non solum ipse ut vigilet, sed etiam ut amicum suscitet admonetur.* *Somnum enim*

enim oculis dare, est intentione cessante subditorum curam omninò negligere: palpebra verò dormitant, cum cogitationes nostra, ea quæ in subditis arguenda cognoscunt, pigredine opprimente dissimulant. Plenè autem dormire, est commissorum acta nec scire nec corrigere. Non autem dormire, sed dormire, est, quæ reprehendenda sunt quidem cognoscere, sed tamen propter mentis tadium ea increpationibus non emendant. Admonendi sunt itaq; qui præsunt, ut per circumspèctionem oculos pervigiles intus, & in circuitu habeant. Nec verò mysterio carere videtur, quòd veteres nostri Prædecessores, gallum gallinaceum in editiore sacrarum ædium loco constitui voluerunt. Hoc enim signo Pastorum circa Ecclesiam vigilantiam repræsentare voluerunt. Quoties igitur illi templorum limina adeunt, tantisper subsistant, oculos sursum erigant, considerentque avem illam fastigio impostam, Pastores omnes ad vigilantiam excitare, ac quodammodo commonefacere, ut omnem torporem, negligentiam, ac oscitantiam excutiant, meminerint, turpe esse Duci totam somno traducere noctem, cui populi commisi & tanta negotia cura, ut quondam apud Homerum, Agamemnon Græcorum Dux graviter reprehensus legitur.

Sequuntur Præfecti, ac Judices *seculares*, quibus in Strenam dono tres Magos offerentes munera. Discant illi horum exemplo non accipere, sed potius offerre munera, ac bene meritis dare præmia; sicut enim justitia postulat, ut malos ac perniciosos afficiant poenâ, ita eadem exigit, ut bonos ac de Repub. bene meritos afficiant honore, præmio, ac munere. Quare non immeritò olim Judices solebant pingi cæci, ac sine manibus, ut significaretur, non debere, nec posse eos habere manus ad accipienda munera, sed ne quidem oculos ad ea conspicienda: munera namque amicitiam conciliant & Judicem emunt. Exiit verò personam Judicis, quisquis amici, vel serviem.

vi empti induit. *Æquitas sinistram & dextram amoris ne-
cat.* Talis enim debet esse juris Minister & Judex, ut nullius
authoritate Personæ citubet aut vacillet, apud eum libra justi-
tiæ quod adeò verum est, ut Exod. 23. Dominus noluerit Ju-
dicem misereri pauperis, scilicet, in derogationem justitiæ, aut
detrimentum partis adversæ. Sanè qui apud Gentes Sapien-
tum nomine gloriabantur, Philosophiam suis fictis historiis te-
gendo, Posteritati tradiderunt. Ovid. Metam. 2. Regem quen-
dam vellus aureum habuisse, quod Draconi cuidam multo-
rum oculorum servandum præbuit, ne ab aliquo surriperetur;
at Jason pulveribus à Medea assumptis draconem sopivit & ob-
cæcavit, atque ita vellus illud aureum summi valoris ac pretii
surripuit. Per hunc draconem multorum oculorum figura-
ri potest Senatus ac congregatio doctorum virorum, quibus
Rex vellus aureum, scilicet regni justitiam administrandam
& conservandam committit. Sed quemadmodum non pro-
fuit illi Regi, vellus illud pervigili draconi servandum commi-
sisse, cum omnes illius oculi pulveribus erant obcæcati,
ita neque Regi vel Principi justitiam custodiendam & exercen-
dam Senatoribus justitiæ custodibus tradere, si eorum oculi mu-
neribus sopiantur. Pulveres enim Jasonis magno incantamen-
ti artificio confecti, quid aliud fuerunt quam largitiones, &
munera, quibus licem intendentes Judicem veluti phyltris de-
mentant, & incantationibus ligant. Sic munera Judicum ocu-
los excæcant, sicque surripitur justitia, & veritas auro vendi-
tur. Hanc ob causam distinctè prohibet DEus in Exodo, ne Ju-
dices accipiant munera quæ excæcant etiam prudentes. De
ejusmodi corruptis & obcæcatis Judicibus conqueritur DEus
Isai 1. *Principes tui infideles, socii furum &c.* Et cap. 5. *Va qui ju-
stificatis impium pro muneribus, & justitiam justii aufertis ab eo.* O
quàm longè alius erat Judex Samuel 1. Reg. 12, qui ultimis suæ
vitæ

vitæ diebus convocato omni populo confidenter & intrepide sic dixit. *Loquimini de me coram Domino & Christo ejus, utrum bovem cujuscunq; tulerim, aut asinum, &c.* Et dixerunt. *Non.* Cujusmodi etiam erat D. Paulus sic disertè professus Act. 20. se nullius aurum aut argentum concupivisse, memor verbi Domini, quoniam ipse dixit. *Beatius est magis dare quam accipere.* Talis & Moyles qui de se testatur num. 6. *Tu scis, quòd nec asellum quidem acceperim ab eis &c.* Hanc igitur ob causam Præfectis & Judicibus sæcularibus, tres Magos offerentes, non accipientes munera Strenæ loco obtuli. Est nihilominus & alia causa. Nam hi Magi nihil veriti auctoritatem & potestatem Herodis liberè & intrepide interrogant de vero Messia, & nato Rege Judæorum Jerosolymam ingressi. *Ubi est qui natus est Rex Judæorum?* Ita Judex non debet respicere personam & vultum Potentis, aut Principis, quò minus de veritate sententiam ferat. Debet sese malignis intrepide opponere pro servanda & tuenda justitia ac publico bono. Eccl. 7. monet Scriptura. *Noli querere fieri Judex nisi valeas virtute irrumperere iniquos.* Rursum. Sicut Magi non leviter asserunt Regem Judæorum, sed nativitatem ejus confirmant testimonio & indicio stellæ Orientalis, *vidimus, inquit, Stellam ejus in Oriente;* ita Judex non leviter sententiam ferat, sed videre diligenter debet, an sententia quam fert sit fundata in jure, & possit probari legum testimonio &c. Nam aliàs frequenter non justum sed iniquum judicium judicaret. Denique hi magi licet essent viri famosi, potentes, & magni, tamen humiliter sese prostraverunt coram nato Puerò, *procedentes enim adoraverunt eum.* Ita Judex & Præfectus sæcularis colere debet humilitatem monente Scriptura Eccl. 4. *Quanto magnus es, humilia te infra omnes &c.* Denique Magi per aliam viam regressi sunt in regionem suam: Ita Judex relicta viâ iniquitatis & injustitiæ, de qua scriptum est Pl. 10. *Viam iniquitatis remove à me, capessere debet viam æquitatis & justitiæ,* de qua

de qua Prov. 4. *Viam sapientia monstrabo tibi, ducam te per semitas equitatis, quas cum ingressus fueris &c. non habebis offendiculum.* Quam viam si ingrediantur pervenient in regionem suam Patriam nimirum celestem, quia testatur Propheta Pl. 14. *Eum in tabernaculo Domini habitaturum, & in monte sancto eius requieturum qui ingreditur sine macula. & operatur justitiam.*

Tertio loco se offerunt *Virgines*, quibus pro strena dono *culturū* quo circumcisus Christus D. cum enim Virgines se immaculatas corpore & spiritu servare debeant, & nihilominus pro fragilitate humanæ carnis sæpenumero in illis exurgant mali appetitus, carnales cupiditates, nociva desideria, illicitiq; motus & passionnes; debet hæc rescare, & rescindere. Debent circūcindere carnales voluptates. Debent Coloss. 6. mortificare *membrā* sua quæ sunt *super terram*, ut non regnet peccatum in mortali eorum corpore, debent castigare corpus suum, & in servitutem redigere, 1. Cor. 9. ut non reprobentur à Domino cupiditatibus victæ, pravisq; inclinationibus, & oblectationibus succumbentes. Quemadmodū autem carnalis circumcisio fiebat cultro non ferreo, sed lapideo sive acuta petra, ita & virgines in hac spirituali circumcissione utentur operā & subsidio petræ, quæ verò est Petra nisi Christus D. de quo Paul. 1. Cor. 10. *Petra autem erat Christus.* Per hoc ergo significatur, Virgines in illa sua circumcissione, implorare debere opem & auxiliū Christi, ut ab eo accipiant virtutem & fortitudinē, continentiam ac castitatem: sine ipso enim hæc dona non habentur. Hinc Sap. 8. *Ut scivi quoniam aliter continens esse non potui nisi Deus det &c.* Rursum in circumcissione dolorosa effundebatur sanguis quasi in quodam martyrio, ita etiam virginitas Martyrio comparatur, ut enim virginitas servetur illibata, innumera difficultates vincendæ sunt, ob quod meritò ebori comparatur, quod cum natura album sit, nimia vetustate rubeum efficitur, ac Martyrio seu effusioni sanguinis assimilatur. Hinc D. Ambros. 1. 1. de Virginit. *Non idè laudabilis virginitas quia in Martyribus*

reperitur, sed quia ipsa Martyres facit. Quod ergo Sephora circumcidens filium suum dixit Moyse Exod. 4. *Sponsus sanguinum tu mihi es, hæc quælibet Virgo diu castitatem servans Christo D. jure dicere potest. Quamvis autem virgines multa circumcidere debeant, potissimum tamen cor & oculos, Cor circumcidendum est ab imundis & noxiis cogitationibus. Hinc Dominus apud Jerem. 4. Lava à malitia cor tuum Jerusalem ut salva fias &c. Et Pl. 4. Quæ dicitis in cordibus vestris, in cubilibus vestris compungimini. Meminerint Virgines scriptum esse, Matth. 5. Beati mundo corde quoniam ipsi Deum videbunt. Et Pl. 23. Quis ascendet in montem Dei &c, Innocens manibus & mundo corde. Denique Prov. 22. Qui diligit cordis munditiam efficietur amicus Regis. Oculi verò circumcidendi ab illecebrofis & curiosis rebus hujus mundi, neque cum Dina curiosè volente videre personas alienigenas turpiter ruere contingat. Gen. 34. De qua sic D. Bern. tract. de grad. humilit. O Dina, quid necesse est ut videas mulieres alienigenas, qua necessitate, qua utilitate? an sola curiositate? etsi tu otiosè vides, sed non otiosè videris, tu curiosè spectas sed non curiosè spectaris. Quis crederet illam tuam otiosam curiositatem, vel curiosam otiositatem fore post non otiosam, sed tibi, tuis, hostibusq; tum perniciosam? Et D. Hieron. ad Eustochium. Dina egressa corrumpitur. Nolo te sponsum querere per plateas, nolo te circumire angulos civitatis, foris vagentur virgines stulta, tu intrinsecus esto cum sponso. Semper te cubiculi tui secreta custodiant, semper tecum sponsus ludat intrinsecus &c. Si hoc virgines rectè observarèt non tot cum Dina perirent, nunc autem piget dicere, ait idem Hieron. quot quotidie virgines ruant, quantas de suo gremio perdat mater Ecclesia, super qua Sydera inimicus superbus ponat thronum suum?*

Quarto loco statuendæ sunt Viduæ, quibus in Strenam offero Annam Prophetissam Viduam, de qua legitur Luc. 2. quòd serit in diebus multis, & vixerit cum marito suo annis septem à vir-

proces-

ginitate sua, & hac vidua usq; ad annos 84. qua non discedebat de templo, in jejuniis, obsecrationibus serviens nocte ac die. Præclara sanè encomia hujus mulieris viduæ, multæque in ea paucis his verbis denotantur virtutes, quas optarem omnes alias vi-
duas æmulari. Legimus in Deut. cap. 23. Moysen benedi-
xisse Aser, ac inter cæteras benedictiones ejus dici. *Sicut dies
juventutis tuæ ita & senectutis tuæ.* Impletur verò hæc benedi-
ctio in hac vidua, quæ à juventute usque ad senectam indefes-
sè servivit Domino. En verò viduam de qua Ps. 131 *Viduam ejus
benedicens benedicam.* De hac vidua dicitur quòd vixerit cum ma-
rito suo, non seorsim factò divortio, nec cum aliis viris, sed cum
marito suo. Laudandæ viduæ quæ vixerunt cum maritis suis,
non cum alienis. Rursum dicitur, vixisse septem annis cum ma-
rito suo à virginitate sua, quo inuitur fuisse virgo cum nubere,
& incognita viro. Utinam omnes cum nubunt à virginitate sua
nubere. Sed prohdolor! multæ cum matrimonio junguntur
jam non sunt virgines. Commendatur etiam hæc vidua ex eo,
quòd plurimis annis in viduitate sua permanserit. Ita & illæ vi-
duæ laudandæ, quæ continenter vivunt, nec ad secundum ma-
trimonium facilè redeunt. Parum enim commendandæ, quæ
mox post obitum prioris mariti ad alias nuptias convolant,
multò minùs quæ pluribus maritis, successivè nubunt. Nar-
rat D. Hieron. ad Gerontiam de Monogamia rem quasi in-
credibilem, ut ipse fateretur, sed multorum testimoniis approba-
tam. *Ante annos, inquit, plurimos cum in chartis Ecclesiasticis ju-
varem Damaum Romanae urbis Episcopum, & Orientis atq; Occi-
dentis Synodicis consultationibus responderem, vidi duo inter se pa-
ria vilissimorum è plebe hominum comparata. Unum qui viginti
sepelisset uxores, alteram quæ vigesimum secundum habuisset mari-
tum, extremo sibi, ut isti putabant, matrimonio copulatos. Summa
omnium expectatio virorum pariter ac mulierum, post tantas rudes,*

quis quem efferret prior. Vicit maritus, & totius urbis populo confluente coronatus, & palmam tenens adoramq; per singulos sibi acclamantes uxoris multinuba feretrum precedebat. Imitari præstat hanc viduam, quam multinubas illas ac in deliciis viventes viduas. Audi quomodo commendetur fortissima illa castissimaq; vidua Judith cap. 13. Joachim summus Pontifex de Jerusalem venit in Bethuliam cum universis presbyteris suis, ut videret Judith, quam cum exisset ad illum benedixerunt eam omnes unâ voce dicentes. Tu gloria Jerusalem, tu letitia gentis nostræ &c. Ideo benedicta eris in æternum. Denique laudatur hæc vidua ex eo quod non discederet de templo nocte & die serviens DEO. Tales veræ viduæ sunt juxta illud D. Pauli 1. Tim. 5. *Quæ verè vidua est speret in DEUM, & inleat orationibus & obsecrationibus nocte & die.* Discant ergo omnes viduæ hanc insignem viduam imitari.

Sequuntur quinto loco *Conjugati*, quibus de in xenium insignes illos duos *Conjuges*: Zachariam & Elisabetham, Parentes Præcursoris Domini, quorum etiam laus in Scriptura habetur, Luc. 1. *Erant justi ambo ante DEUM incedentes in omnibus mandatis & justificationibus Domini sine querela.* Notanter dicitur, ambo fuisse justos, non alterutrum eorum tantum. Sunt enim multi *Conjuges*, quorum unus bonus est, alter malus, unus Catholicus altera hæretica aut è diverso. Unus pacificus, altera turbulenta, aut vice versa. Unus ædificat, altera destruit, aut è contrâ. Fortunata verò illa sunt conjugia, quando ambo sunt boni, ambo justî, ambo Catholici, ambo pacifici, ambo ædificativi. Beata illa domus in qua uterq; conjux ejusdem voluntatis, & unum & idem pari voluntatis consensu exequuntur, ubi enim alter eorum claudicat, & à recto ordine deviat, accidit ut in boum jugo si alter retrocedat & fugiat progrediente altero. *Ambo justî erant.* Gen. 13. Abraham & Sara sancto matrimonii jugo copulati. Ambo orationibus & devotioni intenti. Tob. 7.

Tobias

Tobias & Sara. Ambo Jerosolymam descendunt pietatis ergo
Luc. 2. *Secundum consuetudinem diei festi*, Joseph & Maria. E-
rant etiam ambo justi ante DEum Zacharias & Elisabeth, non
tantum coram hominibus ut Pharisei, quorum justitia repro-
batur dicente Christo Luc. 16. *Nisi abundaveris iustitia vestra
plus quam Scribarum & Phariseorum, non intrabitis in regnum
caelorum.* Et alibi Luc. 16. Phariseis dicit. *Vos estis qui iustifica-
tis vos coram hominibus.* Illud etiam. *Ante Dominum*, significat
eos habuisse virtutem undiquaque absolutam & perfectam:
cum enim literæ Divinæ aliquid magnum & excellens signifi-
care volunt, usitata phrasi dicunt, *Ante Dominum*, vel, *coram
Domino*. Ut Gen. 10. *Robustus venator coram Domino*. Id est. Ex-
cellens venator, Et Gen. 13. *Erant Sodomitæ peccatores coram
Domino*, id est, maximi, & gravissimi. Eiusmodi perfectam &
excellens virtutem studeant Conjuges imitari. Tertio
commendantur, quod *erant incedentes in omnibus mandatis & ju-
stificationibus Domini.* Qui enim universam legem servaverit, Ja-
cob. 2. *offenderit autem in uno factus est omnium reus.* Quid namq;
profuerit si omnes alicujus civitatis portæ clausæ fuerint ad ar-
cendos hostes, si vel una pateat, ac referetur, per quam hostis
intret? Quid proderit navem undiq; stipari relietâ unâ duntaxat
rimâ, per quam aqua subintret? Oportet igitur omnia mandata
custodire ac dicere cum Psalmista. Pl. 118. *Ad omnia mandata tua
dirigebat, omnem viam iniquam odio habui.* O beatos conjuges
qui sic universam DEI legem observant, qui que B. Virginem
audiunt sic monentem Joannis 2. *Quaecunque dixerit vobis fa-
cite.* Quarto, dicuntur vixisse *sine querela*, utpote omni-
bus grati, chari, & amabiles, sic de Moyse legitur Ecclesia-
stici 45. *Dilectus DEO & hominibus Moyses cujus memoria in bene-
dictione est.* Et de Judith cap. 8. *Erat in omnibus famosissima,
quoniam*

Quoniam timebat DEUM valdè, nec erat qui de ea loqueretur verbum malum. Et Paulus Rom. 12. Providebat bona non solum coram DEO, sed etiam coram hominibus. Et rursus 2. Cor. 6. Nemini dantes ullam offensionem. Denique Philip. 2. Omnia facite sine murmuratione, ut sitis sine querela simplices Filii DEI in medio nationis prava atq; perversa. Discant ergo Coniuges horum exemplo, sic cum omnibus agere & conversari, ut omnibus grati sint ac dilecti, utque nullus de illis loquatur verbum malum.

Sextum locum obtinent *Famuli & Famula*, quibus in Strenam do unum ex novis nominibus novi Regis Bethleemici, videlicet Iai. 8. nomen *Accelera*. Vecatus hoc nomine fuit eò quòd mira celeritate promptissimâque obedientiâ opus redemptionis nostræ perfecit Ps. 18. *Exultavit ut gygas ad currendam viam suam*, scilicet humanæ salutis. Et Cant. 2. *Ecce iste venit saliens in montibus, transiliens colles. Veniendo quippe ut ait Divus Greg. hom. 29. ad redemptionem nostram, quosdam ut ita dicam saltus dedit. Vultis Fratres charissimi ipsos ejus saltus cognoscere? de cælo venit in uterum, de utero venit in præseppe, de præseppe venit in crucem, de cruce venit in sepulchrum, de sepulchro rediit in cælum. Festinabat Christus ad sanguinem suum pro humano genere fundendum, sicut cervus desiderat ad fontes aquarum. Hinc ipse dicit Luc. 12. *Baptismo habeo baptisari, & quomodo coarctor usq; dum perficiatur?* Tam vehemens fuit ejus desiderium patiendi, ut dilatio & mora fuerit ingens pœna, unde in ultima cœna Judæ proditori dicebat Joann. 13. *Quod facis fac cito.* Hanc ergò promptitudinem obediendi Paternæ voluntati, hanc festinam sedulitatem imitentur famuli & famulæ in exequendis mandatis suorum Dominorum. Tales erant servi illius Centurionis Matth. 8. De quibus in Evangelio ita loquitur. *Nam & ego sum homo sub potestate constitutus, habens sub me milites.**

militēs, & dico huic vade & vadit, & servo, fac hoc & facit. Talis & ille servus Evangelicus cui Paterfamilias mandaverat ut exiret citò, Luc. 14. in plateas & vicos civitatis, & pauperes ac debiles, & cæcos & claudos introduceret in domum convivii, qui mox iussa perficiens respondit. *Domine jam factum est ut imperasti.* Talis & Abrahæ servus erat quem in Mesopotamia miserat Gen. 24. ad quærendam Isaac uxorem, qui in hospitio existens comedere noluit donec loqueretur sermones suos quos in mandatis habebat. Exequantur servi promptâ obedientiâ voluntatem Dominorum, meminerintque scriptum esse Luc. 12. *Servus qui cognovit voluntatem Domini sui, & non se paravit, & non fecit secundum voluntatem ejus, vapulabit multis.* Meminerint servum pigrum & inutilem Matth. 22. ligatis manibus & pedibus projici in tenebras exteriores. Sint Dominis suis in omni timore subditi, non tantum bonis & modestis, sed etiam dyscolis ut Apost. Petrus monet 1. Petr. 2. *Sint oculi Servorum semper in manibus Dominorum suorum Pl. 122.* Et *oculi ancille in manibus Dominae suae,* ut Psalmista ait. Cui exhibent se servos ad obediendum servi sint ei, & expectent à Domino Rom. 6. omnis obedientiæ mercedem in cœlesti regno, ubi non jam servi dicentur, sed amici Christi, juxta illud Joan. 14. *Jam non dicam vos servos, quia servus nescit, quid faciat Dominus ejus, sed amicos, quia omnia quaecumq; audivi à Patre nota feci vobis.*

Ultimò se offerunt *Pueri & Puella,* quibus pro Strena largior dulcedinem nominis JESU. Pueri enim dulcedine gaudent & delectantur. De dulcedine autem nominis JESU, vide quæ diximus 1. Parte Strena 1.

STRENA II.

In qua distribuitur Stabulum Bethleemiticum.

DAbimus nunc Strenas ex sacro Bethleemico stabulo, eodem ordine quem in præterita largitione tenuimus. Inprimis igitur *Sacerdotali statui* loco Strenæ dono & offero *Præsepe*, tanquam altare in quo Christus D. tanquam vera hostia DEO Patri immolanda jacuit, & tanquam verus cibus Fidelium, non tantum Judæorum, sed & Gentilium. Idem jacuit coram utroque animali, scilicet bove & asino, ut præsignaret se ab utroque populo fido manducandum. Unde pulchrè V. Beda lib. 1. in 2. Lucæ. *Qui panis est Angelorum in præsepio reclinatur, ut nos quasi sancta animalia carnis suæ frumento reficiat.* Accedant Sacerdotes frequenter hoc præsepe Dominicum altare, ut immolent in eo quotidie hanc immaculatam hostiam ut S. Andreas facere solitus tuit, qui sic ad Ægeam Proconsulem in Brev. Rom. *Ego omnipotenti DEO, qui vivus & verus est, immolo quotidie non taurorum carnes, nec hircorum sanguinem, sed immaculatum Agnum in altari, cujus carnem postquam omnis credentium manducaverit populus, Agnus qui sacrificatus est, integer permanet.* Hanc offerre hostiam propriè munus est Sacerdotum. Hebr. 5. *Omnis namque Pontifex ex hominibus assumptus pro hominibus constituitur in iis que sunt ad DEUM, ut offerat dona & sacrificia pro peccatis.* Talibus profectò hostiis promeretur DEUS, Tali oblatione nihil DEO Patri gratius. Quid enim gratius Deo Patri offerri queat, quam unigenitus Filius atque dilectus, Matth. 17. *in quo sibi benè complacuit?* Hoc donum toties ei offertur quotidie, in altari quoties consecratur. Ipse enim Filius est Hostia, altare, offerens & oblatio. Nō subtrahant proinde

proinde Sacerdotes Deo tam gratum munus, tam acceptabile donum, tam efficacem hostiam. Sanè si V. Bedæ de Eucharist. credimus. *Sacerdos non legitime impeditus, celebrare omittens, quantum in eo est, privat SS. Trinitatem laude & gloriâ, Angelos letitiâ, peccatores veniâ, iustos subsidio, & gratiâ, in purgatorio existentes refrigerio, Ecclesiam præstantissimo beneficio, seipsum medicinâ ac remedio.* Faciant quoque Sacerdotes ad altare quod Christus in præsepio. Fudit enim ibi lacrymas more cæterorum infantium. *Vagit Infans inter arcta conditus præsepia, canit Ecclesia.* Et quare obsecro flevit? Flevit non tantum ut cæteri infantes, qui miseriam & angustias hujus vitæ suo fletu nescientes denuntiant; sed cum rationis usum plenissimum Christus habuerit, ac ut Luc. 2. Sapientiâ plenus fuerit, flevit ex compassione, deflevit nostras miserias, nostra peccata, nostram captivitatem, nostrum exilium. Sic & Sacerdotes oportet non tantum sua in altari deflere peccata, sed etiam aliorum, totius scilicet populi, ex Christiana charitate, ac vera compassione. Joël 2. *Inter vestibulum & altare plorabunt Sacerdotes ministri Domini, & dicent, Parce Domine, parce populo tuo, & ne des hereditatem tuam in opprobrium, ut dominantur eis nationes.* Et Jerem 9. *Quis dabit capiti meo aquam, & oculis meis fontes lachrymarum & plorabo die ac nocte interfectos filia populi mei, &c.* Et rursum Joël 1. *Accingite vos & plangite Sacerdotes, ululate ministri altaris.* Sanè D. Ambrosius lacrymas Sacerdotum arma vocat. *Lacryma inquit, mea arma sunt. Talia enim sunt munimenta Sacerdoti, aliter nec possum, nec debeo resistere.* Orat. contr. Auxentium. Imò non solum ille solitus est flere dum sacrificaret, verum etiam dum peccatorum confessionem exciperet. Testatur enim de ipso Paulinus in ejus vita. *B. Ambrosius ita solitus est flere, dum in confessione peccata alicujus audiret, ut etiam peccatorem confitentem in lacrymas deduceret: alienos*

ut suos deflebat, &c. Ad instar D. Pauli quem Chrysoft. hom. 2. de laud. Pauli testatur magis deflevisse aliena peccata, quàm aliquem propria. Imitentur ergo Sacerdotes hos Dei ministros, imitentur & summum Sacerdotem Christum D. qui non tantùm in altari præsepit, sed etiam in altari S. Crucis lacrymatus est. Hebr. 5. Nam *in diebus carnis sue preces supplicationesq̄, ad illum qui posset illum salvum facere à morte, cum clamore valido & lacrymis offerens, exauditus est pro sua reverentia.* Rursum, in præsepitio fuit Christus pannis involutus: in altari involvitur linteis & albis pannis accidentibus & speciebus Sacramentalibus. Est enim Christi corpus involutum ut quondam gladius Goliath Philistæi quem David occiderat. 1. Reg. 26. *Venit David ad Abimelech, dicitq̄, ad eum, si habes hic gladium aut hastam ad manum? Cui Sacerdos: Ecce hic gladius Goliath Philistæi quem percussisti in valle therebinthi est involutus in pallio post Ephod.* Si illum vis tollere, tolle: Neque enim hic est alius absque eo. Et ait David, non est alter illi similis, da mihi eum. Hic gladius corporis Christi in altari figura est. Venit Christus decertare cum dæmone ut David cum Philistæo. Sed quo gladio illum jugulavit? certè gladio ipsius proprio, carne scilicet nostrâ, quâ universum pænè mundum prostraverat. Assumpsit Christus carnem nostram, & in ea vicissim ipsum superavit, & caput ipsius abscidit ut David Goliath; sicut ergo in istius egregii facinoris memoriam gladius ille servatus est in sanctuario, involutus pallio post ephod, quod erat ex lino albo: Ita in memoriam facinoris præclari ipsius Christi caro hæc servatur perpetuò in Ecclesia, & in altari involuta accidentibus albis, accandidis linteis. Utantur Sacerdotes hoc gladio ad gerendum bellum cum dæmone, carne, & mundo. Non est enim alter huic similis ad vincendam omnem tentationem, & ad hostes animarum prosterpendos, & victoriam obtinendam.

Magis

Magistratui Civili pro Strena dono *ligamenta* quibus bos & asinus alligati fuerunt. Debet enim civilis potestas habere funes suos ac vincula, quibus populum nectant & constringant, ut ad præsepe maneant, id est, ut in Dei domo, seu Ecclesia perseverent, ut templa frequentent, ut missam, conciones, aliaque divina officia audiant, ut in mutua pace, ac concordia vivant, ut nondissolutè ac scandalosè vivant, quemadmodum enim animalia, si non alligentur funibus ac vinculis dissolutè discurrunt, ac limites suos transiliunt, ita populus si non coërceatur & constringatur legibus veluti funibus, transilit limites sibi à Deo præscriptos, committuntur homicidia, patrantur adulteria. Adulteri namque transiliunt ut Eccl. 23. ait. *Omnis homo qui transgreditur lectum suum, contemnit animam suam, & dicit, quis me videt?* Statuant ergo Præfecti leges poenales ne ejusmodi peccata fiant, aut non impunè fiant. Puniant scandalosè viventes in exemplum aliorum, coërceant Reip. perturbatores, injiciant funes & vincula quibus bos & asinus, id est, indisciplinati benè alligentur, & contineantur juxta illud Pl. 31. *In chamo & freno maxillas eorum constringe, qui non approximant ad te.* Et Pl. 118. *Funes peccatorum circumplexi sunt me.* Et Prov. 8. *Funibus peccatorum constringitur impius.* Quando enim trahi nolunt in funiculis Adam Oseæ 11. nec in vinculis charitatis, necesse est ut durioribus & arctioribus vinculis adstringantur. Ita & Christus D. Joan 2. usus est flagello de funiculis, quo ejecit de templo ementes & vendentes, id est, prophanatores templi. Sic & Magistratus Ecclesiasticus habet sua vincula, quibus rebelles & refractarios irretitos tenet, qualia sunt vincula excommunicationum, &c. licet hæc vincula perumpere eonentur dicentes illud Pl. 2. *Dirumpamus vincula eorum, & projiciamus à nobis jugum ipsorum.* Habet ergo sua vincula Magistratus civilis qui per Moysen notatur: habet & Aaron, id est, Ecclesiasticus. Pl. 28.

Moyſes, & Aaron in Sacerdotibus ejus. Quia verò Moyſis mentionem facio, rogo & hortor Judices, ut quemadmodum Chriſtus in ſua tranſfiguratione habuit ſecum Moyſen & Eliam, ita quoque ipſi in ſua exaltatione hos duos ſecum adhibeant, Moyſen, id eſt, miſericordiam, & Eliam, id eſt, juſtitiã. De Moyſe habemus, fuiſſe eum virum mitiſſimum & miſericordem. De Elia, fuiſſe eum valdè zelolum pro lege DEI. Unde ipſemet dixit 3. Reg. 19 *Zelo zelatus ſum pro D. DEO exercituum, quia dereliquerunt pactum Domini, filii Iſraël.* Servent ergo judices miſericordiam & veritatem ſeu juſtitiã. *Miſericordia enim & veritas Pl. 84. obviaverunt ſibi, juſtitia & pax oſculatae ſunt.* Sic, inquam, ſervent & exerceant juſtitiã, ut tamen non deglubant nec eviſcerent, nec opprimant pauperes. Hinc Eccl. 4. *In judicando eſto pupillis miſericors.* Sint igitur dicta vincula & funes Magiſtrati Civili pro Srena, iisquẽ loco & ſuo tempore utantur. Sed caveant ne ipſi ſint de eorum numero de quibus Iſai. 5. *Ve qui trahitis iniquitatem in funiculis vanitatis, & quaſi vinculum plauſtri peccatum.*

Virginibus loco Srenæ offero B. Mariam Virginem. Hanc ipſis dono tanquam ſpeculum clariffimum quod contemplantur, & illuſtriſſimum exemplum quod imitentur. Imitabuntur autem in ea potiſſimum ſingularem ejus modeſtiam, ſeu verecundiam, humilitatem & caſticitatem. Ad modeſtiam pertinet, ut ſint verbis paræ, ac ſobriæ, in verbis non profluxæ, non garrulæ, non leves. *Discant Virgines* ait Ambr. lib. 2. in 1. Luc. *non circumcuſſare per alienas edes, non demorari in plateis, non aliquos in publico miſcere ſermones.* Maria enim in domo ſera, in publico feſtina, &c. Ut patet cùm iret ſalutatum Eliſabeth. *Exurgens enim Maria abiit in montanacum feſtinatione, & ſalutavit Eliſabeth.* Ubi & eximium humilitatis præbuit exemplum. Unde V. Beda lib. 1. in Luc. *Diſce Virgo humilitatem Mariae, &*

ria, &

ria, ut & corpore casta & pectore possis esse devota. *Visitat junior seniore, salut. at Virgo uxorem.* Decet enim ut quò castior Virgo, eò sit humilior, & senioribus deferens habitum charitatis, praconio comendetur humilitatis. *Maria ad Elisabeth, Dominus venit ad Joannem, hac ut Spiritu S. repleatur, illius ut baptisma consecretur.* Majorumq̄ humiliatio, minorum est utiq̄ exaltatio. Et conformiter Ambr. lib. 2. in I. Luc. *Noverit Virgo deferre senioribus, sitq̄ Magistra humilitatis, in qua est professio castitatis.* Custos Virginittatis ait August. lib. de bono Virginis. *est charitas, locus autem hujus custodis est humilitas.* Ibi quippe habitat qui dixit, super humilem faciam requiescere spiritum meum. Cogitent itaque Virgines, humilitatem inprimis esse necessariam, frustra que se aliis virtutibus ornatas, si hæc sola desit. *Qui enim sine humilitate virtutes congregat, quasi qui in ventum pulverem portat.* Ut ait D. Greg. Moral. 19. c. 17. Et idem dicit. *Omne quod agitur perire, si non sollicitè in humilitate custodiat.* Adeò necessaria est humilitas, ut non alia sit via ad sapientiam, & veritatis cognitionem perveniendi quàm humilitatis. Sic enim D. August. ad Dioscorum. *Non aliam tibi ad capeffendam & obtinendam veritatē viam munias, quàm qua munita est ab illo, qui gressuum nostrorum tanquam Deus, videt infirmitatem, ea autem prima est humilitas, secunda humilitas, tertia humilitas.* Et quoties interrogares, hoc dicerem, non quòd alia non sint præcepta qua dicantur. Sed nisi humilitas, omnia qua facimus benè, & præcesserit & comitetur, & consecuta fuerit, & proposita quam intueamur, & apposita cui adhareamus, & imposita quâ reprimamur, jam nobis de aliquo factò bono gaudentibus, totum extorquet de manu superbia. Hanc ergo tam necessariam Virgines amplectantur virtutem, & à Virginum Regina humilitatis Magistra exemplum capiant. Cujus humilitas vel in eo lucet, quòd ancillam Domini se vocet quæ Dei Mater eligitur, nec repentino exaltata est promisso. Castitatem

tem ejus vel in eo imprimis imitentur, quòd virorum semper fugerit consortium, vitaverit colloquium, imò ad Angelicum sic turbata sermonem, de quo sic Ambr. loc. cit. *Discite virginem moribus, discite verecundia, discite virginem oraculo, discite mysterio. Trepidare virginum est, & ad omnes viri ingressu pavere, omnes viri affatus vereri. Sola erat in penetralibus, quam nemo virorum viderit, solus Angelus repererit.* Breviter, vis videre fasciculum omnium ejus ferè virtutum, audi rursus eundem Ambros. lib. 2. de Virginit. *Sit vobis tanquam in imagine descripta virginitas vitaq; B. Maria, de qua velut speculore fulget species castitatis, & forma virtutis. Hinc sumatis, licet, exemplum vivendi &c.* Vide in Brev. Decembr. 8. Noctur. 2. lect. 1.

Viduis pro Strena offero tria munera Magorum, aurum, thus, & myrrham. Et auro quidem sæpè opus habent utpote multis debitis gravatæ, ut quæ multis subinde ad jus citationibus impetuntur, & sumptuosis litibus sua debent recuperare, vel conservare. Pauperculis proinde viduis optimè conveniret aurum. Sperarem illis non futurum in perditionem ut Simoni Mago Act. 8. Qui pecuniã volebat comparare dona Spiritus Sancti. Et consultissimè, piissimèque facerent ditiores si clanculariè in ædes pauperularum viduarum aliquam massam auri injicerent, ut S. Nicolaus fecisse legitur in domo cujusdam Civis egeni, qui ob angustiam rei domesticæ tres filias suas nobiles prostituere, earumque pudicitiam traducere cogitabat. Hoc verè esset visitare pupillos Jacob 1. & viduas in tribulatione eorum. Hoc esset honorare viduas, quæ verè viduæ sunt, id est, quæ suorum auxilio destitutæ, quæ manibus suis laborare non possunt, quas paupertas debilitat, ætasque conficit, quibus DEus spes est, & omne opus oratio ut Hieron. loquitur epist. ad Gerantiam. Inveniuntur hodie proh dolor innumeræ, quæ in paupertate conferendæ sunt cum vidua illa Evangelica & pau-
percula

percula, quæ in gazophylacium misit æra duo minuta, quæque ex eo quod sibi deerat, omnem victum suum quem habuit misit. Secundò obtulerunt Magi thus per quod significatur oratio juxta illud Ps. 140. Dirigatur oratio mea sicut incensum in conspectu tuo. Hæc Strena apprimè convenit viduæ, debet enim illa diligenter insistere orationi dicente Apost. 2. Tim. 5. *Quæ verè vidua est instet orationibus & obsecrationibus die ac nocte.* D. Hieron. ad Salvinam scribens de servanda viduitate. *Habes tui ordinis viduas quas sequaris.* *Judith de veteri testamento, & Annam Phanuelis filiam de novo testamento, quæ diebus ac noctibus versabantur in templo & orationibus, atq; jejuniis thesaurum pudicitia conservabant.* Unde & altera in typo Ecclesia diabolum capite truncavit, altera Salvatorem mundi prima suscepit Sacramentorum conscia futurorum; semper ergo in manibus tuis sit divina lectio, & tam crebræ orationes, ut omnes cogitationum sagittæ, quibus adolescentia percuti solet, hujusmodi clypeo repellantur. Tertiò, offerebant Magi myrrham quæ viduis etiam necessaria est. Per Myrrham enim quæ corpora mortuorum conservari solent à putrefactione, significatur mortificatio. Et ianè opus habent vidui & viduæ corporis sui mortificatione, cum enim aliquando expertæ fuerint carnis voluptatem, difficulter se continent, quin saltem præteritarum voluptatum memoriâ ac morosâ recordatione animas suas fœdent ac commaculent. *Difficile est, quin potius impossibile, ait D. Hieron. perturbationum insitiis carere quempiam, quas significantius Græci propatias vocant, nos antepassiones possumus dicere, eò quòd incentiva vitiorum omnium titillent animos, & quasi in medietullio nostrum sit abjicere cogitata, vel recipere.* Sedulò ergò & studiosè debet mortificare membra sua quæ sunt super terram, strenuèque pugnare ac luctari contra carnis illecebras. Corpus proinde castigent, cilicio doment, aliaque poenitentia opera subeant.

Talia fecit Venerabilis illa Paula vidua de qua sic Hieron. in epitaph. ejusdem. *Mollia etiam in gravissima febre lectuli strata non habuit, sed super durissimam humum stratis ciliciolis quiescebat, si tamen illa quies dicenda est, quæ jugibus orationibus penè dies noctesq; jungebat illud implens de Psalterio Ps. 6. Per singulas noctes lavabo lacrymis stratum meum, in quo fontes crederes lacrymarum. Ita levia peccata plangebat, ut illam gravissimorum criminum ream esse crederes. Cùmq; à nobis crebrius admoneretur, ut oculis parceret & eos reservaret Evangelica lectioni, agebat: Turpanda est facies quam contra Dei præceptum, purpurisâ & cerussâ, & stybio sæpe depinxi. Affligendum est corpus quod multis vacabat deliciis. Longus risus perpeti compensandus est fletu, mollia lintheamina & serica pretiosissima asperitate cilicii commutanda: quæ viro, & saculo placui, nunc Christo placere desidero. Hanc myrrham viduæ quæ in deliciis vixerunt adhibeant. Nam cùm luxuriatæ fuerint in Christo 1. Tim. 5. nubere volunt.*

Conjugatis pro Strena do Josephum & Mariam sanctissimos & castissimos Conjuges, quosque omnes matrimonio junctos imitari velim in pacifica cohabitatione, in mutua concordia, in vinculo charitatis & amoris, in fideli obsequio alterius ad alterum. Multa sunt modò connubia ubi intestinis disfidis domus seinduntur, ubi frequentes rixæ, contentiones, pugnæ. Ubi maritus insurgit contra uxorem, uxor involat in maritum, Diceres esse domum Soeraticam, nisi quòd Socrates multos patientiâ suâ vincat in ferendis uxorum suarum injuriis & improperiis. Narrat siquidem D. Hieron. lib. adv. Jovinian. Socratem duas habuisse uxores Xantippen & Myron neptem Aristidis, quæ cùm crebrò inter se jurgarentur, & ille eas irridere fuisset solitus, quòd propter se foedissimum hominem, simis naribus, & recalvâ fronte, pilosis humeris, & repandis cruribus, disceptarent: novissimè in eum vertisse impetum & malè mul-

lè mulctatum fugientemque profecutas. Quodam autem tempore cum infinita convivia ex superiori loco ingerenti Xantippæ restitisset, aquâ perfusus immundâ, nihil ampliùs respondit, quàm capite deterſo; Sciebam, inquit, futurum esse, ut ista tonitrua imber sequeretur. Dolendum profectò inter ipsos etiam Christianos & Catholicos tam infausta ac infortunata quàm plurima reperiri conjugia, ubi amor conjugalis & affectus exulant, ubi expulsa charitas, ubi mutuuum odium, livor, invidia, & zelotypia omnia perturbant: ubi vir est quasi leo in domo sua, evertens domesticos suos & opprimens subjectos sibi, 1 & Eccl. ait 2. Audiant hi D. Paulum sic salubriter monentem Eph. 5. *Viri diligite uxores vestras sicut & Christus dilexit Ecclesiam, & seipsum tradidit pro ea ut illam sanctificaret, mundans lavacro aquæ in verbo vitæ &c.* Ita & viri debent diligere uxores suas ut corpora sua. Qui suam uxorem diligit seipsum diligit. D Chrylost. hom. 15. ex variis, exponens præceptum illud dilectionis. *Diliges DEum tuum ex toto corde tuo, pulchrè docet & tradit dilectionem conjugalem. Ecce si vir habeat uxorem, quomodo cognoscitur uxoris plena dilectio? Uxor neminem debet sapientiorem putare quàm virum suum, & si alter sit sapientior tamen alterum sapientiorem esse, illa intelligere non debet. Uxor neminem fortiorem putare debet quàm virum suum, & si alter fortior, tamen illa intelligere non debet alterum fortiorem. Uxor neminem formosorem putare debet quàm virum, & si alter formosior sit, tamen coram oculis ejus alter formosior apparere nõ debet. Perfectũ enim odium, & perfectus amor verum iudicium non cognoscit. Ut puta, si perfectè oderis aliquem, quali acunq; fuerint, omnia tibi displicent, siue qua loquitur, siue qua agit, & si sint bona tamen tibi videntur mala. Sic & si perfectè aliquem amas, quacunq; sunt apud eum, tibi placent, siue qua loquitur, siue qua agit, & si sint mala, tamen tibi bona videntur.* Ergo si uxor videns aliquem dixerit, quàm sapiens

vir, utinam vir meus talis esset, jam amor ejus minus habet aliquid de perfecto amore. Et pro quanta parte aliquid laudaverit amplius in altero viro quam in suo, tanto dilectio minor est ad virum suum. &c. Sic ergo talis inter Conjuges amor & affectus.

Servus, & Ancillis, & Adolescentibus do Christum D. diversimodè consideratum, his ut Puerum, illis ut perfectioris atatis. Non sint servi & ancillæ dejecto animo ob conditionem servilem, nec tædeat eos laborum & vilium operum, quæ subinde præstare debent, cogitent illud Christi Matth. 20. Non est servus major Domino suo. Filius enim hominis non venit ministrari sed ministrare. Nec est dedignatus lavare pedes discipulorum suorum more servorum præcinctus, ne quidem proditoris Judæ unà cum aliis recumbentis. Rursum Luc. 12. Beati servi illi, quos cum venerit Dominus invenerit vigilantes &c. Et iterum Luc. 22. Quis major est qui recumbit, an qui ministrat: &c. Hinc aliquoties in Scriptura Sacra Christus omnium Dominus servi nomine vocatur. Ut apud Isai 42. Ubi Pater cœlestis sic loquitur de Filio suo. Ecce servus meus, suscipiam eum, complacuit sibi in illo anima mea, dedi spiritum meum super eum, judicium Gentibus proferes, Et Isai. 49. Parum est ut sis mihi servus ad suscitandas tribus Jacob, & feces Israël convertendas, &c. Et Zach. 3. Ecce ego adduco servum meum Orientem. Denique conqueritur Dominus apud Isai. 34. & expostulat graviter adversus Judæorum ingratitude. Servire me fecisti in peccatis tuis, præbuiisti mihi laborem in iniquitatibus tuis. Uti & apud Pl. 87. Ego autem in laboribus à juventute mea. Hæc igitur consideratione solabuntur servi & ancillæ laborum suorum tædia.

Pueris verò & Adolescentibus proposui eundem Christum infantem, ut ejus vitam & mores à pueritia imitari discant. Discant frequentare templa, ut Puer JESUS ascendit cum Parentibus suis Jerosolymam secundum consuetudinem diei festi, cumq;

cùmque à Parentibus fuisset perditus, ab iisdem inventus est, nō in tabernis, non in plateis, non in suspectis locis, sed in templo, in medio Doctorum. Discant obedire Parentibus suis, ut Puer JESUS obediens erat & subditus Mariæ Matri suæ & Josepho, cùm tamen esset verus DEUS. Unde non sine magna admiratione sic loquitur S. Bern. hom. 1. super Missus. *Quis? quibus? DEUS hominibus, DEUS, inquam, cui Angeli subditi sunt, cui Principatus & Potestates obediunt, subditus erat Mariae, nec tantum Mariae, sed etiam Josepho propter Mariam. Mirare ergo utrum libet & elige quid amplius mireris, sive Filii benignissimam dignationem, sive matris excellentissimam dignitatem, utrinq; stupor, utrinq; miraculum. Et quòd DEUS fœmina obtemperet, humilitas absq; exemplo; & quòd DEO fœmina principetur, sublimitas sine socio. Disce nunc ò homo obedire, disce terra subdi, disce pulvis obtemperare. Erubescere superbe cinis. DEUS se humiliat, & tu te exaltas. DEUS se hominibus subdit, & tu dominari gestiens hominibus, tuo te praeponis auctori? utinam mihi tale aliquid aliquando cogitanti DEUS respondere dignetur, quòd & suo, increpando, respondit Apostolo. Matth. 16. Vade, inquit, post me Satana, quia non sapis quae sunt Dei. Quoties me hominibus praesse desidero, toties Deum meum praere contendo, & tunc verè non sapio ea quae sunt Dei. De ipso namq; dictum est. Et erat subditus illis. Denique de Puerò JESU dicitur in Evang. Luc. 2. Puer autem crescebat & confortabatur, & gratia Dei erat in illo. Et iterum. JESUS proficiebat sapientiã & etate, & gratiã apud Deum & homines. Conentur omnes pueri & adolescentes progressum facere in pietate, sapientia, & gratia, timore Dei &c. A primis justitiæ rudimentis semper oportet progredi ad perfectiora, quemadmodum enim corpus habet actus suos, quousq; ad perfectum staturæ modum, perfectasque vires deveniat, ita & pietas incrementa habet, donec perfectionem attingat, & plenitudinem Christi. Grandis fit Christus in nobis & adolescit*

cum perfectionem acquirimus, cum jam relicto carnalis sensus lacte solidum cibum appetimus, cum relictis & neglectis terrenis ad coelestia aspiramus. Crescite ergo cum Pueru JESU, crescite cum Samuele de quo Scriptura 1. Reg. 2. *Puer Samuel proficiebat atq; crescebat, & placebat tam Deo, quam hominibus.* Proficite cum Davide, de quo 2. Reg. 3. *David erat proficiens & se ipso robustior.* Ne igitur semper pueri simus, sed quotidie in melius proficiamus. *Semper, inquit, August. serm. 15. de verbis Ap. tibi displiceat quod es, ut possis pervenire ad id quod nondum es, ubi tibi placuisti, ibi rem amisisti. Si autem dixeris, sufficit, etiam periisti. Semper ambula, semper profice, semper adde, noli in via remanere, remanet qui non proficit.* Et D. Leo serm. 2. in Quadrag. *ibi incidunt homines in deficiendi periculum, ubi proficendi deponunt appetitum.* Dicite ergo cum Paulo 1. Cor. 13. *Cum essem parvulus loquebar ut parvulus, cum vero factus sum vir, evacuavi quae sunt parvuli.* Rogate DEum ut assidue crescatis in gratia, & cognitione Domini nostri & Salvatoris Jesu Christi, ut D. Petrus monet 2. Petr. 3. Rogate cum D. Paulo Ephes. 3. *Ut det vobis secundum divitias gloriae suae virtutem corroborari per spiritum eius in interiori homine.* Ite Ps. 83. *De virtute in virtutem, ut postea videatis DEum Deorum in Sion, ut occurratis ei in virum perfectum Ephes. 4. in mensuram aetatis plenitudinis Christi,*

STRENA III.

De Septem Donis Spiritus S. in figura Columbæ.

Distributurus Strenæ loco dona septem Spiritus S. quæ requieverunt super hunc Regem novum ut Isai. 11. testatur. *Egredietur virga de radice Jesse, & flos de radice ejus ascendet,*

det, & requiescet super eum Spiritus Domini, Spiritus sapientia & intellectus: spiritus consilii & fortitudinis: spiritus scientia & pietatis: & replebit eum spiritus timoris Domini. Cùmq; Columba typus sit Spiritus S. habeatq; etiam septem proprietates seu condiciones, eas quoque breviter applicabo dictis Spiritus S. donis. Proprietates columbæ sunt istæ. 1. Quòd lymphidis gaudeat aquis. 2. Quòd vivos horreat lumbricos, mortuos. edat. 3. Quòd dum serpentes metuit evolat in altas rupes. 4. Quòd compare suo amisso turtur seu columbus sylvester nihil agat nisi gemat. 5. Quòd felle careat. 6. Quòd è pluribus granis meliora & candidiora eligat. 7. Quòd Domino valdè fructificet.

Sacerdotibus igitur opto pro convenienti Strena donum intellectus, horum est enim intelligere, interpretari, docere Scripturas, quod donum illi Sacerdotes nondum acceperant, de quibus dicitur in Evangelio *nondum sciebant Scripturam* Joan. 20. *quia oportebat Christum resurgere à mortuis.* Et alibi Matth. 15. *Et vos adhuc sine intellectu estis.* Hi tamen hoc dono præditi esse debent. Nam dicit Eccl. 8. *Ne despicias narrationem resbyterorum sapientum &c. ab ipsis enim disces sapientiam & doctrinam intellectus.* Hoc donum habebat Timotheus ad quem sic 2. Tim. 12. *Intellige quod dico, dabit enim tibi Dominus in omnibus intellectum.* Sacerdotum ergò est, amare scientiam scripturarum, ut carnis vitia non ament, ut Hieron. loquitur. *Amare libros ne ament liberos.* Eorum enim est plus scire & intelligere præ cæteris, ut alios doceant, & informent Malach. 2. *Labia sacerdotis custodient scientiam & legem ex ore ejus requirent.* Et rectè. Sanè opus est intellectu in sacrarum literarum lectione, sunt enim illæ multis locis difficillimæ intellectu, licet hæretici aliud de illis dicant. Nunquid enim dicit D. Petrus 2. Petr. 3. *In epistolis Pauli esse quædam difficilia intellectu, quæ indocti & instabiles depravant, sicut & scripturas cæteras ad ipsorum perditionem.* An non in Actibus

bus Apost. Act. 8. Eunuchus cum legeret Isaiam Prophetam interrogatus à Philippo. *Putasne intelligis qua legis?* respondit. *Quomodo possum si non aliquis ostenderit mihi?* Audi quid censeat D. Aug. epist. 3. *Tanta Christianarum profunditas literarum ut in iis quotidie proficerem, et si eas solas ab ineunte pueritia usq. ad decrepitam senectutem maximo otio, summo studio, meliore ingenio, addiscere conarer.* Et alibi 12. Confess. 14. *Mira profunditas eloquiorum tuorum Domine, mira profunditas, Deus meus. Horror est intendere in eam: horror honoris & tremor amoris.* Hinc D. Chrysof. in I. Joann. *Primum nobis curandum est, & omni studio invigilandum, ut sacrarum Scripturarum profundum inspicere possimus, quarum sensus nunquam deprehendemus oscitantes, &c.* Et D. Hieron. ad Paulin. *Quanti hodie putant se nosse literas, & tenent signatum librum, nec aperire possunt, nisi ille referaverit, qui habet clavim David. Qui aperit & nemo claudit, qui claudit & nemo aperit. Ego, ut de me loquar, nec sanctior sum Eunuchis Act. 8. nec studiosior, qui de Aethiopia, id est, de extremis mundi finibus venit ad templum, reliquit aulam regiam, & tantus amator legis divinae scientia fuit, ut etiam in vehiculo legeret literas sacras, & tamen cum librum teneret, & verba Domini cogitatione conciperet, lingua volveret, labiis personaret, ignorabat tamen quem in libro nesciens venerabatur. Venit Philippus, ostendit Jesum, qui clausus in litera latebat.* Et post pauca. *Hac à me breviter perstricta sunt, ut intelligeres te in Scripturis sacris sine praevio & monstrante semitam non posse ingredi.* Et paulò post graviter conqueritur passim omnes sibi vendicare artem scripturarum, eamq. docere antequam didicerint, cum tamen caetera artes absq. Doctore & praevio monstrante non discantur. Quae cum ita sint, an non meritò Sacerdotes clamare & orare debent cum Regio Prophetæ, Pl. 118. *Da mihi intellectum, & scrutabor legem tuam. Da mihi intellectum & discam mandata tua.* Et rursum. *Revela oculos meos & considerabo mirabilia tua.* Ut ergo Sacerdo-

res

res verum intellectum S. Scripturæ assequantur, debet *voluntas* eorum Ps. 1. *esse in lege Domini, & in eadem meditari die ac nocte.* Debent eandem frequenter ruminari ac masticare. Debent cum Propheta Ezech. 3. *volumen illud comedere.* Debent orationibus instare quibus petant illuminari dicentes iterum cum Ps. 118. *Faciem tuam illumina super servum tuum, & doce me justificationes tuas.* Meminisse quoque debent saluberrimæ istius monitionis D. Augusti, sic scribentis in Joann. tr. 2. *Omnia quæ leguntur in Scripturis sanctis ad instructionem & salutem nostram oportet audire, maximè tamen memoria commendanda sunt, quæ adversus hereticos valent plurimùm.* Discant hæc omnia, & practicabunt exemplo columbæ, quæ ut dixi, limpida gaudet aquis, ut in iis clariùs speculari possit vulturum & milvorum supervolitantium umbram & imaginem, ac tempestiviùs sibi prospiciat loca tutiora petendo. Ita, inquam, Sacerdotes affici debent, & gaudere aquis Scripturarum, tanquam fluentis quibusdam ac sinceris fontibus, & in illis frequenter speculari ut sibi prospiciant contra milvos ac vultures, id est, contra hæreticorum insidias, fraudes, corruptelas, argutias, &c.

Sæcularibus Dominis fero in Sereñam donum *Sapientie*, hoc enim ipsis admodum necessarium est, ut populum prudenter regant, & salutare leges ferant, ut benè meritos præmiis ac honoribus afficiant, ut malefactores ac Reipub. perturbatores plectant, ut justiciam rectè administrent. Sinamque prudentia & sapientia iis defuerit, facile incident in illam damnationem. I. Isai. 8. *Væ qui dicitis malum bonum, & bonum malum, ponentes tenebras lucem, & lucem tenebras, ponentes amarum in dulce, & dulce in amarum.* Nihil tunc judicant rectâ ratione, sed omnia corrupti iudicii opinione metiuntur: ex quo efficitur, ut mentis cæcitate impediti nomina rerum mutant, virtuti vitii nomen imponentes, vitium verò virtutem appellantes, id est, vel bonos

improbantes, malos verò laudantes, juxta illud Prov. 7. *Qui justificat impium & qui condemnat justum, abominabilis est uterq; apud DEum.* Cùm viri justi sit, optimos laudibus extollere, & benevolentiam prosequi: homines verò impios non solum non laudare, sed etiam odio habere, non quatenus homines sunt, sed quatenus iniqui, ut non DEI opus detestetur, sed hominis malitiam; non quod fecit DEus, sed quod fecit homo. Hoc enim odium non contrariatur amorì proximi, imò cum charitate, maximè cohæret. Rex enim David in eo Psalmo, in quo pollicetur se Regis optimi officio futurum, ita inquit, Ps. 100. *Facientes pravationes odivi.* Et in alio Psalmo 88. *Nonne, qui te oderunt oderam, & inimici facti sunt mihi?* Et in alio Psalmo 14. Ubi viri justi qualitates describit, ita ait. *Ad nihilum deductus est in conspectu ejus malignus, timentes autem DEum glorificat.* At depravati homines corrupto judicio & cæco impetu agitati omnia pervertunt, viros doctrinâ & pietate exultos vituperant & maledictis lacerant, amentes autem & scelerum maculis resperfos ac notatos laudibus extollunt: optimos poenâ afficiunt, & sceleratos immunes dimittunt. Ita fecerunt illi corruptissimi & iniquissimi Judices Matth. 27. qui Barabbam seditiosum homicidam ac latronem dimiserunt, Christum verò sanctissimum & innocentissimum ad mortem vocaverunt. Annon ergò Judicibus & Præfectis sapientia est necessaria, ut rectè, justè, ac discretè omnia decernant, exequanturque? Annon hanc magis, quàm aurum, argentum, & vitrum, divitias, vel honores optare sibi ac comparare debent? Quod non ignorans Salomon cùm Præfectus esset ac Judex super populo Israëlítico constitutus, non perituras divitias, nec fugitivos honores sibi postulavit, non vitæ longitudinem, non inimicorum suorum stragem ac mortem, sed tantum sapientiam quâ dignè populo suo præesse posset, salubriter imperare, ac regere. Audiamus verba Scripturæ

pturæ 3. Reg. 3. *Dominus Deus meus &c.* Hæc verò ejus sapientia paulò post eluxit ac se manifestavit 3. Reg. 3. in judicio duarum Meretricum secum altercantium super oppresso mortuoque filiolo. Hanc prudentiam & sapientiam si omnes Judices possiderent, & Provinciarum rectores ac gubernatores, non eviscerarent nec degluberent miseros ac pauperiores, sed humanè, benignè, ac misericorditer eos tractarent. Hanc discant exemplo etiam columbæ, quæ cum vermes aut lumbricos in escam quærit, non vivos devorat, sed mortuos quos invenit.

Virginibus pro Xenio defero alterum donum Spiritûs S. nimirum *fortitudinem*. Hæc enim illis valdè est necessaria, cum enim quotidie pugnare debeant contra carnem, vitia, 1. Petr. 2. *ac desideria quæ militant contra animam*, cum etiam non rarò tam graviter oppugnentur, ut difficulter resistere posse videantur tentationibus, sitq; non parvum succumbendi periculum, quid iis magis necessarium quàm Spiritûs S. fortitudo quàm difficultates omnes superare queant, & in periculoso hoc, duroque certamine victores evadere? Si D. Augustino credimus de honestate mulier. cap. 3. *Inter omnia Christiana certamina sola dura sunt prælia castitatis, ubi quotidiana est pugna, rara victoria.* Testantur hoc quàm plurimarum virginum lapsus ac ruinæ. Est enim *pudicitia virginalis res tenera ac fragilis, quæ ut Hieron. ait quasi flos pulcherrimus citò ad levem marcescit auram, leviq; flatu corrumpitur, maxime ubi atas consentit ad vitium.* Et in ep. ad Salvinam. *Quamdiu hoc fragili corpore detinemur, quamdiu habemus thesaurum istum in vasis fictilibus, & concupiscit spiritus adversus carnem, & caro adversus spiritum, nulla est certa victoria, &c.* Tantò igitur bellum hoc difficilius, quantò hostis contra quem dimicamus, magis internus. Matth. 10. *Inimici hominis domestici ejus. Facile aliis caremus vitiis, ait Hieron. ad Eustoch. Hic hostis nobis inclusus est, quocunq; pergitur nobiscum portamus*

inimicum. Unde magnarum hic vigor mentium est, grandis virtutis & sollicita diligentia, superare quod nati sumus in carne, præter carnem vivere, nobiscum pugnare quotidie, & inclusum hostem centum Argi oculis observare. Hinc etiam victoria hujus belli maximè est gloriosa. Nam ut D. Cypr. ait de bono pudicitia. Nulla major est victoria quàm qua de cupiditatibus refertur. Qui hostem vicit fortior fuit, sed altero, qui libidinem represit, seipso fortior fuit: qui inimicum prostravit, externum hostem percussit, qui cupiditatem represit, hostem domesticum superavit. Malum omne facilius vincitur quàm voluptas. Quia illud quidquid est, horridum est, hæc blanda est, nihil tam difficile opprimitur, quàm quod per illud armatur. Quandoquidem ergò hoc virginale bellum laboriosum & periculofum, induant hanc armaturam Spiritus S. scilicet fortitudinem, audiant & faciant quod Spiritus S. monet. *Estote fortes in bello.* &c. Hebr. 1. Rogent cum Samlone Judic. 16. & invocent Dominum. *Domine DEus memento mei & redde mihi fortitudinem pristinam.* Dicant cum Davide Pl. 58. *Fortitudinem meam ad te custodiam.* Non enim existimare debent se, ex se satis fortes ad vincendum, & de hoste triumphandum, sed humiliter confiteri ac clamare debent, Pl. 42. *Tu es DEus fortitudo mea.* Deniq; victoriam non tam sibi, quàm ei à quo fortitudinem acceperunt adscribere debent. Ita fecisse legitur in victa illa virgo B. Sara de qua Tympius in loc. comm. verb. *Humilitas.* Cum enim hæc virgo in carnalis lascivie bello per annos tredecim victrix semper evaderet, acriusq; tandem à dæmone impugnaretur, ut vix posset resistere aut sustinere, invocato Sponsi sui Christi auxilio, tum quoque triumphavit. Diabolus verò eidem cedendo victoriam, victorie palmam subtili stratagemate tentabat eripere, dum ei apparens, latusque stimulo inanis glorie petens, dicebat. *Vicisti me Sara, vicisti.* Sed ipsa, quæ oportebat arte proditoriam ipsius eludens sicam, ac prudens, ut David Saulis ha-

lis ha-

lis hastam declinans 1. Reg. 19. ei quod oportebat respondit. *Non ego te vici sed Dominus meus Iesus.* Ut verò se fortiter in hoc quotidiano bello gerant, nec tædio diuturni certaminis affecti stationem suam deserant, statuunt sibi ob oculos præmia futuræ vitæ, & singularia privilegia quæ post victoriam obtinebunt. *Egredere paulisper* inquit D. Hieron. ad Eustoch. *de carcere, & presentis laboris, finge tibi mercedem, quam nec oculus vidit, nec auris audivit, &c.* Cogitent se laureolâ virginitatis coronandas ubi legitimè certaverint, secuturas in cœlo, Apoc. 14. Agnum quocunque iverit, & cantaturas canticum novum quod nemo alius cantare poterit. Ut autem omnia quæ dicta sunt faciliùs exequantur, imitentur etiam columbam, cujus eam esse diximus conditionem, ut si serpentem, milvum, aut nocivum aliquod animal conspexerit, mox in altum evolat. Ita virgines cum diabolus, caro aut mundus ad malum sollicitat, insidias, quæ struit castitati, protinus oratione, & meditatione in cœlestia conscendant, & in firmissima gratiæ divinæ rupe, ac foraminibus petræ, scilicet, vulneribus Christi delitescant, dicentes cum Propheta Ps. 13. *In DEO speravi, non timebo quid mihi faciat caro.* Et Ps. 42. *Quare tristis es anima mea, & quare conturbas me?* &c. Et Rom. 7. *Quis me liberabit de corpore mortis huius?*

Viduis in Strenam aliud offero donum Spiritûs S. nimirum consilii intrinsecè & extrinsecè. Cum enim maritalis deest auctoritas, cujus umbra uxoris est tutamen, ut D. Hieron. epist. ad Salvinam loquitur. Unde maritis destitutæ plerumq; vexantur & opprimuntur, varias injurias pati coguntur, quia defensores carent; multis difficultatibus involvuntur, quibus se extricare non valent, adeò ut in omnibus illis angustiis, litibus, salubri egeant consilio, quo juvari possint & in paupertate levari. In tali afflictione constituta erat illa vidua, de qua legitur 4. Reg. 4. Mulier quædam de uxoribus Prophetarum clamabat ad Elisæ-

um dicens. *Servus tuus vir meus mortuus est, & ecce creditor venit ut tollat duos filios meos ad serviendam sibi. Cui Eliseus. Quid vis ut faciam tibi? Dic mihi quid habes in domo tua? & illa respondit, non habeo quidquam ancilla tua in domo mea, nisi parum olei quo ungar, &c.* Vides, quomodo suo consilio S. Propheta hanc pauperulam viduam juverit. Simile quid legitur in Act. Apost. cap. 6. Ubi Scriptura sic dicit. *Crescente numero factum est murmur Græcorum adversus Hebræos, &c.* Hic iterum vides viduas bono consilio Apostolorum adjutas & promotas. Tu quoque similiter fac. Si non vales pauperulis & afflictis viduis operam ferre, dando pecuniam, elemosynam &c. assiste eis consilio, consolando eas, & verbis apud ditiores commenda, & dic cum B. Virgine Joann. 2. *Vinum non habent. Imò, panis in domo non est, neq; vestimentum,* ut Isai. 3. quidam queruntur. Quod si non feceris, talentum non rectè expendisti. Dicit namque D. Greg. hom. 9. eos qui familiaritatis locum apud divites meruerunt, si nihil pro indigentibus loquantur, pro talenti retentione damnari. Sanè Christus D. luculentè nobis exemplo suo ostendit, quomodo afflictis viduis compati debeamus, cum blandis & consolatoriis verbis viduam Civitatis Naim funus deplorantem Filii sui Joann. 7. sic alloqueretur. *Noli flere, viduarum namque lacrymas, & gemitus præterire ac negligere non solet. Ecc. 35. Non despiciet preces pupilli, nec viduam, si effundat loquelam gemitus. Nonne lacrymæ viduæ ad maxillam descendunt, & exclamatio ejus super deducentem eas? à maxilla enim ascendunt usq; ad cælum, & Dominus exauditor delectabitur in illis. Et Psalmista Pl. 145. Dominus custodit advenas, pupillum & viduam suscipiet. Inter omnia Judæorum peccata, ob quæ Deus olim contra eos graviter & minanter exostulabat, non infimum erat, quòd pupillos & viduas negligenter. Audi Dominum Jer. 5. *Causam viduæ non judicârunt, causam pupilli non direxerunt, & iudicium pauperum**

non iudicaverunt nunquid super his non visitabo, dicit Dominus ? aut super gentem huiusmodi non ulciscetur anima mea ? Rursum apud Ilai. 1. Pupillo non iudicant, & causa vidua non ingreditur ad illos, propter hoc ait D. DEUS exercituum. Heu consolabor de hostibus meis & vindicabor de inimicis meis. Et ibidem sic adhortatur eos. Querite iudicium, subvenite oppresso, defendite viduam, & venite, & arguite me dicit Dominus &c. Magna erat crudelitas istius Iudicis DEUM non timentis, & hominem non reverentis, ad quem vidua quædam civitatis veniebat, dicens Luc. 18. Vindica me de adversario meo. Qui tamen per multum tempus volebat, nisi tandem ob nimiam ejus importunitatem & molestiam, non ex compassionis affectu. Tales pro dolor, hodie plurimi sunt qui aures obturant ad viduarum clamores & lacrymas, & querulis vocibus earum, nec molliuntur, nec flectuntur. Quia verò lachrymarum & gemituum viduarum mentionem fecimus, meminerint columbæ seu turturis, quæ amisso comparæpe gemit, & gemebundam vocem edit. Unde illud Cantic. 2. Vox turturis audita est in terra nostra. Diximus enim supra, inter alias columbæ conditiones etiam esse, quòd viduata & orba ta socio, quasi indefinenter gemat, producant & illæ in mortuos maritos lacrymas Eccl. 38. Et quasi dura passa incipiant plorare. Ne tamen contristentur sicut ceteri qui spem non habent. 1. Thefl. 4. Non enim mortui sunt mariti, sed dormiunt in terræ pulvere, excitandi aliquando, & resuscitandi in novissimo die.

Conjugatis offero pro Strena donum pietatis, Pietas ad omnia utilis est. Dicitur 1. Timoth. Est enim Conjugatis necessaria pax, concordia mutua inter ipsos, & erga proles pietas & charitas. Pietatem in conjugio requirit Apost. 1. Tim. 2. Mulieres in habitu ornato cum verecundia & sobrietate ornantes se, non intortis crinibus aut auro, aut margaritis, vel veste pretiosa, sed quod decet mulieres, pietatem promittentes per bona opera. Loquitur au-

tur autem Apost. de Conjugatis, nam paulò post subjungit. *Docere mulierem non permitto, neq̃ dominari in virum &c.* Et ideò quemadmodum idem Apost. mysterium Incarnationis, quod est spirituale quoddam connubium inter Christum & humanam naturam, vocat, magnum pietatis Sacramentum. 1. Tim. 3. Ica & matrimonium potest vocari magnum pietatis Sacramentum. De quo idem Ephel. 5. *Sacramentum hoc magnum est. Ego autem dico in Christo & Ecclesia.* Sint ergo Conjuges pii in DEum, & in sæculari sua religiosam ducant vitam, ut exemplaria sint virtutum & bonorum operum. Sint de numero eorum de quibus D. Greg. *Sunt multi sæculares homines, qui etiam imitandum aliquid habent de actione virtutis.* Sint tales, qui primò quærant regnum DEI & iustitiam ejus, Matth. 6. ut cetera illis adjiciantur. Audiant frequenter divinum officium, sæpè confiteantur, communificent, aliaque pietatis officia & exercitia diligenter exerceant. Hæc pietas fundamentum est pacis & concordie domesticæ, quæ multa secum bona trahunt. Quando enim concordia & pax, & vinculum dilectionis cum muliere & viro fuerit, inquit D. Chrysostr. hom. 38. in 16. Gen. *omnia simul affluunt bona, & nullis insidiis expositi sunt, magno & inexpugnabili quodam muro circumdati suã juxta DEI præceptum concordia.* Hoc, ferro eos fortiores reddet, hoc omnibus divitiis & abundantia magis locupletabit. Hoc supernam gloriam eis conferet, hoc & DEI benevolentiam ubertim eis conciliabit. Proinde oro, sic omnia agamus & faciamus, ut tranquillitas & pax sit cohabitantibus. Tunc enim & filii qui nascuntur, virtutem sequentur, quos imitabuntur & servi, & undequaque domus virtute floreat, eritque multiplex rerum prosperitas. Quando enim Divina præferimus juxta illud. *Primum quærite regnum Dei &c.* Matth. 6. facile alia omnia nobis prosperè succedent, & nihil difficile putabimus, suppeditante nobis omnia largiter Divina gratia. Porro qualis debeat esse hæc concordia, amor, & affe-

Cuius conjugal is in pietate fundatus, vel ipse annulus pronubii
 declarat. In primis enim annulus pronubus est unus, quo signi-
 ficatur amorem conjugalem debere esse inter unum & unam, ju-
 xta illud. *Matth. 19. Masculum & feminam creavit eos. 2. Annu-*
lus ille est ut plurimum aureus aut saltem deauratus, quo in-
nuitur amorem conjugalem excedere debere quemlibet alium
inter homines amorem, juxta illud. Propter hac dimittet homo
Patrem & Matrem & adheret uxori suæ. Multo magis alios.
3. Annulus est figuræ circularis, quo indicatur stabilitas &
perpetuitas amoris conjugal is Prov. 17. Omni tempore diligit qui
amicus est. Insuper annulus pronubus inseritur digito proximè
minimo sinistræ manûs. Ratio est, quia vena quædam à corde
pergere dicitur ad digitum istum, quo significatur amorem
conjugalem esse debere cordialem, juxta illud 1. Joann. 3. Filioli
non diligamus verbo, sed opere & veritate. Deniq; annulus ille de-
poni non potest à semetipso, sed ab altera manu, quo declaratur
conjugium dissolvi non posse, nisi per mortem alterius conju-
gum. Quod enim Deus conjunxit Matth. 19. homo non separet.
 At verò quod deplorandum est, jam invenire est quàm pluri-
 mos conjuges divortio separatos; jam invenire est plurimos ma-
 ritos non magis concordés quàm canes & feles. Jam invenire
 est plurimos Maritos Uxores suas cædentes, verberantes, vul-
 nerantes &c. Cùm tamen nullum sic vel esse debeat tam ma-
 gnum peccatum quod ad verberandum uxorem instigare de-
 beat maritum juxta doctrinam S. Chrysostr. hom. 26. in 1. Cor. 10.
Et vos Viros illud admoneo, quod nullum sit tam magnum peccatum
quod ad verberandum uxorem vos compellat, & quid uxorem dico?
ne servam quidem verberare & manus in eam injicere viro libero es-
set tolerandum. Quod si servam verberare viro maxima ignomi-
nia est, multo magis contra Liberam dextram extendere, & hoc ab
Gentium legum latoribus cognoscere possumus, qui, quæ vapula verit,
non amplius eam cum marito habitare cogunt, utpote qui indignus

sit, ut cum eo amplius consuetudinem habeat. Etenim summa injuria est, vitæ sociam, & in rebus necessariis sibi antea conjunctam, tanquam mancipium ignominia afficere. Ideo ejusmodi virum, siquidem vir potius appellandus quam fera, & parricida, & matricida similem esse dixeris, nam si Patrem & Matrem uxoris gratiâ relinquere precipimur, ut non injuriam eis faciamus: sed divinam legem impleamus, quoniam pacto non ultima dementia est, eam contumeliâ afficere, propter quam Parentes dimittendos DEUS præcepit? &c. Colant igitur omnes Conjuges pietatem amoris & concordia fundamentum. Hoc etiam discent exemplo columbæ, cujus eam diximus esse conditionem & naturam ut felle & amaritudine careat, præsertim foemella, ita & Conjuges felle amaritudinis, rancoris, malevolentia, iracundia, careant, & pacem, amorem, pietatem, & affectum Conjugalem conservent. Sequuntur sexto loco servi & ancilla, & septimo pueri seu adolescentes, illis loco Strenæ fero donum scientia; his autem Timoris Domini! *Servus* convenit scientia, debent enim scire ac cognoscere voluntatē Domini sui, nec tantum scire & cognoscere, sed etiam facere & adimplere. *Servus enim sciens voluntatem Domini sui & non faciens, vapulabit multis.* Vide Luc. c. 12. Sic accedit infideli illi & pigro servo in Evangelio, ubi sic legitur Matth. 25. Accedēs servus qui unum talentum acceperat, ait: Domine scio quia homo durus es, metis ubi non seminasti, & colligis ubi non sparsisti &c. Ecce habes quod tuum est. Respondens autem Dominus, dixit illi. *Serve nequam &c. Tollite ergo ab eo talentum &c. Et inutilem servum projicite in tenebras exteriores.* Nec obstat quod Christus dicat Joann. 15. *Servum nescire quid faciat Dominus ejus.* Quia eo tantum significare voluit: Servum ut plurimum nescire secreta consilia Domini sui, sed tantum scire, quid sibi Dominus faciendum imperet. Unde hinc potius confirmatur quod diximus, quam contrarium asseratur. **Conentur servi tales esse, quales ad se adduci**

duci præcepit Nabuchodonosor Rex, Dan. 1. Nempe in quibus nulla esset macula, eruditos omni sapientiâ, cautos scientiâ, & doctos disciplinâ &c. Aut saltem, discant scire, quid faciendum, quid omittendum sit, quid bonum, quid malum, quid eligendum, quid repudiandum, quid sanum vel integrum, quid illicitum, quid Catholicum, quid Hæreticum, ut sciant *reprobare malum, & eligere bonum*. Isai. 7. Hoc facient exemplo columbæ, cujus ea est conditio, ut dum pabula vel plura grana illi objiciuntur, seu objecta reperit, candidiora & puriora selegit, nigricantibus postpositis & relictis. Sic inquam faciant servi cum incidunt in varios Heros, quorum hi Catholici isti Hæretici sunt, dum hic catholicam audiunt doctrinam, illic obtrusa dogmata Hæretica: dum apud quosdam incorruptè vivitur, apud alios dissoluta liberiorq; vita permittitur: adhæreant puritati & veritati Romanæ Catholicæ & Apostolicæ doctrinæ, contemptis, neglectis & repudiatis hæreticorum falsis doctrinis, & perversis suggestionibus: æmulentur virtutes conculcatis vitiosis moribus, adhæreant bonæ societati noxiam relinquendo.

Pueris autem & Adolescentibus est necessarius. Timor Domini Eccl. 1. Initium sapientiæ timor Domini. Et Prov. 15. Per timorem Domini declinat omnis à malo, Et Eccl. 23. Nihil melius est quàm timor Dei. Et Eccl. 2. Fili accedens ad servitutem DEI, sta in timore. Hic inquam timor DEI à pueritia docendus est, & inculcandus à Parentibus, ut fecisse legitur Tobias senior Tob. 1. Filium enim suum ab infantia docuit timere DEUM, & abstinere ab omni peccato. Sic &, Dan. 13. Susannæ castissimæ matronæ Parentes cum essent justi, erudierunt filiam suam secundum legem Moyfi. Non dubium, quin in timore DEI. Sic & Regius Propheta Ps. 33. *Venite Filii, audite me, timorem Domini docebo vos.* Sic & Gen. 18. Abraham præcepit Filiis suis & domui suæ post te, ut custodiant viam Domini &c. Utinam ea esset omni-

bus Parentibus cura, providere Filiis suis DEum, ejusque timorem. At nunc nimis verum, quod hom. 35. in Matth. 20. deplorat Chrysoſtom. *Alii filiis suis militiam provident, alii honores: nemo filius suis providet DEUM, perditionem eorum magno pretio comparant, salutem autem illorum nec dono accipere volunt. Nam si videant filios suos pauperes, tristantur, quòd corporum non animorum sint Parentes, corpus natorum amant, animam autem contemnunt. Desiderant illos valere in seculo isto, & non curant quòd passuri sint in alio. Frequenter igitur culpà Parentum est, quòd non sit timor DEI ante oculos filiorum. Qui viret in foliis venit à radicibus humor, & Patrum in natos abeunt cum semine mores. Discant ergò Pueri & Adolescentes à pueritia timere DEum. Non timeant eos qui occidunt corpus. Matth. 10. Animam autem non possunt occidere: sed potiùs timeant eum, qui potest & animam & corpus perdere in gehennam. Hunc timorem discant etiam columbæ exemplo, quæ mulcùm timeret accipitrem, juxta illud Ovid. Terretur minimo penna stridore columballingvibus accipiter saucia facta tuis.*

STRENA IV.

De Floribus & Plantis.

Quoniam Flos campi nascitur Christus hyeme, dabo in Strenam flores & plantas, sed quæ etiam hyeme prodire possunt. Sacerdotibus igitur & Ecclesiasticis do virgam Aaron germinantem, de qua num. 17. *Quem ex his DEus elegerit, germinabit virga ejus.* In primis oportet Sacerdotes eligi à Domino sicut electus est Aaron. *Nemo enim sibi sumit honorem, Hebr. 5. Sed qui vocatur à DEO tanquam Aaron.* Est enim Sacerdotium res divina non humana. Consules alique Reipubl. Rectores constituuntur atque creantur à Rege, Sacerdotes autem & Episcopi à Spiritu S.

ricu S. juxta illud Act. 20. *Attendite vobis & universo gregi, in quo vos posuit Spiritus S. regere Ecclesiam Dei, quam acquisiuit sanguine suo.* Cogitent hoc seriò omnes Sacerdotes, ut tantò rectiùs tantòque honoratiùs tam divino munere fungantur. Cogitent & Sæculares ut tantò magis venerentur Sacerdotium. Dicit itaque Scriptura, solam virgam Aaron germinasse & turgentibus gemmis flores protulisse, qui foliis dilatatis in amygdalas maturuerunt. Ita Sacerdotum est frondere & florere virtutibus, etiamsi cæteri essent omnes arida ligna. Christus D. nominat eos viride lignum Luc. 23 *Si hæc in viridi, quid fiet in arido?* Sic Sacerdos lignum viride & non dicat Isai. 55. *Ecce ego lignum aridum.* Germinans illa virga significat etiam Sacerdotalem gratiam nunquam marcescere, sed semper in Ecclesia Dei permanere. *Juravit enim Dominus, & non pœnitebit eum, tu es Sacerdos in æternum.* Ps. 99. Et pro Patribus tuis nati sunt tibi filii Ps. 44. Secundò non solùm fronduit virga Aaronis, sed etiam fructus protulit, & quidem nuces amygdalinas, hi fructus habent corticem durum & aspera tegmina, sed dulce intus continet edulium, quo significatur qualis debet esse Sacerdotum vita, exteriùs nimirum, aspera, dura pœnitentialis, intus autem suavitate ac dulcedine consolationum Spiritus S. delibuta. Talis erat vita Apostoli Pauli. 1. Cor. 9. *qui castigabat corpus suum & in servitutem redigebat, qui multus erat in jejuniis, laboribus, vigiliis: intus verò plenus consolationibus, unde & gloriabatur in tribulationibus.* 2. Cor. 10. & Gal. 6. Affectus erat dulcissimo & suavissimo amore. *Optabam anathema esse pro fratribus meis* Rom. 9. *Filioli mei quos iterum parturio,* Gal. 4. Tertiò, hæc virga productione florum & frondium & fructus, delevit lites, & compescuit querimonias filiorum Israël contra Moysen & Aaronem, & seditionem moventium ob functionem Sacerdotii. Magnum est hoc, die ac multum murmur populi adversus Sacerdotes. Hæretici

conjurant in caput nostrum, negant nos esse Sacerdotes DEI, sed ministros, detrahunt passim Sacerdotio nostro, & Sacerdotalem gradum pessundare nituntur. Gregor. Quare hoc? Quia nimirum advertunt nos esse ligna arida, vident nos locum sanctitatis accipere, & terrenis actibus implicari: observant vitam nostram vocationi nostræ nullatenus respondere. Eia Sacerdotes DEI dirimite hanc litem, collite has querimonias productione & ostensione fructuum. Sitis deinceps non virgæ aridæ sed florentes & fructificantes instar virgæ Aaronis. Quartò, hæc virga servabatur in tabernaculo testimonii in signum rebellium filiorum Israël. Sint etiam Sacerdotes frequentes in tabernaculo Domini, id est, domo DEI, quæ est Ecclesia, & ejus amore illecti & inescati clament cum Propheta Pl. 83. *O quam dilecta tabernacula tua Domine, concupiscit & deficit anima mea in atria Domini.* Et Pl. 68. *Zelus domus tua comedit me.* Et Pl. 41. *Transibo in locum tabernaculi admirabilis.* Sanè Sacerdotes qui Ecclesiam frequentant, & devotè DEO ministrant, multum promovent pietatem populi. Nihil enim est, inquit Conc. Trident. Sess. 22. cap. 1. Quod alios magis ad pietatem & DEI cultum instruat, quàm eorum vita & exemplum qui se divino ministerio dedicarunt.

Præfatis *Secularibus* do in Xenium *palnam*. Palma enim in primis venusta est, densis in vertice & speciosis foliis: Præfati & læculares Judices venustentur variis gratiis, & dotibus virtutum ac eruditionis. Pl. 2. *Erudimini qui judicatis terram. Qui ad gubernacula Reip. sedent, multà sapientiã ac scientiã sint instructi oportet.* Unde Sapiens ita eos alloquitur sap. 6. *Melior est sapientia quàm vires, & vir prudens, quàm fortis.* Audite ergò *Reges & intelligite, &c.* Oportet Præfatos & Judices præditos qualitatibus & conditionibus, quas Jethro requirebat Exod. 18. *Ut sint Viri sapientes, DEUM timentes, & qui oderint avaritiam.*

Secun-

Secundò, palma, est fortis, & valida, nec facilè succumbens oneri. Ita Judices sint fortes cùm gravissima habeant ferenda onera, quibus facilè succumberent, si animi fortitudo deesset. Sanè magna erat Moyse fortitudo. Exod. 18. cui populus à manè usq; ad vesperam assistebat, ut ab eo judicaretur. Tertiò, ut dicit Plin. lib. 13. cap. 4. Ex succo palmarum confici vinum, sed relinquendum utpote capiti noxium. Sic Prov. 31. *Noli ò Samuel, noli, Regibus dare vinum, quia nullum secretum est; ubi regnat ebrietas, ne fortè bibant, & obliviscantur judiciorum, & mutant causam filiorum pauperis.* Quartò, palma non marcescit, sed semper folia retinet, Pl. 91. *Justus ut palma florebit.* Tu Judex semper justus sis, semper viriditatem serva, nec marcescat æquitas. *Ne Itai. 59. corrumpat in plateis veritas.* Ne cedas timori vel invidiæ ut Pilatus iniquus Judex. Quintò, Palma insigne est victoriæ. Hinc de electis ante thronum Apoc. 7. In conspectu Agnistantibus dicitur. *Et palma in manibus eorum.* Aug. *Palmas habent in manibus, quia premia in operibus.* Item, Christo mortis & inferni victori occurrunt turbæ cum ramis palmarum Matth. 21. Sed & Crux Christi in qua triumphum egit, palmæ comparatur Cant. 7. *Ascendam in palmam, & apprehendam fructus ejus.* Septuaginta quoque discipuli qui exciterunt victores diaboli, cum exultatione ad Christum redeuntes gloriabundi Luc. 10. quòd dzmonia sibi essent subjecta, Luc. 15. Septuaginta palmis designari possunt, quarum fit mentio in Exodo. 3. *Esdra 3.* Pugnate ò Judices pro justitia, ut super omnia vincat veritas, vincite affectus & passiones, quæ rectum judicium pervertunt; vincite cupiditates, avaritiam, ambitionem. Consimini etiam, vincere causas eorum qui iniquè opprimuntur & vexantur à ditioribus. Eruite eos qui ducuntur ad mortem, & qui trahuntur ad interitum, liberare non cessate. Si dixeritis, vires non suppetunt, qui inspector est cordis, ipse intelligit, & servatorem

tozem animæ tuæ nihil fallit. Prov. 24. Reddetque homini juxta opera sua.

Virginibus do Liliū. In lilio varia considerari possunt. Primò, candidum est & purum. Sint Virgines candidi & immaculari instar liliorum, Sancti corpore & spiritu Eccl. 9. Et servent vestimenta sua omni tempore candida. Sponsus Christi ejusmodi liliis delectatur, ipse namque *pascitur inter lilia* Cant. 2. Imò & ipse liliū appellatur. *Ego inquit, flos campi, & liliū convallium.* Secundò, liliū crescit inter spinas. Hinc Sponsus Cant. 2. *Sicut liliū inter spinas, sic amica mea inter filias.* Virginitas non gaudet deliciis & illecebris, sed potiùs ciliciis & asperitate poenitentiae. Et quamvis liliū ex spinis oriatur, nihil tamen commune habet cum illis in duritie, læsione, nigredine, &c. Sic virginitas in carne est, tamen nihil habet commercii cum carnis desideriis & operibus. Virgines in carne sunt, & non secundum carnem ambulant. Tertiò liliū est speciosum & odoriferum, sint Virgines *Christi bonus odor* 2. Cor. 2. *in omni loco per bonæ famæ diffusionem, sint pulchri & speciosi per inculpam vitam.* Quartò, liliū non serpit per terram, sed sursum se erigit procul à terra. Coloss. 3. *Virgines sapiant, querant quæ sursum sunt non quæ super terram. Cogitent quæ Domini sunt.* 1. Cor. 7. *quomodo placeant DEO.* Sed licet liliū in altum exurgat, est tamen repandum ac folia reclinat, seu ut Plin. loquitur, *resupinis per ambitum labris.* Sit virgo humilis, & oculis versus terram demissis. Quintò, liliū est roriferum, nec tamen humectatur rore. Virgines humorem libidinosum aliquando sentiunt, qui tamen nihil nocet dum non consentiunt. Sextò, lilio gaudent apes. Sic Angelici Spiritus quæ cœlestes sunt quædam apes delectantur virginitate. In lilio hæc rursus considerari possunt. Radix, flos, hastile, & grana. Per radicem fides, per hastile spes, per florem innocentia, per grana aurea charitas designari

signari potest. Exerceant se diligenter & proficiant virgines in his virtutibus. Septimò, ex lilio unguentum oleumque conficitur teste Plin. lib. 21. cap. 5. Estque medicinale. De vera virgine dici potest Cant. 1. *Oleum effusum nomen tuum.* Octavò. Lilia facile crescunt, hinc Salvator in Evang. Matth. 6. *Considerate lilia agri quomodo crescunt &c.* Dominicus ager plenus est liliis virginum Cypr. lib. 4. epist. 8. *Floret Ecclesia tot virginibus coronata.*

Viduis do juniperum. Legimus Eliam Prophetam fugientem 1. Reg. 19. persecutionem Jesabel, venisse, in desertum, & defatigatum ex itineris molestia quievisse, & sedisse subter unam juniperum, ubi etiam prostratus in umbra ejus obdormivit tanto affectus vitæ tædio, ut petierit animæ suæ, ut moreretur, sed mox ab Angelo DEI excitatur, & confortatur. Viduæ tam graves aliquando patiuntur persecutiones ut dicant cum Job 10. *Tædet animam meam vita mea.* Nusquam inveniunt quietem, nusquam consolationem, auxilium nusquam. Quid faciant in hac amaritudine animæ, quâ eas valdè, ut olim viduam Noëmi Ruth 1. replevit Omnipotens. Eant in desertum pœnitentiæ cum B. Elia, ac prosternant se subter juniperum, id est, sub arbore Crucis Dominicæ, contemplantur devotâ animi recordatione Christi amarissimam passionem & mortem, considerent Christi stigmata & vulnera, meditentur Crucis Christi mysteria. Hæc enim pia meditatio somnus quidam est spiritualis, juxta illud Cor. 1. *Adjuro vos filia Jerusalem per capreas cervosque caprorum, ne suscitatis, neque evigilare faciatis dilectam quo ad usque ipsa velit.* Sic ergo sub ista junipero obdormiant, Sanè invenient ibi in doloribus suis præsens remedium, sentient ibi magnum juvamen, percipient copiosam & mirificam consolationem, Dicant cum Pl. 93. *Secundum multitudinem dolorum meorum, consolationes tuæ latificaverunt animam meam.* Faciant juxta salutarem D. Bern. serm. 43 in Cant. admonitionem. *Fasciculus myrrhæ est*

passio Salvatoris, hunc fasciculum vobis colligite, hunc medullis cordis inserite, hoc munite aditum pectoris, ut & vobis intra ubera commoretur. Habete illum semper, non retrò in humeris sed antiè praeculis, ne portantes & non odorantes, & onus premat, & odor non erigat. Juniperus quoq; montes amat, ait Plin. l. 16. cap. 18. Viduæ in omni tribulatione & angustia, confugiant ad montes illos de quibus David Pl. 120. *Levavi oculos meos in montes unde veniet auxilium mihi.* Et Pl. 124. *Qui confidit in Domino sicut mons Sion non commovebitur in æternum.* Iterum juniperus teste eodem Plin. lib. 16. cap. 40. Cariem vetustatemque non sentit. Non sentiant viduæ cariem & vetustatem vitiorum. *Exuant veterem hominem Ephes. 4. cum actibus suis. Expurgent vetus fermentum Coloss. 3. Et sint nova conspersio. Non ambulent secundum carnem 1. Cor. 5. Nec obtemperent carnalibus desideriis, quæ militant adversus animam. Meminerint dicti Apostolici Gal. 6. Quæ seminaverit homo, hæc & metet. Quoniam qui seminavit in carne, de carne metet & corruptionem.* Denique folia Juniperi sunt spinosa, seu ut Plin. loquitur lib. 16. cap. 74. *Junipero spina pro folio est.* Viduæ configuntur spinis tribulationum in tantum, ut verè dicere possint cum Propheta Psal. 117. *Circumdederunt me sicut apes, & exarserunt sicut ignis in spinis.* Et quod olim Gedeon facturum se dixit Judic. 8. *Viris Socoth. Conteram carnes vestras cum spinis tribulisq; deserti.* Hoc viduis non rarò infligitur, sed meminerint spineæ Coronæ D. N. JESU CHRISTI & non sentient aculeos harum spinarum. Nihil enim est tam grave, acerbum, ac molestum, quod non leve fiat gratum ac jucundum, si passio Domini nostri in memoriam revocetur.

Conjugatis do Oleam. Olea est symbolum pacis & concordia. Christo Domino Jerosolymam intranti tanquam pacifico Regi obviaverunt cum ramis palmarum & olivarum Joan. 12. Offic. Rom. die Palmarum. Jam pro dolor non rarò inter

inter virum & mulierem miseranda est pugna ac discordia. Jam unus adversus alterum rupto omni pacis foedere insurgit. Quod est ita deforme, ac si unius corporis membra inter se pugnarent. Si os & dentes lacerarent manus, si manus effoderet oculos vel præscinderet pedes, vel si omnia alia membra bellum gererent contra stomachum. Sunt enim vir & uxor unum corpus, una caro, juxta illud Adami de Eva loquentis Gen. 2. *Hoc nunc os ex osibus meis, & caro de carne mea.* Et illud Eph. 8. *Erant duo in carne una.* Et illud. *Nemo carnem suam unquam odio habuit, sed fovet & nutrit illam.* Repugnat ergo naturali inclinationi Conjugum discordia & pugna. Sanè docet Plin. lib. 18. cap. 3. Olivas non percutiendas, nec perticis decutiendos fructus, quod fit aliis quibusdam arboribus. *Olivantibus, inquit, Lex antiquissima fuit, Oleam ne stringito, nevé verberato.* Sint ergo concordēs Conjuges, nec sese percutiant. Fructus oleæ est oleum, quod charitatem designat. Sicut enim oleum inter omnes liquores eminet, ita charitas inter omnes virtutes juxta illud Apostoli. Cor. 3. *Major autem horum est charitas.* Et illud I. Cor. 12. *Excellentiorem viam vobis demonstro.* Ut ergo servent Conjuges pacem habeant oleum charitatis. *Omni timore, inquit Sapiens Eccl. 9. sint vestimenta tua candida, & oleum de capite tuo non deficiat.* Deficit oleum de capite juxta D. Greg. interpretationem, *cum charitas discedit à mente.* Præterea oleum lucet, pascit, & lenit. Parentum est præluere filiis virtutum exemplis, nihil agere, nihil dicere perperam quod imitentur juxta illud Poëtæ. *Nil dictu fœdum visus, hæc limina tangat, intra qua puer est.* Parentum etiam est pascere & educare filios. Parentum est lenitate quâdam uti, ut non sint nimis austeri, hinc Ap. Ephes. 6. *Nolite ad iracundiam provocare filios vestros.* Non tamen etiam nimium indulgeant. Nam. *Magna Patrum segnes facit indulgentia Natos.* Rursum Oliya est symbolum misericordiæ. Hæc etiam ne-

cessaria est Conjugatis. Nam oportet virum multa condonare uxori, similiter quæ uxorem viro, cum in multis hinc inde delinquant. Cumque mulier sit vasculum infirmum & fragile: 1. Petr. 3. misericordiam erga eam uti frequenter maritum oportet. Sic ergo vivant Coniuges, ut eorum singuli verè dicere possint cum Pl. 57. *Ego sicut oliva fructifera in Domo DEI.* Et Eccl. 24. *Quasi oliva speciosa in campis, &c.* Sic poterunt quoque consequi illam benedictionem de qua Pl. 127. *Filii tui sicut novella olivarum in circuitu mensæ tuæ. &c.*

Adolescentibus & Pueris de Rosam suaveolentem. Rosa flos est admodum gratus oculis & speciosus, qui tamen decerptus mox flaccescit. Ita Juventus est instar speciosæ rosæ, quæ tamen vel unâ febriculâ marcescit. *Homo* inquit Job 14. *Quasi si flos egreditur, & conteritur, & fugit velut umbra.* Sanè Juventus est admodum fugax. Nam ut D. Hieron. in Job. 40. *Qui dudum infans, subito puer; qui puer, repente juvenis: & usque ad senectam per spatia mutatur incerta, & ante se senem intelligit, quam juvenem se non esse miretur.* Patet hoc in speciosa illa comitèq; ornata Jezabel 4. Reg. 9. Quam Jehu præcipitari mandaverat, cujusque carnes canes comederant, prætereuntes enim dicebant, *Hæcine est illa Jezabel?* Rosa etiam mirè rubet: commendat ingenuus rubor adolescentes, pudor ac verecundia. Talis rosa fuit Christus: *Dilectus meus*, inquit Sponsa Cantic. 5. *candidus & rubicundus.* Rubicundus, quia in passione proprio perfusus sanguine. Tales etiam rosæ fuerunt, Laurentius, Vincencius, &c. Aliique Martyres adolescentes. Sanè D. Chrysostr. hom. ult. in epist. ad Rom. B. Petrum & Paulum rosas appellat, ita scribens in laudem Romanæ Urbis. *Civitas* inquit, *istâ quem admodum corpus magnum & validum duos habet oculos illustres. Sanctorum videlicet illorum corpora. Non ita cælum splendescit, quando sol ex sese radios suos dimittit, quemadmodum Romanorum*

Urbs

Urbs duas illas lampades ubiq; terrarum effundens. Hinc rapietur Paulus, hinc Petrus, considerate & horrete, quale spectaculum visura sit Roma. Paulum videlicet repente ex theca illa cum Petro resurgentem, in occursum Domini sursum ferri. Qualem Rosam Christo mittet Roma? Ita & S. Mater Ecclesia innocentes Martyres rosas appellat, in Hymno ad Laudes. *Salvete flores Martyrum, quos lucis ipso in limine Christi insecutor sustulit ceu turbo nascentes rosas.* Item rosa est flos admodum odoratus. Diffundite & vos o adolescentes odorem virtutis & bonæ famæ, ut verè vobis liceat dicere. 2. Cor. 2. *Christi bonus odor sumus.* Malæ enim famæ est inquit Eccl. 3. *Qui derelinquit Patriam.* Rosa non est, nec boni odoris adolescens Veneris mysta, qui imersus est cœno libidinis & voluptatis, qui ut jumentum computruit in stercore suo, ut est apud Joël. 2. Rosa non est adolescens qui peregrini muris olet pelliculas, quem pudicitia venenum appellat D. Hieron. ad Demetriadem. *Ut sitis Rosæ veræ, sit vobis cordi illa Apostolica lectio & admonitio, Philip. 4. De cætero Fratres, quacunq; sunt vera, quacunq; pudica, quacunq; justa, quacunq; sancta, quacunq; amabilia, quacunq; bona fama, si qua virtus, si qua laus disciplina, hac cogitate. &c.* Denique scribit Plin. lib. 21. capite 4. De Rosa. Indicium esse boni odoris scabritiem corticis, & omnem rosam locis siccis quam humidioribus esse odoratiorem. Multi adolescentes essent odoriferæ rosæ, si esset scabrities corporis asperâ, non mollis & effœminata. Si aliquando loco mollis indufi uterentur cilicio aspero. Si etiam non amarent humida & pingvia, id est, pingves & opiperas mensas, vina, delicias, &c. Nam hæc omnia inflammant corpus ad libidinem. Apperant ergo potiùs jejuniorum laborem, asperitatem vestium, victus continentiam, ut Demetriadem fecisse scribit S. Hieron.

Servus & ancillis do vitem. Servi estote palmites illius vitis quæ Christus est de seipso dicens Joann. 15. *Ego sum vitis, &*

vos palmites. Sitis, inquam, palmites vitis veræ, non illius alienæ, cui dicitur Jerem. 2. *Quomodo conversa es mihi in pravum vinea aliena?* Num quo pacto est vinea vera. *Isai. 5. Quæ expectata est ut faceret uvas, fecit autem labruscas?* Palmites & ramusculi vitis sunt in omnem partem flexiles & ductiles: sit ita servorum voluntas flexilis ad nutum Dominorum, prompta ad obediendum. Non faciant voluntatem propriam, neque quod sibi bonum videtur, sed voluntatem suorum Dominorum dum non sit contraria Divinæ. Vineæ odorem spargunt juxta illud Cantic. 2. *Vinea florentes dederunt odorem suum.* Per odorem intelligitur bona fama. Estote boni nominis & bonæ famæ. Estote veraces, fideles, sobrii, moribus compositi, pudici, prompti, agiles, & quod omnium caput est, pii & devoti. Sic enim conciliabitis vobis bonum nomen coram hominibus, & diligemini ab heris vestris, juxta illud Scripturæ, Eccl. 33. *Si est tibi servus fidelis sit tibi tanquam anima tua.* Rursum, odor vitis dicitur fugare & occidere serpentes. Si odorem istius boni nominis & vitæ diffundatis, fugabitis antiquum serpentem diabolum, & extinguetis ignita ejus jacula. Vitis etiam ligari debet, & à ramis inutilibus liberari, admittite & vos vincula mandatorum, inhibitionum, legum, statutorum, & ordinationum: nec dicatis cum refractariis Pl. 2. *Disrumpamus vincula eorum, & projiciamus à nobis jugum ipsorum.* Audite consilium Sapientis Prov. 6. *Conserve fili mi precepta Patris tui, & ne dimittas legem matris tue. Liga ea in corde jugiter, & circumda gutturi tuo. Cum ambulaveris gradientur tecum, cum dormieris custodiant te, & evigilans loqueretur eis, quia mandatum lucerna est, & lex lux, & via vitæ correptio disciplina.* Admittite & putationem, id est monitiones, correptiones, & justas disciplinas Dominorum vestrorum, & dicite cum Propheta. *Corripiet me justus in misericordia, & increpabit me; oleum autem peccatoris non impinget caput meum.* Amputate

putate etiam superflua, ne sitis nimium vani, curiosi, mundani, & nolite conformari huic sæculo, ut Apost. monet Rom. 12. Denique amputate vitia quælibet antequam nimium succrescant, dum parvus est hostis interficite, ut monet Hieronymus.

S T R E N A V.

De Gemmis.

Distribuemus in Strenam gemmas, seu lapides pretiosos cum suis custodiis siue thecis, in quibus serventur. Sed ut huiusmodi Strenas accipiat mundos vos oportet esse & lotos, Matth. 7. *Nolite sanctum dare canibus, neque mittatis margaritas vestras ante porcos, ne forte conculcent eas pedibus suis.* Porci semel loti redeunt ad volutabrum, juxta illud 2. Petr. 3. *Canis reversus ad suum vomitum, & sus ad volutabrum luti.* Vos estis loti in hisce diebus Natalitiis lavacro poenitentiae, nolite, monet S. Leo, iterum in veterem vilitatem degeneri conversatione redire, nolite, Thren. 4. antiquas sordes & stercora rursus amplexari. Itaque cum credam vos lotos & mundos, spargam vobis margaritas. Habebitis Strenam opulentam.

Primo igitur *Sacerdotibus* & Ecclesiasticis lapidem *Chrysolitum*: Hic lapis teste Plinio lib. 37. c. 9. aureo colore translucet, & videtur ardentes scintillas emittere. Per aurum divina intelligitur sapientia, per ardentes vero scintillas, bona opera, quibus coram hominibus lucere oportet, designantur. O DEI Sacerdotes! qui incruenta quotidie libatis sacrificia, quorum lingua semper rubet in sanguine Agni, qui manibus vestris in dies cõtrectatis Virginis Filium, qui super familiam DEI constituti estis, sapientia & scientia vobis necessaria est. Scriptum est enim, Aggæi 2. *Interroga Sacerdotes, legem, &c. Labia Sacerdotis custodiant scientiam, & legem requirent ex ore ejus.* Malach. 2.

Quia

Quia Angelus Domini exercituum est. Requirebat olim DEUS à sacerdotibus veteris testamenti scientiam, quâ discernere possent Levit 10. inter sacrum & profanum, multò majori ratione hæc scientia requiritur in vobis, qui judicare debetis inter lepram & non lepram, id est, discernere inter peccata & non peccata, inter mortalia & venialia, &c. Admonebat proinde D. Paulus suum Timotheum I. Tim. 4. *Ut attenderet lectioni, exhortationi, & doctrinæ.* Oportet enim Episcopum ac Sacerdotem, *amplecti eum qui secundum doctrinam est, sermonem fidelem; ut potens sit exhortari in doctrina sana, & eos qui contradicunt arguere.* Tit. 1. Væ Sacerdotibus qui scientiam hanc repellunt, nam iis sic minatur DEUS per Prophetam Oseam 4. *Quia tu scientiam repulisti, repellam te, ne Sacerdotio fungaris mihi.* O miseram Rempubl. cui Sacerdos indoctus & idiota præficitur. Si enim Plato Rempubl. putavit esse beatam ubi Philosophi regnarent, vel Reges Philosopharentur, è contrâ, miseram & infortunatam, cui tales desunt. Isaïæ 56. *Quomodo non infelix ea, ubi speculatores ejus cæci, nescientes universi, canes muti, non valentes latrare. Ubi non est gubernator,* Prov. 21. *Scilicet prudens, populus corruet.* Quem ergò constituit Dominus super familiam suam, fidelem oportet esse servum ac prudentem, ut det illis in tempore tritici mensuram, tum demùm familiæ Domini benè erit. *Sapientia enim* Prov. 24. *edificabitur domus, & prudentiâ roborabitur.* Secundò, necesse est ut ardentem emittant scintillas bonorum operum & exemplorum, illis enim potissimum dicitur, Matth. 5. *Sic luceat lux vestra coram hominibus, ut videant opera vestra bona &c.* Eorum potissimum est, *providere bona,* Rom. 12. *non tantum coram DEO, sed etiam coram omnibus hominibus.* Illorum præcipuè est, vivere sine reprehensione & in medio nationis *prava* Philip. 2. *atq; perversa lucere tanquam luminaria in mundo.* Non absque ratione est quòd olim veteres Sacerdotem deliniare

liniare

lineare volentes depingerent & effigarent venerabilem senem una manu tenentem solem, aliâ horologium. Per solem namque significare volebant, vitam Sacerdotis debere esse luminosam, claram, & illustrem, contra quam nemo meritò loqui posset, juxta illud Pythagoræ. Adversus solem ne loquaris id est, ne fugilla eum cuius vita est ut sol. Cùm ergò Sacerdotes in Evangelio dicantur Matth. 5. *Lux mundi*, quàm oportet eorum vitam conspicuam esse & illustrem? Quòd verò alterâ manu horologium teneret, per hoc innuere intendebant, à vita & regimine Sacerdotum dependere vitam & regimen totius populi, sicut ab horologio dependet directio civitatis & negotiorum in civitate tractatio. Est enim hora mensura quædam, & regula rerum agendarum. Hinc commune adagium. *Ut populus sic Sacerdos.* Et. Sicut *Regis ad exemplum totus componitur orbis*: ita & ad Sacerdotis, qui Rex quidam spiritualis est. Hinc pulchrè D. Chrysost. hom. 10. in Matth. *Sacerdotum bona conversatio populi est conditura.* Et lib. 3. De Sacerd. *Sacerdotalis animi pulchritudinem undiq; splendescere oportet, ut oblectare pariter & illuminare possit eorum animos, qui suos in illum oculos conjiciunt.* &c. Et D. Greg. Pastor. part. 1. c. 2. *Cùm Pastor per abrupta graditur, fit ut grex ad precipitium sequatur.* Videant ergò Sacerdotes, ut nemini dent ullam offensionem 2. Cor. 6. *Ut non vituperetur ministerium illorum.* Curent exemplum esse fidelium. 1. Tim. 4. in verbo & conversatione & præbeant seipsos Tit. 2. *Exemplum bonorum operum in doctrina, in integritate, in gravitate.* Deniq; videant Matth. 6. *Ne lumen quod in ipsis est tenebra sint,* Et tenebras tandem exteriores Matth. 25. cum reprobis omnibus projiciantur. Custodia seu theca hujus gemmæ sit studium sacrarum literarum. Vobis enim ô Sacerdotes potissimum dicitur Joan. 5. *Scrutamini scripturas, quia ille sunt, quæ testimonium perhibent de me.* Sacerdoti potissimum dicitur Isaïæ 1. *Non recedat volu-*

P

men le-

men legis hujus ab ore tuo, sed mediteris in eo die ac nocte. Sacerdoti dicitur Ezech. 3. *Comede volumen istud, & fiet in ore tuo mel dulce.* Ament ergo Sacerdotes scientiam literarum, & non amant vitia carnis, ait Hieron.

Præfatis *Sacularibus & Judicibus do Adamantem.* Hic lapis est admodum durus nec facile potest frangi. Per hoc significatur justitia, quæ ita dura sit oportet, ut dicat DEUS Exod. 23. *Pauperis non misereberis in iudicio.* Id est ut Hieron. in Pl. 32. *Non propter pauperem, nec propter divitem, non propter proximum & longinquum, non propter cognitum & incognitum, declines à recto iudicio, sed prius iudica rectum iudicium.* Sec. Pl. 47. *Si verè utiq; justitiam loquimini, rectè iudicate Filii hominum.* Quo edocet teste eodem D. Hieron. in hunc Pl. *Ut quisquis mortalium iudicio fuerit usus publico, si verum loquitur, & verum iudicet, nec ponat in blanditiis sermonum muscipulam deceptionis, per quam occultè interimat innocentem.* *Judai iusta loquebantur ad Christum, quia dicebant Magister scimus, Matth. 22. quia verax es, & viam Dei in veritate doces.* Non iudicabant tamen iusta, quia petierunt Barabbam filium mortis & interfecerunt Christum filium vitæ. Imitentur Iudices petram justitiæ Christum de quo scriptum est Pl. 115. *Justus es Domine, & rectum iudicium tuum.* Et Isaïæ 11. *Erit iustitia cingulum lumborum ejus.* Et Pl. 21. *Judicabit pauperes populi, & salvos faciet filios pauperum, & humiliabit calumniatorem, & liberabit pauperem à potente, & pauperem cui non erat adjutor.* Sanè qui calumniatoribus favent, Christum non imitantur: qui amore, aut odio, aut quavis animi passione iudicant, veri Iudicis sectatores non sunt. Iudicare enim oportet ex ratione & præscripto legum, quibus ipse imprimis Iudex debet obedire ac sese subicere. Solon unus è septem Græciæ Sapientibus, interrogatus, quomodo civitas in optimo statu degeret? respondit. *Si Cives Magistratui, & Magistratus legibus obediant.* Nec multum diffimil

diffimiliter Seneca epist. 37. *Si vis omnia subdicere tibi, subdijce te rationi, multos reges, si te ratio regat.* Rursum Adamas venena irrita facit, ut ait Plin. Nullum majus venenum justitiam necans, quàm acceptio munerum 1. Reg. 8. *Filii Samuel declinaverant post avaritiam, acceperunt munera, & perverterunt iudicium.* Hinc in Exodo 16. præcipiebat DEus Judicibus, *Judicent populum justo iudicio, nec in alteram partem declinent. Non accipiant personas, nec munera, quia munera excæcant oculos Sapientium.* Et Eccl. 20. *Xenia & dona excæcant oculos Judicum.* Et Ps. 28. *In quorum manibus iniquitates sunt, dextera eorum repleta est muneribus.* In quæ verba D. Hieron. *Abstinentium docet à muneribus, culpans eos qui munera accipiunt, qui iniquitatem agentes questum hujus impietatis lucrum aliquod arbitrati sunt, sicut ipse Judas proditor fecit.* Pro custodia hujus gemmæ, do Contemptum munerum. *Qui enim Isaïæ 33. excutit manus suas ab omni munere, iste in excelsis habitat.*

Virginibus do Carbunculum, qui à similitudine cum ignito carbone sic appellatur, nec tamen sentit ignem, test. Plin. lib. 37. cap. 7. Ita carnali homini videntur aduri, ut ipse uritur Virgines. Sed si ante emissum votum urerentur, matrimonium inirent, cum Apost. 1. Cor. 7. dicat. Melius est nubere quàm uri. Vel si aliquando flammâ aliquâ corripiantur, ut est naturæ nostræ, non tamen comburuntur, ut Exod. 3. comparari possint rubo Moysis, qui ardebat quidem, sed nequaquam comburebatur. Carbunculus lapis est purus, quo imprimis significatur puritas corporis & spiritûs. Mulier innupta, inquit, virginitatis laudator S. Paulus 1. Cor. 7. Cogitat quæ Domini sunt, quomodo placeat DEO, ut sit sancta corpore & spiritu. Rectè dicit, corâ pore & spiritu. Nam ut ait D. Hieron. lib. 1. contra Jovinian. Nonnulla sunt virgines carne, non tamen spiritu, quarum corpus integrum, anima corrupta. Sed illa virginitas hostia Christi est, cujus

nec mentem cogitatio, nec carnem libido maculavit. Perit enim & mente virginitas, ut idem Doctor ait. Carbunculus est parva gemma, & commendat Virginibus humilitatem. Pulchra enim permixtio humilitatis & virginitatis, ait Bern. hom. 1. super Missus. Nec mediocriter placet DEO illa anima, in qua & humilitas commendat virginitatem, & virginitas exornat humilitatem. Laudabilis virtus virginitas, sed magis necessaria humilitas. Illa consulitur, ista precipitur, ad illam invitatis, ad istam cogentis. De illa dicitur Matth. 10. Qui potest capere capiat, de ista dicitur Matth. 18. Nisi efficiatur quis ut parvulus iste non intrabit in regnum caelorum. Potes sine virginitate salvari, sine humilitate non potes. Potes placere humilitas qua virginitatem deplorat amissam, sine humilitate, audeo dicere, nec virginitas Mariae placuisset. Super quem inquit Isai. ult. requiescet spiritus meus, nisi super humilem & quietum? Super humilem dixit, non super virginem. Si igitur Maria humilis non esset, super eam Spiritus S. non requievisset. Ideo respexit humilitatem Ancilla sua DEUS Luc. 1. potius, quam virginitatem, ut placeret virginitas, procul dubio fecit humilitas. Quid dicis Virgo superbe, Maria Virginem se oblita gloriatur de humilitate, & tu negligendo humilitatem blandiris tibi de Virginitate? expedit tibi virginem non esse, quam de virginitate insolescere. Non omnium quidem est virginitas, multo tamen pauciorum est cum virginitate humilitas. Sint ergo virgines etiam humilitate commendabiles. Porro ut hanc gemmam exacte servent do pro ejusdem custodia sobrietatem. Sobrietas enim est custos pudicitiae, se contra verò, venter æstuans mero facile despumat in libidinem ut testatur S. Hieron.

Viduis do Achatem. De hoc lapide scribit Plin. lib. 37. c. 10. quod myrrham redoleat, & contra scorpiones validus sit. Viduae myrrham sæpè redolent, quia mœrore, lacrymis, & singultibus mortificantur. Sentiunt etiam crebros ictus scorpionum
& mul-

& multis afficiuntur molestiis, opprimuntur ab amicis & consanguineis, ab ipsis etiam liberis paulatim exuuntur bonis & fortunis. O quàm varii morsus scorpionum, quàm amarulenti ictus & aculei. sed adhibete ò viduæ contra hos ictus & morsus, gemmam illam Achatem, per quam intelligo, spem in DEUM. 1. Timoch. 5. *Qua verè vidua est, speret in Domino, ipse enim est defensor, Patronus, & susceptor viduarum* Pl. 185. *pupillum & viduam suscipiet.* Et Pl. 67. *Turbabuntur à facie ejus, Patris orphanorum, & Judicis viduarum.* Hic lapis etiam sanguinei coloris est, & significare potest Christum sanguine rubicundum. *Dilectus meus candidus & rubicundus.* Cant. 5. inquit sponsa. *Ornent se viduæ, & depingant se Christi sanguine, dicantque cum S. Agnete in Brev. Rom. Sanguis ejus ornavit genas meas.* Dicant cum Saphora Exod. 4. *Sponsus Sanguinum tu mihi es.* Cogitent sæpè non se auro vel argento, nec corruptibilibus hujus mundi rebus 1. Petr. 1. *esse redemptas, sed pretioso Christi sanguine quasi Agni immaculati.* Soletur eas hic Christi sanguis, quando sanguinem uvæ meracissimum hujus mundi bibere coguntur. Achates denique refocillat, refrigerat, Plin. loc. cit. & sitim sedat. Christus D. sitibundos refocillat, imò abundè potat. Joan. 7. *Si quis sitit veniat ad me, & bibat.* Ipse enim est Cant. 4. *Fons aquarum viventium.* O viduæ estote sitibundæ ad hunc fontem vivum, & dicite cum Propheta Pl. 41. *Sitivit anima mea ad te fontem vivum, quando veniam & apparebo ante faciem Domini?* Ut hanc gemmam conservetis do vobis custodiam, perseverantem orationem. *Insistent orationibus die ac nocte.* 1. Tim. 4. ad exemplū Annæ Prophetissæ viduæ Luc. 2. Mirè quoq; orationem coluit castissima vidua Judith c. 8. 12. 13. Quid enim ei imprimis virilem animum dedit, quo celebre illud facinus aggressa est, ut Holoferni caput relecaret, nisi oratio? cùm civitas ejus obsideretur ab exercitu Assyriorum, oravit ipsa instantissimè

ad Dominum unà cum Sacerdotibus & populo, à senioribus usq; ad pueros: cùmq; exiret in campum nihil aliud civibus suis præcepit quàm ut orarent. Sed & cùm in medio pessimorum hostium versaretur, nocte & ante lucem egrediebatur foras ad orandum & deprecandum Dominum. Quin etiam ipso momento quo pugionem evaginavit ad tyranni caput abscindendum, brachium muliebri oratione roboravit, quo abscisso in urbem suam indemnis reversa cum totius civitatis plausu omniumq; exultatione.

Conjugatis do Beryllum. Dicit Plin. lib. 37. cap. 5. Beryllos esse probatissimos qui viriditatem puri maris imitantur. *Mare quando tranquillum est colorem habet Berylli.* Designat ergò hic lapis pacem, tranquillitatem, concordiam, & amorem. Amor conjugalis multùm commendandus cujusmodi fuit inter Abraham & Saram, inter Isaac & Rebeccam, inter Jacob & Rachel, Tobiam & Saram, Zachariam & Elisabecham. Desbet autem amor conjugalis esse honestus & moderatus, in excessu namq; Conjuges peccare contingit. *Nihil fœdus inquit D. Hieron. lib. 1. contra Jovinian. quàm uxorem amare quasi adulteram. Et. Adulter est in suam uxorem amator ardentior. Refert Seneca. Ait ibid. idem Hieron. Cognovisse se quendam ornatum hominem, qui exiturus in publicum fasciâ uxoris pectus colligabat, & ne pun-cto quidem hora presentia ejus carere poterat, potionemq; nullam nisi alterius tactam labris, vir & uxor hauriebant, alia non minùs inepta facientes, in qua improvida vis ardentis affectus erumpebat. Origo quidem amoris honesta erat, sed magnitudo deformis. Nihil autem interest quàm ex honesta causa quis insaniat. In aliena uxore omnis amor turpis est, in sua nimius. Vir sapiens judicio debet amare Conjugem non affectu.* Amor ergò Conjugalis debet esse purus ut viriditatem puri maris, Berylli instar imitetur. Ut verò in quibusdam Conjugiis peccatur amoris excessu, ita in pluri-

bus aliis amoris defectu. Multi hodie Conjuges inter quos quotidiana lites, rixæ, contentiones, pugnae, &c. Multæ hodie uxores domi desidentes pavent ad adventum ebriosi & furiosi mariti, non secus quàm si lupum expectarent, ursum, aut leonem, omnia in domo subvertentem. *Tunc ululatus & gemitus per angiportus tolluntur*, ait D. Chrysostr. hom. 27. in cap. 10. Corinth. 1. *Et ad iram turpis viri à vicinis & pratercuntibus concurrunt tanquam ad feram quandam omnia devastantem, cui sanè melius esset ut terra dehisceret, quàm amplius in foro despiceretur.* Apud tales nulla est tranquillitas, sed quotidiana tempestas. Porro ut hæc gemma benè servetur do Conjugatis pro custodialonganimitatem seu patientiam, quâ alter alterius defectus & infirmitates æquo animo ferat. Narrat S. Chrysostr. loc. cit. Philosophum quendam malam duxisse uxorem, ut quotidie in ea toleranda erudiretur, & mansuetudini assuesceret. *Multùm doleo*, inquit idem Doctor, *quòd Gentiles nobis sint sapientiores, nobis, inquam, qui Angelos imitari jubemur, vel potius ipsum DEUM per mansuetudinem.* Lubet hic in gratiam istius virtutis attexere exemplum non multùm dissimile ex Cassiano, quod refert ex illo Joan. David in Veridico Christiano cap. 58. Nobilis matrona Alexandriae Athanasium Episcopum adiens, sibi unam ex viduis dari petit, quæ Ecclesiæ impensis alebatur, cui ipsa benefacere posset. Cæterùm cum petenti optima concessa esset, queri deinde cœpit, non ex animi sui sententia sibi datam. Eâ igitur restitutâ deterrimam omnium accepit, dumque illi benignè humaniterque deserviret, nihil ab ea nisi contumelias & maledicta referebat. Verbera quoque interdum excipiens, ne quid ad exercendam animi tolerantiam deesset. Inde læta gratias egit Athanasio, quòd eam tandem sibi delegisset contubernalem, cui pro malo bonum, pro injuria beneficium reddere assuesceret. Nam se ab illa priore, quoniam mitis & mansue-

ti in-

ti ingenii fuerat, officiis, fuisse superatam. Videt hanc matronam intolerantia, mansuetudine, longanimitate ac patientia, magnum sibi proposuisse lucrum, ac pietatis mercedem. Sic quoque discant mariti asperiores ferre uxores, & e contra, uxores molestiores maritos, ut amplam apud DEUM mercedem consequantur per hanc tolerantiam & mansuetudinem.

Adolescentibus ac pueris do Smaragdum. Hic lapis viridis quoque est coloris & jucundissimi aspectus, eoque designari potest Timor DEI, optimè juvenibus conveniens. Timor namque DEI facit juvenes virere ac florescere in omni virtute. Nec quidquam est jucundius quam videre adolescentes non ætate sed virtute canos. Talis adolescens fuit Samuel, talis Jacob, talis Joseph, talis David. Meritò igitur Propheta Pl. 33. *Venite Filii audite me, timorem Domini docebo vos.* Et Eccli. 2. *Fili accedens ad servitutem DEI sit in justitia & timore.* Et cap. 1. *Initium sapientia timor Domini.* Et Prov. 23. *In timore Domini esto quotidie, & habebis spem in novissimo.* Et Eccli. 1. *Timenti Dominum benè erit, & in diebus consummationis illius benedicetur.* Multi hodie, proh dolor! Adolescentes timorem Domini abjecerunt, ut in iis locum habeat quod Propheta dicit Pl. 13. *Non est timor DEI ante oculos eorum.* Quanta hodie in Adolescentibus malitia, ait Chrysostr. *Quanta lascivia, quanta luxuria, quanta curiositas, quanta mollities?* Ideòque monet idem Doctor Parentes, ut quam oportet diligentiam adhibeant in educandis Filiis in timore DEI, & revocandis à lascivia, remulencia, vinolencia, aliisque vitiiis ac depravatis moribus. Hom. de fide Annæ, *si, inquit liberos acceperimus multà curâ educemus, eosq. càm ab omni vitio, tum præcipuè à lascivia, quod hoc difficile sit bellum, nec alia res molestior sit huic ætati, quàm hic morbus, revocemus. Undiq. igitur circumvallemus eos consiliis, adhortationibus, terroribus, minis.* Si hanc devicerint concupiscentiam, nec ab aliis facile expugnabuntur.

buntur, sed & pecuniis erunt superiores, & temulentiam, vinolentiamque super abunt, & improbos convictus omni studio discutient, & amabiliore erunt Parentibus, & omnibus hominibus magis reverendi. Quis enim non revereatur juvenem castè sobrièque viventem? quis non amplectatur, exosculeturque eum qui cupiditatibus frenum imposuit? Quis non, velè numero prædiorum multa cum gratia volet illi locare Filiam suam, etiamsi omnium fuerit pauperrimus? sicut è diverso luxuriosè viventem, etiamsi fuerit omnium opulentissimus, nemo tam miser est, nemo tam abjectè fortuna, ut eum velit sibi Generum adsciscere. Ut igitur Filii nascantur & hominibus reverendi, & DEO amabiles, exornemus illorum animos, cumque pudicitia ad conjugium perducamus. Rursum smaragdus dicitur curare morbum caducum, sic timor DEI præservabit adolescentes ne cadant in peccatum Eccli. 1. *Timor Domini expellit peccatum.* Præservabit ergò timor DEI à variis morbis, à peste superbix, à febre ardentissima luxuriæ, à phytisi invidiæ, ab hydrope avaritiæ, &c. Nam hæ virtutes etiam smaragdo adscribuntur. Ideòque Eccli. 25. *Beatus homo cui datum est habere timorem DEI.* Si autem Eccli. 27. *non in timore Domini tenueris te instanter, citò subvertetur domus tua.* Sit ergò timor DEI vobiscum, per quem Prov. 15. *declinetis ab omni malo.* Ut verò hanc gemmam non amittatis, do vobis pro custodia, præsentiam DEI. Si enim DEUM præsentem & omnia videntem judicantemque creditis, idque sæpè animo revolvitis, credo vos rarò, aut nunquam peccaturos.

Servis & Ancillis loco Strenæ do Aurichalcum, quod gemmis colore tinctum solet subjici. Servorum & Ancillarum est subjici Dominis & Heris suis. 1. Petr. 2. Servi estote subditi in omni tempore Dominis, non tantum bonis & modestis, sed etiam discoloris. Servis etiam dici potest illud ejusdem Petri. *ibid. Subjecti estote omni humana creaturæ propter DEUM. &c. Sicut servi DEI.*

Nec ideo vos contristari oportet quod subiecti sitis : nam & Christus Dei Filius subditus erat hominibus. Subiectus etiam est quodammodo Patri. Dicit enim Apost. 1. Cor. 15. *Omnia subiecit sub pedibus eius. Cum autem dicat, omnia subiecta sunt ei, sine dubio prater eum qui subiecit ei omnia, tunc & ipse Filius iuxta quod homo est, subiectus erit ei qui subiecit sibi ut sit DEUS omnia in omnibus.* Nec vero tantum subiectos esse servos oportet in omni timore, sed etiam in fidelitate. Non diminuunt bona Dominorum suorum, non furentur, non alienent, non disponant de iis pro suo libitu, sed ex beneplacito Dominorum. Non agant fraudulenter in distributione eleemosynarum quae ipsis committuntur, sed fideliter exequantur Dominorum piam voluntatem. Narrat D. Greg. in Dialog. 1. 2. cap. 18. Quendam famulum Exhilaratum nomine, a Domino suo missum, ut D. Benedicto duo vascula plena vino deferret : qui unum quidem detulit, alterum vero pergens in itinere abscondit. Vir autem Domini quem facta astutia latere non poterat, unum cum gratiarum actione suscepit, & descendentem Exhilaratum monuit dicens. Vide Fili, ne de illo flascone quem abscondisti bibas, sed inclina illum cautè, & invenies quod intus habet. Qui confusus valde a DEI homine exivit. Reversus autem volens probare quod audiverat, cum flasconem inclinasset, de eo protinus serpens egressus est. Tunc praedictus Exhilaratus per hoc quod in vino reperit, expavit malum quod fecit. O utinam omnes servi eam servarent Dominis suis fidelitatem, quam Joseph Hero suo Putiphari Eunucho Pharaonis cui venditus erat in terra Aegypti! Ejus enim fidelitatem herus advertens tradidit ei omnia gubernanda quae in domo erant, unde sollicitanti se postmodum Dominæ suæ ad peccatum, Gen. 30. fideliter & timoratè respondit. *Ecce Dominus meus omnibus mihi traditis ignorat quid habeat in domo sua, nec quidquam est quod in mea non sit potesta-*

potestate, vel non tradiderit mihi præter te, quæ uxor eius es. Quomodo ergo possum hoc malum facere, & peccare in Dominum meum? Studeant servi hujus Josephi esse similes in innocentia, simplicitate, & fidelitate. Ut verò hanc lamellam æneam seruetis do custodiam, spem retributionis. Ut enim diligentius & fidelius Dominis vestris seruiatis, cogitate, DEum aliquando operam vestram remuneraturum, laborem vestrum non futurum inanem coram DEO. Cogitate vos aliquando à servitute liberandos Rom. 8. *in libertatem gloriæ filiorum DEI. Nam expectatio creaturæ revelationem filiorum Dei expectat. Vanitati enim creaturæ subjecta est, non volens, sed propter eum qui subiecit eam in spe.* Sperate ergo vos, qui nunc servi estis hominum, futuros aliquando Filios DEI in æterna beatitudine, & audituros vocem illam Matth. 25. *Euge serve bone & fidelis, quia in pauca fuisti fidelis, supra multa te constituam, intra in gaudium Domini tui.* Tunc scietis quoniam unusquisq; quod fecerit bonum hoc recipiet à Domino, sive servus, sive liber, ut Apost. promittit ad Ephesios scribens.

STRENA VI.

De Avibus,

Distribuemus nunc Strenas ab Avibus petitas, quæ in Scriptura ponuntur. Inter quas eminet regalis aquila, Hæc igitur offero in Strenam *Sacerdotibus & Præpositis Ecclesiarum* ob diversas considerationes. Primò namque inter omnes aves maximè sublimis est aquila. Quis verò status sublimior Sacerdotali? In sublimi quidem dignitate constituti sunt Principes, Reges, & Imperatores. Sed tamen hi libenter & humiliter se Sacerdotibus subjiciunt, ac coram genibus eorum sese prosternunt Ecclesiastici 4. *Presbytero humilia animam tuam.* Et cap. 7. *Honora Deum ex tota anima tua & honorifica Sacerdotes. Habent quidem*

terrestres Principes vinculi potestatem ait D. Chrysof. lib. 3. de Sa-
 eerd. Verùm corporum solum. Vinculum autem Sacerdotum ipsam
 animam contingit, atq; ad cœlos pervadit, usq; aded, ut quacunq; in
 fernè Sacerdotes confecerint, illa eadem DEUS rata habeat. Quid-
 nam hoc aliud dicas, esse, nisi omnem rerum cœlestium potestatem illis
 à Deo concessam, quorumcunq; enim, ait, peccata retinueritis, reten-
 ta sunt? quanam, obsecro, potestas hâc unâ major esse queat? Pa-
 ter omnifariam suam potestatem Filio suo dedit. Cœterùm video ipsam
 eandem omnifariam potestatem à Filio illis traditam. Rursum. is da-
 tum est, ut potestatem habeant, quam DEUS optimus neq; Angelis,
 neq; Archangelis datam esse voluit. Neq; enim ad illos dictum est.
 Quacunq; alligaveritis in terra, erunt alligata & in cœlo. Vide-
 ergò quàm sublimes sint Sacerdotes autoritate & potestate.
 2. Aquila altissimè volat. Ideòque Scriptura ad superbum se
 elevantem ita loquitur. Abdix. Si exaltatus fueris ut Aquila,
 & si inter sidera posueris nidum tuum, inde detraham te, dicit Do-
 minus. Sacerdotum est altiùs cæteris cœlestia conscendere,
 ut dicere queant cum Apost. Philip. 3. Nostra conversatio in cœ-
 lis est. Illi potissimùm, quæ sursum sunt, sapere & quærere
 debent. Coloss. 3. non quæ super terram. Illis præcipuè dicen-
 dum & clamandum cum Pl. 72. Quid mihi est incato, & à te
 quid volui super terram? &c. O quàm sublimis fuit Aquila A-
 post. Paulus 2. Cor. 12. qui in tertium usque evolavit cœlum!
 Quàm altivolans Aquila D. Joan. Evang. qui, ut Div. Au-
 gust. in Joan. ait, non solum cacumina montium ut Geometra,
 non solum altitudinem syderum ut Astrologi, sed etiam super
 omnes cœlos conscendit. Nisi enim conscendisset, quomodo ad verbum
 per quod facta sunt omnia, pervenisset? In principio inquit, erat
 Verbum, & Verbum erat apud Deum &c. Rursus idem tract. 36. in
 Joan. In quatuor Evangeliiis, vel potiùs quatuor libris unius Evan-
 gelii S. Joannes Apost. non immeritò secundùm intelligentiam spiritua-
 lem Aquila comparatur, altiùs enim multò sublimiùsq; cæteris tribus

Evangelistis erexit prædicationem suam. Nam ceteri tres Evangelistæ tanquam cum homine Domino in terra ambulant, & de Divinitate ejus pauca dixerunt; istum autem quasi piguerit in terra ambulare, sicut ipse sermonis sui exordio intonuit, erexit se non solum super terram & super omnem ambitum aëris & cali, sed super etiam omnem exercitum Angelorum, omnemq; constitutionem invisibilem Potestatum, & pervenit ad eum per quem facta sunt omnia, dicendo. In principio erat verbum &c. 3. Aquila in volatu suo est celerrima. Unde Scriptura volens significare magnam celeritatem Thren. 4. *Velociores fuerunt persecutores nostri Aquilis cali.* Ita Sacerdotes non tardos, socordes, desidiosos, ac negligentes esse oportet Jer. 38. *Maledictus homo qui facit opus Domini fraudulenter.* Alii legunt negligenter; sed in officio divino alacres, excitatos, strenuos. Moneo vos, inquit D. Bern. serm. 47. in Cant. *Dilectissimi parè semper ac strenuè divinis interesse laudibus, strenuè quidem, ut sicut reverenter, ita alacriter Domino assiltatis. Non pigri, non somnolenti, non oscitantes, non parcentes vocibus, non præcidentes verba dimidia, non transilientes integra, non fractis & remisissis vocibus muliebri quiddam balba de nare sonantes: sed virili ut dignum est sonitu & affectu voces spiritus S. depromentes.* Hæc ille de horis Canonicis in choro. Prov. 22. *Vidisti virum velocem in opere suo. Cor am Regibus stabit nec erit ante ignobiles.* Et Eccl. 32. *In omnibus tuis esto velox.* 4. Aquila valdè oculorum acie præcellit, & solares fixè intuetur radios. Habeant & Sacerdotes claros oculos juxta illud. Cant. 1. *Oculi tui columbarum.* Per oculos significari intentionem clarum, quia priùs illuc oculos intendimus quò procedimus. Matth. 6. *Si oculus tuus simplex fuerit, totum tuum corpus lucidum erit.* Habeant rectam in omnibus intentionem, nihil quærant in operibus suis nisi Dei honorem & gloriam; & animarum salutem. Attendant, Matth. 6, ne justitiam suam faciant coram

hominibus ut videantur ab eis. Non evangelisent nec ministrent turpis lucri causâ. Intueantur etiam solares radios, id est, contemplantur splendorem divinæ bonitatis, misericordiæ, ac similitum operum. Hinc non malè quadraret Sacerdotibus nomen *Videns*, cuiusmodi nomine, olim Prophetæ vocabantur. Dicit enim Scriptura hunc in modum, Reg. 9. *Olim in Israël sic loquebantur unusquisq; vadens consulere DEUM, Eamus ad Videntem, qui enim Propheta dicitur hodie, vocabatur olim Videns.* Unde Saul & puer ejus interrogantes de Samuele dixerunt. *Num hic est Videns?* Debent namque plura videre quàm alii, id est, majorem divinarum rerum habere notitiam, ne obijciatur eis illud quod Christus Nicodemo. Joan. 3. *Ergo & tu Magister in Israël, & hæc ignoras?* Et Matth. 15. *Si cæcus cæco ducatum præberet, nonne ambo in foveam cadunt?* Habeant ergò perspicaces oculos instar aquilæ. 5. Aquila ut nucem frangat in sublime evolat, & inde nucem in saxum aliquod demittit, & sic eam frangit. Ita Sacerdotes ut frangant dura subditorum & populorum corda, priùs ipsi vitæ suæ exemplo in altum conscendere debent, cum enim majore cum virtute & energia frangent duriciem cordium humanorum. Sic Christus qui Aquila vocatur Pl. 17. volavit super penas ventorum, fregit duriciam cordis discipulorum suorum. Ascendens in altum, & post resurrectionem suam discipulis apparens, Marc. 16. Exprobrans eis incredulitatem eorum, & duriciam cordis, quia his qui viderant eum resurrexisse à mortuis non crediderant. Isai. 40. *Ascendo in montem excelsum, tu qui evangelizas Sion.* Quorsum ascendere oportet? vitæ sanctitate eminere, ut sagittas divinarum verborum impingant fortius in corda inimicorum Regis obdurata. Pl. 44. *Sagittæ tuæ acutæ, populi sub te cadent in corda inimicorum Regis.* Denique docent aquilæ volare pullos suos dicente Scripturâ Deut. 32. *Sicut aquila provocans ad volandum pullos suos, & super eos volitans expandit alas suas.*

suas. Ita Sacerdotum est docere inferiores & sæculares quomodo volare debeant in cœlum, & dare eis pennas ad volandum Pl. 44. sicut columbæ ut requiescant. Debent se aliquando etiam infirmitatibus hominum accommodare, & omnibus omnia fieri, ut omnes Christo lucrifaciant. Ita fecit altivolans Aquila D. Paulus, qui in tertium evolaverat cœlum, ille enim sic de seipso testatur. 1. Cor. 9. *Cum liber essem ex omnibus, omnium me servum feci ut plures lucrifacerem, & factus sum Judæis tanquam Judæus ut Judæos lucrarer: iis qui sub lege sunt, quasi sub lege essem, cum ipse sub lege non essem, ut eos qui sub lege erant lucrifacerem. Iis qui sine lege erant tanquam sine lege essem, cum sine lege DEI non essem, sed in lege essem Christi ut lucrifacerem eos qui sine lege erant. Factus sum infirmus infirmis ut infirmos lucrifacerem &c.* Hæc autem omnia fecit non simulantis astu, sed compatientis affectu ut D. Aug. epist. 29. ait, & lib. contra mendacium cap. 12. *Neque enim, ut pulchrè ait Div. Gregor. egregius prædicator, ut quasi Judæus fieret ad perfidiam erupit, neque, ut quasi sub lege esset, ad carnale Sacrificium rediit, neque, ut omnibus omnia fieret simplicitatem mentis convertit in varietatem erroris. Sed condescendendo appropinquabat infidelibus non cadendo, ut videlicet singulos in se suscipiens, & se in singulos transfigurans, compatiendo colligeret. Si ita ipse, ut illi, esset quod impendi sibi ab aliis voluisset &c.* Imitentur hæc Sacerdotes, præsertim Pastores.

Præfectis *Secularibus* ex Avibus offero *Gruem*. Hujus avis mentio etiam fit in Scriptura, nam Jerem. 8. *Ubi nos legimus. Hirundo & ciconia custodiêrunt tempus adventûs sui.* Quidam legunt. *Hirundo & grues.* Condiciones istius avis optimè

primè conveniunt Reſtoribus & gubernatoribus civitatum. De his conditionibus accuratè ſcribit S. Ambr. l. 5. Hexam. c. 15. *Grues injuſſæ & voluntario uſu in nocte ſollicitam exercent cuſtodiam, diſpoſitos vigiles cernas cæteris ſui generis conſortibus quieſcentibus. Alia circumſeunt & explorant ne qua ex parte inſidiae tendantur, atq; omnem deferunt impigro ſui vigore tutelam. Poſt ubi vigiliarum tempus fuerit expletum, perſuncta munere in ſomnum ſe componit præmiſſo clangore ut excitet dormientem cui vicem muneris traditura eſt. At illa volens ſuſcipit ſortem, nec in vita & pigrior ſomno renuntiat, ſed impigrè ſuis ſe excutit ſtratis, vicem exequitur, & quam accepit gratiam pari curâ atq; officio repræſentat. Hunc etiam volantes ordinem ſervant & hâc moderatione omnem laborem alleviant, ut per vices fungantur ductûs ſui munere: præcedit enim una cæteris, præſtituto ſibi tempore, & quaſi ante ſigna præcurrit, deinde convertitur, & ſequenti ſortem ducendi agminis cedit. Non diſſimilia de Gruibus ſcribit Plin. lib. 10. cap. 23. Quando proficiſcuntur, conſentiunt, volant ad proſpiciendum altè, ducem quem ſequantur eligunt, in extremo agmine per vices qui acclament diſpoſitos habent, & qui gregem voce contineant. Excubias habent nocturnis temporibus lapillum pede ſuſtinentes, qui laxatus ſomno & decidens, indiligentiam coarguat, cæteræ dormiunt capite ſubter alam condito alternis pedibus ſuſſiſtentes, dux erecto prævidet collo ac prædicit. Diſcant ab his avibus moderatores ac reſtores invigilare publicæ ſaluti, ſic curare ſingulos tanquam omnes, & ſic omnes tanquam ſingulos. Faciant ut monet Sapiens Proverbiorum 6. *Diſcurre, feſtina, ſuſcita amicum tuum,**

tuum &c. De Alexandro Magno narrat Laërt. lib. 5. in Arist. solitum eum ut plurimum exertis brachiis dormire, & alterâ manu, prendere amplectique globum argenteum supra vas ahenum, ut laxatus somno & in vas cavum illud incidens sonitum cieret, atque dormientem excitaret. An non ille accuratè Grues imitabatur? Excuciant somnum Duces qui capi & trucidari nolunt ab hoste: multos enim somnus perdidit, necique dedit. Holofernes Assyriorum Princeps Judith 13. in lecto suo dormiens ac stertens, capite truncatus est per mulierem. Jabel dormientem occidit Sisaram, *Tulit inquit Scriptura Judic. 4. Jabel uxor Aber clavum tabernaculi, assumens pariter & malleum, & ingressa absconditè & cum silentio posuit supra tempus capitis eius &c. Isbojeth 2. Reg. 4. super stratum suum dormientem in meridie Rechab & Baana frater ejus percutientes interfecerunt.* David hastam & scyphum dormienti in castris Sauli abstulit 1. Reg. 26. quem nullo negotio trucidasset, si libuisset. Samson obdormiens in sinu Dalilæ à Philistiim apprehensus est oculisque orbatus Judic. 16. Infelix exitus paucorum exemplum est omnium. Discant etiam à Gruibus Præfecti, alter alterius onera portare, neque enim omnia soli onera portare sufficiunt. Constituant ergò fideles Vicarios & Coadjutores, qui suppetias ferant manusque auxiliatrices. Sequantur salubre consilium quod Jethro Moyfi dedit in constituendis judiciorum Magistratibus Exod. 18. *Audi, inquit ille Moyfi verba mea, atque consilia &c.* Notat etiam Plutarch, lib. de solert. animal: fol. 967. aliter volare grues aère rranquillo & sereno: aliter densiore & asperiore. Aère enim tranquillo procedunt in modum lineæ, aère verò asperiori in modum trianguli, ut cuspide illius sinûs ac dispositionis commodiùs aèrem obsistentem findant. Imitemini & vos istam solertiam ô Præfecti Reipub. & discite hinc, quomodo gubernanda sit Respub. Aliter enim regenda in tranquillitate pacis,

R

aliter

aliter cum spirant venti & ingruunt tempestates bellorum ac tumultuum &c. Constituere tunc bene agmen vestrum ne vi ventorum rumpatur & scindatur ordo & policia. Porro Iudices omnes & Praefectos hic moneo verbis laudatissimi Josaphat 2. Paralip. 19. *Videte quid faciatis, non enim hominis sed DEI exercetis iudicium, & quodcumque iudicaveritis in vos redundabit. Sit timor Domini vobiscum, & cum diligentia cuncta facite.* Et iterum cap. 6. Vos hortor cum Sapiente. *Audite Reges & intelligite, discite Iudices finium terra &c.* Denique cum Psalmista Ps. 2. *Et nunc Reges intelligite, erudimini qui iudicatis terram, servite Domino cum timore, & apprehendite disciplinam &c.*

Sequuntur *Virgines* quibus in Strenam do *Lusciniam* seu *Philomelam*, licet in Scriptura non reperiatur. Sed quia in hac avicula multa sunt consideranda, quae virginibus apprimè conveniunt. *Luscinia* imprimis propter teneritudinem aegrè ac difficulter potest educari. Sic *Virginem* seu *Virginitatem* diu illaevam servare difficile est. Diximus supra ex D. Hieron. pudicitiae formam rem esse teneram & quasi florem pulcherrimum ad levem auram marcescere, lenique flatu corrumpi. Nimirum ut pupilla oculi facilè læditur nisi cum summa providentia custodiatur: ita *Virginitas* facilè detrimentum patitur, nisi omni custodia atque cautela servetur, ut meritò Sapiens monuerit Eccli. 7. *Filia tibi sunt, serva corpus illarum, & non ostendas faciem tuam hilarem ad illas, trade filiam, & grande opus feceris, &c.* Cui conformis D. Paulus 1. Cor. 7. *Si quis turpem se videri existimat super Virgine sua, quòd sit super adulta, &c.* Unde non adeò commendandi Parentes qui filios aut filias ad Matrimonium aspirantes, neque de ingressu alicujus Religionis approbatæ seriò deliberantes & cogitantes, diutius quàm par est detinent, antequam nuptui tradant, cum sit melius nubere quàm uri. Ideòque si non te continent, nubant ait idem Apostol. 2. *Luscinia* licet amica-

bilis

bilis sit & grata avicula, tamen decore ac colore plumarum seu pennarum, se non ita reddit commendabilem. Sed illud ex quo potissimum commendatur, internum est. Ita Virginis pulchritudo potissima ab intus. Non se putet Sponso suo amicabilem & gratam fieri externo cultu & apparatus splendore. 1. *Tim. 2. Mulieres in habitu ornatæ cum verecundia & sobrietate ornantes se, non intortis crinibus vel auro, vel margaritis, aut veste pretiosa &c. Dum enim ornari cultius & evagari liberius Virgines volunt,* ait D. Cyprian. de Habitu Virg. *esse Virgines desinunt, furtivo dedecore corruptæ, viduæ antequam nuptæ, non mariti sed Christi adultera, quàm fuerant præmiis ingentibus Virgines destinata, tam magna supplicia pro amissa virginitate sensura. Et paulò post, Estote tales quales vos Deus artifex fecit, maneat in vobis facies incorrupta, cervix pura, forma sincera. Non inferantur auribus vulnera, nec brachia includat aut colla de armillis & monilibus catena pretiosa. Crines nullo colore fucati, oculi conspiciendo DEO digni. Et rursum. Sericum & purpuram induiti, Christum induere non possunt, auro & margaritis & monilibus ornati ornamenta cordis ac pectoris amiserunt.* 3. Philomela dulcissimè ac suavissimè cantillat, sic de Virgine Christi; Sponsa dicitur Cant. 2. *Sonet vox tua in auribus meis, vox enim tua dulcis & facies decora.* Talem autem addit in dulcissimo suo Cantico Virginum Princeps Luc. 1. *Magnificat anima mea Dominum, &c. Audi quomodo ad dulcedinem divinarum laudum & Ecclesiasticorum canticorum hortetur D. Aug. de bono Virginit. Laudate dulcius quem cogitatis uberiùs, sperate feliciùs cui servitis instantiùs, amate intensiùs cui placetis, ardentiùs. Lychnis accensis & lucernis ardentibus expectate, Dominum quando veniat à nuptiis. Vos adferetis ad nuptias, Agni Canticum novum quod cantabitis cytharis vestris, non, utique tale, quale cantat universa terra, cui dicitur. Cantate, Domino canticum novum, cantate Domino universa terra.*

„ sed tale quale nemo nisi vos, poterit dicere. Sic enim vos vidit
 „ in Apoc. quidam præ cæteris dilectus Agno, qui discumbere fu-
 „ pra pectus ejus solitus erat, & bibebat, & eructabat mirabilia,
 „ super cœleste DEI verbum. In quo alludit ad illa verba Apo-
 „ calipsis. Cantabant quasi canticum novum ante sedem, & ante
 „ quatuor animalia & Seniores. Et nemo poterat dicere canti-
 „ cum, nisi illa centum quadraginta quatuor millia, qui empti
 „ sunt de terra. Hi sunt qui cum mulieribus non sunt conqui-
 „ nati, Virgines enim sunt, hi sequuntur Agnum quocunq; iê-
 „ rit. 4. Nec tantum à dulcedine ac suavitate vocis philomela,
 „ commendatur, sed etiam à fortitudine & pertinaci quadam in-
 „ stantia. *Lusciniis*, inquit Plin. lib. 10. cap. 29. *diebus ac noctibus*
continuis quindecim garrulus sine intermissu cantus densante se fron-
dium germine non in novissimum digna miratu ave. Primum *tan-*
ta vox tanto in corpusculo, tam pertinax spiritus, &c. Et vobis ô Vir-
 „ gines ut sitis spirituales quædam lusciniæ necessarius est fortis
 „ & pertinax spiritus; quia dæmon variis modis diversisque arti-
 „ bus ac fraudibus vestram arcem oppugnat. Fortiter igitur & vi-
 „ riliter resistendum clamando ad DEum, fortiusque inclaman-
 „ do divinis ejus auribus, ad implorandam ejus opem his aut simi-
 „ libus verbis. *DEus in adjutorium meum intende &c.* Et Ps. 117.
Exurge Domine adjuva nos, & libera nos propter nomen tuum. Et,
Dominus mihi adjutor & ego despiciam inimicos meos. Et Matth. 8.
Domine salva nos perimus. Et Ps. 53. *Exurge Domine quare obdor-*
mis? exurge & ne repellas in sinem. Et Ps. 55. *In Domino speravi, non*
timebo quid faciat mihi caro, &c. Denique lusciniæ minores seu
 „ juniores imitantur versus ac cantus majorum æmulâ quâdam
 „ attentione, præbentque se audiendo dociles. *Certant inter se in-*
quit idem Plin. palamq; animosa contentio est. Meditantur alia ju-
niores, versusq; quos imitentur accipiunt. Audit discipula intentio-
ne magnâ & reddit, vocibusq; reticens intelligitur emendata carre-
 „ Etio,

Etio, & in docente quadam reprehensio. Ita & Virgines studeant imitari virtutes perfectiorum, & præbeant se in omnibus piis instructionibus & spiritualibus exercitiis dociles & attentas. Admittant etiam libenter correptionem Seniorum. Cogitent sibi multa deesse ad perfectionem, & studiosè ac sollicitè observent aliorum virtutes ac perfectiones, quas suæ proponant imitationi. Ita refertur apud *D. Bern.* de quodam Monacho, eoque Laico, qui ad ejus pedes se projiciens cum magna confusione seipsum accusabat. Væ mihi, quia Fratrem unum hâc nocte consideravi, in quo triginta virtutes numeravi, quarum nec unam quidem in me invenio. Idipsum fecit & *B. Bern.* ferm. 5, in Cant. Alium intueor singularis abstinentiæ, alium verò patientiæ admirandæ, alium autem summæ humilitatis, & mansuetudinis, alium multæ misericordiæ & pietatis, istum in contemplatione frequenter excedere, hunc pulsare cœlos, orationum instantiâ, alios in aliis præeminere virtutibus. Hos, inquam, considero omnes ferventes, omnes devotos, omnes cœlestibus donis & gratiis affluentes, tanquam spirituales vera montes, qui à Domino visitantur. Ego autem qui horum in me invenio nihil, quid me aliud putem quàm unum de montibus Gelbœ, quem præterit in ira & indignatione sua ille cœterorum benignissimus visitator? Filioli hæc cogitatio continet oculorum extollentiam, conciliat gratiam, Sponsi saltibus præparat. Nec minùs luculenter *Gregor.* 24. *Moral.* 6. Qui plenissimè intelligere appetit qualis est, tales debet conspicere, qualis non est, ut ex bonorum forma metiatur quantò ipse deus fertus bonis deformis est. Ex iis quippe quibus plenissimè bona adsunt, perpendit rectè, quæ sibi minùs sunt, atq; in illorum pulchritudine conspicit fœditatem suam, quam in semetipso & perpeti potest & sentire non potest. Justorum ergò debemus vitam conspicere, ut subtiliter deprehendamus nostram,

, stram, illorum videlicet species quasi quædam forma nobis imitanda proponitur, quia nostra lectio est vita bonorum. Ultimò, Luscinia satis fecunda sunt. Dicit enim Plin. loc. cit. eas parere cum plurimum sena ova. Ita Virgines licet steriles sint prolium, fecundæ tamen sint virtutum, gratiarum & privilegiorum DEI. Hinc Isai. 56. *Non dicat Eunuchus qui se castravit propter regnum DEI, nec virgo, ego lignum aridum, quia hæc dicit Dominus Eunuchis, qui custodierunt sabbata mea, & elegerunt qua ego volui, & servaverunt fœdus meum, dabo eis in domo mea, & in muris meis locum, &c.*

Viduis pro Strena offero Turturem. Convenit hæc avis Viduis ob certas quasdam considerationes. 1. Turtur est coloris ferè cinerei, sic oportet habitum Viduarum esse lugubrem, ab habitu Conjugatorum quæ cupiunt placere viris, & Juvenularum quæ ambiunt maritos, valdè diversum. Sic Judith cap. 10. *Induebatur vestimentis viduitatis suæ, quibus exuebat se cum ad Holofernem descenderet.* Sic & Thamar Gen. 38. cum concepisset ex Juda deposuit habitum suum, & induit se vestimentis viduitatis suæ. Commendat Salvinam viduam D. Hieron. quòd litam purpurisso & cerusâ faciem super feretrum mariti diluerit, quòd pullam tunicam nigrosq; calceolos candidæ vestis & aurati abaci depositione sumpserit, sicque in jejuniis perseveraverit. Habitus ergò nimis ornatus, & sæcularis, qui levitatem atq; lasciviam indicat, minimè decet viduas quæ verè viduæ sunt. Sed etiam fugiat vidua confortium earum, quæ in hac levitate ambulant. Hinc idem Hieron. ad Furiam viduam scribit ita. *Juvenum fuge consortia, comatulos, comptos, atq; lascivos domus tua tecta non videant. Nec Procurator calamistratus, nec formosus collactaneus, nec rubicundus & candidus affecla lateri tuo adhareat.* 2. Turtur non iterat socialem conjunctionem, semel viduata & orbara compare, ut pulchrè ac disertè testatur D. Ambrosius.

brof. lib. 5. Hexam. cap. 19. *Turturubi jugalis proprii fuerit a-*
missione orbata, pertasos thalamos & nomen habet conjugii, eò quòd
primus amor fecerit eam dilecti morte deceptam. Itaq; iterare conjun-
ctionem recusat, nec pudoris iura, aut complaciti viri resolvit fæde-
ra, illi soli suam charitatem reservat. Illi custodit nomen uxoris Discite
 mulieres quanta sit viduitatis gratia, quæ etiam in avibus prædi-
 catur. Quis has leges turturi dedit? Si hominem quæro, non inve-
 nio: homo enim nullus est ausus, quando nec Paulus est ausus le-
 ges tenendæ viduitatis præscribere. Nam ipse ait 1. Tim. 5. *Volo*
ergo juniores nubere, filios parere, Matres familias esse, nullam occasio-
nem dare adversario. Et alibi 1. Cor. 7. Bonum est illis si sic per-
manserint, quòd si se non continent, nubant. Melius est enim nubere,
quàm uri. Optat Paulus in mulieribus, quòd in turturibus perseverat.
 Et juniores hortatur ut nubant, quia mulieres nostra turturum pu-
 dicitiam vix implere possunt. Ergo turturibus DEUS hunc insudit
 affectum; hanc virtutem continentia dedit, qui solus potest præscribere
 quod omnes sequantur. Turtur non uritur flore juventutis, non ten-
 tatur occasiois illecebræ. Turtur primam fidem irritam nescit facere,
 quia novit castimoniam servare primæ connubii sorte promissam. Hæc
 S. Hieron. Optat D. Paulus 1. Cor. 7. ut mulieres hanc turturum
 cõditionem imitentur. *Beatior inquit, erit, si sic permanserit secun-*
dum meum consilium. At jam, invenire est viduas, quæ vix sepul-
 to primo marito alterum ambiunt. Quæ si juxta D. Hieronymi
 monitionem ad Furiam, cogitarent quotidie se morituras, nun-
 quam ad secundas nuptias aspirarent. Interim obtendunt ple-
 ræq; honestam matrimonii secundæ causam. Solent enim, ait
 idem D. Hieron. adolescentulæ viduæ, quarum nonnullæ abie-
 runt retrò post Sathanam cum luxuriatæ fuerint in Christo, nu-
 bentes dicere. Patrimonium meum quotidie perit, majo-
 rum meorum hæreditas dissipatur, servus meus contumeliosè,
 locutus est, imperium ancilla neglexit. Quis procedet,
 ad pu

„ ad publicum ? quis respondebit pro agrorum tributis ?
 „ parvulos meos quis erudiet ? & vernulas quis educa-
 „ bit ? Et hanc pro nefas causam opponunt matrimonii, quæ
 „ vel sola debuit nuptias impedire. Superducit mater filiis non
 „ nutricium sed hostem : non Parentem sed Tyrannum, inflam-
 „ mata libidine obliviscitur uteri sui, & inter parvulos suas mi-
 „ serias nescientes, lugens dudum, nova nupta componitur.
 „ Quid obtendis matrimonium ? quid superbiam servulorum ?
 „ confitere turpitudinem. Nulla idcirco maritum ducit ut cum
 „ marito non dormiat. 3. Turtur est avis gembunda, sic vi-
 „ duarum est genere ob varias calamitates in quas se incidisse co-
 „ gnoscunt. Dicant ergo sæpè cum Propheta Pl. 26. *Laboravi in*
gemitu meo &c. Pl. 37. Rugiebam à gemitu cordis mei, &c. Pl. 101.
Pl. 37. Gemitus meus non est à te absconditus. 4. Turtur non quæ-
 „ rit arbores frondosas nec opacas, sed siccas & foliis orbatas : ita
 „ viduæ non quærant oblectationes mundanas, nec carnales deli-
 „ cias, Nam 1. Tim. 6. *Vidua quæ in deliciis est, vivens mortua est.*
 Hoc est, in evidenti est periculo mortis. Sic enim dicimus de a-
 „ liquo, *perit, cum in gravem se mortis coniecit occasionem.* Sed
 Isaia 38. *Recogitent annos suos in amaritudine animæ suæ.* Amenc
 loca solitaria, incumbant poenitentia operibus, jejunent cor-
 „ pusque suum castigent, & secundæ quasi virginitatis agant vi-
 „ tam. Denique Turtur avis est pudicissima semper habitans in
 „ sublimibus, ut ait D. Hieron. lib. 1. contra Jovinian. imitentur
 „ viduæ hanc pudicitiam. Vult enim Apost. 1. Tim. 3. *Mulieres esse*
sobrias & pudicas. Habitent etiam in sublimioribus. Pl. 90. *Altis-*
simum Dominus posuit re fugium suum. Edificent in profundissi-
 „ mis Christi vulneribus, ut possint, Eph. 3. *Comprehendere cum omni-*
by Sanctis quæ sit latitudo, & longitudo, sublimitas, & profundum, &c.
Conjugatis in Strenam offero Columbam. Conditiones e-
 „ nim columbæ Conjugatis rectè conveniunt. Inprimis colum-
 „ bæ ser.

bæ servant conjugalem quandam pudicitiam, nec thorum violant. Conjugati servate fidem hinc inde promissam, sitq; vobis nefas & horrendum crimen violare thorum alterius. Heb. 13. Mementote honorabile esse Connubium in omnibus & thoram immaculatum, fornicatores & adulteros judicare DEum. Mementote verborum D. Job 31. *Si deceptum est cor meum super muliere, & si ad ostium amici mei insidiatus sum, scortum alterius sit uxor mea, & super illam incurventur alii hoc enim nefas est & iniquitas maxima: ignis est usq; ad perditionem devorans, & omnia eradicans genimina.* Audite etiam Sapientem Prov. 6. *Qui adulter est, propter cordis inopiam perdet animam suam. Turpitudinem & ignominiam congregat sibi, & opprobrium illius non delebitur.* Et Eccli. 23. *Omnis homo quasi transgreditur lectum suum contemnens in animam suam, & dicens, quis me videt? tenebra circumdant me, &c.* Sic & mulier omnis relinquens virum suum & stituens hereditatem ex alieno matrimonio &c. 2. In columbis commendatur simplicitas dicente Christo Matth. 10. *Estote prudentes sicut serpentes, & simplices sicut columbae.* Laudandi Conjuges simplices & recti, à quibus abest zelotypia. Ab ejusmodi simplicitate commendatur D. Job. c. 1. *Er at ille simplex &c.* Magnum in conjugio malum zelotypia. Dolor cordis & luctus mulier zelotypa inquit Eccli. 25. *In muliere Zelotypa flagellum lingua omnibus communicans.* Grave malum Zelotypia inquit D. Chrysofst. hom. 56. in cap. 38. Genes. *Et desinit in insipientiam ut evenit Racheli dicenti marito, da mihi liberos, alioquin moriar, amulando Liam sororem suam quæ pepererat. Inconsiderata animi fuit hæc mulsebris petitio animaq; ab amulatione impugnata.* Et Ierm. 10. in 4. Eph. Zelotypia sursum ac deorsum versat ac turbat omnia, & non solum terrarum orbem, sed etiam Ecclesiam innumeris malis opplevit. Caveant sibi Conjuges ab hoc malo & servent simplicitatem columbinam, sintque oculi eorum oculi columbarum.

3. Columba fuit nuncia pacis, Emisit enim ex arca Noë colum-

bam cessante diluvio Gen. 8. quæ reversa sub vesperam portavit ramū olivæ virentibus foliis in ore suo. Unde Noë intellexit quod cessassent aquæ super terram. O Conjuges estote & vos pacifici, aut si ingruente aliquâ tempestate pax domestica turbata fuerit vel expulsa, illico inferte ramum pacis. *In tribus enim beneplacitum est spiritui meo ait Eccli. 35. qua sunt probata coram DEO & hominibus, concordia fratrum & amor proximorum, & vir & mulier bene sibi consentientes.* In signum pacis servent columbæ communem domum, servent & Conjuges comunem domum, non habitent separatim vel divisim, non cogitent divortia. *Is I. Cor. 7. qui matrimonio juncti sunt, precipio, non ego, sed Dominus, uxorem a viro non discedere quod si discesserit, manere innuptam, aut viro suo reconciliari & similiter, vir uxorem non dimittat. Præcepit Dominus, ait D. Hieron. lib. 3. ep. 10. Uxorem non debere dimitti exceptâ causâ fornicationis, & si dimissa fuerit, manere innuptam. Quidquid viris jubetur, redundat in feminas. Neq; enim adultera a xor dimittenda est, & vir machus retinendus. Quod non licet feminis, aq; non licet viris, & eadem servitus pari conditione censetur. Alia sunt leges Casarum, alia JESU Christi. Aliud Papinianus, aliud Paulus noster præcepit. Apud illos viris impudicitia frenata laxantur, & solo stupro atq; adulterio condemnato, passim per lupanaria & ancillulas libido permittitur, quasi culpam dignitas faciat non voluntas.*

4. Columba vasculum parturienti foeminae solatia ac ministeria affectuosè præstat. Et vos mariti subsidio & solatio uxoribus gravidis & infirmis, aut quavis necessitate laborantibus estote. *Vir I. Pet. 3. similiter cohabitantes secundum scientiam quasi infirmiori vasculo muliebri impartientes honorem tanquam & coheredibus vitæ aeternæ, ut non impediatur orationes vestrae. Considera mulierem ait. D. Chrylost. hom. 27. in 10. ad Cor. 1. Debile vas esse. Tu autem vir propterea Princeps factus es, & capitis loco datus, ut subdita feras imbecillitatem. Velis igitur tuum illustrare principatum, quod factus*

cies, si subdita non insultaveris. Si enim illam qua suum post te locum obtinet contumeliâ afficis, non parùm tui principatûs derogas honori. Et paulò post. Quotiescunq̃, aliquid molesti domi contigerit, si quid uxor peccaverit consolare & noli merorem augere. Quod si invicem onera ferenda sunt, multò magis uxoris: & si pauper sis noli exprobrare, & si stulta nolitei insultare, sed esto modestior, etenim tuum membrum est, & caro una facti estis. Refert ibidem exemplum de quodam Philosopho, qui cùm malam haberet uxorem, pravam, temulentam, & interrogaretur quâ gratiâ ejus mores toleraret, respondit, ut gymnasium & palæstram Philosophiæ domi habeam. Ero enim inquit tum cæteris mansuetior, cùm in ea toleranda domi erudiar.

Jam ad fructum matrimonii quæ est proles. Pueris ergò & Adolescentibus do *Ciconiam*, de hac dicit Scriptura, quòd custodiat tempus adventûs sui. Utinam & vos *Adolescentes* custodiretis, & cognosceretis tempus adventûs vestri, quare nimirum in hunc mundum veneritis, non ad otium, ludendum, bibendum, comedendum, luxuriandum, pejerandum, mentiendum, &c. Sed ad, DEO, Parentibus serviendum, & obsequendum. Quod quidem erga Parentes obsequium vos *ciconiæ* docent, quæ Parentibus jam senio confectis & quodammodo implumibus subsidium afferunt, ac tegumentum præbent eos cooperiendo propriis alis. Hinc avis ista apud Romanos *pia* dicebatur, seu pietatis symbolum. Discant exemplo ejus Filii Parentum necessitati subvenire, eosq̃; si pauperie gravantur sustentare, hoc enim est verè Parentes suos honorare ut Christus testatur Matth. 15. *DEUS* dixit. *Honora Patrem & Matrem, vos autem Scribæ & Pharisei dicitis, quicumq̃; dixerit, Patri vel Matri munus quodcunq̃; est ex me tibi proderit, & non honorificabit Patrem vel Matrem suam, &c.* *Ciconia* est avis elingvis aut nonnisi particulam lingvæ habens, non sint ergo adolescentes multùm loquaces & garruli, sed discant li-

lingvā compescere. Proximus ille DEO qui scit ratione tacere. Hinc Eccli. 32. *Adolescens loquere in tua causa vix, &c.* Et Prov. 18. *Qui prius respondet quā audiatur stultum se esse demonstrat.* Ec Eccli. 11. *Prius quā audias ne respondeas verbum, & in medio Seniorum ne adjicias loqui.* Imitentur exemplum Christi duodennis, quem, Luc. 2. dicitur, sedisse in medio Doctorum audientem illos & interrogantem. Prius, inquam, audientem, quā interrogantem. Hæc de Conjugatis & Filiis.

Servorum & ancillarum oblivisci non oportet, quia Dominus formam servi accipere dignatus est: his igitur pro Strena largior Gallum, cujus conditiones illis applico. Gallus, in primis, est avis domestica, manens in territorio Domini sui, neque per alienas ædes multum discurret. Sic decet servos & ancillas se continere domi, nec passim discurrere vel egredi, nisi quando mittuntur. Decet eos custodire domum, ibique paratos esse, ut pulsantibus aperiant, ut Christus D. dicit in quadam parabola Luc. 12. *Sint lumbi vestri praecincti, &c.* Gallus multum vigilat, dormientesque tempestivè excitat. Luc. 12. *Beati servi illi quos cum venerit Dominus &c.* Gallus attollens caput videtur uno oculo coelum, altero terram aspicere, sic faciant servi quæ jubentur dum non repugnent æquitati vel honori Dei. Quia Act. 5. *potius obediendum Deo quā hominibus,* alterum oculum ad voluntatem Dei attollant, altero verò Domini terrestri voluntatem aspiciant. Duobus enim illos Dominis oportet servire, sed non sibi contrariis, non sic placere debent homini ut displiceant DEO. Alioqui Gal. 1. *Si adhuc hominibus placerem potius quā DEO, Christi servus non essem.* Gallus terram scalpendo escam eruit ac sollicitè cibum quærit non otiosè obambulat, sic & vos in sudore vultus vestri vescamini pane vestro. 2. Thess. 3. *Qui non vult operari non manducet.* Gallus si reconditam eruerit escam sibi non reservat, aut saltem non soli, ita si famulorum labor

bor cedit in Dominorum utilitatem. Denique gallus leoni ferarum generosissimo & fortissimo terrori est. Prov. 30. Sic vitam vestram componite & instruite servi, ut terrori sitis diabolo, qui tanquam leo rugiens querit quem devoret. 1. Petr. 5. Hoc autem fiet si frequenter & devotè Sacramento Dominici Corporis vos munieritis, cum enim tanquam leones ignem spirantes ab hac mensa recedatis facti diabolo terribiles, ut ait Chrysof. hom. 61. ad populum.

Pueris in Strenam do *Vermiculum* sed alatum instar avis, *Apem*. Est valdè diligens & assidua temporis sui exactam rationem habet, colligit namque in æstate formicarum more ea quibus vivat hyeme. Discant ejus exemplo Pueri præsertim Scholares diligenter ac fructuosè tempus suum expendere ac collocare. Sint assidui in studiis aliisque honestis ac salutaribus exercitiis. *Nulla dies abeat quin linea ducta supersit*. Cogitent illud Catonis, *Non jacet in molli veneranda scientia lecto: ipsa sed assiduo parta labore venit*: Rursum illud Horatii; *Qui studet optatam cursu contingere metam, multa tulit, fecitq; Puer, sudavit & assit*. Meminerint DEum omnia laboribus vendere. Diligenter seminent in juventute ut aliquando metant in senectute. Nam ut Sapiens dixit Eccli. 25. *Qua in juventute tua non congregasti quomodo in senectute invenies?* Apis delectatur floribus, iisque frequenter circumvolitando præsens est, gaudetque florum odore. Ita gaudeant Pueri & Scholares floribus virtutum, & libenter & frequenter conversentur cum eis, qui Christi sunt bonus odor 2. Cor. 2. seu qui virtutum odorem ex se diffundunt. Agant & tractent cum ingenuis, & piis suæ fortis juvenibus, non cum perversis ac depravatis; ne eorum vitiosos mores induant, cum bonis enim boni erunt, & cum perversis pervertentur. Prov. 22. *Adolescens juxta viam suam & cum senuerit non recedet ab ea*. Apes sequuntur Ducem suum eique in omnibus obtemperant, ita

Pueri & scholares Præceptores suos qui eis sunt duces virtutis ac morum, libenter sequantur, illisque in omnibus prompto animo obediant aliquid præcipientibus. Apis est animal sobrium ac castum. Sobrietas ac castitas insigne sunt ornamentum juventutis. Hinc Apost. Tit. 2. *Juvenes hortare ut sobrii sint.* Sobrietas acuit ingenium, & gignit subtilem sensum; & è contrà, pingvis venter non gignit tenuem & subtilem sensum. Ut ergò juvenes felicem in studiis faciant progressum, sobrii sint. Castitas quoque eos maximè decet, nam ut Horat. *Qui studet optatam cursu contingere metam. Abstineat Venere & Baccho.* Denique Apes gaudent alveari suo libentissimèque illud ingrediuntur. Ita pueri & studiosi frequenter intrent Ecclesiam deprecaturi DEUM pro felici studiorum successu, & invocaturi gratiam Spiritus S. Nam non minùs aliquando orando quàm studendo & laborando in eruditione proficitur, ut D. Thomæ, Bernardo, Bonaventuræ contigisse legimus.

STRENA VII.

De Animalibus Quadrupedibus.

Daturus nunc sum omnibus & singulis statibus pro Strena Christum D. sub diversis animalibus consideratum & figuratum in Scriptura.

Sacerdotibus ergo do Christum tanquam *Cervum*. Comparatur enim Cant. 2. *hinnulo cervorum. Similis esto dilectæ mi capræ, hinnuloq; cervorum.* Diversa in Cervis considerantur, quæ Christo ejusque Sacerdotibus conveniunt. I. Christus mirabiliter salit. Saliit è sinu Patris in sinum Virginis, è sinu Virginis in terram, è terra in crucem, è cruce in sepulchrum, & infernum. Hinc Cant. *Ecce iste venit saliens in montibus, transiliens colles.* Transilient etiam Sacerdotes foveas peccatorum, lapides offensionum.

sionum, impedimenta virtutum, non sint infixi in limo profun-
 di Ps. 65. nec in facibus vitiorum, studeant se extricare sordibus
 & inquinamentis hujus sæculi. Dicant cum Propheta Ps. 7. *In Deo*
meo transgrediar murum. 2. Cervus facillè cicurari potest, reddi
 mitis, placidus est & simplex. Talis fuit mysticus cervus Christus
 D. Matth. 11. *Discite à me quia mitis sum & humilis corde.* Talem
 etiam oportet esse Sacerdotem & Episcopum testante Paulo
 Tit. 1. *Oportet Episcopum esse hospitalem, benignum, &c.* Sed licet
 cervus sit animal innocens, bellum tamen gerit cum serpenti-
 bus teste Plin. lib. 8. cap. 32. *Est iis cum serpente pugna, investi-*
gant cavernas, nariumq; spiritu extrahunt renitentes. Ita Chri-
 stus pugnam inivit cum serpente infernali, adeòque diabolis in-
 vilus fuit, ut ejus præsentiam ferre non potuerint. Clamabant
 enim Marc. 1. Luc. 4. *Quid nobis & tibi JEsu Nazarene, venisti an-*
te tempus, perdere nos? Extraxit eos quoque ex cavernis corpo-
 rum & animarum ejiciendo, scilicet ex corporibus obsessorum.
 Sic & Sacerdotum est pugnare cum antiquo serpente ut acci-
 piant regnum æternum. Sint capitales inimici spirituum infer-
 nalium. Extrahant eos cum facultate Superiorum ab energu-
 menis & catechumenis spiritu oris sui, dum exorcisant & ba-
 ptisant. *In nomine meo* inquit Christus Marc. ult. *dæmonia ejici-*
ent, serpentes tollent. 3. Cervus velox est in cursu & saltu, unde
 Isaia 35. *Tunc saliet sicut cervus claudus.* Christus etiam velox
 fuit in cursu & saltu suo, quia Ps. 18. *Exultavit ut gygas ad curren-*
dum viam suam. Estote & vos DEI Sacerdotes veloces in cursu
 vestro, & sic currite ut comprehendatis 1. Cor. 9. Dicite cum Pro-
 pheta Ps. 17. *Perfice gressus meos tanquam cervorum,* nimirum ad
 transfilienda spinosa hujus sæculi. Dicite rursum cum eodem
 Ps. 18. *Viam mandatorum tuorum cucurri cum dilatâti cor meum.* De
 Petro & Joanne scriptum est, Joan. 20. *Currebant a utem duo si-*
mul ad monumentum & ille alius discipulus quem amabat JEsus præ-
sucurrat citius Petro. Sic & vos in spirituali stadio certatim cur-
 rite,

rite, ut dicere liceat cum Apostolo 2. Tim. 4. *Bonum certamen certavi, cursum consummavi, &c.* 4. Cervus juxta fontes libenter versatur Pl. 41. *Quemadmodum desiderat cervus ad fontes aquarum.* Ita & mysticus Cervus noster juxta fontem invenitur, ibique sedet & requiescit. Dicit enim Scriptura Joan. 4. *Jesus ergo fatigatus ex itinere sedebat sic supra fontem.* Imò & ipse fons est Jerem. 2. *Me dereliquerunt fontem aqua viva.* Estote & vos Sacerdotes mystici cervi, quærite fontem gratiæ, fontem Scripturarum. Anhelate ad DEum fontem vivum & dicite cum Propheta Pl. 41. *Sitivit anima mea ad te DEum fontem vivum, quando veniam &c.* 5. Cervus tuetur se cornibus. Cornua sunt verba DEI. His etiam se tuebatur mysticus Cervus Christus, cum tentaretur & oppugnaretur à Diabolo. Matth. 4. *Scriptum est, non tentabis D. DEum tuum. Scriptum est &c.* Et vos Sacerdotes cornibus utriusque testamenti defendite vos & populum Christianum contra impugnatores fidei. Abacuc 3. *Sint hæc cornua in manibus vestris.* Dicite cum Propheta Regio Pl. 43. *In te inimicos nostros ventilabimus cornu.* 6. Cervi libenter in montibus versantur. Hinc Pl. 103. *Montes excelsi cervis.* Christus etiam montibus gaudebat. Matth. 14. *Ascendit in montem orare solus.* Matth. 17. *Assumpsit Jacobum Petrum & Joannem, & duxit eos in montem excelsum, &c.* Et Luc. 22. *Ibat secundum consuetudinem in montem.* Et vos Sacerdotes amate montes, & dicite cum Propheta Pl. 120. *Levavi oculos meos in montes unde veniet auxilium mihi.* Coloss. 3. *Qua sursum sunt sapite,* sic Philip. 3. *Conversatio vestra in caelis.* Denique de cervis scribit Plin. Quod aquam tranantes se invicem mirè juvent. *Maria tranant gregatim nantes, porrecto ordine & capita imponentes procedentium clamibus, vicibusque ad terga redeuntes.* Ita Christus onera nostra, id est, peccata, quæ, Pl. 37. *Sicut onus grave gravata erant super nos, portavit in corpore suo, & in humeris suis.* Isai. 53. *Verè langvores nostros ipse tulit, & dolores nostros*

dolores nostros ipse portavit, Et vos Sacerdotes alter alterius oner a portate, ut adimpleatis legem Christi, Vos, Gal. 5. infirmos in fide suscipite, & si praoccupatus fuerit quis in delicto, vos qui spirituales estis, ejusmodi instruite in spiritu lenitatis &c. Vestrum est in vinea Domini laborare & portare pondus diei & æstus.

Reſtoribus Reipubl. do Christum Leonem. Christus enim frequenter Leoni comparatur, Gen. 49. *Catulus Leonis Juda requiescens, accubuit ut Leo &c.* Apoc. 5. *Vicit Leo de Tribu Juda.* Olee 11. *Quasi Leo rugiet.* Inprimis Leo à fortitudine commendatur, Prov. 30. *Leo fortissimus bestiarum ad nullius pavebit occursum.* Christo inter varia nomina tribuitur hoc nomen *Fortis* Isaia 9. Luc. 11. *Cum fortis armatus custodit atrium suum.* Et vos Judices *virtute vestra irrumpite iniquitates, nec cedatis fracti metu, nec Eccli. 7. Honoretis in judicio vultum Potentis, ne sitis Act. 5. personarum acceptatores, quia non est personarum acceptio apud DEum.* Ne sitis de numero eorum de quibus Michea 3. *Principes ejus in muneribus judicabant.* 2. Leo dicitur dormire a pertis oculis, & mysticus noster Leo quodammodo a pertis oculis dormivit, ut dicere potuerit, Cant. 5. *Ego dormio, & cor meum vigilat.* Habeatis semper oculos coniectos in populum cui præestis licet aliis rebus intenti, nam & in vobis locum habere putandum est illud Hebr. 13. *Ipsi pervigilant pro vobis. quasi rationem reddituri pro animabus vestris.* Vestrum etiam est de nocte aliis dormientibus, lustrare vicos & plateas, ut videatis quid agatur, nullæ sint infidiæ, non turbetur publica quies &c. & impedire quævis mala. 3. Excurrit leo ad prædam. Sic de mystico nostro Leone dicitur Gen. 49. *Ad prædam ascendisti Fili mi.* Prædam enim abstulit ex inferno seu lyngo, unde *captivam duxit captivitatem.* Ephes. 4. Et vos o Judices & Præfecti ascendite ad prædam, id est, impeditate peccata, ne propter illa populus ad infernum descendat; liberate & eripite injustè oppressos, id est, viduas, pupillos, &c.

Fecit hoc Daniel cap. 3. qui Susannam injustè damnatam liberavit. 4. Leo dicitur clemens esse in supplices juxta illud Poëta. *Parcere subjectis scit nobilis ira Leonis. In sibi prostratos se negat esse ferum.* Ita Christus pepercit supplicibus, ut patet in seruo debente decem millia talenta. Matth. 18. Nam procidenti donavit omne debitum. Estote igitur & vos Rectores clementes in supplices, ad procidentes. Sit rigor justitiæ temperatus clementiâ & lenitate. Utimini vino, & oleo curandis hominum vulneribus Luc. 10. Sit Elias vobis à dextris, Moyses à sinistris.

Virginibus do Christum ut *Unicornem* cui ille comparatur. Unicornis in primis dicitur venerari puellas Virgines, & per ea mansue fieri, & sinu earum capi. Christus est mysticus Unicornis, est enim amator castarum virginum, & suavis fragrantia Virginalis puritatis illexit hunc unicornem in Virginis Mariæ sinum & uterum. Estote & vos Virgines Unicornis, & virginalem castitatem, sic amate ut non tantum corpore, sed spiritu castæ sitis. Unicornis est solitudinis amator teste D. Basil. serm. 2. in Ps. 28. Ita mysticus Unicornis noster Christus in solitudine seu deserto libenter versatus est, ibique jejunans 40. diebus & 40. noctibus Matth. 4. Ament & Virgines solitudinem, dicantq; cum D. Hieron. l. 2. ep. 15. *Mihi oppidum carcer. & solitudo paradus est.* Dicant cum Ps. 45. *Ecce elongavi fugiens & mansi in solitudine.* Similes fiant pellicano solitudinis & fiant sicut nycticores in domicilio, & sicut passeressolitarii in tecto. Ps. 101. Maneant cum B. Virgine in conclavi, & orent in abscondito. Unicornis est animal insuperabile, teste D. Basil. serm. 2. in Ps. 28. & vix aliter quam per Virginem capitur. Christus etiam invictus est, & non potuit capi nisi à Virgine. Virgines quoq; decet fortitudo, ut illibatam servant castitatem & puritatem. *Grandis enim virtus est & sollicita diligentia superare quod nata sunt,* ait D. Hieron. ad Furiam. Unicornis dicitur ex indignatione & tristitia, mori si vincitur detineatur,

neatur, Christi anima tristis fuit ad mortem dum à Judæis in hor-
to caperetur, ibique Patrem oraret, ut si possibile esset transiret
calix passionis & mortis Matth. 26. Multæ quoq; castæ Virgines,
ut Thecla, Agnes, Lucia, Agatha, &c. mori maluerunt quàm ab
hominum amore capi, & inter eas quædam dixit. *Si me invitavi
jufferis violari, castitas mihi duplicabitur ad coronam.* S. Lucia in
Brev. Rom. 5. Unicornis cum ambulat. præcedit omnia anima-
lia, nec patitur quodquam præcedere. Christus Dominus in om-
nibus nos præcedit virtutibus, de eo quoque dixit Angelus
mulieribus Matth. 16. *Dicite Discipulis ejus & Petro, præcedet vos
in Galileam.* Virgines quoque sic vitæ sanctitate emineant, ut
turpe existiment se à quopiam virtute superari, conentur piâ
quâdam æmulatione omnes præcedere vitæ sanctimoniâ, sem-
per esuriant & sitiant justitiam, eant de virtute in virtutem, *qua
retro sunt obliuiscetes.* &c. Philip. 3. 6. Unicornis juxta nomen-
claturam unicum habet cornu, & Christus D. licet duas habue-
rit naturas, humanam & divinam, una tamen est persona, & u-
nam cum Patre communem habet Divinitatem juxta illud Jo-
an. 10. *Ego & Pater unum sumus.* Unicornes sint Virgines quasi *uni
viro* despondit Apostolus *virginem castam exhibere* Christo. 2.
Cor. 11. Clament sæpè cum Psal. 21. *Erue à framea DEUS ani-
mam meam, & de manu canis unicum meam.* Unum petant
à Domino & hunc sæpè requirant *ut inhabitent in domo
Domini omnibus diebus vita sua* Pl. 26. 7. Unicornis priusquàm
bibat, cornu intingit in aquas, & ejusdem contactu dicitur
fugare venena, præbetque salubrem virtutem contra omne
venenum. Et mysticus noster Unicornis Christus, intinxit cor-
nu in aquas Jordanis Matth. 9. quando baptisari voluit à Jo-
anne, & tribuit aquis virtutem purgandi, sanandi, regenerandi, &
pepulit omne venenum, & contagium peccati originalis aquâ
baptismali Casta quoq; virgo pellit omne venenû peccati mor-
tiferi virtute cornu, scil. virtute crucis, ubi *abscondita est fortitu-*

do ejus. Abacuc 3. Virtute hujus cornu S. Joannes qui semper Virgo mansit legitur venenum extinxisse quod illi fuit propinatum.

Viduis do Christum ut *Arietem*. Christus per *Arietem* ab Abraham immolatum significatur, & ad pabula ducit. Ita mysticus *Aries* Christus D. ducit nos, vocat, & invitat ad pabulum pretiosi corporis sui Matth. 26. *Accipite & manducate* &c. Et Prov. 9. *Sapientia adificavit sibi domum* &c. Sic & vestrum est *Vidui* & *Vidua* præcedere juniores ad pabulum carpendum spirituale, ad conciones aliaq. officia divina, ut in bonis operibus testimonium habeatis, sicut D. Paulus in *Viduis* requirit 1. Tim. 5. Ducat ergò juniores, ad Ecclesiam, ad preces ad usum Sacramentorum &c. &c. 2. Iterum *Arietes* præcedunt oves ad caules, ad stabulum, ad quietem & somnum. Christus præcessit nos ad veram quietem. *Vado parare vobis locum* Joan. 4. &c. *Vado ad eum qui me misit* Joan. 15. Et *expedit vobis ut ego vadam*. Sic & *Viduarum* est ducere Juniores ad stabulum Ecclesiæ, ad domum DEI, & invitare illos ad locum illum ubi aliquando *requiescent à laboribus suis* Apoc. 14. 3. *Aries* Abrahami cornibus hærebat inter vepres Gen. 22. *Spinis* Christus coronatus mortuus est. Matth. 27. & vos *Vidua* sic inter spinas & tribulos molestiarum & tribulationum hæretis, ut aliquando mortem potius exoptetis quàm vitam, tot difficultatibus & incommodis agitamini, tot puncturis laceramini, ut à morte aliquando non procul absitis. Sed imitari debetis Christum *Arietem* mysticum, qui inter spinas non murmuravit, non spineam coronam excussit, nec de Cruce descendit, sed patienter omnia toleravit donec spiritum exhalaret. Ita & vos contra omnes hujus mundi adversitates patientiâ ac tolerantiâ coronemini. 4. *Aries* ille Abrahami oblatuS est in holocaustu. Christus D. oblatuS est in ara crucis salutaris. *Vidua*, obsecro vos per misericordiam DEI ut exhibeatis corpora vestra hostiam viventem. Roman. 12. *Mactate omnes carnales affectus,*

fectus, & mortificate membra vestra qua sunt super terram, fornicationem, immunditiam, libidinem, concupiscentiam malam Coloss. 3.

Conjugatis do Christum ut Leenam; Sicut enim Rectoribus civitatis dedi Leonem, ita Conjugatis qui sunt Rectores familiarum dare licet. Comparatur Christus non tantum Leoni sed & Leænæ à S. Jacob Patriarcha. *Requiescens accubisti ut Leo, & quasi Leæna, quis suscitabit eum?* Leænâ in primis scribit Plin. lib. 8. cap. 15. dolis carere & suspitione, convenit hoc Christo, in cujus ore non est inventus dolus. 1. Petr. 2. Hoc est Conjugatis curandum ut vivant sine dolo ac fraude. *Nolite fraudare invicem*, ait Apost. 1. Cor. 7. *Nisi forte ex consensu ad tempus ut vacetis orationi.* Vivant etiam sine suspitione ac zelotypia. Ubi enim vir suspectam habet uxorem, & uxor virum, ibi non requiescit vera pax, sed domus plena est jurgiis. 2. Scribit idem Plin. loc. cit. Leones & Leænâs non intreri limis oculis, & simili modo aspici nolle. Christus D. ne quidem pauperes limis aspicit oculis nec dedignatur eos. Pl. 10. *Oculi ejus in pauperes respiciunt, & palpebra ejus interrogant filios hominum.* Non intueantur etiam se invicem limis oculis sed rectis, placidis, benignis. 3. Dormientis Leænæ oculi suffulgent teste Plinio. De Christo D. dicit Johannes Apoc. 16. *Oculi ejus sicut flamma ignis.* O Conjuges, dormite apertis, quod ajunt, oculis, quia magnus thesaurus vobis commissus est, salus nimirum vestrorum liberorum. Erit enim anima vestra pro animabus eorum. Observate diligenter mores eorum, an de nocte non currant ad loca inhonesta, frequenter cauponas intrent, lusibus & potibus vacent, &c. Si quæ hæc deprehendatis vitia, corrigite, & deinceps illos educate in disciplina & correptione Domini, ut Apost. salubriter monet Ephes. 6. 4. Leænâ pro catulis dimicat, ait idem Plin. & hoc cum facit, oculorum aciem fertur defigere in terram. Et Christus Leænæ instar pro nobis tanquam catulis suis dimicavit demissis etiam

oculis, quando inclinato capite in Cruce tradidit spiritum Joan. 19. Et vobis o Parentes & Coniuges dimicandum est pro liberis vestris, magnus Venator jam emissus est, qui vestros molitur auferre & eripere catulos. Defendite eos, liberate eos ex faucibus ejus antequam exportentur in barathrum infernale. Testatur D. Greg. 4. Dial. 18. Filium quinquennem jurantem & blasphemantem, nec à Patre correctum, è sinu ejus à venatore diabolo abreptum. Deniq; refert Origenes serm. 17. in Gen. 49. Catulum Leænae edicum in lucem triduo dormire, & tum parentis rugitu suscitari. Hoc pulchrè convenit Christo, qui triduo in sepulchro dormivit, sed eum Pater suscitavit à mortuis. *Ego dormivi & soporatus sum & exurrexi quoniam Dominus suscepit me.* Pl. 3. Parentes tempus est ut rugiat, ut dicatis cum Pl. *Rugiebam à gemitu cordis mei,* ut hoc modo excitentur catuli vestri; nam dormiunt somnum vitiorum, & obliviscuntur DEI Creatoris sui. Dicite ergo cum Apost. Ephes. 5. *Surge qui dormis, exurge à mortuis, & illuminabit te Christus.* O Christe suscita eos, qui suscitasti filium Civitatis Naim. *Adolescens inquitens, tibi dico surge* Luc. 7.

Juvenibus & Pueris de Christum Agnellum. Christus enim significatur per Agnum Paschalem, de quo sic scriptum Exod. 12. *Erit agnus sine macula, masculus anniculus.* Tales agnellos & vos opto esse sine macula, absque nota infamiae, absque peccato turpi, siquidem macula peccatum est. Macula inobedientia, petulantia, ebrietas, turpiloquium, scurrilitas, &c. Fuit agnus ille masculus, quo significatur fortitudo: nihil foemineum, nihil molle, nihil fluxum Christus admisit. Tales sint adolescentes, nihil in moribus habeant dissolutum. Imitentur juniorem Tobiam de quo sic testatur Scriptura Tob. 1. *Cum esset junior in omni tribu Nephthali nihil tamen puerile gessit in opere, cumq; omnes irent ad vitulos aureos quos Jeroboam fecerat Rex Israël, hic solus fugiebat consortiis omnium, & pergebat in Jerusalem ad templum Domini, & ibi adorabat ad D. DEUM Israël.* Imitentur & Saram ita de se loquentem Tob. 3. *Nunquam cum ludentibus miscui me, neq; cum his qui in levitate ambulabant, participem me prebui.* 2. Agnelli matrem agnoscunt etiam in

in numeroſo grege. Agnovit & Chriſtus matrem, eique in omnibus obtemperavit, ac tantum illi detulit, ut in ejus honorem tempus faciendi miracula prævenerit cùm aquam converteret in vinum. Agnovit Matrem in cruce cùm diceret. *Mulier ecce Filius tuus.* Joan. 19. O Juvenes & Filii agnovite Parentes veſtros, audite quàm ſalubriter Tobias monuerit filium ſuum Tob. 4. *Honorem habebis matri tuæ omnibus diebus vita ejus.* Nolite contriſtare Parentes veſtros, ſed eos probitate vitæ potiùs exhilarate. *Filius enim ſapiens latificat Patrem, filius verò ſtultus moeſtitia eſt Matri ſuæ.* Prov. 10. *Stultus homo deſpicit Matrem ſuam.* Et iterum Prov. 30. *Oculum qui ſubſannat Patrem, & qui deſpicit partum Matris ſuæ, effodiant eum corvi de torrentibus, & comedant eum filii aquilæ.* 3. Agnelli maternis uberibus contenti ſunt etſi perparum habeant ſucci, præteritis aliarum ovium uberibus lacte diſtenti, unde è ſtabulis exiliunt ſinguli quærentes matrem ſuam, & ubera illius ſugentes. Quo docemur non deſpiciendos eſſe Parentes, licet tenuis ſint conditionis, licet ignobiles, licet humiles. Non puduit Chriſtum Matris ſuæ licet pauperculæ, & Fabro deſponſatæ. Dicit Chriſtus Salvator Luc. 9. *Qui me erubuerit, &c.* Et Matth. 10. *Omnis qui confeſtebitur me coram hominibus &c.* Ad eundem modum erubeſcet Chriſtus illos, qui hic erubeſcunt Parentes pauperculos, & negabit eos, qui hic Parentes ſuos negant. Agnoſcant ergò filii Parentes, & rurſum Parentes filios. Oves enim agnoſcunt & diſcernunt proprium foetum ab alieno inditâ quâdam naturæ vi, licet plurimi ſint agni ejuſdem coloris, vocis, ætatis, magnitudinis. Exhibeant Parentes liberis ſuis Paternum & Maternum affectum, & vicifſim ab eis debito modo amentur & honorentur, ne tradant Matres filios alienis alendos, ſed ipſæ ſint Matres & nutrices, ut maternum cùm lacte Filii imbibant affectum. Deniq; agnus eſt animal utile. Quidquid enim ab agno & ove provenit, deſervit humanis uſibus. Myſticus Agnus Chriſtus fuit nobis per omnia utilis, in vita, in morte, poſt mortem: in verbis, in operibus, in exemplis: & omnis ejus actio noſtra eſt inſtructio. Sint & juvenes, non ut telluris inuile pondus, non ut arbores inſtructiferæ, quæ fruſtra terram occupant. Sed ut lignum quod plantatum eſt ſecus decurſus aquarum, quod fructum dabit in tempore ſuo. Pl. 1. Sint repleti fructu juſtitie per Jeſum Chriſtum in laudem & gloriam Dei. Philip. 1. S. Juvenes & Filii has conditiones habebunt, ſtabunt cum agnis & ovibus à dextris

à dextris Judicis, & audient illam optatam vocem Matth. 25. Venite benedicti Patris mei.

Servis & Ancillis do Christum Capreolum. Christus enim in Scriptura comparatur Capreæ cant. 2. *Similis est dilectus meus capreæ, &c.* Caprea in primis est acuti visûs. Mytica Caprea Christus habet oculos sole lucidiores, qui in omni loco contemplantur bonos, & malos Prov. 15. *Nihil in scrutabile relinquit oculus ejus.* D. Bern. inquit serm. 55. in Cant. *Tu qui adventum desideras Salvatoris time scrutinium Judicis, time oculos capreæ, time illum, qui per Sophoniam cap. 1. dicit. Et erit in die illa, & ego scrutabor Jerusalem in lacernis. Acuto visu est, scrutabitur renes & corda. Eltote servi acuti visûs. Sint oculi vestri in manibus Dominorum vestrorum Pl. 122. Attendite & videte quid præcipiatur, quid inhibeat. Videte ut obediat Dominis carnalibus cum timore & tremore cordis vestri.* Eph. 6.2. *Capreoli veloces sunt, Christy velox est in operibus misericordiæ. Servos oportet esse & veloces agiles ad explenda jussa Dominorum. In cunctis operibus tuis esto velox.* Eccli. 32. *Si aliquid mittantur, non diu hæreant in via, non perdant tempus, non tractent alia; sed expedite absolvât opera injuncta, tunc diligenter ab heris & in pretio habebuntur, juxta illud Eccli. 33. Si est tibi servus fidelis, sit tibi &c.* Tertiò Capreoli fugientes convertunt sæpè oculos ad inlequentes. Christus D. etsi videatur à nobis aliquando fugere, tamen in manibus suis descripsit nos, & muri nostri coram oculis nostris semper Isai. 49. *Respicit enim super iniqua agentes.* Et vos servi qui aliquando à Dominis vestris fugitis (*Si enim leseris servum injustè, in fugam convertetur.* Eccl. 33. *Et hodie increverunt servi qui fugiunt Dominos suos dicebat Nabal pueris David 1. Reg. 25.*) Respicite & redite ad Dominos vestros. Sic fecit Onesimus qui fugerat à Domino suo Philemone ad quem D. Paulus epistolam scripsit, & hunc servum remittit pro eo obsecrans. Sic & Filius prodigus, servus inutilis, redit ad domum Paternam, in qua sciebat mercenarios abundare panibus, cum ipse fame periret in regione longinqua Luc. 25. *Malus namque mos est servorum ait D. Chrylost. hom. 38. in 16. Genes. Quia non permittitur eis more suo uti, & impediuntur eorum conatus, statim, Dominorum raptis froenis, fugam capeffere &c.*



(2)

585696.1

CONCIO-
NES OCCUR-
RENTES
ET
FUNEBRES
Cum aliquibus Fragmentis.

CONCITO

NES OCCUR

RENTES

Bibl. 109.

FURNERES

Cum alijbus Fragmentis.

V
I
T
A
A
A
A
A
I
I
I
A
D
D
T
I
C
A
A

I
I
I

INDEX CONCIONUM OCCURRENTIUM.

	Num.
I N Baptismo.	1
<i>In electione alicujus ad dignitatem.</i>	2
<i>In prima Missa Sacerdotis.</i>	27
<i>De Eodem.</i>	30
<i>Ad habentes curam animarum.</i>	32
<i>Ad Sacerdotes.</i>	37
<i>Ad Religiosos.</i>	40
<i>Ad eos qui Sacramentum Ordinis accedunt.</i>	45
<i>In Consecratione Abbatissæ.</i>	49
<i>In Consecratione Monialis.</i>	53
<i>In Consecratione Monialis.</i>	56
<i>Ad Moniales.</i>	80
<i>De Benedictione Matrimonii.</i>	58
<i>De Benedictione Matrimonii.</i>	62
<i>Tempore Nundinarum.</i>	65
<i>In die Cænæ Domini ad homicidas.</i>	68
<i>Cum ostenta in cælo apparent.</i>	70
<i>Ad afflictos</i>	76
<i>Ad Milites.</i>	86

Index Concionum Funebrium.

I N Funere alicujus Nobilis.	89
<i>In Funere alicujus adolescentis nobilis.</i>	90
<i>In Funere alicujus nobilis.</i>	109
<i>In Funere alicujus in dignitate seculari.</i>	102
** 2	In Fu-

INDEX

<i>In Funere mulieris nobilis.</i>	116
<i>In Funere mulieris nobilis.</i>	125
<i>In Funere mulieris nobilis.</i>	129
<i>In Funere mulieris nobilis.</i>	140
<i>In Funere vidua.</i>	145
<i>In Funere cujuslibet.</i>	150
<i>In Funere cujuslibet.</i>	155
<i>In Funere cujuslibet.</i>	157
<i>De Eodem.</i>	158
<i>In Funere cujuslibet.</i>	159
<i>In Funere cujuslibet.</i>	160
<i>In Funere cujuslibet.</i>	161
<i>In Funere cujuslibet.</i>	163





IN BAPTISMO.

SI haberemus ejusmodi verba quibus prolatis lapides in aurum verteremus, quantum gauderemus: habemus verò talia quibus non solum amicos DEI, sed etiam Filios, qui jure filiorum cœlum & DEI benedictiones petere possunt, facere valeamus. Dignos amicitia DEI facit baptismus, quia peccata quæ huic obstant amicitia tollit. Ezech. 36. *Effundam super vos aquam mundam, & mundabimini ab omnibus inquinamentis vestris, Et quidem non solum aufert originale peccatum, sed etiam omnia alia si quæ habet qui baptifatur.* Aug. lib. de Bapt. parvulorum, *Generante carne tantummodo trahitur peccatum originale, regenerante spiritu non solum Originalium, sed etiam voluntariorum fit remissio peccatorum* Insuper ut non solum homo careat maculâ. sed etiam ut coram DEO pulchrè ornatus compareat, facit Baptismus. Quia per baptismum consequimur gratiam sanctificantem & virtutes, ut docet S. Th. 3. p. q. 69. Et non tantum efficimur amici, sed etiam membra Christi, unde sicut ex capite in membra omne bonum redûdat, sic in nos ex Christo. Hæc docet S. Th. 1. c. a. 5. & 7. Incorporatio, scilicet Christo, illuminatio ab eodem, sicut oculi qui sunt in capite illuminant membra, & facundatio, ut bonis operibus abundemus, a pertio cœlestis janua, sunt effectus baptismi. Sed non tantum efficimur amici sed etiam Filii. Jac. 1. *voluntariè genuit nos verbo veritatis.* Scilicet verbo illo *Ego te baptiso &c.* Quod est verbum Christi, qui est veritas.

A

hanc

hanc filiationem id sequitur quod dicitur 1. Joan. 3. *Nunc Filii DEI sumus & nondum apparuit quid erimus, quia cum apparuerit similes ei erimus, quoniam videbimus eum sicuti est.* Quid faciet hæc filiatio non videmus modò, sed videbimus post mortem, quando non baptisati rejicientur à coelo, baptisati admittentur: quando sicut Fratres cum Christo confidebimus. Joan. 3. *Nisi quis renatus fuerit ex aqua & Spiritu S. non potest introire in regnum DEI.*

Nascitur per Baptismum Filius DEI, sed adhuc eget tutoribus, datur in tutorem ille sanctus cujus nomen baptisato imponitur. Unde Amor 6. *Va qui imponunt nomen suis Filii Filiorum Gentium.* Datur nomen sancti ut habeat exemplum continuum quomodo tueri debet suam filiationem exemplo sancti apud DEUM, ne illam vicâ malâ amittat, ut semper baptisatus, id est, lotus inveniat, nunquam inquinatus ut pudeat illum non esse talem qualis nominatur. Dicitur est alicui Milici pusillamini, qui se Alexandrum vocabat. Aut nomen muta, aut gere te ut Alexander Epiph. hæc. 78. *Ex ipsis nominibus etiam virtutum signa elucent &c.*

CONCIO.

In electione alicujus ad Dignitatem, vel ejus acquisitione.

CUm in coelo Christus ad suam Dignitatem à Patre provehetur, factus est triumphus. Apoc. 19. *Audivi quasi vocem turbarum multarum in celo dicentium, alleluja, laus & gloria & virtus DEO nostro, & iterum dixerunt alleluja, & ceciderunt seniores viginti quatuor, & quatuor animalia, & adoraverunt DEUM sedentem super thronum, amen, alleluja.* Corresponderet terra. Et audivi vocem quasi turba magnæ, & sicut vocem tonitruorum magnorum, dicentium alleluja. Quæ causa? Quoniam regnavit D. DEUS noster omnipotens. Pannonius & Anselmus

mus explicant quia collocatus ad dextram Patris in corpore. Cum electus esset Edelpus in Regem Anglorum ut scribit Blondus, lib. 5. & dum in terra, per tres horas caneretur, cecinit tamdiu & cælum. Stellæ choros egerunt, quod idem accidit in Honorio Imp. ut scribit Claudian. Quod Christo accinuerit terra, causa est, quia & terræ est Rex, sed quod cælum Edelpho, vel quia in locum optimi Patris Egberti succedebat: vel quia id ipse Edelphus merebatur. Nam Angliam fecit tributariam Leoni Pontifici ut ex qualibet domo nummulus argenteus ad Sedem Apostolicam perveniret. Electus est nuper N. poterat qui publicabat uti verbis Hyram. 3. Reg. 5. *Benedictus D. DEUS, qui dedit David. filium sapientissimum super populum hunc plurimum. Nihil deest in Electo quare Tobia 3. verbis uti possumus. Jerusalem civitas Domini consistere Domino in bonis tuis, & benedic DEO seculorum qui reedificavit in se tabernaculum suum nationes ex longinquo ad te venient, & munera deferentes adorabunt in te Dominum, & terram tuam in sanctificationem habebunt. Nomen enim tuum magnum honorabunt in te. Quare omnes DEO canimus hodie, alleluja, & gratias reddimus, quia providit templis Patronum: &c. deberet & cælum concinere, nam succedit in locum viri probi, succedit bonus ipse, & sum certus quod in hac electione consentit cælum terræ. Et hæc prima erit pars sermonis. Deinde quod cælum signis aliquibus approbet electiones, sicut & modernam. Demum Symphoniam Musicæ cælestis & terrestris producam *Vivat. Cælum cum terra ad electiones concurrat. Apoc. i. c. terra canit alleluja, cælum verò, Amen alleluja. Quia terra eligit, cælum confirmat. Addit Amen, Fiat. Daniel 4. Nabuchodonosori proponit DEI potentiam. Scias quod Deminetur Excelsus in regno hominum, & cuicumque voluerit det illud, Syrus legit. Cuicumque voluerit adjicet sortem. Patet in Rudolpho secundo Imp. qui hoc symbolum assumpsit. Sex erant calculi**

in mensa, septimus in aëre pendeat. Inscr. *Consentientibus*. Sex calculi. Censuit non potuisse Electorum sex vota, nisi de caelo septimum accessisset. Unde Ethnici aliqui dicebant, ut Calimachus, *Ex Jove sunt Reges*. Alii vocabant ex DEO genitos, alii à DEO nutritos ut Homerus, alii non sinebant contingere thronum, nisi DEUS hoc illis indicavisset. Ita Romulus. Alii pro oraculo habebant ut Plin in Paneg. *Principem dat DEUS qui erga genus humanum vice sua fungitur*. Suos vicarios quisque sibi statuit ipse. Magistratus non solum sunt vicarii, sed etiam participes potestatis DEI, radii solis.

Numidæ ut est in Epitom. var. antiq. Regem appellabant in sua lingua Kauriach hoc est, rivum (idem est de quovis Magistratu) Quia habebant fontem dictum Juppiter, cui tempore interregni sacrificabant, orando ut illis Regem indicaret, & cujus faciem ibi Sacerdos vidit, eum appellavit Regem, eam dabant illi quotidie ad lavandum aquam, adjecto, *Domine Kauriach, id est, memineris terrivum*. Hæc superstitio, sed veritas est, à DEO fluere Magistratus ut rivos à fonte. Vidit Apoc. 19. Equitem in veste cruentata multas coronas in capite ferentem, quis est hic? *Verbum DEI*. Quid amplius? *Habebat in femore suo scriptum, Rex Regum, & Dominus dominantium*. Cur cum unum caput, multæ coronæ? cur nomen Regis gerit in femore! unam pro se coronam habet, alias pro aliis. Ille enim est quem in medio Regum vidit 4. Esdras 2. *Juvenis statura altius, singulis eorum capitibus imponebat coronas, & exaltatur magis*. Titulum in femore portat, quia ex illo omnes Reges veluti generati procedunt. Quare bene scribunt. *DEI gratiâ agnoscitis vos rivos, radios*. Magistratus in Polonia est Rex Regum, plurium caput caronarum capax, quia à pluribus eligitur qui sunt coronæ capaces, non sex hic calculi. Gratias agit Anna pro Samuele 1. Reg. 2. & post multa

multa dicit. *Domini enim sunt cardines terræ, & posuit super eos orbem.* Hugo Card. Dicit hoc Anna, quia non fortunæ agnoscit orbem, sed DEI. & variis nationibus variè providet de Magistratu. Hunc orbem solus DEUS agit, ita solus dedit Regem David. 1. Reg. 16. ut ibi legitur in longum. Pastorem fecit Regem Jer. 18. *Descendi in domum figuli, & ecce ipse faciebat opus super rotam, & dissipatum est vas quod ipse faciebat è luto manibus suis, conversusque fecit vas alterum, sicut placuerat in oculis suis ut faceret.* Ambiant multi, Deus unum eligit. Aliquando hunc orbem, hanc rotam DEUS dat in manus hominum, ut per successionem accipiant regna, dignitates, & ipse solum generalem retinet concursum. & hæc rota potest dici, *Rota navitatis.* Ita succedebant post Salomonem cui DEUS hanc rotam dedit, ejus successores. Ps. 88. *Ponam in seculum seculi semen ejus & thronum ejus sicut ut dies cæli.* Computavit ut in sphaera solis diem post diem, ita Regem post Regem, Match. *David ex ea que fuit Uria, genuit Salomonem &c.* Inter diem & diem media est nox, ita inter Reges mors. Dies alii festi, alii feriæ, Reges alii sancti, alii improbi. Una dies longior quàm alia, unus Rex diutius vivit. Una serena dies &c. DE Igr a tia, cum fit successio, ex gratia illius fœcundi Parentes, quòd in ventre Matris non mortui. Quod primi, quod ad hanc ætatem pervenerint, quod primogeniti. Alb. M. vidit Venetiis lapidem in templo S. Marci in quo caput hominis coronatum Cui debet hoc caput coronam? non artificii quia à natura, soli DEO. Dat denique DEUS hanc rotam hominibus & cum illis speciali concursu volvit, liberè eligentibus, & potest dici, *Rota in medio rota,* siquidem ejus consilia ingrediuntur humana saluà libertate. Ita electus Saul per sortes ut Rabini narrant, quanquam duodecem tribus se stricissent, cecidit fors super Benjamin, deinde super familiam Metri, tandem perue-

nit ad Saul. Ita fiunt & Reges in Polonia, & multi Magistratus, in quo solia cum Papali & Cæsarea electione consonant. Hic non potentia, non fortuna, sed virtus; non datur in hæreditatem quod per illam non acquisitum, quia sæpè sunt degeneres. Ex Davide natus incæstuosus Amon, rebellis Absalon. Ex Salomone sapiente stultus Roboam, qui stultè decem tribus amisit. Ex Josaphato victore hostium prodiit Joram cæsor Fratrum. Ex Josia zeloso Sedecias Idololatra. His movetur Polonia, nec merita Patrum exemplo Antigoni, de quo Kokerus, in filiis coronat, sed propriam virtutem. Liberum & modo fuit orbem vertere aliò, tamen ad hunc vertit; meminerunt virtutis Majorum, Habuit alios, sed vidit hujus merita.

Et licet Electores hanc rotam agitaverint, tamen primas habuit DEUS, qui ab æterno præordinat quos in tempore eligunt, deinde non factâ vi libertati eligentium ita vota conformat, ut ille eligatur. Electus Saul per sortes, tamen bis illum priùs nominavit DEUS Samueli. Ex primis pridie. I. Reg. 9. *Hæc ipsa horâ qua nunc est, cras mittam virum ad te de terra Benjamin, & unges illum Ducem super populum meum Israel* Deinde. *Erit vir quem dixeram tibi, iste dominabitur populo meo* Plura sunt exempla, scribit Krantzius hist. Vand. lib. 1. Quando virgo Libussa in Boemia regoabat, urserunt ut virum acciperet, tandem eqvum suum optimè ornatum liberè dimisit, adjecto ut Senatus eum sequeretur, & si incidisset in hominem inferrea mensa vescentem, ibique stitisset, illum equo impostum illi ipsi adducerent. Tandem pervenit ad Prybisslaum rusticum supra vomerem prandentem, hic stitit. Imponitur homo equo, hunc Libussa accipit in maritum, & Boemi in Regem, fuit summa pax in ejus regno. Vomer asservatus Pragæ in templo S. Venceslai, & ante novum Regem deinceps præferbatur, Ita DEUS è longinquo prospicit Ette N. ab æterno

terno DEUS ad hanc dignitatem ordinavit, in tempore manifestavit ex equo tuo id ominabamur, qui per varias acies vagatus, ex ferro est. Ipse DEUS nos instruxit cum omnium corda in te inclinavit. Es DEI gratiâ, tu agnoscis, nos agnoscimus, quia in nostrum bonum es electus, & hodie DEO agimus gratias, & precamur ut te servet.

Aliquando DEUS signis externis nunciat quem velit esse electum. Terra & cœlum sunt libera, liberas habent voces, nec semper consentiunt nec semper terra ad cœlum recurrit, sed ad affinitates &c. *Isai 3. Apprehendet vir Fratrem suum, & domesticum Patris sui, & dicet. Vestimentum tibi est, Princeps esto noster.* Aliquando cœlum electioni terrenæ contradicit ita *Oseas. 8. jubetur contradicere. In gutture tuo sit tuba quasi aquila, super domum Domini &c. ipsi regnaverunt & non ex me, principes extiterunt & non cognovi.* Aliquando Rex non habet testimonium DEI quia illum permittit solum propter peccata populi, ut *Jeroboam, cui dicit per Abiam 3. Reg. 21. Ecce ego scindam Regnum Salomonis & dabo tibi decem tribus id est, permittam.* Quare DEUS dat signa externa illi quem ipse & terra elegit. Aliquando per animalia bruta, sic *Martianum ut Baron tom. 5. futurum Genserico ostendit, cum supra incarcerationum sapiens aquila volitaret.* Aliquando à se electum à præsentis periculo liberat, ita non solum ab *Aralia Joas, sed etiam Theodosius à Valente protectus.* Valens scire volens quis successurus, hic superstitione usus scripsit in mensa totum Græcum alphabetum, cuique literæ apposuit aliquot grana hordei; immisit gallum, ut si alicujus literæ non terigisset grana, illum expectaret successorem. Circa literam *Th.* non attigit. Valens occidit omnes *Theobulos, Theodatos, Theodoros &c.* DEUS servavit Theodosium. Aliquando defectum terræ circa electionem exhibet, ita in corona-

ronatione Clodovæi, quem uncturus erat S. Remigius, defecit oleum, columba attulit in rostro ampullam chrysmatis. Et in te Electo sunt admiranda.

Commune electionis Divinæ signum dedit Agesilans Rex Lacedæmonum, apud Brusan. lib. 7. *illos Reges Divino mutere dari, qui dicunt optima, agunt honestissima. Tua verba sunt nota &c. Sed non desunt alia, ut fas sit cum Davide Pl. 117. A Domino factum est istud, & est mirabile in oculis nostris. Et sunt eadem quæ ostendit DEUS in electione Saulis. Cum DEI nomine Samuel indicastis Sauli quod esset Rex dixit I. Reg. 10, tale signum. Cùm abjeris hodie à me, invenies duos viros juxta sepulchrum Rachel, in finibus Benjamin, dicentque tibi, inventa sunt asinæ ad quas jeras perquirendas. Alterum signum. Cumque abjeris inde, & ultrò transferis, & veneris ad quereum Thabor, invenient te tres viri ascendentes ad DEUM, in Bethel, unus portans tres hados, & alius tres tortas panis, & alius portans lagenam vini, cumque te salutaverint dabunt tibi duos panes, & accipies de manu eorum Tertium signum. Posthæc venies ad collem DEI, ubi est statio Philistinorum, & cum ingressus fueris ibi urbem, obvium habebis gregem Prophetarum &c. & ante eos psalterium & tympanum, & tibiam, & cytharam, ipsosque prophetantes, & insiliet in te spiritus Domini, & prophetabis cum eis, & mutaberis in virum alium. Hæc signa in electo ostendo & dico. I. Reg. 10. Certè videtis quem elegit Dominus, quoniam non sit illi similis in omni populo.*

Primum signum. Cùm abjeris &c. Num modo Saul cogitare debet de asinis? digna Principe cogitet. *Isai 32. liberabis populum DEI de manibus inimicorum ejus qui in circuitu ejus sunt. Inveniat arma, equos &c. Sed DEUS dabit signum, quia futura esset quies in domo Saul repertis asinis, omnes turbabantur, I. Reg. 9. Transferunt per terram Salisa & non invene-*

invenerunt, traserunt & per terram Salim & non erant, & per terram Femini & non reppererunt dictum illi prope sepulchrum, *Inventa sunt asinae*, ad sepulchrum Prædecessoris dicam Electro, electio pacifica. Pl. 96. *Manus Domini excelsa & non nostra fecit hac omnia.* Templum erat unum; locus electionis, de illo quod Jacob, Gen. 32. *Castra DEI sunt hac, & appellavit nomen loci illius Manahaim.* Hoc est castra, non erat ibi tumultus, Templum voco Salomonis 3. Reg. 6. *Malleus & securus & omne ferramentum non sunt audita in domo cum edificaretur domus Domini*, quia ex lapidibus ad hoc paratis. Sed in hac electione mirum, vocabo tamen castra. Cant. 6 *Quid videbis in Sunamitide nisi choros castrorum?* Non pugna sed chori. Templum pacis quod Vespasianus restauravit, ut in eo thesauros Jerosolymis advectos conservaret, ut scribit Fulgos servavit sub feris, sed hic sine his. Appellabo adhuc turrim David. Cant. 4. *mille clypei pendent ex ea, omnis armatura fortium, omnes arma appenderant.* Non est N. in mundo electus. Mundus teste S. Chrysoft. orat. de S. Philogomo. *Ubi calumnia, ubi invidia, ubi perturbationes, ubi ira, ubi cupiditates, ubi innumerabiles insidia, ubi quotidiana sollicitudines, ubi perpetua, sibi que succedentia mala sunt, innumeros ex omni parte dolores afferentia.* Causa horum. *Meum ac tuum frigidum illud verbum, & quidquid est malorum in vitam nostram invehens, innumeraque gignens bella.* Contrarium fuit in loco Electionis. *Inventa sunt asinae.* Non fuit Meum ac Tuum, quisque suo contētus. Sunt aliqui tales ut Apoc. 6. *Cum aperuisset agnus sigillum secundum, exivit equus rufus, & qui sedebat super illum, datum est illi, ut sumeret pacem de terra & ut invicem se interficiant, datus est illi gladius magnus, potuisset hic eques multa mala facere.* Sed factum ut Mich. 4. *Concident gladios suos in vomeres, & hastas suas in ligones, non sumet gent adversus gentem gladium, sede-*

hic vir subtus vineam suam & non erit qui exterreat. S. I. agviri-
cus, ut est in epist. var. hist. Episc. Hieropolitanus cum esset
in Thracia venit ad Morisenos, conquesti coram illo quod as-
siduas turbas haberent, dixit illis. Socialis pax est Morisenii, so-
ror ejus est aequitas, mater sedulitas, filia securitas. Si germanita-
tem hanc pacis tenueritis, pacem intus incolam habebitis. Hæc a-
pud illos deerant. Curarunt Pacem depingi cum hac affini-
tate, sed re ipsa debet esse, sicut fuit in electione Sauli, & in
moderna. Soror æquitas, non perierunt asinæ Sauli quia æqui-
erant illis homines. Aug. in Pf. 84. Due amice sunt justitia & pax,
ipsæ se osculantur, si amicam pacis non amaveris, non te amabit ip-
sa pax, nec veniet ad te. Illum equitem de quo modò diximus
qui omnes turbabat, sequebatur alter. Apoc 6. Cùm aperu-
isset Agnus sigillum tertium, & ecce equus niger, & qui sedebat su-
per illum, habebat stateram in manu sua, & audivi tanquam vo-
cem in medio quatuor animalium dicentium, Bilibris tritici dena-
rio uno, & tres bilibres hordei denario uno, & vinum & oleum ne
leseris Justitia clamat, ne leseris. Vos fuistis in cavendis da-
mnis. Traiani, in decretis Areopagitæ, in executione Seleuci.
apud vos Isai. 31. Erat opus justitiæ pax & cultus justitiæ silentium
excusatio falsa siluit, Jer. 15. Qui ad gladium ad gladium qui ad
mortem ad mortem, qui ad captivitatem ad captivitatem. Præ o-
culis versabatur Deut 6. Munera excæcant oculos sapientum, &
pervertunt causas justorum. Pacis Mater sedulitas. Saul
diligenter quæsit asinas, sedulitas præcavet dârna. De-
mosth. in 27. proæ. Nihil est cautis hominibus & circumspectis
ad eò formidabile, quin diligentia præcaveri possit, nec ullum malum
est quin incautus evenire queat. Si paulatim aquila pennas a-
mittat, sic ut Dan. 7. Sublatæ sunt aliæ aquila, & stetit super pe-
des quasi homo, non volavit. Achab lorica tectus, quia partem
non tectam reliquit, periit. 3. Reg. 19. Quidam retendit in in-
certum sagittam dirigens, & casu percussit Regem Israel inter pul-
monem

monem & stomachum. Munitus Goliath. 1. Reg. 18. sed paruit
 frons. Judic. 10. Paucos capillos amisit Samson robustus, fa-
 ctus ludibrium. Prov. 19. *In stillicidiis humiliabitur contignatio.*
 Dan. 4. lapillus statuam Nabuchodonosor evertit. Parva res
 micæ. Joan 6. *Colligite fragmenta ne pereant* propter aliquot
 minuta vetus Calendarium multum aberravit, & si mundus
 staret 24. millibus annorum Pascha in sept. celebraretur. Ad
 parva attendendum, ne frons nuda, miles egeat, in Patriam
 sagitta jaci possit, ne gutta lachrymarum incidat, ne micæ pe-
 reant, quærat Saul etsi non ipse amisit, Eccl. 29. *Minimum pro
 magno placeat tibi & improprium non audies.* Pacis filia securitas
 repertæ asinæ. *Dixerunt duo viri in finibus Benjamin, inventa
 sunt asina.* Prædia sunt ut asini etsi pretiosa, nam & Ilachar
 Gen. 49. *Asinus fortis,* Isai 21. *Cyrus ascensor asini,* id est Perfidis;
 Asina quam conscendit Christus Gentes & Judæam notabat.
 Alex. ab Alex. 1. lib. 3. cap. 8. Quadrigæ asinorum trecentis
 millibus æstimate. Apud Indos ex asinis bellabatur,
 Ammonius duobus suis discipulis Origeni & Porphyrio ad-
 junxit asinum. Val. Pier. *Asinus laboriosus.* Eccl. 33. *supposuit
 humeros ad portandum* Gen. 49. *Asinus factus est tributis servi-
 ens,* rustici fit vera Democriti fabula. Si te scorpio momor-
 dit, dic asino ad aurem hoc ipsum, in illum transibit dolor,
 transit in rusticos cum Domini mordentur. Fecit hanc se-
 curitatem Electus.

Concurrentes ad eandem Dignitatem vota dederunt in
 Electum, hoc est alterum miraculum, hoc signum Sauli dede-
 rat Samuel. inuenies cum panibus, vino. Omnes erant Fideles,
 quia ad eandem Bethel Ecclesiam ibant, politici quia Saulem
 salutant, liberales ferunt, hædos, panes, vinum, quid hoc ad e-
 lectionem Sauli? Forte in hoc voluit experiri DEUS an Saul
 non futurus esset rapax? 19. *Austerus sum tollens quod non posui,
 & metens, quod non seminavi.* an non ut Tyberius cum singulis
 mensi-

mensibus acciperes tributa menses 14. statuit in anno; & hoc per Licinium libertum, qui ideò dictus *Spongia*. Poterat rapere Saul jam regni certus. Nam 1. Reg. 8. dixit de illo Samuel. *Hoc erit ius Regis, agros vestros & vineas, & oliveta optima tollet à vobis, & dabit servis suis.* Præterea Sauli 1. Reg. 9. *Panis defecit in sit arcibus nostris, & sportulam non habemus,* tamen solum quod datum est accepit. Ita Reges legē circumscripti. Ezech. 45. *De terra erit possessio Regi in Israel, & non de populabuntur ultra Principes populum meum. Hæc dicit Dominus, sufficiat vobis Principes Israel, iniquitatem & rapinas intermitte, separate confinia vestra in populo meo.* Ita de Electo nemo conquestus: Minerva ædificavit sibi domum, Manus dedit illi vitium, quia ex uno loco non posset transfèrri in alium, si vicinus potentior juxta esset. Ita Syaris nobilii confossus inter cadavera jacuit, vidit eum Ladislaus Locticus Rex, compassus, at ille, plus me affligit vicinus malus. Liberavit eum à vicino Rex, & quia bona Regia erant ex altera parte quilibet hebdomadâ curavit interrogari, an etiam nunc haberet vicinum malum? sic tu es justus Electe. Tres viri Sauli occurrunt cum rebus tribus veluti futuri regni symbolis, DEUS bellantem Persam cum Græco Dan. 7. ostendit per Arietem pugnantem cum hædo. *Aries quem vidisti Rex Medorum est atque Persarum, porro hircus caprarum Rex Græcorum est.* Justin. Cranaus Græcus quærebat jussu oraculi sedem in Macedonia cum Aemathiam accessisset propter nebulam & tempestatem nescivit quò se verteret, gregem caprarum secutus intravit Edessam, occupavit, in scepro deinde gessit caprum: ita hædus symbolum regni. Sed etiam panis. Guiciardin refert. Dicebat Christiernus. *Vestigial regnorum est nervus, panis remus.* Joseph Antiq. Jud. Propositionis panes tegebat corona, in mappa erant aut picta Regum capita, Quare Christiernus fa-
 ctus

Stus Rex Danorum, habuit pro symbolo, naviculam in qua
 erat remus cum pane. Cùm daret panem Christus Joan. 6.
Tunc cognovit quia venturi essent ut raperent, & facerent eum Re-
gem. Itai 3. excusat se à Regno, *Non sum Medicus & in domo*
mea non est panis. Curt. Cum Alexander invalorus esset Ty-
 rum, parabant Tyrii arma. Quæ dum quidam faber cuderet,
 sanguis è ferro ubertim profiliit. Eodem tempore in Castris
 Alexandri panem quidam scidit, & ex eo sanguis fluxit, terri-
 ta utraque pars sed Alexander ex hoc auguratus suis victori-
 am, Tyrii exitium. Consumuntur ut panis qui in sanguinem
 vertitur. Vinum etiam regnum significat Jud. 9. *Locuta sunt*
ligna ad vitem, veni & impera nobis. Vitis est vitis ex Astiage
 prodire & totam inumbrare Asiam. Xenophon. Prodiit ne-
 pos Cyrus qui totam occupavit. Guicciard. Pro stemmate,
 habuit Hernandus Dux Mantuæ vitem circa platanum cre-
 scientem, Inscript. *Surgitur annisu, non surgit Rex sine popu-*
li subsidio. Prov. 28. *In multitudine populi dignitas Regis, & in*
paucitate plebis ignominia Principis. Sed amplexatur vitis suum
 fulcrum. Prov. 20. *Clementiâ Regis roboratur thronus.* Per
 hæc omnia innuitur Sauli ejus regnum Chrysol. sic alloquitur
 Christum die Epiph. *Aspice terna ista, quæ tibi trium ab oriente*
virorum servitus exhibet munerum simulachra: plura tibi appa-
rent numero sed unum quod præfigurant regnum: plura signo, u-
num voto. veniunt ad vos Competitores, qui jam sunt unum,
 unio voluntatum facit unum. 1. Reg. 11. *Egressa sunt trecenta*
ac triginta millia virorum, quasi vir unus. Sed sint tres, cum
 sint plures ferunt signa Magistratûs, & appreciationes. Ma-
 gnum miraculum hic consensus. Post mortem Philippi Ma-
 riæ Ducis sui elegerunt Mediolanenses duodecem viros. Con-
 currit ad Ducatum Fridericus IV. Imp, missis Legatis: con-
 currit & Alphonſus Rex Aragonum, & Carolus Dux Aureli-

anensis, & Franciscus Sfortia Vicecomes, nihil effectum. Legati audiuntur, & Ducatus disceperitur. Veneti accipiunt Placentiam, Cremam, Laupam, Ludovicus Dux Sabaudie Valentiam & Florentiam. Astia Carolo Aurelianensi adhæsit, Papiæ internis discordiis corrui. Parma confæderavit se cum aliis civitatibus, scimus quid in Electionibus & apud nos fiat, Ambr. *Indomabilis est regnandi cupiditas, ad imperii jus cui id natura negavit, fortuna pedibus ambitio procurrat.* Hic consensus. Instant qui ipsi hac dignitate sunt digni, Fratres reperti qui in utero secum rixati de primatu. Gen. 25. Patriarcha. *Ecce in ipsis materni uteri angustis, non discordes tantum Fratres legimus sed bellantes esse igitur novum quod faciunt armati, quod solent necdum nati?* Fuerunt isti Esau & Jacob reperti Fratres qui se propter regnum occiderunt. *Vetus urbs Roma sed vetustior urbis infamia est, fraterno sanguine maduisse.* Romulus occidit Remum, Getam Caracolla, & permisit Fratrem esse Divum, dum non esset vivus. Reperti Gemelli, Etheocles & Polmices qui alternis regnabant annis, se denique mutuò confecerunt, & dum urerentur, flamma divisa fuit, de quo Stacius. Reperti in Aquitania Fratres qui alternis mensibus dominabantur, & ne errarent, retinebant ad hoc Astreum lyricinæ, cui oculi cum luna mutabantur. Causin scribit, in novilunio nihil videbat & tum alter succedebat. Reperti qui regnum inter se disceperunt. Ita tres Filii Targirai Regis Tartarorum, de quo Herodot. sed ut uni totum daret DEUS demisit è cælo aratrum, securim, jugum, craterem. Hæc dum major levat, omnia aurea erant, igne ex illis erumpente absumitur. Idem accidit medio, accepit securè Minimus & totum regnum possedit. Hic concordia. Eccl. 23. *In tribus placitum est spiritui meo, quæ probata sunt coram DEO & hominibus.* Inter hæc præcedit, concordia Fratrum. Canendum cum Ps. 132. *Ecce quam bonum*

bonum & quàm jucundum, habitare Fratres in unum? Pudeat Adoniam qui tentat Fratrem Salomonem supplantare. 4. Reg. 11. & te pudeat Abimelech qui Jud. 9. Septuaginta Fratres occidisti ut solus regnares. Crescite concordēs ut Siluri sagittæ. Hoc idem pro Electo vicini petebant. Illi tres qui occurrerant Sauli circa quercum montis Thabor id fecerunt. In eo facta postea Christi transfiguratio forte innuebant Sauli, futurum illum ex Pastore Regem. Vocabo locum electionis hanc quercum, & hîc volebas aliquem transfigurari, apparuit ibi Petrus, Jacobus & Joannes, hic multi, & clamant. Bonum nobis hic esse, sub regimine nimirum Electi. ibi apparuerunt alterius ævi Moyses & Elias, hic ex aliis Districtibus. Loquebantur de excessu de morte præteriti, eligendo novo. Vox DEI in cordibus sonat eligentium. Hic est Filius meus dilectus in quo mihi bene complacui, ipsum audite.

Tertium miraculum, velox omnium concordia in Electum N. Cneum Prophetarum pro signo dedit Samuel Sauli, quid ad hoc rem? cur non Aulicos? Quia prius opus sapientiâ. Cicero *Parum sunt arma foris nisi sit consilium domi.* De Aulicis Alanus de planctu naturæ. *Isti sunt fabri laudis, figuli falsitatis; hi sunt qui magniloquâ commendationis tubâ in Divinum aures cytharificant, qui modicæ adulationis favos foras eructant, qui ut emungant munera caput adulationis oleo inungunt, Principum auribus pulvinaria laudum subjiciunt ab eorû palliis aut fictitium pulverem excutiant aut vestem fictitiè deplumant implumem. Sed, Qui adulationi auscultant, amphoris similes sunt quæ auribus circumaguntur. Sed cur non occurrerunt Sauli milites? quia ut Stobæus. *M. lites plus valent ad veritatem eliciendam quàm dicendam.* Cur non Oeconomi, hi sæpe in rationibus falsi. Luc. 16. *Reo de centum, dicunt, scribe quinquaginta.* Prophetæ verum dicunt. Opus fortitudine. Dicit Mich. 3. *Verum tamen ego repletus**

pletus sum fortitudine spiritus. Opus bono iudicio. Eccl. 37. Anima viri sancti enuntiat vera, quam septem circumspectores sedentes in excelsis. Et sic in his omnibus deprecare Altissimum, ut dirigat in veritate viam tuam. Sæpius dicebat Ludovicus XI. Rex Galliarum Omnibus in regno abundo excepta veritate. Omnia membra vestiunt rosis, solum & spinis. Bene quod Saul incurrit in Prophetas, & quidem multos, nam unus posset tacere. Isai 6. Va mihi quia tacui. Elisæus risu excepit, 4. Reg. 8. Misit Benadad Rex Syriæ Asaelem ad illum si sanari potero de infirmitate mea hac? respondit. Vade dice ei sanaberis & ubi ille abiit. Porro ostendit mihi Dominus quia morte morietur. Sed cuneus ibit ut cuneus, unde tot Prophetæ? DEUS ordinavit, nam aliàs 1. Reg. 3. In diebus illis non erat Propheta in Israel, & erat pretiosus sermo Domini. Olim solus Moyses Propheta. Unde Num 11. scandalisati cum Prophetarent Eldad & Medad novi, & Aaron dixit Moyse. Domine mi Moyses prohibe eos. Sed ille? quid amularis? quis tribuat ut omnis populus prophetet? & det eis Dominus spiritum suum? Sed apud nos in electionibus multi Prophetæ. Prophetare tria significat 1. Tractare res Divinas. Joël 2. Prophetabunt Filii vestri & Filiae vestrae, senes vestri somnia somniabunt, & Juvenes vestri visiones videbunt. Tales sunt multi ut in regno Achab, dum non sint Sedecia, sed à DEQ constituti Michea. Jer. 23. Non mittebam Prophetas, & ipsi currebant, non loquebar illis, at ipsi prophetabant, tales qui immunitatem Ecclesiae impugnant. Jer. 22. Visionem cordis sui loquuntur, & non de ore Domini, Ista est statio Philistinorum. Supra arcam Domini jurisdictionem sibi usurpant contra tales Ezech. 13. Decipiebant populum meum dicentes pax pax, & non erat pax. Talis pax similis illi quam 1. Reg. 11. fecit Nahas cum Galaaditis. Illi perunt. Habeto nos fœderatos. At Nahas. In hoc feriam vobiscum fœdus, ut eruam ocranium vestrum oculos dextros. Talis qui fidem eripit,

eripit, qui zelum. Cur Ezech. 13. Pax non erat pax? *Dic ad eos, quia liniunt parietem absque temperatura.* Sine calce non coeunt lapides; fit quod i. Oor. 11. *Audio scissuras esse inter vos.* Ruet totum. Cur Jeroboam regnum non duravit? quia Ahias in partes concisum dedit illi pallium tradendo decem tribus. Si consuerit, erit cento, talis non decet Sponsam Christi. *Tunica inconsutilis est, religio.* 2. Prophetare idem est quod futura prædicere; Ita Eliseus prædixit Josaphato victoriam de Moabitis, ipsi Joas de Syria. Isajas sanitatem Ezechia, Jeremias libertatem Jerosolymæ, tales pauci, sed ut Procop. in Genes. *Vulgare & planum prophetia genus est prænuntiare ex bona semine bonam frugem, ex secundo ventorum flatu prosperam navigationem, ex apta cheli & apta manu cantum suavem.* Taliter multi de hoc electo prophetarunt ex ejus Majoribus, ex propriis ejus meritis. Dicebat Trajyllus. *Boni omnes Propheta, optimi Chyromantæ, ex operibus, tum ex utilitate publica & cuiusque privata.* Unde hic spiritus? accusatus Romæ Cajus Furius maleficii, quia semper bonam messem habuit. Ille ad curiam attulit occam & aratrum, ista sunt mea maleficia. Ita quivis coram Electo reddet suæ prophetiæ rationem, mea intererat te esse Electum. 3. Prophetare, est idem, quod Dominum nominare, de Joanne Bapt. *Et tu Puer Propheta Altissimi vocaberis, quia Joan. 1. ostendit. Ecce Agnus DEI ecce qui tollit peccata mundi.* Magna res hæc. Salvian. de Providentia lib. 4. *Quanta ista Joannis dignatio est, illum emulgatoria palam significasse voce, quem Pater celestis æternali fudit mente, temporali circumfudit carne.* Tales Propheta apud nos sunt omnes Electores, nominant quem DEUS ab æterno elegit. In Ecclesia 1. Cor. 12. *Nunquid omnes Propheta, nunquid omnes linguis loquuntur, nunquid omnes interpretantur?* Apud Indos occidentales eligunt Regem sex viri, apud Sinenses tres, Apud vos cuneus

Prophetarum qui frangit factiones. Aliis Rex datur, idem de aliis, moriendo. David 3. Reg. 1. Salomonem nominat. Ipse sedebit super folium meum, & ipse regnabit pro me, illique precipiam ut sit Dux super Israel, & super Judam. Debitus populus acceptare. Et responderet Banajas filius Joiade Regi, dicens Amen. Sic loquatur D. DEUS Domini mei Regis. In Polonia liberè, possumus Electo dicere Prov. 31. Quid dilecte mi? quid dilecte ueri mei? quid dilecte uotorum meorum? Alii pro Magistratibus sic orant. Pl. 65. Posuisti tribulationes in dorso nostro, imposuisti homines super capita nostra. Nos pro nostris 4. Esdrae 7. Deasti nobis uirum consiliarum, quem presentauimus tibi à principio. Sumus ut Aues Judicæ dictæ populæ, quæ earum volatum ex suo genere sequuntur, cuius ipsæ cristas erexerunt. Sed Electus potest sibi usurpare Lotarii Imp. A uobis, pro uobis, pro uobis. Quærebat ab Eligentibus Patria Cant. 5. Qualis est dilectus tuus ex dilecto ò pulcherrima mulierum? qualis est dilectus tuus ex dilecto quia adiuuasti? Alter textus, quia suspendisti me? Quem viduata Dignitas uult habere sponsam? Ruth. 3. Extende pallium tuum super me quia propinquus es mihi.

Duo Sauli à Samuele redunt acciderunt. 1. Vix inter Prophetas comparuit, factus est Propheta, quorsum id? Quilibet Magistratus debet esse Propheta. Campanus in vita Plusii, dicebat hic. Ego cum diuinos oderim, illum tamen diuinum uelim, cui intersit pericula populis impendentia presentire, præuerrere, præcavere. Quia Jer. 1. Ego constitui te hodie super gentes, & super regna, ut euelbas & destruas, & disperdas, & dissipes, & edifices, & plantes. Doceat populum legem DEI ut Joiadas sacerdos cum gladio. Ego autem constitutus sum Rex ab & super Sion montem sanctum eius, prædicans præceptum eius, & testimonia eius. Sed cur subito factus Saul Propheta? Ita hunc elegerunt, num ita circa alium concordet? Similes sumus Aquilæ illi 4. Esdrae. 12. Habemus alas multas, & de ventre uox exit, propter con-

vivia. Possit pingi apud nos quod in Capitolio & Vaticano hortis, teste Pierio, Roma pingebat. Polieletes funes facit, & asellus dissipat. Prudentes faciunt, sed modo istæ alæ. Ezech. 1. *Ubi erat impetus spiritus gradiebantur nec revertebantur cum ambularent.* Aug. in Joan. tr. 9. *Si uno flatu impleta dua tibi consonant, quomodo poterunt impleta plures lingvæ uno DEI Spiritu dissonare?* & hic Spiritus S. descendit. Electus N. concorditer, & quod Ezech. 17. *Hæc dicit Dominus, aut ego assumam lignum Joseph quod est in manu Ephraim, & tribus Israel quæ sunt ei adjuncta, & dabo eas patiter cum ligno Juda, & faciam eos in lignum unum & erunt unum in manu ejus.* Alterum Sauli accidit quod Musica illi occurrit, triumphant quia illis Saul accessit, major lætitia apud nos. Plus ex Electo nobis accessit. Deerat nauclerus, caput, sol, Acquisimus famam. Prov. 29. *Vir justus erigit terram, Arcem munitam.* Sap. 6. *Rex Sapiens stabilitamentum populi est.* In dubiis oraculum. Prov. 16. *Divinatio in labiis Regis, in judicio non errabit os ejus.* Vitam, Eccles. 10. *In hilaritate vultus Regis vita.* Omnem benedictionem. *Beata terra cujus Rex nabilis est.* Securitatem, Prov. 20. *Rex qui sedet in folio judicii dissipat omne malum intuitu suo, læti omnes.* Musica. Fiac Electo quod Samuel prædixit Sauli. *Quando venerint signa hæc omnia tibi, fac quacunque invenerit manus tua quia Dominus tecum est.*

Jam Electo accinit cœlum & terra. Mos erat Græcorum ut scribit Sigon. lib. 11. ut Electus mitteret ad eligentes imaginem suam, illi acclamabant. *Vivat.* Sed imagine non eget Electus? Maximus. *Melior est pictura morum quam colorum, venustiores sunt oris lineæ quas nulla depravant moris tinea.* Depinxit se coloribus Majorum suorum. Merito cum ad electionem concurrerit cœlum cum terra, utrumque plaudat. *Vivat.* Quamvis abundet utriusque Musica, tamen nihil aliud reperit,

rit, quàm vivat. Frostardus & Leoniferus sedecim regna numerat, quæ hac voce utuntur, vivat. Sed & 1. Reg. 10. Certè videtis quem elegit Dominus quoniam non sit illi similes in omni populo, clamavit omnis populus & ait, Vivat Rex. Ita & Salomoni acclamatum 3. Reg. 1. Sumpsit Sadoc Sacerdos cornu olei de tabernaculo, & unxit Salomonem, & cecinerunt buccinis, & dixit omnis populus, Vivat Rex Salomon. Joas similiter 4. Reg. 11. Produxit Jojada filium Regis, & posuit super eum diadema, & testimonium, feceruntque eum Regem & unxerunt, & plaudentes manibus dixerunt, Vivat Rex. Sed Rex non solâ vitâ eget, cur plura non apprecatur?

Prima causa est licet omnia precentur Electo tamen cum solo vivat prodeunt, quia alia ipse potest acquirere si vitam habeat pro læticia &c. vita à solâ DEO petitur. Narratur Jacobo quòd Filius ejus in Ægypto dominetur, afferuntur frumenta, at ille. *Sufficit mihi si adhuc filius meus Joseph vivit.* Nunquid Jacob aliis non eguit, & ipse Joseph? alia ipse acquireret. Evarus secundus Rex Anglorum habuit pro simbolo Apem coronatam, Inscript. *Vitalis cœlitus aura*, circumvolabant minores apes omnes laborantes. Inscript. *Agmina dant reliquum.* Ita in Farrag. symbol. Vita de cælo, ita & Charondas Imp: apud Sabell: dicebat *Vivere cura DEI est, nobis sint cetera cura.* Macedones cum ad Perseum ultimum suum Regem afferent statuam auream, ut Politian. in Miscell. Idem dicebant *Dent superi vitam nos fortunam:* Petimus à DEO vitam quia illam dare non possumus. Quare Bactriani in anniversario natalis sui Regis, ut scribit Epictetus var. hist, funebres urebant cupressos, cedros & myrthos immortales soli exponebant, acclamando. *Pluant vitales Regibus ignes:* Ut tibi Electo id acclamemus, multa exiguit. Scribit Strabo quòd Amon in Ægypto prope templum Serapidis erexerit ita artificio

ficiofam statuam, ut receptis solis Orientis radiis dulciter caneret, solem salutando. Tales statuæ sumus, tibi Orienti occinimus *Vivat*. Nisi malim Patriam appellare, de qua Plin. lib. 36. c. 15. *Cameram Olympiæ dictam heptaphonon quæ septies Echo reddebat. Vivat ubique resonat. Pl. 60. Dies super dies Regis adjicias, & annos ejus in generationem, & generationem.*

Altera causa cur acclamatur *Vivat*, quia vita Principis totam animat Patriam, Quare Virg. ait tres animas habuisse Herulum Regem Prænestinum, quia tribus Provinciis præerat. Moyses moriturus ita orat. Num. 27. *Provideat D. DEUS spiritum omnis carnis, hominem qui super multitudinem hanc, & possit exire & intrare ante eos.* Josue successorem appellat spiritum, & quidem omnis corporis, utique unum corpus habet, omnis caro est toties Israel qui spiritu Josue victurus erat. Cùm Elisæus mittit unum ex filiis Prophetarum in Ramoth. Galaad cum oleo ut Jephthe ungat in Regem. 4. Reg. 9. ita monet. *Cùm veneris illuc videbis Jehu filium Josaphat filii Namsi, introduces eum in interius cubiculum, tenensque lenticulam olei fundes super caput ejus, & dices. Hac dicit Dominus. Unxit te Regem super Israel; aperiesque ostium, & fugies, & non ibi subsistes.* Cur clam? cur fugit? potius aliquid à Jehu petendum erat. Sed cur post se non clausit portam? Titus Bostrensis. *Quem Propheta clauso ostio unxit, spiritu pro se replevit: sed fugiens ostium aperuit, ut spiritus Regis foras in regnum prorumperet, tacitus admonuit.* Auditò quod Jehu Rex, Principes ex suis palliis faciunt ei tribual: Quia deinceps spiritus Jehu illos calefacturus erat, quare illud *Regnavit Jehu.* Angelomus exponit. *Anima Regni Jehu.* Cor est primum vivens, hoc est Rex; deinde membra omnia non unum alic, & si unum, morbi sequuntur. Dan. 10. *Dissoluta sunt compages meæ, & nihil in me virium remansit &c. Sed & halitus meus intercluditur. Venit paralysis.*

Sed & phtyfis venit, Pf. 21. *Aruit tanquam testa virtus mea.* Succedit spasmus Job. 7. *Cutis mea aruit, & contracta est,* Chyragra 1. Cor. 7. *Nemo militat suis stipendiis unquam.* Succedit caco-
chymia, murmur ventris Matth. 20. *Nos portavimus pondus diei & astus.* Nonne hi novissimi venerunt? cur iste? &c. cur ille, cur vellus Gedeonis? His occinit S. Paulus Rom. 14. *Is qui manducat non manducantem non spernat* &c. Vide ibi sed rara hæc virtus, potius anima provideat, & faciet Electus. Sed quomodo una anima tot populis sufficiet? Cum electus esset Alphonsus Rex Castellæ, acclamabant, *Vivat Rex;* ille addebat, *vivat Grex. vivat lex.* Tum vivit Grex quando vivit lex. Archidamas dedit causam cur apud Lacedæmonios viveret lex per 700. annos, dixit quia non in libris sed in cordibus servaretur. Sigis. Augustus Rex Poloniæ pro symbolo habuit calvariam incumbentem legibus, intra quam atdebat lampas. Inscript. *Lex vult vivas;* Sed hic nihil vivit. Sed ut vivat, nesciat Judex cujus illa sit Calvaria, Affinis &c? Deut. 11. *Quod justum est judicate, sive Civis ille sit, sive peregrinus, nulla erit distantia Personarum, ita parvum audietis ut magnum, non accipietis cujusquam personam, quia DEi judicium est.* Lampas bene causam illustres. Charondas dicebat. *Volo Judices urinatores non piscatores.* Turbat aquam piscator ut pisces capiat, urinator oleum ex ore dimittit ut illustret. Exod. 23. *Non facies conturbationem in judicio si fuerit causa inter aliquos & interpellavit judicis quem justum esse perspexerint. illi justitia palmam dabunt.* Sed lex liber cur clausa? Apoc. 9. *Locuta sunt tonitrua, & ego scripturus eram, & dixit Angelus, noli scribere, sed signa tantum.* Solent esse tonitrua cum læges scribuntur, minæ &c. Electus animabit leges. Plin. scribit. Cum Tiberius in thronum intraret, partes viarum se in contraria transulerunt, faciet Electus. Isai 40. *Erunt prava in directa. Et aspera in vias planas, siquidem ut Ammian. lib. 30. Cum rectè procedunt judicia delubra sunt equita.*

aquitatis; cum depravatè, fovea fallates & caca, in quas sicapius incidere quispiam, non nisi per multa exiliet lustra usque ad ipsas medullas exsuctus. Vivat G rex. vivet dum Rex illum nutriet. Alphonſus Rex Castellæ de quo supra, tale symbolum assumptit. Pelicanus coronatos tres inæquales staturâ pullos suo sanguine nutrit. Deserit corvus pullos, perdix dat alteri excludendos. Sed non Pelicanus, talis Electus. Non dicit cum ficu Judic. 9. Quomodo deseram dulcedinem meam? nec cum vite. Quomodo deseram vinum meum nec cum olea. quomodo deseram pinguedinem meam? Sanguinem dedit. Gens in qua Electus est trahitur clementiâ & liberalitate. Plin. dicit lapidem esse in Thracia qui magna vi moveri non potest, agitatur levi impulsu. Sunt multi aridi, Viventurè essa ista? Dic. Ego intromittam in vos spiritum & vivetis, & dabo super vos nervos, & succrescere faciam super vos carnem. Tum fiet, ingressus est in eos spiritus, & revixerunt, steteruntque super pedes suos exercitus grandis nimis valde? Sed aliquando accidit ut Gen. 28. Nasciebantur ex Thamar gemelli, unus emisit manum, & hanc ligârunt funiculo rubro. retraxit ille manum, & alter prius natus. Uuus habet spem, alter accipit. Accidit ut apud Assuerum Esther: 5. Amicum Rege bibit &c. Mardocheus vitam. Regis tutatus gladio, tamen hic post portam, ille ad mensam. Tandem Rex in somnis legit acta Mardochei, petit an remuneratus? Si ita fieret. Conscriberentur, legerentur. Accidit ut in Babilone Dan. 14. Rex putabat quòd Bel data comederet: alii absumentur. Daniel monet Ecce pavimentum, aspice cujus vestigia sunt. Rex. Video vestigia virorum & mulierum, & infantium. Vivat.

Accinit & cœlum Vivat. Job. 28. Conventum cœli quis dormire faciet? Pythagoras putabat cœlos suo motu edere melos. Plato cuique cœlo attribuit sirenem, fabulæ. Canunt

in cœlis Angeli, hoc est, quatuor animalia. Aquila, leo, bos, homo & 24. seniores. Apoc. 65. *Dignus est Agnus qui occisus est accipere virtutem & Divinitatem &c.* Superiores habent cum DEO connexionem, Angeli terræ præsent, quare etiam terrestribus bonis viris gratulantur ex amore, & orant ut vivant non solum terræ sed & cœlo. Vivunt verò cœlo per internam perfectionem, per externam erga Ecclesiam pietatem, proximis. Triplices cœli Cantores hanc triplicem precantur vitam.

Primi sunt Angeli Apoc. 5. *Audivi vocem Angelorum multorum in circuitu throni &c.* Sunt enim *Administratores spiritus in adiutorium missi his qui hereditatem capiunt salutis* Maximè illis attendunt à quibus alii dependent, illustrando intellectum, voluntatem incitando, affectum ad virtutem excitando, Hi primi canunt *Electo Vivat*, precantur Amorem DEI, humilitatem, temperantiam &c. pietatem. Epaminondæ Duci Thebanorum, ut est apud Plut. reliquit Pater clypeum quem ita amavit, ut è bello vix vivus redox solum quæsit, *Num scutum Patris superesset?* audito, quòd sit. *Bene est, quotutus vixi, tutus morior.* Hunc Clypeum Electe appella. Difficilè inter magna negotia esse valdè devotum. *S Maxim Animum quem per varias cogitationes, multiplices sermones, omnigenas actiones, curas, negotiositas dispergit, una sancta intentio, unum in omnibus placendi DEO studium, inde colligit.* Cum benedicit Moyses filiis Jacob, Deut. 18. ita primogenito Ruben. *Vivat Ruben & non moriatur, & si parvus in numero* Quid hoc? cur parvus? in oeconomia, famulis &c. parvus. Optat ut in parvum se colligat, sicut lineæ circuli in centrum, in DEUM. Comparatur cor Magistratum fluminibus, Prov. 21. *Sicut divisiones aquarum, ita cor Regit in manu Domini.* Dividunt se flumina, tamen in unum mare influunt, ita Magistratus dum se

se per multa dissipant, redeant ad unum DEUM. Jovianus Imp. habuit pro symbolo Crucifixum. Inscr. *Scopus vita mea est Christus.* Felix talis, est ut Jonathas 2. Reg. 1. *Sagitta Jonathæ nunquam rediit retrorsum.* id est, intentio. Sap. 6. *Audite Reges & intelligite, discite Judices finium terra, præbete omnes vos qui coninetis multitudines, & placeatis vobis in verbis nationum, quoniam data est a Domino potestas vobis & virtus ab Altissimo, qui interrogabit opera vestra & cogitationes scrutabitur.* Hoc Vivat tibi Electe precantur Angeli, ut te in uno colligas.

Alii cæli Cantores sunt quatuor animalia Apoc. 5. *In circuitu sedis quatuor animalia stabant &c.* naturæ diversæ Homo, leo, aquila, bos, quæ potest esse consonantia? Sed quia hoc in cælo; debet esse. Musica mover affectus. Cassiod. *Cantus Dorius prudentia largitor est, & castitatis effector.* *Cantus Phrygius pugnas excitat, votum furoris inflammat.* *Æolius animi tempestates tranquillat.* *Lydius intellectum obiusis acuit, & terreno desiderio gravatus celestium appetentiam inducit.* *Cantus est in anima bonorum eximius operator.* Hæc animalia serviunt Ecclesiæ, quia quatuor Evangelistas exprimunt. Quatuor status figurant; aquila contemplantivos, bos laboriosos, leo milites, homo pacatos. Quatuor virtutes indicant ad conservationem Ecclesiæ necessarias. Homo humanitatem erga Clerum, leo fortitudinem contra hæreses, aquila perspicacitatem contra pseudopoliticos, bos laborem ad alendos Ecclesiæ servos. Hæc animalia serviunt Ecclesiæ, itaque & Agno, & Magistratibus, qui sunt participes potestatis Agni. Actibi Electe; Vive quatuor Evangelis, Religioni, agnoscat in te Sacerdos humanitatem, hæreses severitatem &c. Chrylost in Joël cap. 13. *Egrediaturs fims de Domo Domini, ut spinas nostras, vitia atque peccata nullam frugem iustitie habentia commutet in Domini novalia, & ariditatem nostram*

stram rigat aquis largissimis, ut pro spinis ac vepribus flores multiplices germinemus, & in & loco ubi quondam israel inhiatus est Beelphegor, lilia castitatis, rosa pudoris, viola virginitatis exuberent. Vivat, Vivat, Electus.

Tertius chorus cœlestis constat 24. Senioribus. Apoc. 5. *Viginti quatuor Seniores ceciderunt &c.* Hæc Musica, gravis, sonora, Regia; sed instrumenta coronæ, cadunt infaciem, tenent cytharas, phialas odoramentorum. Non miror cytharas, sed cur deponunt coronas? Locus ibi pompæ alii cantores hoc non faciunt. Petitiones à terra acceptas afferunt Agno. *Orationes Sanctorum.* Similes illis quas populus ab Holoferne afflicto Judith. 6. faciebant. *Ceciderunt infacies suas adorantes Dominum, & preces effuderunt dicentes. Domine DEUS celi & terræ respice ad nostram humilitatem, & facies Sanctorum tuorum attende, ostende quoniam non derelinquis presumes de te.* Quare exempla sunt Principibus ut ab afflictis recipiant supplices libellos. Estis de terra ut & illi, reponite ad tempus Majestatem, recreate vestris cytharis, hæ sunt ita gratæ ut dicantur *Orationes Sanctorum.* Eccl. 29. *Conclude elemosynam in sinu pauperis, & hæc pro te exorabit ab omni malo, Tibi ergo Electe isti Senes canunt Vivat, hoc consistit in misericordia erga afflictos. Tob. 4. Quoniam misericordia à morte liberat, & facit invenire vitam eternam.* Rex Gallix tactu manus & verbis illis. *Rex te tangit, Christus te sanat* strumas depellit. Ucinam & tua manu tangas non committendo aliis, afflictos sanes: juvabunt cantare *Vivat.* Clausula hujus cantici. *Dicebant quatuor animalia Amen.* Et vos alii cum Sacerdotes orant pro Electo Dicatis Amen. Det ipsi DEUS &c. Amen.

In Prima Missa Sacerdotis.

SIDEUS alicui optionem offerret, ut fieret, vel Angelus, vel Sacerdos: quid illi suaderetis? non dubito, quòd plurimi suaderent ut eligeret naturam Angelicam. Sicut enim meliùs est esse hominem quàm bovem, ita meliùs est esse Angelum quàm hominem; Sacerdos verò non desinit esse homo. Quid ego in hac re sentiam, explicabo.

Angelus non habet alium Patrem quàm DEUM, quia quæ sunt immortalia non generantur, generatio enim est instituta ad reparandum quod mortuum est, ideò in cœlo & inferno, & post diem iudicii quando iam cum corporibus erunt animæ, *Non nubent neque nubentur*, neque majus desiderium erit prolis quàm in lapide. Sacerdos etiam à solo DEO est. Orta fuit contentio num. 17. quis deberet fieri Sacerdos. Constitutum est. Deponantur virgæ ab arboribus recisæ, cujus floruerit, ille sit Sacerdos. Cur recisæ? quia virga arida recisa non floret nisi id DEUS ipse in illa faciat, procul est ab arbore, à terra, humore: ita Sacerdos. Deut. 12. *Non habebunt suam hereditatem.* 2. Tim. 2. *Nemo militans DEO implicat se negotiis secularibus.* Dan. 3. *Benedicite Sacerdotes Domini Domino.* Non sine mysterio dicuntur *Domini*, quia non nepotum, non affinium, non negotiorum sæculi. Heb. 7. *Melchisedech Sacerdos sine Patre, sine Matre, sine genealogia.* Quomodo id? Solus Adam sine Patre &c. certè non creatus à DEO Melchisedech; imò Ambr. Anselm. & Epiph. hæres. 51. Patrem ejus dicunt fuisse Heraclem, Matrem Asteriam. Habuit ille Patrem ut homo, sed non ut Sacerdos. Recordamini quòd Christus Matri suæ dixerit in Cana Galilæa & Cruce, non vocavit Matrem sed Mulierem, absit dicere, quòd filialis observantia defuerit. Sed quid? Iren lib. 3. c. 18. *Quia in*

Cana & Cruce gerebat personam Sacerdotis non appellat matrem sed vulgari voce utitur Mulier. Jam tuus Pater & Mater ò Sacerdos est DEUS; illius es. *Dominus pars hereditatis tuae*, jam cum Abraham, *egressus es de terra & cognatione tua.* Jam es factus Angelus, & ut Angelus vivere debes. Angelus semper in conspectu DEI dignè versatur, & hoc tibi incumbit. Angelus est immortalis, & tuus character Sacerdotalis nunquam morietur, Angelus non infirmatur & tu licet ut homo sis ægritudini subjectus, nunquam tamen in tuo Sacerdotio morbus appareat, hoc indicatum est Levit. 21. *Omnis qui habuerit maculam, non accedat offerre hostiam.* Ideò ut observat S. Aug. quæst. 82. in Levit. Summus in lege Sacerdos nunquam infirmabatur. Angeli sunt hominum custodes, & Sacerdos Pastor. Angeli preces nostras DEO offerunt & suas addunt, hoc idem præstat Sacerdos. De Sacerdote dicitur Malach. 7. *Angelus Domini exercituum est.* Apoc. 1. Sacerdotes vocantur Angeli Ecclesiarum. Cyrill. Alex in Levit. 6. *In Angelorum ordinem transeat & jam non erit homo.* Prævaleat in illo spiritus & opera spiritus, ut vocari possit spiritus, etsi habeat corpus; sicut vocatur vinum etsi in illo sit gutta aquæ; quia multò plus est vini. Ideò cum nos in Missa salutat dicendo, *Dominus vobiscum* Spiritum illum appellamus, respondendo, *Et cum spiritu tuo.* Damian. *Quia totus debet à spiritu denominari.* Jam ergo est Angelo æqualis.

Sed nemo dicit quòd B. Virgo non sit major Angelis, quia cum dixit. *Ecce ancilla &c.* dedit esse Christo, Sacerdos etiam dat cum dicit. *Hoc est Corpus &c.* Quòd nullus Angelus præstare potest. Angelus est servus Christi, Sacerdos est genitor. Quomodo ergo debet S. Virginis humilitatem & castitatem imitari? Est Christus *Mediator DEI & hominum*, Sacerdos hanc personam Christi gerit. Ideo, *qui vos tangit,*

git, me tangit. Loco Christi sedes in tribunali, arbitrio ejus
 stat Christus. *Quodcumque solveritis super terram.* Idcirco
 cum Christus sit Patris Sapiencia, dixit DEUS cuidam Osee. 4.
Quia tu scientiam repulisti, repellam te ne Sacerdotio fungaris mi-
hi. Sine scientia poterit fungi, sed sibi, non DEO. Super
 Christum requiescit Siritus S. Itai 6. *Spiritus Domini super-*
me &c. Et in Sacerdote esse debet. Exod. 19. *Qui accedunt*
ad Dominum sanctificentur ne percutiat eos. Christi corpus tam
 Sanctum est ut dignè in eo DEUS habitet: in Sacerdotis cor-
 pus venit homo DEUS, quanta sanctitas requiritur! S. Vin-
 cent. Conc. de S. Marco. *Qui projiciunt Corpus Christi in latri-*
nam luxuria, Idem de aliis peccatis majus peccatum est quàm si
 projicerent S. Sepulchrum Christi in cloacam. S. Vincent. conc.
 I. in festo Corporis Christi. *Non displicebit Maria Virgini si*
dico veritatem, quia Virgo aperiendo cælum debuit dicere octo ver-
ba. Ecce ancilla &c. Et Sacerdos solum dicit quinque verba &
 quando dicit ultimum verbum scilicet meum, in verbis, Hoc est
 Corpus meum, tunc cælum aperitur, & Christus est in hostia.
 Item Virgo Maria semel aperuit cælum, sed Sacerdos quotidie. Item
 in utero Virginis descendit parvus, &c. passibilis & mortalis, sed
 in hostia ita descendit magnus ut est in cælo, ut fuit in cruce, nec
 passibilis, nec mortalis, sed gloriosus & impassibilis. Hinc si bo-
 nus Sacerdos, dicunt Angeli, *ô benedicte majorem gratiam habes*
quàm nos. Si malus, luxuriosus, concubinaris, lusor &c. dicunt
 Angeli Christo, *Domine vultus ut occidamus istum proditorem?* Et
 tamen tam ad verba mali quam boni descendit Christus, sicut
 fuit aqua tam per aureum quàm ligneum canalem. Christus
 autem in fine faciet ut Dominus horii, qui postquam est usus cana-
 libus, canale aureum ponit in thesauro, canale ligni putridi ponit
 in ignem ad comburendum in inferno hæc S. Vinc.

Primitias hodie reddis Domino Sacerdos, illæ fuerunt

gratissimæ de omni terræ fructu, reddis de panē & vino. *Obtulit panem & vinum Melchisedech & benedixit Abrahamo, Tu mitte nobis benedictionem. Mediator & DEI & hominum age nostram causam apud DEUM; multorum rei sumus, multis egemus. Simeon Luc. 2. Accipiens in manus benedixit Domino, & simul gentibus lumen annuntiavit & gloriam plebi Israël, impetra nobis lumen, ora pro gloria. De Josepho Patriarcha scribitur, quòd habuerit scyphum, de quo augurari solebat, hoc est, bona precari: habes in manu calicem, augurare nobis. Hic est calix novum testamentum in sanguine Christi, proinde calix gratiæ, calix redemptionis captivorum, calix salutaris Domini, calix JESU. Augurare nobis hæc omnia. hic calix unionis, quia ex multis uvis conficitur unum vinum, sicut unus panis ex multis granis, impetra nobis pacem cum DEO & inter nos ipsos. Hic calix in pignus amoris nobis relictus, precare ut sicut à Christo amamur, ita illum vicissim amemus. Augurare & hæc & plurima alia & dum illum sumendo dices, *Calicem salutaris accipiam, & nomen Domini invocabo.* Etiam pro nobis hoc nomen Sanctum invoca, ut in nomine illius prosternamus inimicos, ut nomen Domini sit nobis turris fortitudinis, nomen ejus sit in nobis benedictum.*

De Eadem Fragmentum.

DEUS cujusvis rei amat offerri sibi primitias. Multò magis gratum erit illi primum Sacrificium. Proinde si ob primitias fructuum benedicebat, ob primam Missam multò magis, maximè cum Sacerdoti magnus aliundè ad DEUM pateat accessus. Ad hoc enim illum DEUS destinavit, ut nobis benefaciat, & benefacit. Ille enim nos à peccato originali per Baptismum liberat, peccata actualia post Baptismum contra-

sta,

sta, quod non potest facere Angelus, dimittit, ex quo, plus est quàm si nobis DEUS visibilem daret Angelum ut ad eum in nostris necessitatibus recurramus. Pascit verbo DEI & cibo Angelorum. Ipse claves regni cœlorum habet, cui aperit, ille ingreditur. Quod si honorandi sunt Parentes qui nobis fuerunt causa nascendi. Et Exod. 21. *Qui maledixerit Patri vel Matri, morte moriatur, quomò magis Sacerdotes?* Similes sunt B. Virgini. sicut illa dictis verbis, *Ecce ancilla Domini fecit Christum incarnari, ita Sacerdos dictis verbis. Hoc est Corpus meum, &c.* Facit Christum subintare species panis & vini. Hinc dæmon coram S. Remigio genua flectebat, & id se facere fassus propter honorem Sacerdotis, quòd in eo erat. Num. 16. *Consumebetur populus igne à DEO misso, & dixit Moyses ad Aaron tolle thuribulum, & hausto igne de Altari mitte incensum desuper pergens citò ad populum ut roges pro eis.* Ipse Moyses recurrit ad Sacerdotem. Josue 3. *Cùm ingressis Jordanem Sacerdotibus stetit aqua.* Origen. in Josue 4. non solùm arcam reverita, sed & Sacerdotes. Designavit DEUS pro asylo reis urbes Sacerdotum. Philo lib. 3. de vita Moysis. ut hinc pateret honor Sacerdotum. Præscripsit illis pro ornamento capitum cydarim, genus diadematis tanquam Regibus ut Philo. l. c. *Quia Sacerdos non solùm cunctis hominibus est eminentior, sed & Regibus* Hinc etiam vitia Sacerdotum tantopere DEUS æstimat, ut dixerit Hieron. Epist. ad Sabinianum. *Propter Heli filios locus tabernaculi subversus est, & propter vitia Sacerdotum, DEI tabernaculum destitutum est.* Vicissim ita illorum honorem tuetur, ut Cyp. Epist. 3, lib. 1. in illa Matth. 5. *Qui dixerit Fratri suo fatue &c. Quomodo possunt censuram DEI ultoris evadere, qui talia ingerunt non solùm Fratribus, sed & Sacerdotibus, quibus honor tantus de DEI dignatione conceditur, ut quisquis Sacerdoti ejus non obtemperaret statim necaretur*

retur Deut. 17. *Quicumque non exaudiet Sacerdotem morte moriatur.* Unde Samueli dicit I. Reg. 8. *Non te spreverunt sed me.* Et ratio potest esse ex Ambr. lib. 3. de Virginibus. *Ubi ergo Christus queritur? in pectore prudentis, id est, Sacerdotis.* Angelus est Sacerdos. Greg. hom. 7. *Utinam non ad iudicium nostrum dicamus, quia omnes qui Sacerdotis nomine censentur, Angeli vocantur Malach. 1. Labia Sacerdotis &c.* Sed & Angeli ministrant Sacerdoti. Ita scribit de S. Ghrylostomo S. Nilus Epist. ad Anastas. Episc. *Joannes Sacerdos Ecclesie Constantinop. videbat domum DEI refertam Angelorum cœtu & tum inprimis cum Divinum & incruentum sacrificium offerebatur: Cùm capisset Sacerdos Sanctum sacrificium, plurimæ statim ex beatis illis virtutibus de cœlo descendentes, stolis induta splendidissimis, nudis pedibus, intentis oculis pronæ, Altare magno cum silentio & reverentiâ, quoad venerandum illud mysterium exple- rum fuit, circumsteterunt. Deinde huc illuc per totam Domum diffusa, Episcopis, & Presbyteris & Diaconibus distributionem corporis & pretiosi sanguinis administrantibus adhaerunt, satagenæ & sedulo adjuvantes.*

Ad Curam habentes Animarum.

DEScribit Ezech. 11. malum Pastorem Dominus. *Sume tibi vasa Pastoris stulti, pro pastorali gladium, pro esca venenum.* Et ibidem addit. *O Pastor & idololum derelinquens gregem, gladius super humerum ejus.* Talis pastor erat Cain Gen. 4. *Nunquid ego sum custos Fratris mei? Custos es qui curam suscepisti Custos quid de nocte? dum alii velut in nocte dormiunt in peccatis tu Clama, ne cesses, quasi tuba ex alta vocem tuam, si non clamaveris, anima tua erit in periculo si quæpiam anima perierit nullius te authoritas deterreat ne contingat quod*
scribit

scribit S. Greg. Pastoral. p. 2. c. 4. *Sæpe Rectores animarum improvidi humanam gratiam amittere formidantes loqui liberè re-
ceta pertimescunt, & juxta veritatis vocem, nequaquam jam gre-
gis custodia Pastorum studio, sed mercenariorum via deseruiunt,
quia veniente lupo fugiunt, dum se sub silentio abscondunt. Isai. 56.
Canes muti non valentes latrare.* Sed non frustra Act. 2. in
primos Pastores Spiritus S. in specie lingvarum descendit.
Non frustra in lege Exod. 28. *Mala punica in vestibus jungebant
voci concordiam,* Greg. l. c. quid enim prodesset lingvâ clama-
re, & clamorem moribus retractare? Idem planè fieret at-
que si quis diceret alteri veni ad me, interim à se lapidibus
repelleret, portam clauderet. Interea dum clamat, dum re-
prehendit, ex corde am et. Greg. Moral. 26. c. 5. *Sancti Do-
ctores dum hoc agunt, dum arguunt, increpant, charitatis amo-
re se viunt, non inflatione elationis intumescunt, mori enim pro ip-
sis parati sunt, quos quasi usque ad mortem se vientes affligunt.*
Primò dicendum est *Pax huic domui.* Filii Zebedæi petebant
fulmina mitti in Samariam, non sunt exauditi. Sed de qui-
busdam quæritur Greg. hom. 17. *Cùm regiminis jura suscipiunt,
ad lacerandos subditos inardescunt, terrorem potestatis exhibent,
& quibus prodesse deberent, nocent: & quia Charitatis viscera non
habent, Domini videri appetunt, Patres se esse minimè recogno-
scunt.* &c. Non ita res tractanda quam Christus dignam suo
saogvine æstimavit. Pergit Greg. *de quibus veritas dicit Matth.*
7. *veniunt ad vos in vestimentis ovium, intus autem lupi sunt rap-
aces.* Dicebat Propheta. *O Pastor & idololum.* Vis adorari ut
idololum, & gregis curam non habes. Pastor in una Provin-
cia, grex in alia. Tantùm te agnoscunt Pastorem, cùm mer-
cedem Pastoris recipis. Greg. l. c. *Sed quid nos, quod tamen
sine dolore dicere non possumus, quid nos ò Pastores agimus? qui
mercedem consequimur, & Operarii nequaquam sumus. Fructus*

quidem S. Ecclesia in stipendio quotidiano percipimus, sed tamen pro aeterna Ecclesia in praedicatione non laboramus. Pensemus cujus damnationis sit &c. Vide homilias per octavam S. Adalberti E. M. Contractu nos quodam obligavimus, Fideles dant nobis bona, ut pro illorum peccatis satisfaciamus, quid si nec pro suis aliquis satisfaciatur? quid si qui placare DEUM debebat pro alienis, irriter propriis? Pergit Greg. Veniet, veniet profecto illa dies, in quo Pastorum Pastor appareat, & uniuscujusque facta in publicum deducat, & qui modo subditorum culpas per Praepositos ulciscitur, tunc Praepositorum mala per semeripsum seviens damnet. Onus curae animarum descripsit Job. 26. Ecce gygantes sub aquis gemunt. Juxta Apoc. autem aquae populi sunt. Sed potest contingere quod populo Israëlitico Exod. 15. ut sicco pede per maris medium transeant. Et Hai 43. Cum transieris per aquas tecum ero, & flumina non operient te. Dum intret ovile Pastor ostiario illius Spiritu S. aperiente & si plures ad DEUM adduxerit Greg. epist. 27. Aversionis culpa (quisquis peccat graviter, à DEO avertitur) nulli imputabitur, qui revertens, lucrum animarum à se converterarum reportat. Bona ipsa & proventus in animarum bonum impendendi non in vitia, ne simile quid dici possit illi Ambrosiano lib. 5. epist. 29. De Christianorum censu readificabitur Judaeorum Synagoga, ut sit locus in quo Christus negetur. Erit locus perfidiae de exuviis pietatis factus? Pretio quod datum est pro redimendis peccatis ementur peccata? Christus vobis animas concessit. Bern. epist. 4. Magnas animas Christi sanguine redempta est v. dete quâ curâ servanda est. Aug. in Pl. 102. O anima tanti vales! Bene Christus animam à se redimi suo cruciatu toto putavit, hanc pastori custodiendam tradit ut illam lucretur, dæmon nova subire supplicia non refugit, nam quoties animam deducit ad damnationem nova illi poena, accre-

accrescit. *Salvian.* *Qui furor est viles à vobis animas haberi. quas etiam ille vobis caras se habere dicit dæmon, qui viles facere conatur? quas etiam diabolus putat esse pretiosas? ac per hoc quicumque animas negligunt, etiam infra iudicium diaboli illas amant.* Sed veniet, qui dicit. *De manu vestra sanguinem animarum requiram. In aleis vestris in vanitatibus vestris, est sanguis animarum.* Templum vobis suum concedidit DEUS, curam illius habete. *S. Ephrem lib. de Iudicio. Anima habens in se Deum, templum DEI est, & sanctum, & purissimum. Divina etiam mysteria celebrantur in ea, & Angeli & Archangeli letantur in ea & frequenter visitant eam, quia habitante DEO in anima, Angeli festinant honorare eam utpote templum DEI effectam.* Quis tollet cooperari ut hâc læticia impleat Angeles? ut DEUS in templo suo sedeat? & quâ poenâ dignus esset si hoc negligeret, cum ad hoc faciendum se obligaverit & quidem accepto precio? quid si etiam suâ culpâ, pravo exemplo, ex hoc templo DEUM exturbaverit? Qui non pavit esurientem, non vestivit nudum &c. Damnatur, licet ad hoc solum ex communi charitate fuit obligatus; quid ille, qui non pavit animam &c. Et ad hoc se obligaverit specialiter? Non accipiebat tantos proventus Paulus qui pro animabus, *in mortibus frequenter &c. qui optabat esse anathema pro Fratibus.* Imò plurima, ab illis passus: *Chrysost hom. 7. de laud. Pauli. Dum Paulus vincetus per vastum pelagus ad Casarem ducitur ita gaudet tanquam in maximum ducatur imperium, etenim non parvum ulli premium, urbis Romæ conversio proponebatur.* *S. Ignatius Soc. JESU Fundator dicebat. Si optio daretur, malle se beatitudinis incertum vivere, & interim DEO inservire & proximorum saluti, quàm certum eundem gloriæ statim mori, & tamen neuter horum juraverat curam animarum. Si damnatum posses ex inferno reducere, an negligeres? leves pœnæ inferni*

respectu peccati ex quo animam potes educere. Si Fratrem tuum posses resuscitare à mortuis, an nolles? Chrylost. tom. 4. hom. 4. *Mortuam animam instaurare, excellentius est, quàm corpus.* Et rationem dat Aug. de verbis Dom. Serm. 44. *Corpus vite redditur iterum casura, anima nunquam desitura.* Ex hoc concludit Greg. 3 Dialog. c. 17. *Plurus est conversio Pauli Christum persequentis, quàm suscitatio Lazari quatruidani.* Præmium hujus laboris est ingens. Misereris aliorum misereris tui DEUS, qui in eadem mensura remetietur in quam mensus fueris. S. Hor ab Angelo hæc audivit, ut est in vitis PP. *Quantosunque in hac vita positus converteris ad salutem, super tantos principatum accipies in futurum.* Qui negligit animas, reus est sanguinis eorum, ut à contrario patet ex verbis S. Pauli. Act. 20. *Contestor vos hodiernâ die quia mundus sum à sanguine omnium non enim superfugi quò minùs annunciarem omne consilium DEI vobis.* Greg. Pastor. parte 3. Legitur Apoc. 22. *Qui audit, dicat veni ut nimirum ipse cui se vox interna insinuat, illic etiam, clamando, alios, quo ipsi rapitur, trahat: ne clausas fores etiam vocatus inveniat, si vocanti vacuus appropinquat.* Itai. 6. *Veni mihi quia tacui.* Prov. 11. *Anima quæ benedicit impinguabitur, qui inebriat ipse quoque inebriabitur.* Crescit enim in nobis virtus & devotio dum alios ad illam incitamus. Greg. l. c. in hæc Itai. *Qui exterius predicando benedicit, interioris augmenti pinguedinem recipit, & dum vino eloquii mentes Auditorum deebriare non desinit, potu multiplicati muneris deebriatus excrescit &c.* Moyses illos denunciavit à parte DEI existere Exod. 32. *qui delinquentium sceltra incunctanter ferirent &c.* Si ergo ille DEI dicitur qui ad ferunda vitæ zelo Divini amoris excitatur, profecto se esse DEI debeat, qui in quantum sufficit, increpare vitam carnalium recusat.

Ad

Ad Sacerdotes.

Vir erat carus DEO Moyses, & tamen cū sciret plaga supra populum Num. 16. dixit ad Aaronem sacerdotem. Tolle thuribulum, & hausto igne de altari mitte incensum desuper pergens citò ad populum ut roges pro eo. Et additur, quem erubuit Angelus vastator. Ex quo colligitur peiores esse tali Angelo, id est dæmone, qui non reverentur legatum Principis. Sacerdos est Legatus, ut ait Paulus. Legatione fungimur pro Christo, hoc ut magna est dignitas, ita requirit, ne quis Principi pro quo est Legatus, faciat contra honorem & hoc ipsum severè vindicat DEUS. Malach 2. *Et nunc ad vos mandatum hoc, o sacerdotes: si nolueritis audire, & nolueritis ponere supra cor, ut detis gloriam nomini meo, ait Dominus exercituum mutam vos in egestatem, & maledicam benedictionibus vestris &c. Vos autem recessistis de via & scandalisatis plurimos in lege: irritum fecistis pactum meum, dicit Dominus exercituum. Propter quod ego dedi vos contempribiles & humiles omnibus populis. Hæc prima pœna est, ut contemnantur à populo, ut contra eos insurgant sæculares. Quia sacerdos debet esse sine culpa. In vitis PP. lib. 2. Abbas Mothues factus per vim Sacerdos, abstinuit sacrum, dicebat enim. Confido in DEO meo, non habeo grande iudicium propter ordinationem hanc, quia oblationem non presumpsi facere. Nam ordinatio hæc illorum est, qui sine culpa sunt: ego autem me bene cognosco. Altera pœna est, DEUS negat beneficia sua populo propter malos sacerdotes. Itai. 6. *Et factum est anno quo mortuus est, videbam Dominum sedentem in solio excelsio. Quid conjungitur Prophetia cum morte Ozia Regis? quia Oziam non ejecerunt sacerdotes, cū esset leprosus, Chrysof. hom. 4. Vetus erat mos, omnem leprosum e civitate eicere,**

nunc verò non idem fit; exiit ergo Rex cum lepra, non tamen eiecerunt eum ex civitate, dignitatem ejus Regiam diademaque reverenti, & DEUS irascens interrupit prophetiam &c. venit mors impuri & solvit illam. Peccat interim populus dum agit contra sacerdotes. Cypr. Epist. 9. dicit cuidam, Inquiris in mores meos. Et post DEUM Judicem qui sacerdotes facit, te velle, non dicam de me, sed de DEI & Christi judicio iudicare. Hoc est in DEUM non credere: hoc est, rebellem adversus Christum, & adversus Evangelium ejus existere, & dum ille dicat, Nonne dico pastores &c. Nam credere quod indigni sunt & incerti qui ordinantur, quid aliud est, quàm credere, quòd non à DEO, nec per DEUM sacerdotes ejus in Ecclesia constituentur? Sed tamen ut Greg. lib. 5. in Reg. cap. 2. Sacerdos indignus qui meritò suæ iniquationis abjicitur, cum ministrare præsumit, ad tanta gloriæ culmen damnandus afeendit. Greg. Epist. 24. Quid Antistes ad Dominum, nisi pro delictis populi intercessor eligitur? quâ itaque fiduciâ ad DEUM pro peccatis alienis intercessor venio, apud quem de propriis securus non sum? Si fortasse quæpiam apud potentem virum, qui & sibi iratus esset & mihi incognitus, intercessorem suum me fieri quæreret, protinùs dicerem, ad intercedendum venire nequeo, quia ejus notitiam ex sedula familiaritate non habeo. Si igitur rectè homo apud hominem de quo minimè præsumpsissem fieri intercessor erubescerem, quanta hoc audacia, quòd ad DEUM pro populo intercessoris locum obtineo, cui me familiarem esse per mea merita non agnosco? Cum is qui displicet ad intercedendum mittitur, irati ad deteriora animus provocatur, & valdè peritumescit ne commissa mihi plebi Fidelium, reatus mei additamento depereat cujus nunc usque delicta Dominus tolerabat. Et Epist. 3. Cum sit scriptum 1. Tim. 3. ut quis priùs probetur & sic ministret, multò magis antea probandus est qui populi intercessor assumitur, ne fiant eius ruina sacerdotes mali. Quid si adhuc deventum fuerit de quo

quo idem epist. 30. Rex superbia prope est, & quod diei nefas est
 Sacerdotum properatus est exitus, quia cervici militant elationis,
 qui ad hoc positi fuerant qui ducatum praberent humilitatis. Quid
 si ad hoc de quo Bern. Serm. 33. in Cant. Serpit hodie putida ta-
 bes per omne corpus Ecclesie, & quò latius, eò periculosius, & despe-
 ratiùs quo interiùs. Nam si insurgeret apertus inimicus Hereti-
 cus, foras mitteretur & aresceret; si violentus inimicus, absconde-
 ret se forsitan ab eo. Nunc verò quem ejiciet, aut à quo abscon-
 det se? Omnes amici & omnes inimici, omnes necessarii & omnes
 adversarii, omnes domestici & nulli pacifici, omnes proximi & o-
 mnes quæ sua sunt querunt. Ministri Christi sunt & serviunt
 Antichristo, honorati incedunt de bonis Domini cum Domino hono-
 rem non deferunt, inde est quem quotidie vides, meretricius nitor,
 histrionicus habitus, Regius apparatus. Inde aurum in franis &
 sellis & calcaribus, Plus calcaria nitent quàm altaria. Et rursum
 idem declamat. Non extollet de facultatibus Ecclesie consan-
 guineis suos aut nepotes, ne filias dixerim, nuptui tradat. Res pau-
 perum non pauperibus dare par sacrilegii crimen dignoscitur. Sunt
 patrimonia pauperum facultates Ecclesiarum: & sacrilegà illis
 crudelitate surripitur, quidquid sibi Ministri & Dispensatores, non
 utique Domini vel possessores, ultra vitium accipiunt vel vestitum.
 Inde iudicium gravissimum Sacerdotibus incumbit. Idem
 ibid. Misereamur impio & non discet facere justitiam, in terra San-
 ctorum iniqua gesit, in Ecclesiasticis possessionibus quæ Sanctorum
 usibus erant destinata, in domo Domini cæleste gesit officium, An-
 gelus Domini exercituum factus est, tanquam Angelus aut eligitur
 aut reprobatur inventa quippe in Angelis pravitas, & districtiùs
 iudicetur necesse est, & intolerabiliùs quàm humana. Sacerdos e-
 nim quasi sacer dux est. Greg. Pastor. part. 2. cap. 7. Sacer-
 dotes jure vocati sunt, qui ut sacrum ducatum prabeant, Fidelibus
 præsumt. Quomodo ducet, si ipse in foveam cadit? omnium
 est

est reus quos suo decipit ducatu, S. Ephrem Parenæsi 15. *Oportet Majores minoribus formam præbere atque exemplum ad omnem virtutem ut non det occasionem, querentibus occasionem. Res est Sacra Sacerdos, res sacræ non violantur absque sacrilegio. Plura possunt legi in meo Opusculo. Jugum grave.*

Ad Religiosos.

Theodosius Imp. ut est in vitis PP. lib. 2. visitans Abbatem Pastorem ait. *Beati estis vos Monachi quia securi ac liberi de negotiis seculi, tranquillâ & quietâ perfruinini vitâ, ac solummodò de salute animarum vestrarum habetis sollicitudinem, quomodo ad vitam æternam & cœlestia regna perveniatis. In veritate enim dico tibi, quia certè in regno natus sum, & nunc in regno dego, & nunquam sine sollicitudine cibum capio. Hic & Iscopum, & felicitatem Religiosi hic magnus imperator descripsit. Æstimabant hanc suam felicitatem veteres Monachi, ideoque, non ex invidia, sed ut acuerent æstimationem illius in ingressuris Monasterium, ita procedebant ut est 3. p. Vitæ PP. Cùm quis renunciaturus seculi negotiis in Monasterium se suscipi rogaverit, non antè admittitur quam diebus decem, vel eò amplius, præforibus monasterii excubans, iudicium perseverantia suæ pariter humilitatis ac patientiæ demonstraverit. Cùmque omnium Fratrum prætereuntium genibus provoluus, & ab omnibus refutatus, & despectus sit; quasi qui non causâ Religionis, sed necessitatis obtentu, monasterium optet intrare, multis injuriis affectus experimentum dederit constantiæ &c. Diligentiam summam perquiratur, ne de facultatibus suis inhaerit ei vel unius nummi contagio. Hanc æstimationem status monastici habuit. S. Joan. Eleemolynarius, ut scribitur in vita S. Serapionis, ut accusatorem qualemcunque sive mendacem sive veracem non susciperet*

contra

contra aliquem circum amictum monachali habitu. Habuit vero jus illam reciendi cum esset Patriarcha, Magna felicitas Religiosi, Bern. Epist. 108. *Vobis datum est nosse mysterium regni, quibus & loquitur, nolite timere pusillius grex quoniam Patri complacuit vobis dare regnum. Qui sunt hi? utique quos prescivit & predestinavit &c. Magnum secretumque innotuit Consilium. Novit Dominus qui sunt eius. Sed quod notum erat DEI, manifestum est hominibus, nec alios sane dignatur tanti participatione mysterii nisi eos ipsos quos prescivit & predestinavit. Et hanc certitudinem salutis Religiosorum idem ait se reipla expertum Serm. de quatruple. debito. In veritate dico vobis quod in veritate estis in via sancta, qua perducatur ad Sancta Sanctorum. Mentior si non ex manibus hujus peccatoris (de seipso loquitur) Monachorum, Novitiorum, & Conversorum anima ad caelestia gaudia volaverunt tam libera quam liberata de carcere nostra mortalitatis. Et Serm. ad F. F. de monte DEI. A cella saepe in caelum ascenditur & vix moriens aliquis aut nunquam a cella in infernum descendit, quia vix unquam aliquis nisi in caelo predestinatus in ea usque ad mortem persistit. Filium enim gratia, fructum ventris sui cella nutrit, fovet, amplectitur; &c. morticinum mortuarum affectionum, vel hominem mortuum a corde, locus sanctus, vel terra sancta, nequaquam diu patitur. In judicio Religiosi non judicabuntur sed potius alios judicabunt. Greg. 26. Moral. 20. Non judicantur & regnant, qui etiam precepta legis perfectione virtutum transcendunt, quia nequaquam hoc solum quod Divina lex cunctis precipit, implere contenti sunt: sed praestantiori desiderio plus exhibere appetunt, quam preceptis generalibus audire potuerunt. Matth. 29. Qui reliquisset omnia &c. De quibus Propheta ait Isai 3. Dominus ad iudicium veniet cum senioribus populi sui. De quibus Salomon Prov. 31. Cum de S, Ecclesie sponso loqueretur. Nobilis in portis vir ejus quando sederit*

cum senatoribus terra. Hi itaque in extremo iudicio non iudicantur & regnant.

Jam verò vitam Religiosi consideremus ab oratione, incipiendo, nam in vitis PP. lib. 2. dixit S. Epiphanius. *Eum qui verus monachus est oportet sine intermissione orare, aut certè psallere in corde suo.* Jam verò de Oratione hoc documentum, dat. S. Nilus. cap. 42. *Si tempore Orationis mens tua circumspicit, nondum intellexisti te ut Monachum orare, quin potius adhuc ex mundo es, & scenam extrinsecus ornas.* S. Ephrem lib. 1. de compunct. cordis. *Quid est quod os tuum orat DEUM, & quæ sunt quæ poscunt ab eo? forè saculi hujus requiem & vitam? Si hæc ten poralia & marentia requiris, meliores te sunt fornicator & latro, hi enim deprecantur ut salvi fiant, & te beatificant quòd in hac bona conversatione fallaciter militare conspiciunt.* Sola æterna debent esse materia Orationis religiosi. Jam quod attinet vota quæ faciunt Religiosum, in his prima, est Paupertas. Cùm S. Macarius vidisset apud Theodorum Monachum Codices sacros dixit lib. 5. vit. PP. *Boni sunt quidem actus, sed majus est nihil possidere.* In libro Exhort. SS. PP. Agathon dicebat discipulo. *Ne aliquid tale tibi acquiras, quod Fratri te petenti dare pigeat, & per hoc inveniaris mandata DEI transgrediens.* S. Macar. in Epist. ut cùm multo navis undarum ictu obruitur, si multa possidens Monachus non salvatur. S. Marcus Abbas consultatione cùm anima sua. *Quidam Divites cùm divitiarum suarum minimè amore tenerentur, DEO placuerunt, ut S. Abraham, Job, & David.* Nos verò sine divitiis avaritia vitium in materia abjectissima nutrimus. Ex quo sumus divitibus multò infeliciores, qui, cùm ea quæ pleriq; cupiunt & admiranantur videamus despiciere, occultà tamen, quasi DEUM latere possimus, eorum cupidine laboramus. Non cumulamur aurum sed res vilissimas congerimus. S. Francisci Seraph. sunt verba in schola

Schola Patrum. Pecunia servis DEI nihil est aliud quam diabolus. Monachus cupidus miserrimus, quia caret mundo & DEO. Ibid. SS. Patres hanc sententiam repetebant. Monachus aliquid in vita possidens proprium, in morte non merebitur DEI proprium, quod est, misereri. Jam ad Castitatem veniamus. Terul. de pudicit. Terrenum templum DEI citius spelunca latronum appellari potuit à Domino quàm Machorum & fornicatorum. Greg. in 1. Reg. c. 7. Velut Agni partem sacrificio surripit qui puritatem cordis corporis continentia non conjungit &c. Hinc etiam fatua Virgines in Evangelio notantur, quae lampades paraverunt & oleum non paraverunt, lampades enim paratas habent qui bonum pudicitiae serviant in corpore: oleum quoque habent qui nitorem puritatis tenent in circumspeditione mentis suae. Ultimum votum est Obedientiae. Ipericius Abbas lib. 4. vit. SS. PP. Ministerium Monachi est Obedientia, quam quis possidet quidquid postulat exauditur, & cum fiducia Crucifixo adstabit; etenim sic Dominus venit ad Crucem, scilicet factus obediens usque ad mortem. Saul obedivit Patri ut quæreret asinas, factus est Rex. S. Pachomius juxta Regulam ab Angelo dictatam, Universos Monachos promptos esse ad obedientiam commonebat, ut hoc compendio facile perfectionis apprehenderent celsa fastigia, cordaque sua in timore Christi diligenter excolerent. Alioqui ut ait S. Posthumus in nomine DEI. Dilectio sine obedientia faciet criminofum, & eonscientiam agrum. Idem addit. Quodsi calor solis exarserit & volueris bibere, & Abbas ad te domandum prohibuerit, si vel mente murmuraveris, deliquisti. Deinde si in via calcaveris spinam, non est educenda donec Abbas preceperit. Similis doctrina in vita S. Pauli simplicis data à S. Antonio. Quodsi quis citò ad perfectionem venire vellet, non sibi ipsi fieret Magister, nec propriis voluntatibus obediret etiamsi rectum esse videatur quod velit. Et in vita S. Eugeniae. Pronuntiant nullatenus posse Monachum prevalere,

vel ira, vel tristitia, vel spiritui fornicationis, nisi prius didiceris mortificare per obedientiam proprias voluntates. E contra si quis non obediat, adducit DEUS in memoriam etiam priora peccata. Quando populus repudiavit Samuelem, ait DEUS non te abjecerunt sed me, in quod Greg. lib. 4. in 1. Reg. cap. 8. Ubi etiam aliquid gravius cernitur, quia cum abjectum Pastorem conqueritur, abjicientium peccata omnia, & Parentum etiam mala memorantur. Juxta omnia, inquit, opera sua qua fecerunt à die quâ eduxi eos de terra Ægypti. Summum namque crimen agnoscitur, ad cuius discussionem, in DEI memoria præterita reducuntur. Et quidem nec specie pietatis contra obedientiam licet agere. In vita S. Ephrem scripsit S. Greg. Nyssen. Orabas moriturus S. Ephrem ne corpus suum pretiosâ veste ornatum sepelirent &c. Unus igitur eorum qui aderant, sanè quam nobilis, cum magni pretii vestimentum parasset, quo Divini senis Corpus indutum afficeret sepultura, neglecto quod audiverat mandato. Quare proximus à malo dæmone percussus quod mandato non obtemperasset, acerbissimas pœnas dabat, seque ante lectulum in quo vir sanctus jacebat, ore ferventes spumas agens dilaniabat.

Sed si Religiosus agat vitam non religiosam, audite quid dicat B. Isaias Abbas Orat. 38. Maledictus qui facit opera DEI negligenter. Vides quomodo DEUS eos qui in servitutem se ejus dedicant, & tamen propria voluntati deserviunt, non adjuvat. Sed deserat, & tradat in manus inimicorum; ex quo fit ut loco honoris quem ab hominibus aucupantur, in dedecus & ignominiam recidant. Et S. Ephrem Parænesi 13. Quomodo ausi sumus nobis remissionem priorum peccatorum à DEO efflagitare, si ipsi non obliviscimur conversationis pristinae? Descripsit verum Monachum S. Greg. 1. Dial. initio. Labentia illi cuncta subter erant, rebus omnibus qua voluuntur eminebat, quod nulla nisi cœlestia cogitare consueverat: quod etiam retentus corpore animus
ipsa

ipsam carnis claustra contemplatione transibat, quod mortem quoque quæ cunctis pœna est, videlicet ut expressum vita ac laboris sui primum amabat. Descripsit & malum Monachum S. Anton. de Padua in Dom. 2. Advent. *Quid existis in desertum videre arundinem vento agitatam? Nota quod arundo radicem habet in luto, in quo gula, & luxuria: vacua interius, pulchra exterius &c. In quo mentis instabilitas designatur, infelix & maledictum illud claustrum in quo talis arbor plantatus, & crescit. Sed notandum quod S. Basil. in Institut. Contingit aliquando ut qualescunque in nobis culpæ, aut quantula, humanaque tentatio, iis qui extra cernantur improbè meditantibus, pro maximis censeatur &c. Qui nihil experitur facilem putat omnibus victoriam &c.*

Ad eos qui Sacramentum Ordinis accedunt.

QUI accedunt ad sumendam S. Eucharistiam, monet Apostolus ut se probent. Quidsi etiam se probare debeant qui ad conficiendam accedunt, qui Personam Christi gesturi, qui ejus potestate usuri, qui Mediatores inter Christum & populum futuri? &c. Greg. lib. 6. in 1. Reg. c. 3. *Samuel ait, sanctificamini & venite mecum ut immolemus. Si interesse sacrificiis non audent nisi sanctificati, quid de sacrificandis censendum? Ante videre debent an à DEO vocati veniant, quia ut docet Paulus. Nemo sibi sumit honorem Sacerdotii sed qui vocatur à DEO sicut Aaron. Si autem DEUS non vocat, non faciat idoneum Ministrum Evangelii, non dabit auxilia & gratias ut hoc ministerium ad salutem animæ suæ & aliorum obeat. Si enim etiam aliquando vocatis justo suo judicio hæc subtrahit, quomodo non vocatus potest illa sperare? Bern. Epist. 109. O Judiciorum DEI abyssus multa, o terribilis in consiliis DEUS Super filios hominum! Spiritum donavit quem eras denuò*

ablaturus, ut esset supra modum peccans peccatum, & gratia subintravit ut abundaret delictum, quod tamen non fuit culpa dantis sed addentis prævaricationem, sui nimirum arbitrii erat, qui male liber liberum habuit contristare spiritum, contemnere gratiam &c. Vocatio non est à DEO quæ non est propter DEUM tales nimirum vocat Mammona, vocat otium &c. Probat seipsum an possit mundum contemnere? Bern. in declamat. Clericus qui partem habet in terra non habet partem in cælo. itaque Clericus si quidpiam habuerit præter Dominum, pars ejus non erit Dominus, v. g. si aurum, si possessiones, si variam suppellectilem, cum istis pars ejus fieri non dignatur, &c. Videat an possit castè vivere? Malach. i. O Sacerdotes qui despicitis nomen meum! & dixistis, in quo despeximus nomen tuum? Offertis super altare meum panem pollutum. Manibus impuris meum sacrificium tractatis. Mallet Christus poni in sterquilinio quàm tractari manu incontinentis. Pares an sitis ferendis oneribus ad quæ vos disponitis. Si aliquis se Medicum profiteri velit, aut Causarum Advocatum, & sit artium illarum non satis gnarus, peccat graviter, quanto magis sacerdos cujus ignorantia majora creat pericula? Nemo mittens ad aratrum & retrò aspiciens aptus est regno DEI, quia moram facit in aratione. Quid si ignarus arandi susciperet negotium Aratoris? An possit non quæ sua sunt, sed quæ Christi quærere! Isai. 22. Hæc dicit Dominus DEUS exercituum. Vade ingredere ad eum qui habitat in tabernaculo, ad Sobnam præpositum templi, & dices ad eum? Quid tu hic, aut quasi quis hic? quia excidisti tibi hic sepulchrum in petra tabernacula tibi? Pro me nihil fecisti. Ecce Dominus asportari te faciet sicut asportatur gallus gallinaceus, & quasi amictum sublevabit te. Coronans coronabit te tribulatione, quasi pilam mittet te in terram latam & spatiosam, ibi morieris, & ibi eris currus gloriae tuae, ignominia domus Domini tui.

Et expellam te de statione tua, & de ministerio tuo deponam te. Audite iterum vocem DEI apud Ezech. 34. Fili hominis propheta de Pastoribus Israël, propheta, & dices Pastoribus. Hæc dicit Dominus DEUS. Va Pastoribus Israël qui pascebant semetipsos non greges, nonne greges à Pastoribus pascuntur? Lac comedebatis & lanis operiebamini, & quod crassum erat occidebatis, gregem autem meum non pascebatis quod infirmum fuit non consolidastis, & quod agrotum non sanastis, quod confractum est non alligastis &c. &c. Ecce ego ipse super Pastores, requiram gregem meum de manu eorum &c. &c. Sciant magnum esse meritum Sacerdotis, magnum & demeritum. Durum enim est sacerdotum iudicium, Bera. in declamat. Cùm ceperint resurgere homines unusquisque in ordine suo, ubi putas generatio ista clericorum locabitur? Si ad milites forte diverterint, exsufflabunt eos qui minimè secum labores aut pericula tolerarint. Sic Agricola, sic negotiatores, & singuli quique ordines hominum à suis eos similiter arcebunt finibus, utpotè qui in labore hominum non fuerint. Quid igitur restat, nisi ut quos omnis ordo repellit pariter & accusat, eum sortiantur locum ubi nullus ordo, sed sempiternus horror inhabitat. Hæc de otiosis Clericis, quòd de scandalosis? Cogitet ergo an tale exemplum possit dare ut jure de illo dici possit. Nolite tangere Christos meos. Sed Greg. Moral. 33. An non predicatorum simulationis Antichristi sunt, qui cùm sacros ordines DEI obtinent, fugientem toris desideris mundum tenent? Ponemini in candelabro, qui hæcenus fuistis sub modio. Sic luceat lux vestra &c. Oportebit populum ambulare in luce vestra, cavete ne lumen vestrum fiant tenebræ. Vos eritis sal, videte ne infatuemini, quia & ab hominibus & à bestiis, si fueritis infatuati, calcabimini. Sal nascitur ex aqua Sacerdos ex muliere, sed si sal attrigerit aquam diffuit, & in terram cadit; & fit lutum. Ilai. 52. Mundamini qui fertis vasa

vasa Domini. De quo Greg. 2. Pastor. 2. Quantum debeant mundari conspiciant, qui ad aternitatis templum vasa vivencia in sinu propria sponsonis portant. Malach. 1. Labia Sacerdotis custodient legem. De hoc Greg. hom. 6. Nemo dicat, admonere non sufficeio, exhortari idoneus non sum: quantum potes exhibe, ne male servatum quod acceperas talentum, in tormentis pendere exigaris. Talentum est quod Sacerdotio adjungitur, & confertur à DEO iis qui ab eo sunt vocati, Munus docendi populum; ne lamentari possit ut suis temporibus lamentabatur, Greg. hom. 17. Ad pœnam nostram ut video, Episcopi Sacerdotes vocamur qui honoris nomen non virtutem tenemus, &c. Ad pœnam, ut scilicet gravius judicemur, ac damnemur. Pergit idem. Nullum puto ab aliis majus præjudicium quàm à Sacerdotibus tolerat DEUS, quando eorum quos ad aliorum correctionum posuit, dare de se pravitate exempla cernit, quando ipsi peccamus qui compescere peccata debuimus &c. Nos pereuntri populo auctores mortis existimus, qui esse debuimus duces ad vitam. Scitis qualis cibus Sacerdotum. Peccata populi comedes, ut ciconia serpentem ut ab iis purget prata. Alter cibus libri, dictum Ezechieli Sacerdoti, Comede volumen, idem dictum Joanni in Apoc. Potus, dictum filiis Zebedæi. Potestis bibere calicem quem ego bibiturus sum? Persecutiones propter veritatem, occupatio, oratio. Sed contra quendam Sacerdotem Cypr. Epist. 64. Quam hic precem in conspectu DEI pro Fratribus faciet, cum DEUS peccatores non audit? Contrectat pudorem incestus, fidem perfidus, religionem profanus, Divina terrenus, Sancta sacrilegus. Lectus quis Sacerdotis? Vulnus lateris Christi, ex illo prodiit Ecclesia, in illo quiescat Sacerdos, & in illo dum quaeritur inveniatur. Sed fortasse quaerentibus contingit aliquando quod contigit Nunciis Saul dum quaerent in lecto Davidem, invenerunt pro eo statuam, cum pellibus caprinis & quidem

quidem in latere Christi, sed ut idolum, ut abominatio in loco sancto. Contingit fortè quod Petro & Joanni qui cum quærerent Christum in sepulchro, non invenerunt nisi lintheamina: non invenitur nisi vestis, deest res ipsa. Memores sitis quàm frequentissimè sacrificium Domino offerre. B. Laur. Justinian. dicebat de omittentibus celebrationem Missæ. *Qui cum possit Domino suo frui, & non fruatur, facile se declarat Domini sui curam non habere.* Accedite jam qui vocati estis à DEO, sed accedite, in puritate, sanctitate, nota sit modestia vestra hominibus, videant opera vestra & glorificent Patrem vestrum. Nunquam à vobis recedat timor DEI, non dominetur peccatum in vestro corpore. Sancta tractate sanctè, alioqui dicet vobis DEUS. *Quò mihi multitudinem victimarum vestrarum? plenus sum, holocausta arietum & adipem pingvium, & sanguinem vitulorum, & agnorum, & hircorum nolui, cum veniretis ante conspectum meum quis quasi vit hæc de manibus vestris, cum ambularetis in atris meis? Ne offeratis ultra sacrificium frustra, incensum abominatio est mihi. Neomeniam & sabbatum, & festivitates alias non feram; iniqui sunt cæcus vestri. Kalendas vestras & solennitates vestras odit anima mea, facta sunt mihi molestæ, laboravi sustinens & cum extenderitis manus vestras, avertam oculos à vobis.*

In Consecratione Abbatissæ.

DUO munia accipit in se Præfata Monialium, & ut custodiat Virgines, & ut regat Religiosas. Utrumque est sublime. Virgines sunt Christi sponsæ; Religiosæ sunt vasa Christo consecrata. In quocunque horum d. fecerit grande instar judicium, & tanquam proderet Christi thesauros vapulabit: pro utraque ingens præmium.

custodienti Religioso promittitur centuplum, & vita æterna, quid tor alios Conservanti?

Quod virginitatem attinet, crebro illud Hieron ad Eustochium meditecur. *Rectius fuerat homini subisse conjugium, ambulasse per plana, quàm ad altiora tendentem in profundum inferni cadere. Ne fiat obsecro Civitas meretrix. Isai I. Ne post Trinitatis hospitium, demones ibi saltent, & Sirenes nidificent & ericii.* Proinde attendat ne in aliquam cadat reprehensio, Bern. epist. 115. *Cur velum in capite mentiebatur reverentiam, & subinde petulans oculus exhibebat impudentiam?* Attendat ne se aliqua nimis comat. Basil. orat. ad nepotes de libris Græcorum legendis. cap. 12. *Occupatum esse in corporis ornatu non minus turpe dicendum arbitror, quàm aut pellicem esse aut adulteram &c.* Neque enim minus turpe est, cum qui verè hoc cognoverit scire dignus existat nimiam corporis curam habere, quàm ad aliam quamvis passionem effaminatum esse &c. Moneat ut quo amore castitatis eam voverunt, illam semper augeant. Basil. l. c. *Si flammantem Spiritum, quo nunc recaluit sine dubio cor tuum intra te, & meditationibus tuis exardescentem ignem Divinum jam extingui permiseris, quid restat nisi ut te illi servandum noveris igni qui non possit extingui?* Non sint colloquia cum sæcularibus etiam affinis. Basil. ad Chilonem. *Si simul cum Christo mortuus, ac à tua generatione ac prosapia secundum carnem disjunctus, quid rursus cum eisdem involui cupis. Si enim, qua ob Christum se vel dimisisti, hac rursus ob tuos propinquos adificas, promissis minimè stabis, inconstantia damnaberis.* Amplius Tertul. lib. de velandis virginib. *Vera & tota & pura virginitas nihil magis timet quàm semetipsam, etiam faminarum (ipsa foemina) oculos pati non vult.* Et Ambr. lib. 3. de virginib. *Deesse virgini sermonem quàm superesse malo.* Cogitent se habere thesaurum in vasis fictilibus.

Jam ad regimen. Intelligat se non mancipiis sed Christi filiabus præesse; proinde Matrem agat non Despotam, non veluti victor captivis imperet. Quod solent facere, ut ait Adrian. Gallus; qui domi suæ sordium captivi erant, & in Religione velut mundum invenissent, regimen acceperunt. Reges gentium dominantur eorum, vos vero non sic. Voluntariè tibi obedit, qui si mansissetis in sæculo forte coactus servivisset. Propter Christum paret, imperet ut Christus, & hoc imperium maximè sit in eo quod Petrus præcipit, *Forma gregis facti, exemplo fac bonos. Nescis Christi dictum Oderint dum metuant.* In charitate non in metu perfectio. Sunt qui dum, ait idem, si omnes in cœnobio tristes fecerint, perfectos se perorant fecisse. At ubi illud, Dulcis Domine Spiritus tuus? flagella & rigores augent, & charitatem velut hostes expugnant quæ est vinculum perfectionis. Planè agunt sicut illi de quibus Historicus, qui ubi solitudinem fecerint, pacem appellant. Hactenus ille. *E contra Subditæ crebro non illud quod dixit S. Ephrem Parænesi. 35. Recordare quòd mundo renunciaisti & propriae voluntati, & verbum non sustines? & Paræn. 38. Itane Monache professus es te Christo placere velle, ut tribulationes & tentationes, quæ ingeruntur ab Adversariis non fortiter sustineas; neque correctiones & admonitiones à tuo Praefecto susciperes? Cum Apostolus dicat. Quodsi extra disciplinam estis cuius participes facti sunt omnes; ergo adulterini & non filii estis. Casus es? gaude, te casum verberibus, verum & erratum corrige. Injustè verberatus est. gaude quia merces tua magna.* Ferè in cœnobiis impatientiores sunt, ait Gal. ut qui in sæculo plura sustinissent Videte ne in aliquem cadant querelæ S. Ephrem. cap. Forum correctio. *Attendite obsecro quid dicam qui vitam hanc Monasticam sustulistis, & contremiscite. Angelicum ferentes habitum cum diabolo militamus. Habitum est Angelicus sed vitâ secularis. Num*

inter Angelos viget contentio ac zelus quemadmodum nunc inter Monachos cernimus? &c. Vix tertius est dies ex quo Mundo renunciaverunt & cum illis, qui in habitu consensuere, contendunt, nec volunt redigi in ordinem aut cuiquam obtemperare, sed excusationes excogitant, & ne corpus fatigent alius alium respicit. Subiit obedientia jugum & vult imperare, irascitur si admonetur, non faciam respondeo nisi ille veniat &c. Sapere qui domi suae fuerat operarius & ignorabat quae illius esset dextra vel sinistra, in monasterio studiosus & interpres, ac doctor incedit, &c. Mundo specie duntaxat renunciamus re autem ipsam qua mundi sunt amplectimur. Excessat mendax excusatio. Habitu Monachi sumus moribus crudeles quidam & inhumani. Habitu humiles, moribus pestilentes. Habitu Religiosi, moribus perniciosi. Habitu dilecti moribus inimici, habitus chari &c. Nolite putare in cinguli & veste longa consistere vitam perfectam aut in eo salutem esse positam, quod manus habet mundas, quod eloquens sit, quod scripturas interpretetur, quod capite incedat raso, aut comam nutriat. In virtute, in bonis operibus sita est. Hac autem dico non ut habitui detrahatur, absit sed ut ostendam habitui debere mores & opera congruere. Habitus enim sine operibus nihil est.

Ad haec attendat Abbatisa, ut claustrum seruetur, ut regulæ impleantur, silentium vigeat &c. Et Materno inducat affectu ut noverint Filiae ab amore non odio correptionem procedere, itaque uni se Matrem alteri novercam exhibeat, & malit ut de suo errore qualibet sponte poeniteat, quam ut puniatur. Habent blanda verba vim magnam etsi dulcem, emolliunt cor, ut in eo quod volunt inprimerere possit, dura è contra faciunt obdurari. Omnia perfecit Paulus etsi totus dixerit, Filioli mei, viscera mea, corona mea, &c. neque tradidit Sathanæ inter tot millia nisi unum, idque propter enorme & notorium scelus adjuncto simul amore ejus salutis,

salutis, & ad utilitatem omnium. Christus non coegit ullum
 pœnis ut suus esset discipulus; Antichristi id erit, non taceant,
 tamen si lupum venientem videant, prospiciant ne aberret
 ovis; Meminerint illius quod Greg. 2. Pastor 6. monet. *Qui
 cum curare corporalia funditus negligunt, subditorum necessitati-
 bus minimè concurrunt, quorum predicatio plerumque despicitur,
 quia dum delinquentium facta corripunt, sed tamen eis necessaria
 presentis vitæ non tribuunt, nequaquam libenter audiuntur. Egen-
 tis etenim mentem sermo doctrinæ non penetrat, si hunc apud ejus
 animum manus misericordiæ non commendat, tunc autem semen
 verbi facile germinat, quando hoc in audientis pectore pietas præ-
 dicantis rigat.* Claudat hunc sermonem monitum synodi
 Sycovianæ Cracovien. cap. 4. ubi &c. Monet Parochos, quod
 omnibus curam animarum habentibus servit. *Ad bonæ guber-
 nationis modum pertinet in rebus agendis dexteritas, suavitas,
 affabilitas, compassio, non indignatio, non pauperum contemptus,
 non avaritia. Ut facile agnoscant Parochiani Pastorem suum jure
 officio fungi idque ex mera caritate, quæ est medium efficacissi-
 mum ad lucrandas hominum voluntates.*

In Consecratione Monialis.

Ecce Sponsus venit exite obviam ei. Matth. 25.

ALiquos DEUS ipse transeundo vocat, ut Apostolos, *Se-
 quere me*; ad aliquos misit Angelum ut ad Centurionem
 in actis Apost. ad aliquos virum aliquem sanctum ut ad Davi-
 dem Nathan Prophetam. Sed ad virgines ex proposito ipse
 venit. Nam pro SS. Virginibus legitur Evangelium vel de
 thesauro, ad hunc venit homo & emit agrum illum: vel de
 Margarita, *dedit omnia sua & comparavit*: vel de decem vir-

ginibus. *Ecce sponsus venit.* Dicam de hujus Margaritæ ac thesauri pretio ut tantò alacriorem hanc virginem quæ consecratur faciam ad occurrendum Christo.

Postquam creavisset DEUS primum hominem, dixit. *Non est bonum solum esse, dedit adiutorium simile.* Similis Christus primo homini, unde & secundus Adam, quod habet adiutorium? Apoc. *Virgines sequuntur Agnum quocunque jerit.* Sed quomodo similes Christo, Cant. *Veni columba mea* vocat ad se Virginem, Chrysol. serm. 143. *Semper Angelus cognata est virginitas.* Non per terram ambulat, cum Angelis subvelat. Cùm S. Georgia virgo sepeliretur, grex columbarum supra funus comparuit, & eâ sepultâ in cœlum evolavit, ut scribit Greg. Turonen. de gloria Confess. cap. 34. Christus etiam sub speciebus panis non in alio vase olim apud Græcos servabatur, ut scribit Baron. quàm quod fuit in speciem columbæ conformatum, unde S. Basil. Christum vocat *columbam Eucharisticam.* Columbæ Christi sunt virgines, sunt dilectæ, unicæ & propterea sunt ejus thesaurus & Margaritæ. Thesaurus later in terra, nulli notus, Virgo sic in claustro later, Conchæ soli rori ora sua aperiunt, Virgo soli orationi ut sic rorem cælestem attrahat. *Os meum aperui & attraxi spiritum Pl.* Quod mare in quo hic unio? quis ager in quo hic thesaurus? quod columbarium? Templum, claustrum. Postquam Salomon ædificavit templum, extruxit etiam claustrum Virginum inter altare & parietem templi, ut est apud Nyssen. de humana Christi gener. de his 2. Machab. 5. *Virgines qua conclusæ erant obtumultum exortum ad Oniam summum. Sacerdotem confugerunt.* Ecce quàm res antiqua virginis DEO sacra! Sed non tum primò cæperunt. Exod 38. *Fecit labrum aeneum cum vase suo de speculis mulierum que excubabant in ostio tabernaculi.* Hæ mulieres dicebantur exercitus Domini ut

testa-

restatur Rabbi Abemacara in l. c. Sed quando hic exercitus primò institutus, à nemine scriptum. Quia sunt thesaurus inventus, qui ut sit talis, opus est ut nesciatur à quo sit in agrò depositus. In lege Christi primam Monialem consecravit S. Mathæus Evang. deinde quæ erant ejusmodi vocabantur aliquando *Diaconissa*, ut est apud S. Clem. 1. 2. constit. *Nonna*, ut apud S. Hieron. epist. ad Eustoch. *Sanctimoniales* ut est apud Aug. in Pl. 83. His primus publicos reditus constituit Constant. Magn. ut est apud Niceph. 1. 8. hist. cap. 26. His regulas apud Græcos conscripsit Basilius magnus. Hic thesaurus Christi sanctus, quare & vestes quibus teguntur benedictæ sunt. Pro his orat Ecclesia. *Sint hæ vestes salutis protectio, cognitio religionis, initium sanctitatis, contra omnia tela inimici robusta defensio.* Hæ Christo desponsantur per anulum; coronantur ut Reginæ, & uxores. Orat Ecclesia, *ut supra vos permaneat Spiritus S.* Vos dicere potestis Cant. 8. *Dilectus meus mihi, & ego illi.* Vos quia Christi estis non solum sponsæ, sed etiam ut Ecclesia dicit uxores, estis Affines DEI Patris & Spiritus S. & quia uxor in domo mariti supra omnes plus potest, vos apud Christum præ aliis sanctis, siquidem illi serui sunt, imò supra Angelos, nam & illi sunt administratorii spiritus, potestis. Vobis in cælo thronus proximus Christo, *Sequuntur Agnum* canticum canetis, quod nemo alius cantare potest. Hinc S. Hieron. contra Jovin. *In omni genere hominum optimus virgo fuit* ut patet in Christo inter viros, in B. Virgine inter mulieres: inter Apostolos eminet Virgo Paulus: inter Martyres Stephanus: inter Evangelistas Joannes &c. S. Aug. Conjugatos comparat stellis, duas Lunæ, Virgines Soli; hinc similitudo cum Christo.

Margaritæ ex rore concipiuntur, virgines ex illo rore, de quo *Rorate cæli desuper.* Hinc Ecclesia tantam circa illas adhi-

adhibet curam, tantoperè illas vult conservatas, ut nihil magis, hostes illarum, tot maledictionibus obruit ut nullos magis. Audite enim quid dicat hodie. *Authoritate Omnipotentis DEI, & beatorum Petri ac Pauli Apostolorum ejus &c. ut est in Pontificali.* Has in custodiam tradit Abbatissæ. *Vide quomodo istas consecratas DEO serves & repræsentes immaculatas, redditura pro eis rationem ante tribunal sponsi eorum venturi Judicis* Collaboret illa omni suavitate ut dulce hoc Christi conjugium vobis reddat: collaborate vos omni humilitate & obedientiâ ut illi vos regere non sit amarum, exiistis omnem affectum ac terrena, nolite illum resuscitare per amorem vel minimæ rei temporalis. Memineritis vos habere thesaurum in vasis fictilibus, cavete ne hoc vas in terram decidat & frangatur, ventus ipse, scilicet colloquium incautum, fictilia ad terram dejicit, maximè si in fenestra illi exponatur, non imperatur lapillis munusculorum. Custos illius humilitas, sic enim non habebit quò cadat.

De Eadem Consecratione;

Virginitatis est dignitas, quia Christus voluit nasci ex Virgine. Ambr. lib. de virginit. *Bona est continentia conjugalis, melior continentia vidualis, optima mundities virginalis.* Prima trigesimum, secunda sexagesimum, tertiacentesimum affert fructum. In cœlo Angeli sunt virgines. Adam ante peccatum in paradiso fuit virgo. Matrimonio uti cepit post peccatum & exul. Rursus, est meriti maximi quia, ut Bonav. in 3. dist. 39. *Ubi est major difficultas ibi ratio virtutis est majoris præmii & meriti.* At verò Aug. de Christiano agone, *inter omnia Christianorum certamina, duriora sunt prælia castitatis, ubi continua pugna & rara victoria.* Bern. serm.

Serm. ad Monachos. *Cum mulieribus habitare & de mulieribus non cogitare, majus est quam mortuos suscitare.* Virginitas soli DEO vocat. Hieron. ad S. Virgines. *O Felix virgo in cujus corde, præter amorem Christi, nullus alius versatur amor.* Hæc est virtus maxima, quia ut docet S. Th. 2. 2. q. 152. a. 6. *Tantò virtus est major quantò per eam aliquis Christo magis conformatur.* Virgines autem sequuntur Agnum quocunque jerit. Greg. in Pastoralis. *Canticum novum cum Agno singulariter cantare, est cum DEO in perpetuum de incorruptione carnis gaudere.* Consecratio, rei prophanæ, efficit sacram, & honore dignatur vestra virginitas, hodie DEO consecratur, ut jam non sit vestra sed DEI, sicut qui dat calicem templo jam non est ejus, & qui illum auferre vellet, jam non furtum, sed sacrilegium committit, imò et si illum auferat quem ipse dedit, ut docet S. Ephrem adhort 1. *Jam dicere potestis Dilectus meus mihi & ego illi.* Dilectus immortalis, cum quo desponsatio non finitur per mortem, tota mens in hoc dilecto. Unde S. Nilus Abbas de oratione. *Si Orationis tempore mens tua vagatur, te nondum esse Monachum, sed mundi studiosum judicat & ea que sunt extrinsecus attendentem.* Et quia in vobis Virginitas non est ut in sæculo sed sacra, & cui votum obedientiæ adnexum, hinc alterum Martyrium & ejus corona. Hieron. in vita. Paulæ. *Non solum effusio sanguinis in confessione reputatur, sed devota quoque mentis servitus immaculata quotidianum Martyrium est.* Illa corona de rosis & violis plectitur, ista de liliis. Quia verò sponsæ Christi estis, ut sponsarum curam habet. Dixit quidam fenex in vitis PP. lib. 2. *Sicut nemo potest ledere eum, qui ad latus Imperatoris est, ita neque Sathanas potest nobis nocere si anima nostra adhaerit DEO.* Hodie Religiosæ efficiimini. Audite B. Isaiam Abbatem Orat 9. *Si mundo renunciasti, teque DEO per penitentiam addixisti, ne sinas te affligi cogitatione*

quasi vererum peccatorum veniam non impetrandam. Iterum ratione Religionis factæ estis Christi Sponsæ, idem Orat. 25. Qui ea quæ mundi sunt, reliquerunt, digni facti sunt, ut D. JESU Sponsæ sint, & in ejus unitate permaneant. Propter hoc, inquit Apost. Ephes. 5. Relinquet homo Patrem & Matrem, & adhærebit uxori suæ. Ita ut si Christus possit relinquere Patrem & Matrem, vos non desereret. De salute vestra certus vos facit S. Bern. Serm. ad FF. de monte DEI. Cella & cæli habitatio cognata sunt, quia sicut cælum & cella ad invicem videntur habere aliquam cognationem nominis, ita & pietatis. &c. Propter quod secundum formam proposui verbi laborantes potius in cælis quam in cellis &c. Quod geritur in cælis, hoc & in cellis, quodnam est hoc? Vacare & frui DEO, quod cum secundum Ordinem & piè celebratur in cellis, audeo dicere, s. Angeli DEI cellas habent pro cælis, & æquè delectantur in cellis atque in cælis &c. A cælo sape in cælum ascenditur, & vix moriens aliquis, aut nunquam, è cella in infernum descendit, quia vix unquam aliquis nisi in cælo prædestinatus, in ea usque ad mortem persistit. Omnium horum est ratio. Quia in primis omnia peccata quæ in sæculo fecit Religiosus, per ingressum ad Religionem veluti per Baptismum tolluntur. Hæc doctrina est Hieron. Damiani. Bern. Odilo. Cluniacem coll. 2. ubi ait. Eadem gratia datur in Monastico habitu quæ in albis Baptismi. Et hanc gratiam dantur maxima media conservandi.

In Benedictione Matrimonii.

Fortasse non quisque cogitat etiam in cælo esse Matrimonium, siquidem quid ibi opus illo, ubi nemo moritur. Nam idè res nascuntur novæ, quia antiquæ intereunt, Idè flores novi, aviculæ &c. homines, quia Pater moritur.

At

At in cœlo id non est, ideo *neque nubent, neque nubentur*. At verò etiam in cœlo fuit semel magna pestis. Tercia pars Angelorum cum Lucifero mortua, opus supplere quod periit, non quidem per matrimonium carnale, *neque enim ibi nubent aut nubentur*, sed per spirituale, quod Christus habet cum Ecclesia, ex quo tamen nascuntur verè Filii; tale Matrimonium cum sit præstantissimum, proponam vobis pro exemplo quod novi Conjuges imitemini.

De quatriplici lego Matrimonio in scriptura. Primum est, Christi cum Ecclesia. *Sacramentum est magnum, hoc autem dico in Christo & Ecclesia*, ait S. Paulus. Secundum etiam, Spirituale, sed jam non totius Ecclesiæ cum Christo, sed unuscuiusque nostrum singulariter, de quo idem Paulus. *Respondi vos uni viro virginem castam exhibere Christo*. Tertium hominis cum homine, cui Christus interfuit in Cana Galilææ. Sed nullum horum Matrimonium fuit cui se non immiscerent Angeli. Contrahebat Christus Matrimonium cum natura humana, parabat cum Ecclesia. *Missus est Gabriel Angelus ad virginem &c.* Deinde Angeli alii accinuerunt. *Gloria in excelsis DEO &c.* Contrahit Christus cum Anima. *Gaudent in cœlis Angeli super uno peccatore pœnitentiam agente*. Fiebat tertium Matrimonium in paradiso, præerat illi Michaël; de illo canit Ecclesia, *Michaël præpositus Paradisi*. Contrahebat junior Tobias cum Sara, cociliavit hoc Matrimonium Raphaël. Contrahebat Assuerus cum Esthere. Ecce Zach. 1. *Respondunt Angeli qui stabant inter myrteta*. Myrthus ut scribit Plin. lib. 5. est arbor nuptiis sacra, & ipsa Esther alio nomine vocabatur Edissa, hoc est, myrthus. Sed etiam ipse Christus ubi est sermo de suis nuptiis in Apoc. *Uxor nuptiarum Agni*, se vocat Angelum. *Mensura hominis Christi, qua est Angeli*. Itaque nihil melius conjugibus quam si vivant inter se, ut vi-

vunt nobiscum Angeli, & eorum monita audiant, & hoc est quartum Matrimonium, adhæret enim relicto cœlo animæ nostræ Angelus ut vir uxori, sunt duo in carne una, non deserit usque ad mortem.

Imprimis Angeli non suspicantur de nobis. Venerunt semel tres ad Abrahamum, unum ille adoravit, num alii duo suspicati sunt per hoc se contemptos? Imò cogitârunt id Abrahamum prudenter facere clamabant peccata Sodomorum, jam hic non solum suspicari sed credere oportebat, at verò Angeli antequam puniant, prius descendunt, ut videant an ita sit. Didicit hanc virtutem ab Angelis, & in conjugio Abraham servavit. Accepta fuit illius uxor à Pharaone, nihil mali de illa suspicatus. Posuerat Michol in lecto Davidis sui mariti statuam illi similem, quid hinc suspicax diceret? At Michol hoc modo à morte Davidem eripuit. Quàm miser status, cum se nec movere loco, nec prospicere sine suspicione conjux potest, cum toties illud in detorto sensu auditur *Vulnerasti cor meum in uno oculorum tuorum &c.* Quoties aspicias per fenestram, toties vulneras.

Angeli nos in tribulatione solantur. De Matrimonio dictum. *Verumtamen ejusmodi tribulationem carnis habebunt. Est satis afflictionum.* 1. Cor. 13. *Si lingvis hominum loquar & Angelorum.* Quid in tribulatione loqui soleant homines, scimus. Sed quid Angeli? audite repleta erat tota domus fumo, Isai 6. At illi clamant, *Sanctus, Sanctus, Sanctus Dominus.* Debet solari maritus uxorem, ita non solum patienter adversa ferat, sed etiam ut iis laudet DEUM, ita fecit Manue Judic. 18. Ita Job.

Angelus ad bona opera inducit. Jacebat sub Junipero Elias, venit Angelus, excitavit, *Surge, comede, ambula.* Excitet vir uxorem ad S. Communionem, ad Orationem Zach. 4.

Angelus

*Angelus suscitavit me quasi virum qui suscitatur de semno suo. Sulciter uxor virum in cultu DEI sommolentum. Per uxorem fidelem sanctificatur vir infidelis, & econtra, sed quid si à bono avocet! vade retro Sathana, sicut Tobias reprehendit uxorem quando alienam rem accepit. Sed id modo suavi faciat ut Angelus, auctoritatem suam servet ad judicia, tribunalia. Prov. 31. Nobilis in portis vir ejus quando sederit cum senatoribus terræ, In portis olim fiebant judicia, in iis se ostendat Senatorem, sed domi sit maritus. Angeli nos docent, corrigunt, sed quomodo? Job Angelos vocat *astramatutina*, astra dum oriuntur, non statim sunt in altissima parte coeli, illuminant primò viles vapores terreos, paulatim calorem exerunt, nulum cum altero certat ut prius mundo compareat. Apoc. 5. vidit Agnum stantem tanquam occisum habentem oculos septem, qui sunt septem spiritus DEI. Angeli sunt oculi, sed simul aspiciunt Agnum occisum. Sit uxoris oculus maritus, sic custos: sed simul ipse respiciat quantum debeat Agno. Ita uxorem reprehendat, qualiter se optat reprehendi ab Agno ad cujus mortem concurrat.*

Amorem mutuum servant Conjuges. Pl. 103. *Qui facit Angelos suos spiritus, & ministros ignem urentem.* Ignei sunt Angeli propter amorem, ignis convertit in se lignum, imò & ferrum, amor in se omnia, hinc quæ amamus & pulchra & jucunda putamus, & nobis digna, & nobis æqualia. Cant. *Ecce tu pulcher es dilecte mi & decorus.* Hoc sponsa dicit, nihil illi pulchrum præter Sponsum. Est ipsi columna nubis & ignis dilectus, columna quæ duxit populum DEI, & hæc columna est ab exemplo Angelorum sumpta, quia in illa columna populi fuit Michaël. Sponsa nubes in actu sponsa, sponsa illuminat per diem, *Equitavi meo in curribus Pharaonis assumilavi te.* Angeli oppresierunt Pharaonem, & sponsa,

nemo ditior, nemo magis militaris quàm meus sponſus, illa ut Abigail defendit maritum, etſi fuerit Nabal, id eſt, ſtultus. *Equitatus meo aſſimilavi.* Id eſt, Angelis qui involantes in curruſ Pharaonis eos demerſerunt. Angeli amantes populum DEI.

Si ita fueritis imitati Angelos, erit *Angelus pacis vobiscum.* Eritis ſicut *duæ Olive in domo DEI & Filii veſtri ſicut novellæ olivarum.* Eritis ſicut *duo candelabra lucentia.* Erit Apoc. 1. *Gratia vobis & pax à ſeptem ſpiritibus qui in conſpectu DEI ſunt.* Quod dum vobis apprecor, verbis illis Tob. 5. utor. *Benè ambuletis, & Dominus ſit in itinere veſtro, & Angelus ejus comite- tur vobiſcum.*

De Eadem Benedictione.

Qualis eſt differentia inter ablutionem corporis cùm balneator affundit aquam, & inter ablutionem baptiſmalem: talis inter Matrimonium Ethnicorum & Chriſtiano- rum. Lotio balnei abluit corpus ſed non tangit animam: lotio baptiſmi abluit animam. Matrimonium Ethnici eſt contractus, qualem facimus quando cùm convenimus, da- mihi pannum v. g. ego tibo dabo pecuniam: fac iſtud pro me, ego pro te viciffim faciam. At inter Chriſtianos ſicut baptiſmus eſt Sacramentum ita Matrimonium. Baptiſmus eſt ſignum viſibile inviſibilis gratiæ, eſt & Matrimonium; ille confert gratiam ex Chriſti meritis, confert & iſtud; gratia verò DEI eſt talis, ut in quo reperitur, DEUS illi det cælum. Præterea attrahit auxilia quædam dum per Sacramentum accipitur, ut ope illorum homo plurimùm juvetur ad vitanda peccata, virtutum profectum. Propterea debet ad Matrimonium quiſque ſanctè accedere, eo fiet ut numerus ſervo- rum

rum DEI augeatur: accedant sanè Ethnici *sicut mulus & equus quibus non est intellectus*, quia illorum Matrimoniorum tam sanctum est atque mulum vel eqyvm emere. At non licet ad nostrum in peccato accedere, & si hoc fiat, novum committitur peccatum, & auxilia quæ aliàs conferret non confert. Et quia ipsi sponsi & conficiunt hoc (non Sacerdos qui solùm testis est & benedicit) & suscipiunt Sacramentum, ex utroque capite obligantur ut sanctè ad illud accedant.

Quoniam verò quodvis Sacramentum occultat in se aliquod DEI mysterium, sic, in speciebus Eucharisticis latet corpus & sanguis Christi. In Baptismo regeneratio in Filios DEI &c. In Matrimonio, Christi cum Ecclesia matrimonium. Ephes. 5. *Sacramentum hoc magnum, ego autem dico in Christo & Ecclesia.* Magnum est, quia aliorum Sacramentorum materia est aqua, vinum, panis, oleum; hujus verò ipsi vivi homines. Magnum, quia alia conficit homo unus, hic duo. Magnum quia alia possunt fieri in occulto & secretè, istud nonnisi publicè & cum assistentia non cujuscunqve sed proprii Parochi. In baptismo latet regeneratio in Filios DEI, in isto ipsum matrimonium Christi cum Ecclesia, per quod fit regeneratio. Hæ dignitates sunt Matrimonii, etsi ab aliis Sacramentis quoad aliqua etiam superetur, sistamus interim in hac, quòd Matrimonium Christi cum Ecclesia significet, hinc enim sument conjuges vivendi in conjugio exempla. Ab initio statim mundi hoc Christi matrimonium describebatur, apparabatur. Sumpta prima uxor de latere viri prænuñciabat nascituram Ecclesiam de latere transfossi Christi. Salomon Epithalamium scribebat. David cytharam parabat *Audi filia & vide* &c. Parochum in hoc Matrimonio agit S. Paulus. *Despondi vos uni viro*, idem ergo Paulus docet. *Christus est caput Ecclesia, vir mulieris.*

Est caput, non manus, quia manu percutimus: non pedes, quia hæc pars ignobilior, non oculus, quia nihil aliud faceret nisi uxorem observaret. Est caput, habet omnes sensus, caput, sed non in sui unius commodum verum totius corporis. Maritus videat, audiat, non solum quod sibi soli utile sed quod etiam uxori, illa verò obediat, nam si corpus vellet imperare capiti quis esset ordo? Talis certè, ac si vellet Ecclesia regere Christum.

Rursus idem Paulus *Viri diligite uxores vestras sicut Christas Ecclesiam*. Nunquid pauci sunt in Ecclesia mali, num ideò malam appellat Christus Ecclesiam? Imò *Maculam non habentem neque ragam, neque aliquid hujusmodi*. Quia non respicit maculas, *Nescio ves*, & illos convertit in sanctos, quæ corona Ecclesiæ? *Veni coronaberis de capite Amanæ, de vertice sancto & Hermon, de cubilibus leonum &c.* Sunt montes anathemata, speluncæ færentes. Sed videte dum hanc coronam imponit sponsæ. *In capite ejus corona duodecim stellarum* diffimulet maritus quædam, & alia corrigat in charitate, & meminerit quòd *charitas operit multitudinem peccatorum*. Apud Judæos concessum fuerat dare libellam repudii, Sanctius apud nos est Matrimonium, Christus regit Ecclesiam sed in omni amore, errare non permittit sed non pedibus proterit. Exprobravitne unquam Ecclesiæ inæqualitatem gane ris? Imò *tradidit semetipsum pro ea*. Fuerit uxor mancipium antea, si est uxor jam est amore & honore digna. Mancipium fuit Esther sed postquam nupsit Assvero, jam summus Princeps Aman nihil est præ illa. Conjugium à jugo dicitur, quia apud Romanos in desponsatione jugum imponebatur, jam conjuges in eodem sunt jugo. Dives maritus jam & uxor dives, ita Christus sponsæ. *Multa Filie congregaverunt divitias tu supergressa es universas*. *Volat in gloria maritus ut nubat,*
bium

bium à nubibus dicitur, jam & uxor volat. *Theſaurus uxoris vir, viri uxor*, ad hoc annulos ſumitis quibus vos obſignetis, annulus datus eſt filio prodigo & ſtatim ex indigno factus eſt dignus. Hic Amor non debet habere finem ſicut neque annulus habet: Jam uxor eſt viri corpus, jam dolori ſi accider, idem ſenſus: jam pars una iuvat alteram: accipiat vulnus pars una cùm quanta lenitate applicat emplaſtrum alia? In *Chriſto unum eſt & Divinitas & Anima. Et erunt duo in carne una*, duæ animæ, eſi una caro, tamen ſumma in Chriſto conſenſio Divinitatis cum anima, licet utraque ſuam liberam habeat voluntatem ſumma tamen eſt concordia, neque natura dignior improperat viliori, neque vilior in formidine, cohabitatur.

Supereſt ut vobis dem Benedictionem, do illam ipſam, quam dat Eccleſia &c.

Tempore Nundinarum.

DUM homines ſuas nundinas exercent, etiam Dæmones, & DEUS ſuas, ſed dæmon adhibet merces quæ patent ſenſibus noſtris, id eſt voluptates viſûs, auditûs &c. DEUS illas quæ intellectu ſolùm conſpici poſſunt, cælum, gratiam, virtutem. Uterque non aliam requirit pro mercibus ſuis pecuniam quàm noſtram animam.

Dum voluptates ſenſuum prohibitas à dæmone emimus, animam noſtram illi in ſervitutem tradimus, nec enim illam ſi emerit, tractare aliter novit quàm mancipium, ut ſi Barbari capiant filiam Principis, illa vult ſpeculum, jubetur accipere ſcopas ut verrat ſtabulum: vult in lecto quieſcere, jubetur in nuda humo: vult cibos exquisitos, jubetur ſcapulas nudare ad plagas &c. Aug. prop. 42. in epiſt. ad Romanos

in illa verba. Ego carnalis homo venundatus sum sub peccato ita ait. *Quod intelligitur perinde quasi unumquisque peccando animam diabolo vendat, accepto tanquam pretio ipsa voluptatis dulcedine.* Sic animam suam vendidit Acham pro auro quod tulit de anathemate Jericho. &c. Jam ergo non remanet homo juris sui. Si Barbaro te venderes, solum corporis tui esses Dominus, dæmon autem animæ, & si putes te esse liberum. Vide annon sit servus cui dæmon tuos præsidēs imponit? An liber est ille cui mulier imperat, à quo si aliquid poscat, dandum est illi, si vocat veniendum, si ejicit abeundum; si minetur extimescendum? Ita jubet libido, fac, facit &c. Isti sunt vicarii quos dæmon emptæ à te imponit animæ. Sed nulla servitus turpior quàm illa in quam se quis sponte vendit cum esset liber, quid si insuper pessimo se vendat Domino qualis est dæmon? qui domum vendit cogitur ex illa exire, quid qui seipsum? Exulet inde recta ratio &c. Poterant per leges, ut scribit Hali lib. 2. antiquit. Roman. filios vendere: poterant Atheniensis ut Plutarch. in Solone, his sustulit hanc legem Solon. Constantinus Romanus prohibuit vendere in perpetuam servitutem. Quod tandem in totum abrogatum est. Et nos vendemus nos ipsos? Christus eos qui vendebant columbas in templo ejicit, quid faciet de iis qui vendunt animas? Maximè cum hæc venditio animæ toties confirmetur quoties peccatur. Avidè huic emptioni dæmon inhiat, quia tanti unam æstimat animam ut pro illa daret omnia regna mundi, ut patet in Christo, cui offerebat si ille peccaret, & nos eam pro una voluptate, & quidem cujus nos pudet, vendimus? Planè agimus ut Judas. *Quid vultis mihi dare ut eum vobis tradam?* Arbitrio emptoris pretium comittimus, DEUS ita animam æstimat, ut dixerit. *Quid prodest homini si universum mundum lucratur & animam*

animam suam perdiderit? Lyca in Matth. 16. *Anima rationalis imagine Trinitatis insignita pretiosior est omnibus terrenis.* Vita nostra est nobis tanti ut Chrylost. in 16. Matth. apud Lyran. dicat. *Esi decem millia diademata corpori insanabiliter aegroto circumposueris, non curat: sed & si decem millia diademata corpori offeras & circumponas hanc conditione ut lethaliter vulneretur, nullus homo ea curat.* Hæc omnia sunt vera, ita amamus vitam. Anima verò est hujus vitæ principium, cur illam vilissimo pretio in mortem æternam vendimus? Christus pro hac margarita omnia sua dedit. Si tibi dæmon daret pro anima omnia regna mundi, adhuc parvo illam venderes. Job. 2. ait dæmon. *cuncta dabit homo pro anima sua ita ille judicat & facimus hæc pro vita temporali, cur non pro æterna?* Proverb. 26. *Pretium scorti vix est unius panis.* Idem de aliis peccatis, quia delectatio tam brevis atque dum panis per guttur transit & finis utriusque idem. Avaritiæ voluptas tota est in solis oculis, aut in memoria quia cogitat se habere. Honores toti in eo quia te alii vident, uno verbo Ilai 52. *Gratis venundati estis & Ps. 45. Vendidisti populum absque pretio.*

Vendamus potiùs Christo. *Apud Dominum copiosa redemptio:* Solus potest dare pretium quòd animæ nostræ æquivalet & superet. Se ipsum dabit, cujus imago tam pretiosam facit animam, dabit ut per illum vivamus, eadem felicitate cum illo fruamur. DEUS se dat pro tua anima tibi, quæ quia vident Angeli beati sunt, DEUS cujus opes nulla explicare lingua potest. Christus dat se tibi ut serviat tibi. *Transiens ministrabit ipsis.* Dominus mancipio. DEUS qui dæmonem cruciat in æternum & voluntate solâ potest in nihilum redigere, & modò agit ante se in triumpho. Abac. *Egredietur diabolus ante pedes ejus.* Ubi tunc erit pretium pro quo te emebat dæmon? *Viri divitiarum dormierunt somnum suum & nihil invenerunt in manibus suis.* Videbis eos qui se dæmoni

vendiderunt factos veluti locustas. Apoc. 9. *De fumo putei exierunt locustæ Facies earum quasi facies hominum, videntur homines sed sunt bestię. Habebant capillos sicut capillos mulierum* Ecce luxuriosi, capilli sunt cogitationes juxta Aug Greg. Hęc de mulieribus. *Dentes eorum dentes leonum, Ecce rapaces. Vox aliarum earum sicut vox currum, equorum multorum currentium in bellum, ecce iracundi. Habebant caudas similes scorpionum, ecce adultores. Habebant supra se regem, Angelum abyssus cui nomen exterminans. Ecce emptor illorum. Quo fructu empti? exterminati ut sint extra terminos omnis boni. ò quæ lamentatio illorum? O quoties, Ergo erravimus? Nazianz, *Ætas vitæ dies est mercatura magna. Omiseri venditores? Si tibi DEUS daret pro te aliquod regnum, dares te ipsi forsitan, nunc dat se pro te: ita ut eo vivas. Aug in Pl. 70. conc. 2. Sicut vita corporis est anima, sic vita animæ DEUS. Ex eo fit quod quidem minus est, sed tamen magnum, quod Chrylost. hom. 56. in Genes. Adveniens Christus eam virutem in hominibus plantavit ut ex hominibus Angelos faceret.**

In die Cœnæ Domini ad Homicidas.

QUO titulo vos compellabo? dicam Filios prodigos, sed ille propriam substantiam, vos alienum sanguinem & vitam prodigastis. Dicam oves Christi errabundas, vos lupi discerpsistis oves Christi, dicam rebelles DEO qui illius imaginem concerpistis, ad imaginem quippe DEI factus est homo, quodsi illi regulæ insistam. *Non dimittitur peccatum nisi restituatur ablatum, vos nunquam ad vitam revocabitis eos, quos occidistis, quibus vitam abstulistis. Cælum nobis sub imagine scalæ Jacob DEUS proposuit, volens ascendere ex illa vos deturbabunt quos interemistis, & clamabunt, tu*

me

me occidisti, tu me in sepulchrum misisti, ego te in infernum detrudam, Orabitur, sed effusus sanguis clamabit contra vos de terra, sicut Abel sanguis, & clamore suo vestras orationes obruet. Levabitis manus in cœlum, *Sed manus vestrae plena sunt sanguinem.* Oculos attolentis, attolunt illos ad Crucifixum, cui dixit ille, *non peperci non parciam.* Nolo tamen ut dicatis cum Caino. Major est iniquitas mea quàm ut illam mihi dimittat DEUS. Ascendite scalam Jacob. *in quacunque hora ingemuerit peccator dimittentur ei peccata, restituite quæ debitis propter homicidium.* In vertice scalæ vidit Jacob DEUM. DEO Patri obligatus ille, qui contra omnipotentiam peccavit per fragilitatem; Filio quæ fecit per insipientiam; Spiritui S. quæ per malitiam. Obligatus Christo qui ejus occidit Fratrem; B. Virgini, Sanctis, quos offendit. Manus vestras implevistis alieno sanguine per eadem, implete vestro per flagellationes, oculos vestros lacrymis implete. Leo est Christus Apoc. 5. vindicabit, sed super obstinatos qualis fuit Pharao, cum poenitentibus aget mitius; quercus securi scinditur, flores manu decerpuntur. Propterea Isai. 1. *Va genti peccatrici.* Idem va intonat Jer. 4. Ezech. 13. Oseæ 7. Micheæ 1. Abacuc 2. & in Sophonia. At verò aliis, 2. Tim. 4. *Obsecra, argve, increpa.* 1. Cor. 10. *Obsecro vos.* Ambr. in Luc. 9. *Alii sunt terrores Prophetici, alia suasiones Apostolica.* DEUS in igne apparebat. Philo lib. de Decalogo *Ignis malos urit bonos illuminat.* Propterea Isai. 11. *Exredietur virga de radice Jesse, & flos de radice ejus ascendet virga non verè poenitentibus, flos contritis corde.* Aug. serm. 69 de tempore. *Qui verberibus indiget, ad eum exredietur in virga, qui autem proficit ad justitiam ascendet ei in florem.* Dicit de peccato dolentibus, *Beati dicet obstinatis, va vobis.* Audient poenitentes Pl. 7. *Qui salvos facit rectos corde.* Audient obstinati *Nisi conversi fuerint*

fuertis gladium suum vibrabit, arcum suum tetendit. Expectatis ut vos percutiat virgâ sicut Moytes petram, ut sic tandem fluant aquæ lacrymarum Exod. 17. Percutiet & confringet ossa vestra, percutiet ut Pharaonem & in mari demerget. Non fecit Jerosolyma Prophetis monentibus quod fecit Ninius & periit. Vertetur hæc vobis in serpentem virga, sicut versa est virga Moysis Pharaoni. Occidistis, sanguinem effudistis, sanguis de manu vestra exquiritur. O poenitentes percutimini virgâ Episcopi Jer. 5. Percussisti eos & non doluerunt, attrivisti eos & noluerunt accipere disciplinam, induraverunt facies suas supra petram, & noluerunt reverti. Sicut Baltasar etsi videret scribi, Mane Thecel, Phares. Peribunt sicut Baltasar, non restituitis DEO quæ abstulistis ipse sibi de vobis, de vita vestra, de substantia vestra, restituet. Convertimini ad Dominum DEUM vestrum.

Cùm ostenta in coelo apparent, v. g.

Cometa.

IAM de coelo nobis DEUS concionatur, non verbis, sed signis, hic possum dicere. *Qui habet aures audiendi audiat.* Explicabo hæc voces.

Non semper damni signa sunt Cometa. Apparuit instar Cometæ, stella cum Christus nasceretur. Tempore Augusti Imp. ut scribit Sueton. fuit insignis Cometa, & accepit ex consilio sapientum illum in omen fortunæ, & secuta est pax universalis. Idem scribit Festus, nam Cometa ex se cur potius mala prænuntiet? sunt alia signa in aëre quæ clarius prænuntiant mala, circa annum 1610. ignes in aëre & columnæ mala belli prædixerunt, venti insoliti, diluvia, afferunt, non solum

solùm significant mala, cur non ita sunt terrori ut Cometa? quia causa eorum scitur. Causa Cometæ in aëre est vapor terreus accensus. Cometæ qui est in coelo alicujus Planetæ, est fumus ejusdem planetæ in nubem coactus, per quem transit radius solaris, & sicut in densiore apparet, (vide meam Meteorologiam) Si ergo est inferior Cometa, materia illius prius fuit in terra, & si tunc non nocet, multò minùs ita elevata nocebit. Superioris Cometæ est materia eadem quæ Planetæ, itaque nihil diversum à suo Planeta efficit. Præterea, inferior ardet, omne verò venenum ignis absumit, si verò essent fumi magni cum ardet, iique nocivi, utique eos videremus de die. Si pars materiæ noxiæ in terra manet, certe pars major abivit in altum. Tamen Cometa ut à DEO assumitur, potest varia significare, nam DEUS nihil frustra fecit; Solem & lunam non solùm ad ornatum, sed etiam in signa & in tempora fecit, ut sint ejus beneficiæ signa, unde Psal. *Cæli enarrant gloriam DEI, & opera manuum ejus annuntiat firmamentum & quidem ad eò, ut dixerit. Non sunt loquelæ neque sermones eorum, quorum non audientur voces eorum.* Et quidem non per voces sed per signa loquuntur ut ab omnibus intelligantur, & si quotidiani Planetæ sic loquuntur, quid Cometæ rari? Eclipsis terret, quid novæ stellæ? certe aliquid insoliti, ante pœnam solet DEUS præmonere.

Nos advertimus quòd in nobis sint multa digna pœnâ, quomodo non timebimus? Creatura est pro Creatura, *Pugnabit pro eo orbis terrarum contra insensatos*, quæ modò ad illius amorem ducit, docet ut Magistra, postea punit, & hoc cæleste flagrum est vehementius quovis terrestri. A nobis tamen fumi prodierunt ex quibus ignes in aëre, & alia ostenta constant. Quare Jeremias ubi monet bonos à signis cœli, ita loquitur. *A signis cœli nolite timere quæ metuunt Gentes mali. Ti-*

morem' *faciant ea facientibus suis.* In terra faciunt Cometas, ignes, columnas &c. Ex Sodoma ascendebat materia ignis in coelum. *Ascendit ad me clamor Sodomorum. Peccatum eorum aggravatum est nimis* non advertuat sua peccata ascendere in coelum. Fortè Cometas describit in Apoc. Cùm oculus Domini pingit emittentem flammam, cum ex ore ejus prodeuntem gladium, unde hæc? Oculi flagrant nostris peccatis, collegit ex nobis ignem, in nos refundet. Fortè & hic Cometa est oculus tuus ardens O Domine: fortè os emittens gladium, nos hæc fecimus, in nos ea vertis, & præmones. *Dedit eis significationem ut fugiant à facie arcus.* Sed ut verbum DEI non in omni terra facit fructum ita hæ voces reales, alios poenitet &c. Visi & aliàs in Polonia, sed nihil mali attulerunt quia agebatur poenitentia. Visus anno 1301. & superata à Polonis Russia. Anno 1314. duo Cometae visi, coepit fides inter infideles ope Crucigerorum. Anno 1362. nihil mali attulit Cometa grandis. Anno 1432. visus Cometa, & nihil aliud secutum præter mortem Ducis Litvaniæ Swidrigieli, qui sine Cometa mori poterat. Anno 1434. secuta mors Jagellonis Cometam, sed ferè centenarius erat senex. Anno 1475. Cometam nihil secutum. Fuit Cometa anno 1531. Fuit & Anno 1577. sed post priorem vicimus Moldaviæ Ducem: post posteriorem Moschos. Unde id? quia sciendo quòd Cometa non plus possit quàm DEUS velit, agebant poenitentiam, quare facilè ibi erat divinare de bono eventu.

At modo granum cadit secùs viam, in petram, in spinas Cùm exercitum vincimus animat, jurè timemur. Stellas scriptura vocat *Militiam cæli, Custodiam,* exercitum DEUS auget, jungit Cometas stellis. Nobis videtur bellum intentari, nobis Cometa similis factus ex debili vapore, fumo. Vita nostra fumus in nobis contingò consumitur humiditas, deficit

& Cometa. Cometa est stella falsa, lucet, sed non diu. Videtur aliquid cum sit vapor, quare superbis minatur: sunt in se obscuro nitere volunt per ostentationem, hypocrisim, his Cometa dicit. Videtis me, clarior sum quam Luna, sum terrori, paulo post nec locum meum in caelo invenietis Apoc. ostentatores specie stellarum de caelo cadentium pingit. *Et visum est aliud signum in caelo, & ecce draco &c. & in capitibus ejus diademata septem, & cauda ejus trahebat tertiam partem stellarum caeli, & misit eas in terram.* Draco in coronis, stellas detrahit, an ita debiliter affiræ ut non sit opus unguibus? non erant veræ stellæ, sed veluti Cometæ, vani homines, facile dejiciuntur. Tales appellat S. Thadæus in Epist. *Fluctus feri maris despumantes suas confusiones intentio eorum spuma quæ deficit.* Sed nitent, videas alium orationes longas texere, alius dat eleemosynas, alius jejumat, doctus, dives, honoratus &c. Quomodo *flutus?* potius stella, est stella, sed falsa. Orat, sed etiam diffamat; largitur, sed est usurarius, jejumat ut videatur, docet non facit, exemplaris est sed ut laudetur. Dives sed ex raptu, honorem digniori præripuit, & eo abutitur, lucet sed ut cometa.

Vilioribus tales comparavit Isaias, misit eum DEUS ad duos Principes, hæret, dicitur ipsi. *Ne timeas à duabus caudis titionum fumigantium.* Non diu lucebunt ut titio fumigans, Fortè Propheta attulit illis titionem, videte. Modò non titio sed Cometa ostenditur, non timent qui cavent ne sint falsæ stellæ, non prodest lucere coram mundo, boni si lucent, non quærunt hoc. *Fulgebunt justi & tanquam stelle in arundineto discurrent.* Sed ut scintilla, tales se credent. *In arundineo,* recordabuntur se esse arundines fragiles. His non nocebit Cometa, non impugnat humiles sagitta, non dirigetur ad nimis exiguam metam. Cometa quasi stella, Cometa,

unde etiam vocatur crinita stella, ex hoc divinaret cum Ezechiele 5. *Sume tibi gladium acutum radentem pilos, & duces eum per caput tuum, & assumes tibi stateram ponderis, & divides eos, tertiam partem igni combures in medio civitatis &c. & assumes tertiam partem & concides in circuitu ejus, tertiam vero aliam disperges in ventum, & gladium nudabis post eos, & sumes inde parvum numerum, & ligabis eos in summitate pallii tui.* Si capilli significabant ignem, carcerem bella: ne tota Cometæ cauda idem significat, nisi resipiscamus. Jam id factum in Provinciis hujus Regni. Cauda Cometæ quasi capilli muliebres, norat degeneres à virtute Majorum mascula, nitor muliebris intrat. Nolumus audire Concionatores ut convertamus, jam alii Concionatores ducendi usque Constantinopolim captivos nobis prædicant, pellamus aves quæ devorant in corde nostro semen verbi DEI. Vultur hic est corvus Promethei, dirumpamus vincula, pelle ipse Domine has aves,

Ut horas Index in horologio, ita Cometa ostendit nobis quid DEO debeamus. Non advertimus ubi primò comparuit Cometa, fortè DEUS abscondit ut tantò magis timeamus, Dicent Astrologi comparuisse in tali & tali signo, sed sæpè hæc divinatio fefellit. Punit DEUS eos qui malâ vitâ exprimunt tale signum cæli, sunt hæc modò peccata, non est contractus, non est confessus absque peccato. Mittit DEUS Ezechielem ad Judæos ut illis exprobrat peccata ut convertat, dat illi modos qui penetrent corda. Imprimis iussit illum devorare librum, ut quod deinceps prædicaverit, ex intimis prædicet, deinde jubet ut in laterculo depingat Jerosolymam, & circa eam obsidionem ordinet, deinde per plurimos dies uni incumbat lateri jubet, & per plurimos alteri, & interim non alio vesci pane quàm sordibus humanis infecto

infecto Jabet producere bulliens ahenum. Curita? quia
 pramonuit DEUS. Populus hic fallax, dolosus, infidus ut
 tecum, ita cum DEO agit ostendit se ejus laudatorem, audie
 conciones in speciem, *Cum scorpionibus habitas* alia versio,
Quoniam spina & rebelles tecum sunt. Nemo spinas conjun-
 get, hæc spina sufficiant verbum DEI: cum efflorescit maxi-
 mum est gelu, uvas acerbas habet et si botris similes. Hoc
 malum invaluit, & contra illud DEUS jam non verbis uti-
 tur, & dat signum quod nos omni modo puniet. Pasim Ju-
 dæi, Hæretici Apoc. describit quendam Cometam. *Vidi stel-
 lam de cælo cecidisse, in terram.* Videtur Cometa, qui dum
 deficit quasi cadit & moritur, *habebat clavem putei*, id est, re-
 rum absconditarium sed noxiarum, quia. *Et aperuit puteum
 abyssi &c.* *Et de fumo putei exierunt locustæ in terram, & data
 est illis potestas sicut habent scorpiones terræ* ex fumo qui abscon-
 ditavit fidem prodierunt. Locustæ gregatim volant & ince-
 dunt, postea secum pugnant, & consumptæ loco in quo e-
 rant, abeunt. Talia illarum sunt comitia. Ita homines & per
 hoc consumantur pauperes, in scorpio tota vis in cauda, deest
 caput, non incipiunt à DEO. *Et similitudines locustarum simi-
 les equis paratis ad prælium.* Quomodo? similitudo est pseu-
 dopoliticis, hominis boni per fortio. *Et super capita eorum
 tanquam corona similes auro.* Quisque jactat libertatem,
 nullum superiorem volunt, sed hoc aurum est fictum ex stram-
 mine, scintilla exurit, alii afflicti ab illis, putant eos esse liberos
 sed non Pagani qui eos ligant. *Et facies eorum tanquam facies
 hominum, species & fucus pulcher.* *Et habebant capillos sicut
 capillos mulierum,* cogitationes muliebres vanitas. *Dentes eo-
 rum sicut dentes leonum,* cum se invicem lacerant, cum pau-
 perem. *Cauda scorpionum,* Cavendum nè Cometa talem
 caudam habeat, projiciat DEUS hos scorpiones in oleum,

ut fiat medicina. Sit remedium contra injustitiam. *Mendaces Filii hominum in stateris suis.* Sed in cœlo vera statera in qua apponimur. Quales sumus Christiani, Judices &c. sicut Baltasar. *Numeravit DEUS regnum tuum, appensus es in statera. Et inventus es minus habens, divissum est regnum tuum &c.* Tantum effecit apud DEUM abusus vasorum sacrorum, convivium insolens, an parceret rapienti bona Ecclesiæ, vel iis abutenti? luxui? Appendit justitias. In libra cœlesti, in una lance unus scorpionis, id est in alia alius, & modò ponderant manus, qui plus dedit ille justior. Justitia est ut semen in via, calcatur, est via ad promotiones, favores, regna quæ servant justitiam crescunt, eâ deficiente deficiunt.

Cometa non calefacit, exprobrat nobis frigiditatem in rebus DEI, propterea verbum DEI cadit in petram quæ mandat frigere. *Ab interioribus egredietur tempestas & ab arcturo frigus.* Incipit in corde frigus, nam oritur hæresis, Atheismus, Machiavellismus, inde turbæ, seditiones, quomodo amabit proximum qui non amat DEUM. Possent adhuc dici aliqua ex motu veloci vel tardo. Oremus ut Decus omnia convertat in bonum.

Ad Afflictos.

INtravit Esther ad Assuerum, tetigit illam virgâ, dum virgam cogitas, quid malum putas, salus fuit Estheris, nisi eam tetigisset, periisset Esther. Attigit vos suâ virgâ DEUS, non aliud cogitate nisi salutem Isai. ii. *Egredietur virga de radice Jesse.* Jesse significat incendium, sed amoris Divini; inde ista virga egreditur. Cant. i. *Labia ejus distillantia myrrham.* Nimirum DEUS suos dilectos in hoc mundo labiis suis osculatur myrrham stillantibus. Dum affligit nos excollit.

excolit. Joan 15. *Pater meus agricola est, omnem palmitem non ferentem fructum, tollet eum: & omnem qui fert fructum, purgabit eum, ut fructum plus afferat.* De quo Greg. lib. 7. Epist. 32. *Palmus infructuosus tollitur, quia peccator funditus eradicatur, palmes verò fructuosus purgari dicitur, quia per disciplinam reciditur, ut ad uberiorem gratiam perducatur, sic enim spicarum grana tribulis attrita aristis & paleis nudantur, sic olive prelo presse in olei pinguedinem defluunt, sic botri vinearum rufi calcibus in vinum liquecunt.* Aug. in Pl. 21. *Intelligat homo Medicum esse DEUM, & tribulationem medicamentum esse ad salutem, non pœnam ad damnationem, sub medicamento positus, ureris, secaris, clamas, non audit medicus ad voluntatem, sed audit ad sanitatem.* Solatia sunt istæ afflictiones si bene inspiciantur Greg. 26. Moral. 17. *Nostrum est hic flagella percipere quibus servatur de æternitate gaudere Heb. 12. Flagellat omnem filium quem recipit. Apoc. 3. Ego quos amo, arguo, & castigo. Deinde nunquam DEUS castigat, quin simul paret solatia, sit exemplo Job. de quo Aug. serm. 224. de tempore. Pœnâ fugatâ revertitur sanitas, & cicatricibus felicior redditur medicina. Celerius curat Dominus quàm vulnerat inimicus, in gaudia gemitus vulnera migravere, & in fossis vulnere numerabantur, monumenta victoria.* Hæc de solatio temporali, sed majus est, quia injustè afflictus & patienter propter DEUM tolerans, non solum jus ad cœlum accipit, sed possidere illud in terra incipit. Matth. 8. *Beati qui persecutionem patiuntur propter justitiam, ipsorum enim est regnum caelorum.* Non dicit, erit, sed est. Non solum quia paratum est pro illis ab origine mundi, sed quia coeperunt in possessionem ejus intrare, jam portant thesaurum in vasis fictilibus. Orabant leprosi sanitatem &c. annuit, sed cum Mater pro filiis Zebedæi Matth. 20. petit thronum, respondit, *non est meum dare vobis.* Quare hoc?

Basil. orat. 24. Dominum sic respondentem inducit. Si le-
 profus curationem quarit, virtutem exero: si mortuum ex tumulo
 resurgere necessum est, potestatem expromo. Quodsi thronum
 quis petat & regiam potestatem quarat, fufum pro pietate sudorem
 pro testibus reposco. Quare hic reposcit? quia jam hic datum
 coelum. Terculli. ad MM. Animus vester est in caelo. Ampli-
 us est, quia tribulatio custodit hoc jus coeli, S. Th. in 4 dist.
 16. Tribulationes non solum peccata purgant, & à peccatis preser-
 vant, sed meritum etiam augent. Quæ duo postrema jus coeli
 muniunt ac roborant. Hoc ipsum tali similitudine explicat
 S. Ephrem Orat. de recta vitæ ratione. Lateres crudi sunt fra-
 giles & invalidi, iidem igne concocti tam validi sunt, ut igni simul
 & aqua resistant. Propterea dicit scriptura. Bonum est magis
 ire ad domum luctûs quam ad domum convivii. Rationem hu-
 jus dat Bern. in ramis palm. serm. 2. Licet enim multos fran-
 gat adversitas, tamen multò plures extollit prosperitas, sicut scri-
 ptum est Ps. 90. Cadent à latere tuo mille, sinistro scilicet, per quod
 signatur adversitas: & decem millia, id est, multò plures, à dex-
 tris tuis, in quibus prosperitas designatur. Copiosius hoc ipsum
 exponit Greg. Pastor. part. 3. Qui sanari posse creditur, à
 multis qua appetit prohibetur, & pueris nummos subtrahimus, qui-
 bus tota simul patrimonia hereditibus reservamus, nisi salvandos in
 perpetuum cerneret, erudiendos sub disciplina regimine Divina
 dispensatio non franaret. Plerumque etiam Justis cum tempora-
 lis potentia sustollit, velut in laqueum culpa comprehendit. David
 DEO amabilis rectior fuit in servitio, quam cum pervenit ad re-
 gnum. Quis inter hæc sine magni laboris discrimine salvabitur, si
 ille David in his culpâ interveniente turbatus est, qui ad hæc fue-
 rat DEO eligente preparatus? Salomon &c. nihil in hoc mundo
 priusquam caderet adversitatis habuisse memoratur, sed concessa
 sapientiâ funditus cor deseruit, quod nulla vel minima tribulationis
 disci-

disciplina custodivit. Basil. Orat. Quòd non est DEUS au-
 thor malorum. Divitias eripit ab iis qui malè eis utebantur, in-
 strumentumque illis injustitia fuerunt. Morbum inducit iis qui-
 bus magis expediebat habere membra malè impedita, &c. Hoc
 signum est quòd piè vivamus, si patimur innocentes. 1. Tim.
 3. Omnes qui piè volunt vivere in Christo, persecutionem patientur.
 Neque circa alios quid boni agimus. Greg. lib. 7. Epist. 27.
 Qua in re ego fidenter dico, quia minùs piè vivis, si minùs persecu-
 tionem pertuleris. Idem in verbo 1. Thessal. 2. Ipsi scitis Fratres in-
 vroitum nostrum, quia non inanis fuit, sed ante passi, & contume-
 liis affecti. Ecce pradicator sanctus ingressum suum vacuum fuisse
 perhibuit, si contumelias non pertulisset: & tu dicere bona vis, &
 mala perpeti recusas? Studium bonæ operationis plus ipsa ad-
 versitas augeat, sic semina messium gelu cooperta uberius germi-
 nant: sic ignis flatu premitur ut crescat, redeat quod Ps. 180. Ex-
 audiri te in abscondito tempestatis, probavi te ad aquam contradi-
 ctionis. Si inter contradicentes quæ DEI sunt egeris, tunc verus
 operator probaris. Dum patimini, hoc solum curate ut laudem
 DEO reddatis, Aug. 1. Civit. 8. In eadem afflictione mali
 DEUM detestantur, atque blasphemant: Boni autem precantur &
 laudant, tanti interest non qualia sed qualis qui que patiatur; nam
 pari modo exagitarum exhalat horribiliter cænum, & suaviter
 fragrat unguentum. Febris est peccatum, tebris tua avaritia
 tua est, febris libido, DEUS percutit venam ut sanet, tollit
 sanguinem divitiarum per hostem &c. Hoc solum superest
 sanandi te remedium. Aspis mordet, adhibetur ignis. Ter-
 tull. adu. Prognos. cap. 5. Medicus urit & secat ut sanet, lice-
 bit & DEO ad perennem vitam per ignes & gladios & acerba
 quaque curare. Tormentis tormenta discutit, quod servitiam putas
 gratia est. Oremus etiam pro nostris persecutoribus, sicut
 est apud Tertull. in Apologetico c. 30. In cælum suspirantes
 Christi-

Christiani manibus expansis, quia innocentes: capite nudo, quia non erubescimus: sine monitore, quia de pectore oramus: precamur semper pro imperatoribus, vitam illis prolixam, imperium securum, domum tutam, exercitus fortes, Senatam fidelem, populum probum, orbem quietum. Quacunq[ue] hominis & Caesaris vota sunt. Sic itaque nos ad DEUM expansis ungula fodiant, cruces suspendant, ignes lambant, gladii detruncent, bestia vorent, paratus est ad omne supplicium ipse habitus orantis Christiani. Hoc agite boni Praesules, extorquete omnia DEO supplicantem pro Imperatore. Hic erit crimen, ubi veritas & DEI devotio est.

Ad Moniales.

Magnam consolationem Matribus quæ habent Filias in monasterio, S. Hieron. lib. 1. adu. Jovinian. eruit ex verbis Apostoli. *Mulier salvabitur per filiorum generationem, ex quo sic. Nam si salvatur mulier in filiorum generatione, & liberorum numerus Matrum est salus, cur addit, si permanserint Filii in fide & caritate & sanctificatione cum castitate, vulgata legit, in sobrietate, Sed Hieron. ex Græco contendit, legi debere in castitate. Tunc ergo salvabitur mulier, si eos filios genuerit qui virgines permansuri sunt si quod ipsa perdidit, aquirat in liberis, & damnum radicis & cariem flore compensat pomi. Hoc maximè locum habet in Monialibus. His est fides maxima, dum relinquunt omnes opes, quia Christus dixit. Beati pauperes spiritu &c. Quia ut Bern. serm. 3. de Nativ. Christi. *Vae vobis divites qui habetis consolationem vestram, ut non mereamini habere caelestem. Volucres cœli habent hic nidos, vulpes foveas, sed nihil in cœlo: Filius hominis è contrà non habet, ubi caput reclinet, nec domum propriam habet, totum verò habet in cœlis.* Hieron. in Luc. 16. ex occasione Divitis Epu-
lonis.*

lonis. Difficile imò impossibile est, ut & presentibus & futuris quis fruatur bonis, ut & ventrem hic & ibi mentem impleat, ut & de deliciis ad delicias transeat, & in utroque seculo gloriosus appareat, Unde S. Epictetus Præsbyter ut est in ejus vita. *Aurum hoc, fili quod videtur, non est verum, sed est quedam vanitas phantasia, per quam in hoc mundo illudantur anima iustorum.* Hanc illusionem evadunt pauperes Christi qui nihil habent, & ea quibus utuntur, non illorum sunt, atque adeò illa æstimant, conservant, tractant ut res Christi ab illo sibi ad usum tuò datas unde Basil. in instit. Monach. cap. 55. *Qui contemnit res monasterii velut sacrilegus judicandus est: & qui perdit per negligentiam ipse simile crimen incurrit, propterea quòd omnia que ad usus servorum DEI deputata sunt, sine dubio consecrata sunt.* B. Jordanus de Saxonia Ord. Eremit. S. Augnst. fusè ostendit, quòd proprietates DEUS malà & insperatà morte punit. Et hujus rei plura adducit exempla, incipiendo à Juda, qui proprium habuit, quia fur erat. deinde Act. 5. de Anania & Sapphira. In vitis PP. p. 2. § 20. Apud quendam mortuum reperti sunt centum solidi, S. Macarius &c. Isidorus & cæteri seniores statuerunt, ut cum illo in sepulchrum injicerentur, acclamando. *Pecunia tua tecum sit in perditionem.* Ibid. § 64. S. Antonius cùm sciret de quodam Monacho quòd sibi aliquid reliquisset, iussit eum circumligari carnibus, & in eum canes immitti, & dixit. *Quicumque renuntiant seculo & volunt habere pecunias sic à demonibus lacerantur.* Hac cæremonià jactandi in sepulchrum pecuniam cum mortuo, & acclamandi. *Pecunia tua tecum sit &c.* Ulus S. Augustinus cum Januario Monacho serm. 53. ad Fratres, & Greg. 4. Dialog. c. 55. sepeliebantur autem in sterquilinio & hoc ipsum fieri debere statuit Jus Canonicum in Decretali de statu monachorum cap. *Cùm ad monasterium.* Ubi etiam prohibetur ne pro-

ralibus offeratur Missæ sacrificium. Plura de hac materia, in promptuario Exemplorum Discipuli, & apud Gviliel. Peraldum Episc. Lugdun. in summa Virtutum & vitiorum tom. 2. cap. 19. Et Gerson. speciali tractatu.

De Caritate quod maximam habeant ad DEUM Moniales constat ex eo, quia quod carissimum, & auro pretiosus habuerunt, scilicet suam libertatem, illi donârunt per Obedientiam. Est charitas mutua, quia per paupertatem ablatum est *Meum ac Tuum* ex quo omnes lites oriuntur, est charitas superiorum erga inferiores, quia Maternâ pietate prospiciunt Inferioribus, memores illius *Esurivi & non dedistis mihi* &c. Si enim damnatur qui non dat pauperi qui aliquando est hostis Christi, quomodo non cum amore dabit sponsæ Christi, pauperi voluntario propter Christum? quomodo non iuvabit Inferiorem ut centuplum à Christo se credat recipere si non quoad rem interim, saltem quoad modum? Quomodo non concurret, ut experiatur melius esse habere Matrem spiritualem quàm carnalem? quomodo non callaborabit ut dulce jugum sit Christi? Quomodo non in hoc erit tota ut exprimat quàm maximè Patrem coelestem, cum eundem in illa, studeat agnoscere Inferior? Gravis est ex se Obedientia sed suavitate imperantis mitigabitur. Charitas in providendo efficiet ne in proprietatem labatur. Bern. serm. 23. in Cant. *Audiant Prælati qui sibi commissis semper volunt esse formidini, utilitati rarò. Erudimini qui iudicatis terram. Discite subditorum Matres vos esse non Dominos studete magis amari quàm metui Filii Matrisant, si Mater dura, etiam illi durefcunt. Rex erat Jerosolymis Herodes, turbatus est, & cum eo turbata est Civitas. Bern. in Epiph. serm. 3. Misera sanè Civitas in qua regnat Herodes, quoniam Herodiana sine dubio particeps erit maledicta. Idem serm. 76. in Cantic. Boni sollicitique Pastores non cessant*

cessant bonis latisque exemplis impingvare pecus, & suis magis quam alienis. Nam si alienis & non suis ignominia est illis, & pecus non ita proficit. Si enim ego qui inter vos videor Pastoris gerere curam, apposuero vobis Moysi mansuetudinem &c. Ex altera parte considerent Inferiores quod idem Bern. Epist. 42. Certus sum ego Monachus & Monachorumque qualiscunque Abbas, si mei quandoque Pontifex à propriis cervicibus excutere jugum tentarem, quod Sathane tyrannidi meipsum mox subijcio. Veri Obedientis exemplum statuebat S. Franciscus Seraph. cadaver quod se permittit modo quo voles tractari. Ægydius ejus focius in Schola Patrum dixit. Cùm boves sunt sub jugo, in horrea important frumentum, cùm eo soluti, soluti sunt nihil faciunt utilitatis, ita Monachi. Ibid. Testis mendax peribit. Prov. 21. Testis mendax est qui promisit obedientiam & non servat. Greg. Moral. 35. cap. 10. Obedientia sola est qua fidei meritum possidet, sine qua quisque infidelis convincitur esse, etsi fidelis esse videatur. Joan. 6. Eum qui venit ad me non ejiciam foras, quia de cælo descendi, non ut faciam voluntatem meam, sed voluntatem ejus qui misit me. Quid enim? si suam faceret, eos qui ad se veniunt, repulisset?

De sanctificatione Monialium pauca loqui necesse, cùm ipsæ consecrentur qualiter nulli Religiosi. Magna est omnium Religiosorum præstantia quam explicat Bern. serm. 2. de altitudine & lassitudine cordis dum suos Monachos alloquitur. Magnum prophetandi genus cui vos deditos esse conspicio, magnum prophetiæ studium cui vos video mancipatos, quod illud? nempe juxta Apostolum non considerare quæ videntur, sed quæ non videntur; sine dubio prophetare est: &c. Sed & professionem Apostolicam audiamus. Ecce nos reliquimus omnia, si gloriari licet, habemus gloriam, sed si sapimus, habere curabimus apud DEUM &c. Veritatem dicam, esse hic aliquos qui plusquam retia & naves reliquere, &c. quia vidisti Thoma credidisti, beati qui non vide-

runt & crediderunt &c. Ubi ergo Angelica in hoc corpore conversatio, in corde prophetica expectatio, quantus cumulus gratiarum! &c. Nunquid non tres cæli sunt quos ascendimus. Sed supra hæc plurimum habent Moniales, ut patet ex ritu earum consecrationis. Est sponsa quævis Christi: si sponsa, commune habet cum Christo regnum, ideò ut advertit Philip. Abbas in Cantico tam à sponsa quàm à sponso dici, *vinea nostra, domus nostra* &c. Si sponsa, sicut vir & uxor duo sunt in carne una, ita qui adhæret DEO unus est spiritus cum eo. Apud Bollandum in vita S. Veronicæ Mediolanen. Christus Dominus Moniales appellavit *Christas*. Propterea in illis nullam patitur maculam, rugam. Religio est alter Baptismus. Job. 25. juxta Græcam. *Neque enim quis existimet quòd sit dilatio pyratis*. Isti in mari prædantur, Religiosi scandalosi in Religione. *Non est illis dilatio pœnæ*, subiectum cum Anania & Sapphira, imò cum DEUS vult alios punire, à domo sua incipit. Ezech. 9. *Mittit Angelos ad puniendum. Non parcat oculus vester, nec misereamini &c. incipite a Sanctuario meo* Matth. 3. *Baptisabit vos Spiritu S. & igne*. S. Palchas. lib. 2. in Matth. *Quasi non in presenti Spiritu S. abluit*. Cum Religionem ingredimur deinceps si qua peccati macula *subrepserit, per ignem conflagrationis ad purum exuret*. Observat enim in Ascet. Nierembergii, Religiosos tepidè viventes, afflictionibus & morbis à DEO exuri, ut dum nihil dignum agunt pro suo statu, saltem patientur. Imò gravius est quod dicit Oddo Cluniacem collat. 1. *illos gehenna devorat qui sub habitu Religioso negligenter vivunt*.

In loco Apostoli adducto initio legit Hieron. *Castitate, alii sobrietate*. Bene ista cohærent, Castitas sine sobrietate, inquam, sine mortificatione carnis. In vita S. Eugeniæ scriptum. *Si quando contigerat aliquam sororem tentari à diabolo per*

per somnum, mox Abbatissa pandebat, illa verò cum lachrymis postulabat ut diabolus ab ea recederet. Jubebatque ut lapides portaret, & statim sub sago cinerem super cilicium spargeret, & ita dormiret usque ad decimum diem. S. Ammonius quando desiderium carnis surgebat, & incitabat ad libidinem membra ejus, nunquam pepercit carni sua, sed ferrum ignitum apponebat membris suis, ut semper vulneratus esset, & ita desiderium passionis compefcebat magnitudo doloris. Ut est in lib. 2. Vit. PP. Imò S. Ephrem adhortat 1, ad eos qui in Religionis rudimentis se exercent. *Vis virginitatis in ciborum consistit abstinentia. Monachus autem crapula deditus contaminabit carnem suam. Cas- sian. coll. 12. cap. 15. Quisquis extractus à cunctis confabulationibus otiosis, & mortificatus ab omni ira & sollicitudine, curaque mundana; duobus tantum paximaciis fuerit quotidianam refecti- one contentus, & aqua satietate subtrahat quietem somni trium, sive ut alii statuerunt quatuor horarum spatio terminant, nec ta- men laborum aut continentia hujus merito, sed miseratione Domi- ne Castitatem se crediderit adepturum non amplius quam sex mensi- bus perfectionem illius non impossibilem sibi cognoscat. Neque cen- seri debet nimium gravis hic esse labor cum magna sit virtus castitas, & in ea inpreum locum teneat Virginitas, Hierop. epist. ad Virginem Fustochium. Quodsi volueris respondere, te nobili stirpe generatam semper in deliciis, semper in plumis, non non posse à vino & esulentioribus cibis abstinere, nec his legibus vi- vere, districtius respondebo. Vive ergo lege tuà quæ DEI non po- res. Grandis est virtus Virginitas, sed ut idem ibid. Loco An- gelorum quos habuit in cœlis, constituit sibi Christus in ter- ris virgines. Statim ut Filius DEI ingressus est terram novam sibi familiam Virginum constituit, ut qui ab Angelis adorabatur, in cœlis, haberet Angelos & in terris. S. Cypr. de habitu Virg. Christum continentia sequitur, & regno DEI Virginitas destinatur.*

Ambr. lib. 1. de Virginib. *Virgo DEI donum est, munus parentum, Sacerdotium castitatis. Virgo Matris hostia est, cuius quotidiano sacrificio vis Divina placatur. Ibid. lib. 2. Unaqueque in caelo exultabit virgo dicens Ps. 49. Introibo ad altare DEI, immolo DEO sacrificium laudis, & reddo Altissimo vota mea, neque enim vobis dubitaverim patere altaria, quarum mentes altaria DEI. Confidenter dixerim, in quibus pro redemptione corporis Christus immolatur. Nam si corpus Virginis templum est, animus quid est? qui tanquam membrorum cineribus excitatis Sacerdotis aeterni recopertus manu vaporem Divini ignis exhalat. Beata Virgines quae tam immortalis spiratis gratia, ut horti floribus, ut templa religione, ut altaria sacerdote. In hoc altari sacrificia suscipit vestra DEUS à vobis pro vestris Parentibus &c.*

Ad Milites.

UT victoriam miles obtineat, advertat causas propter quas vinci solet. Ambr. serm. 85. *Civitati non nisi propter civium peccata infertur excidium, desine peccare, & civitas non peribit. Quid fugis Patriam? si vis salvus esse tua potius peccata subterfuge: si tu peccare deseris, victus est inimicus, &c. Injustus plane & impius est Filius, qui periclitantem deserit Matrem. Mater enim quodammodo dulcis est Patria quae te genuit, quae ut fugere possis divitem te fecit. Huic incipiendum qui ad bellum procedit peccata extirpanda, haec militem vinci faciunt, deinde amor erga Patriam assumendus, haec duo faciunt de victoria certum. Unde audacter Ambr. serm. 86. Non potest timere Barbarum qui timuerit Salvatorem, nec potest metuere hostis impetum qui praecepta servaverit, &c. Arma sunt nostra in quibus nos Salvator instruxit, oratio, misericordia, atque jejunium. Jejunium enim melius quam murus tuetur. Misericordia facilius liberat*

liberat quam rapina, oratio longius vulnerat quam sagitta, &c. Scire debet quòd Adversarii magis meritis, quàm virtute bellicâ vincuntur. Peccata sunt duplicia quæ victoriam evertunt, alia militum, clamant ad cœlum peccata, ut regna evertat, ut, Milites disperdat. Gen. 18. *Clamor Sodomorum multiplicatus est nimis.* De quo Salvian. lib. de Gubernat. *Pulchre clamorem in se dixit habere peccata, Grandis absque dubio peccantium clamor est. quia terra ascendit ad cœlum, quare autem peccata hominum quasi damnare testatur? Scilicet quia aures suas cœli dicit clamoribus peccatorum ne differatur pœna peccantium.* Et verè clamor & quasi grandis clamor quando pietas DEI peccatorum clamoribus vincitur, ut peccantes punire cogatur. *Clamabitis ad DEUM, Adjuva nos,* clamabunt è contra peccata, *Disperde illos,* &c. Sed hoc ipsum ex ore DEI præstat audire, quomodo scilicet propter peccata pereant regna. Micheæ 3. *Principes ejus Jerusalem in muneribus judicabant, & Sacerdotes ejus in mercede docebant, & Propheta ejus in pecunia divinabant, & super Dominum requiescebant dicentes, nunquid non Dominus in medio nostrum? non venient super nos mala. Propter hoc, causâ vestri, Sion quasi ager arabitur, in eam defolationem veniet mox fortissima Sion Jerosolymis. Et Jerusalem quasi acervus lapidum erit. & mons templi in excelsa sylvarum.* Jam quod attinet peccata militum.

Avaritia & luxuria præcipuè militem invadunt. S. Ambr. serm. 7. *Propter prædam militare peccatum est.* Quid propter oppressiones civium? Quomodo alacriter contra hostem procedet quem ingens sarcina restitutionis gravat? Ad avaritiam ducit luxus. Peccabat avaritiâ Judas, & navicula in qua erant discipuli Christi mergebatur. De quo Ambr. serm. 11. *Videamus qua causa quòd una eademque navicula, hic in tranquillitate doctrinam populis tribuit, ibi in tempestate discipulis metum*

metum mortis inducit. Hæc autem causa periculi, erat ibi proditor Judas, quamvis Petri fides fundaret naviculam, hujus tamen perfidia conturbabat, unius igitur delicto cunctorum merita quætiuntur. Fur erat & sacrilegus Judas, si in exercitu Judas, etsi optimè instar navis compactus fuerit exercitus, etsi fidem Petri secum habuerit, fluctuabit tanquam navicula in tempestate. Expertus est hoc aliàs victoriosus miles Ducis Josve, qui propter sacrilegium Achan non potuit contra hostem subsistere. Utatur miles ut decet suo stipendio, & non habeat opus aliena invadere. Sed dum unâ nocte anni pretium profunditur, opus est de rapinis supplere. Bern. ad milites templi cap. 2. *Quis ergo ô Milites hic tam non ferendus? &c. Operitis equos sericis, &c. Depingitis hastas, clypeos, & sellas, fræna, calcaria, auro & argento, gemmisque circumornatis, &c. Militaria hæc sunt insignia, an muliebria potiùs ornamenta? Nunquid forè hostilis mucro reverebitur aurum, gemmis parcat, serica penetrare non poterit? Quid convivia, canes venatici? in hæc sanguis Pauperum exprimitur. Amos 4. Audite hic qui conteritis pauperem & deficere facitis egenos terræ dicentes. Quando transibit mensis & venundabimus merces? &c. Juravit Dominus in superbiam Jacob. Si oblitus fuero usque in finem omnia opera eorum, & cap. 9. Avaritia in capite omnium, & novissimum eorum in gladio interficiam non erit fuga eis, Fugient, & non salvabitur ex eis qui fugerit. Bellatis ut liberum servecis populum, & duriùs tractatis quàm si in servitutem redigeretis, ut subinde esse præoptet sub hoste quàm sub defensore. Amos 2. Hæc dicit Dominus. Super tribus sceleribus Israël, & super quatuor non convertam eum, pro eo quòd vendiderint pro calceamentis, qui conterunt super pulverem terræ capita Pauperum, & viam humilium declinant, & Filius ac Pater ejus jerunt ad puellam ut violarent nomen sanctum meum, & super vestimentis pignoris accubu-*

accubuerunt. Quod Castitatem attinet. Tertull. dixit lib. de Monogamia. *Quamdiu causabimur carnem? quia dixit Dominus, caro infirma, sed præmisit, & spiritus promptus ut vincat spiritus carnem, ut cedat quod infirmum est fortiori. Nam & qui potest capere capiat, dixit: idest qui non potest, discedat. Discessit & ille Dives qui non ceperat substantia dividenda egenis præceptum, & dimissus est sententia Domini. Quare concludo verbis Bern. l. c. Tria sunt necessaria prælianti, ut scilicet strenuus industriusque miles, & circumspèctus sit ad se servandum, & expeditus ad discurrendum, & promptus ad ferendum. Boni milites ut idem ibid. Imminente bello, intus fide non auro se muniant, quateus armati & non ornati hostibus metum incutiant, & non provocent avaritiam &c. Equos habere cupiunt fortes & veloces, non tamen coloratos aut phaleratos, pugnam quippe non pompam, victoriam non gloriam cogitant, & student esse magis formidini quàm admirationi.*

In Funere alicujus Nobilis.

Calamitates humanæ eodem nobiscum procedunt modo atque Samson cum Philistæis, exurunt agros, amicos tollunt ut ille maxillâ asini, diruunt ædificia ut ille portas civitatis Gassæ, tandem ipsas columnas Reipub. invadunt. Apprehendit ambas columnas quibus nitebatur tota domus unam dexterâ & alteram levâ tenens: concussis fortiter columnis cecidit domus super omnes Principes, & cæteram multitudinem quæ ibi erat. Hoc planè hodie nobis accidit, cum N. cecidit columna cui Principes & populus innitebatur. Non tamen hæc omnino columna cecidit, sed magis stabilita est.

Habet DEUS in hoc mundo columnas majores & minores ut solet fieri in magno palatio. Columna est civis in sua

M

domo;

domo; major, nobilis &c. Aliæ sunt intra domum, aliæ æri
 expositæ. Columna fuit N. in domo magna, &c. Fuit statim
 firmatus in fide vera. Fuit columna propter virtutes in ju-
 ventute. Eccl. 33. quærit. *Quare dies diem superat, & iterum*
lux lucem, & annus annum? Non quærit de die solari, nam
 ad hoc facile respondebit Mathematicus, quare sic dies una
 longior, sed quare unus homo sit clarior altero, una columna
 superet aliam? ut dies alii profesti, alii solennes, ita homines;
 inter ipsa festa est distinctio. Respondet sibi scriptura cap.
 citato. *A Domini scientia sunt facta sole.* Ut dies omnes à so-
 le, ita homines à DEO, tamen quosdam ipse sibi separat. *In*
multitudine disciplina separavit, & immutavit vias eorum, ex
ipsis sanctificavit & ad se applicavit. Fuit N. columna, in vir-
 tute, doctrina. *immutat vias eorum,* dat his quos eligit DEUS
 dona. *Benedictio DEI immutat, dixit & facta sunt.* Provi-
 det talibus prudentes & probos Instructores, ita factum cum
 N. Sed hætenus hæc columna veluti sub velo fuit cum ab Ar-
 tifice DEO perficeretur, perfecit & ostendit in dignitatibus,
 Ibi in singulis exercuit pietatem, justiciam, liberalitatem,
 in adversis fortitudinem. Postea hæc columna firmata est
 per connubium ex quo multæ secutæ sunt affinitates & pro-
 les. Jam vobis valedicit, & inprimis tibi N. *Memineritis filii*
operum Patris vestri, quod dixit Matathias ad suos. His ver-
 bis vobis Filii Pater quibus Rex Hispaniæ Philippo tertio suo
 filio. *Magnam tibi Fili gratiam fecerit DEUS, si te ad illa gloria*
fastigium evexerit, quo me præeuntem habuisti, sed ex animo te ob-
testor, cum id assecutus fueris, hujus etiam lecti in quo me vides
memineris, hic ut cernis, subsistit omnis gloria.

In Funere alicujus Adolescentis Nobilis.

CUM inspicio vineam N. video latitudinem à Majoribus,
 dico

dico Cant. 8. *Mille pacifici, & ducenti hi qui custodiunt fructus vineæ.* Sed unus botrus deest, N. Mortuus pulchrè inceperat. Si flevit Jerem. Thren. 2. cùm per Nabufardan in Babilonem translatus Israël botrus, *Vide Domine & considera quem vindemiaveris.* Ec ego id ipsum dicere possum, cepit hic botrus bene. Lex fuit Athenis ne vindemiarent ante æquinoctium autumnale, hic in vere ætatis decerptus. Servabat tibi hunc botrum Parens. 4. Eldre. 9. *Servetur mihi acinus meus & plantatio mea, quia cum multo labore perfeci, debes Pater dolere & cum David dicere 2. Reg. 1. Doleo super te Frater mi Jonatha decore nimis & amabilis.* Et vos affines dicitis. 2. Reg. 1. *Sicut Mater amat unicum Filium suum, ita ego te diligebam.* Juvant hunc dolorem vicini, juvant omnes. Ecli. 33. *Et ego novissimus evigilavi, & quasi qui colligit acinos post vindemiatores in benedictione DEI & ipse speravi.* Quis hunc botrum colligit? Angeli. Apoc. 14. *Exiit Angelus de altari &c. Et clamavit voce magna ad eum qui habebat falcem acutam. Mitte falcem tuam acutam, & vindemia botros vineæ terra, quia matura sunt uvæ ejus, & misit.* Unus Angelus ostendit botros, alter secat, horum laborem producam.

Venit ad tuam Pater defuncti domum Angelus, clamat ad alterum, *Mitte falcem tuam, &c. quia matura sunt uvæ ejus.* Sed quomodo maturæ? est Adolescens, negant omnes maturum. Sed non eodem tempore ubique botri maturescunt. Ovetan. lib. 4. cap. 2. scribit in America in Civitate S. Domini maturescere in Decembri. Xacumjæ in Æthiopia scribit Franc. Alvarez cap. 2. maturari alios in Jan. alios in Febr. Idem est de hominibus, communiter dicimus maturum senem juxta Pl. 89. *Dies annorum nostrorum in ipsis septuaginta anni, si autem in potentatibus octoginta anni, amplius eorum labor & dolor.* Sed extraordinariè, Sap. 4. *Senectus venerabilis est, non*

diuturna, neque annorum numero computata, cani autem sunt sensus hominis, & ætas senectutis vita immaculata. Et ut Ambr. lib. 3. Epist. 21. *Ætas quæ albescit non canis sed meritis, veneranda animæ canities, in canis cogitationibus & operibus effulgens.* Nihil est quod in compendium redigi non possit, homo est parvus mundus. Ezech. 4. Jerololyma delineatur in laterculo & integras naves Myrmecides ita contraxit ut alâ muscæ tegerentur. Sic virtus plures annos in paucis claudit. Sap. 4. *Consummatus in brevi explevit tempora multa.* De Macario Alexandr. scribit Palladius in ejus vita cap. 17. quod vocaretur *παιδαρολογον* eò quod in puerili ætate senex haberetur, citiusque multo quàm ætas ferret in virtutibus profecisset. De S. Benedicto Dial. 1. scribit S. Greg. *Ab ipso pueritiæ tempore senile cor gerebat, ac ætatem moribus transibat.* Hoc idem factum in Defuncto N. Tarde maturescit homo, quia sol interim debet sapius signa Zodiaci transire, & in iis morari. Sed potest quis currere citius. Elitzus dum mittit Giezi ad Sunamitidem 4. Reg. 4. *Accinge lumbos tuos & tolle baculum tuum, si occurrerit tibi quispiam non salutes eum, & si te salutaverit non respondeas ei.* Non morare in signis Zodiaci, amphora, libra &c. ut Soli quem nemo incitat. Scitit aliquando Josve. c. 10. *Retroëgit Masas 2. Paralip. 9. Reversus est sol decem lineas per gradus quos descenderat.* Omnes volunt solem, ætatem ulterius progredi, Ut quis in summam annos reducat, faciat minorem Zodiacum, talem in clypeo curavit describi Alphonsus Dux Calabriae filio Evardo. Erat Cervus, cum inscript. *DEUM time, timet tonitrua.* Ciconia Inscrip. *Parentes reverere.* Hæc suos senes portat. Testudo, *Domum pro cura,* non egreditur domo. Delphinus, *Officiis vaca,* præmonet saltu de tempestate. Supra hæc omnia Inscrip. *Celer virtutis cursus.* Sunt etiam cœli in terra, Job. 39. *Nunquid nosti ordinem cœli, & pones rationem*

ejus in terra. Stemmata sunt stellæ hujus cœli; est ortus in eo & occasus, sunt eclipses. Sed hoc cœlo crescunt flores virtutum. Scribit Ambr. Perez. In Africa in civitate Tagodastem si plures furculi vitis simul in terra infigantur, in unum concrefcere, & quodcunque signum fuerit singulis inditum, prodire in uvis. Jungunt se per Matrimonia ut furculus, prodeant in filiis stemmata, sub hoc cœlo. Quinque stemmata quæ Poloni adhibent, sint signa totidem Zodiaci, per hæc brevior erit annus in terris, per hunc ivit Defunctus, & ideo citò maturuit.

Zodiacus Nobilium duo habet extrema, à Patre, à Matre. Aliqui incipiunt à Matre, Prov. 3. *Digni ejus apprehenderunt fufum,* ita fecit Sardamapalus, item ille, de quo Hieron. Epist. ad Heliodorum. *Quid facis in patorna domo delicate miles, ubi vallum? ubi fossa? ubi acta sub pellibus hyems? ecce tuba sonat, hostis expectat, & tu de cubili ad arcem, de umbra produs ad solem, corpus assuetum tunica non fert onus lorica, caput assuetum linteo galeam recusat, mollem otio manum capulus exasperat.* Puer Achilles etsi à Matre inter sorores muliebri veste occulcatus, ad proposita ab Ulisse arma profiliit. Hostis proponit arma, profiliunt ingenui. Incipiant hinc nobiles, ita 2. Reg. 1. David. *Præcepit ut docerent filios Juda arcum,* Quia tempore Saul militia non æstimabatur, occiderat David Goliathum, Saul interrogat. *De qua stirpe descendit hic adolescens?* Quid hic de stirpe? da præmia Saul quæ promisti. Defunctus N. juxta Patrem inceptit, habuit in memoria Majorum gesta NN. N. utebatur ilhs ut Themistocles triumphis Milciadis, &c. fuit in castris &c. *Matura sunt uva ejus.* Transit Defunctus ad aliud signum Zodiaci, ad aliud stemma, ad signum sapientiæ, studuit in Scholis variis & hic botrus iste maturus. Prov. 8. dicit Sapia. *Melior est fructus meus auro & lapide*

pretioso, & genimina mea argento electo. Nam doctrina munit Patriam, 2. Paralip. 17. Rex Josaphat misit de Principibus suis ut docerent in civitatibus Juda, & cum eis Levitas & Sacerdotes, docebantque populum in Juda, & cum eis Levitas & Sacerdotes, & circuibant omnes urbes ut erudirent populum. Quid inde secutum? Crevit Josaphat & magnificatus est usque in sublime, & edificavit domos turrium. Turres erant viri à Josaphat edocti & Defunctus N. fuisset turris, expressisset suos Majores, qui defendebant Patriam per Sapientiam, id est, NNN. Eccl. 28. Sapientia se vocat vitem. Ego quasi vitis fructificavi suavitatem odoris, flores mei fructus honoris & honestatis. Sed quis fructus? odor, sic defunctus eorum Principibus olebat, applaudebant illi peroranti. Cant. 2. Vinee florentes dederunt odorem suum. Cùm à scholis rediit domum Defunctus, recepit fructus honoris & honestatis, dignitates. Bern. ad Theobal. Multos videas Juvenum super senes intendere moribus, Antiquorum tempora meritis prævenire, & quod ætati deest virtutibus compensare. Flores in Defuncto erant qui fructus magnos promittebant. Quid de eo dicam quando Judex in Tribunali constitutus? Vinum apud cælum fuit signum judicii, Prov. 9. Miscuit vinum & posuit mensam suam. Et apud sæculum, judicaturis dabatur poculum vini apud Allobroges ut scribit Sabellius, vocabatur crater judicii, an quia in fundo veritas? an propter eloquentiam? an propter audaciam? sed nihil horum servit judicio. Idea est judicii vinum, est acre & dulce, talis sit Judex. Prov. 3. Misericordia & veritas te non deserant, circumda eas gutturi tuo, & describe eas in tabulis cordis tui. Nam vinum 3. Eisd. 3. Convertit hominis mentem in securitatem & jucunditatem. Prov. 2. Securitas & gaudium est justo facere judicium. Non meminit Regem nec Magistratum. Deut. 1. DEUS ad Judices loquitur. Quod justum est judicate sive civis ille sit, sive pere-

ve peregrinus, nulla erit distantia personarum, ita parvum audietis ut magnum, nec accipietis cujusquam personam, quia DEI judicium est. Sed modò factum ut Itai 1. Vinum tuum mixtum est aqua, Principes tui infideles & diligunt munera, sequuntur retributiones, non judicant pupillo, & causa viduarum non ingreditur ad illos. Non ita olim jam factum est quod Joan. 2. Omnis homo primùm ponit vinum bonum, & cum inebriati fuerint tunc id quod deterius est. Sed etiam nunc non desunt Judices recti, talis fuit N. Dan. 13. Dederat ei DEUS honorem senectutis, quare Matura sunt uvæ ejus. Scribit Surius, quod S. Martinus plantaverit vitem, de qua Asfidius Presbyter decerpfit uvam & in aquam misit, tota aqua facta est vinum. Ita N. inter Judices. Addit Greg. Turon. de gloria Confess. quòd cum ex dicto Asfidii quidam incurvati oris bibisset, statim fuerit rectum factum, utinam modò estent tales uvæ. Tribunal dicitur brachium Regis, vocetur & Rex, sed non Crivoustus, hoc est, oris intorti. Dicunt. Juro DEUM quòd non curaverim ut in Judicem eligerer, tamen maximè curavit. Juro quòd nullam meam vel Amicorum causam in Tribunali habeam, & est contrarium. Juro D. DEUM quòd judicia nisi morbo gravi oppressus non deseram. Et tamea propter fugiendam invidiam abest. Quis daret uvam S. Martini? Fuit N. defunctus in Legatione, & de illo dici potest. Prov. 25. Sicut frigus nivis in die messis, ita legatus fidelis ei, qui miserit eum, animam ejus requiescere facit. Tempore messis solùm nix cecidit Romæ, cujus memoria est die B. V. ad Nives, de portu loquitur per nives servatas refrigerato. Non sic Legatus ad Comiticia ignis, non pertinaciter tueatur injusta, sic frigidior. Talis fuit N, ideò Matura sunt uvæ ejus. Est avicula Imeronios, hoc est, unius diei, quia manè nascitur vespere moritur, sed interim variorum avium nidos circumvolat, omnium voces exprimit adscribunt ipsi. Non

dix

diu sed satis. Talis fuit N. peragravit nationes, lingvis locutus, potest dicere cum Alexandro. *Vixi satis, quia non numero annis sed triumphos, metior me non atate sed perennitate.* Uno verbo. *Non diu sed satis.*

Aliud signum hujus Zodiaci, id est stemma, notat celestia, sub quo etiam N. maturuit, sub hoc signo. *Isai 18. Ante messem totus effloruit, & immatura perfectio germinavit.* De Adolescente probo Bern. in Festo SS. Petri & Pauli. *Cum Adolescens esset, senem induit, relinquens quod erat, assumens quod non erat, non enim respexit ad se, sed ad eum qui est supra se.* Talis fuit N quare *matura sunt uva ejus.* Quatuor partes Sanctitatis assignat S. Paulus Ephel. 5. *Ut possiis comprehendere que sit latitudo, longitudo, &c.* In quo respicit partes crucis. Altitudinem Sanctitatis in aula ostendit Andr. Grimanius Dux Venetorum tali symbolo, ut refert Salomon à Carlano Affixit vitem columnæ, Inscript. *Festina lentè.* Clamat genus Catholicum, *festina, educatio, Dominus, Sed aula ait lentè, satis unum sacrum audire, &c.* *Latitudo est Isaac, hic Gen. 28. Fodit Isaac puteum, & vocavit nomen ejus latitudo dicens, nunc dilatavit me Dominus, & fecit crescere super terram.* Quomodo latus puteus? talis sanctitas aulica, similis vulpium foveis nidis vlocerum *Match. 8.* Et hanc latitudinem difficultates obrinuit Isaac. Obruerant Patris ejus puteos Palæstini, ipse in Gerara effudit puteum, & statim incolæ de illo contenderunt sibi utrapantes vocavit illum *Calumnia,* alterum effodit, pro eo quoque puteo rixati sunt, & appellavit eum *inimicitias.* Tertium appellavit *latitudo.* Ita in aulis, maximè cum alicui confertur Dignitas, sed si superat. *Dilatavit me Dominus & fecit crescere super terram.* Jam illum adorant. *Ibid. Vidimus tecum esse Dominum.* Sed Isaac potius debuisset appellare profunditatem, quia profunde fodit, non obtinebitis Aulici dignitates, nisi

nisi profundè vos demiseritis vestra. *Vestra Profunditas* est ut Jonæ, orat in ventre ceti. *Ego autem in voce laudis immolabo tibi, quæcumque vovi reddam pro salute mea Domino.* Dum beneficium quærunt, profundè sunt devoti, vota. Quare Jonas orabat? *Quando veniet immutatio mea? post ten bras spero lucem spes lucis facit orare.* Ita & qui uniones quærunt se demergunt. Ita quidam caput inclinabat donec claves Petri inveniret. Longitudo devotionis passim ab Aulis abest. *Aula breves tunicas, & breve carmen amat, Brevem Missam &c.* Oratio esset brevis nisi colloquiis intertexerent. Si tamen habent longitudinem, erit illa 1. Paralip. 20. *Aliud bellum accidit in Geth. in quo fuit homo longissimus.* Qualiter? *Senos habens digitos, id est, simul viginti quatuor.* Quid hoc? in aulis augentur digiti ut rapiant.

Alia mensura Sanctorum, quas secutus N. *Altitudo* est fides, per quam usque supra coelos pertingunt. Abacuc 3. *Altitudo manus suas levavit,* adjunxit opera fidei, devotionem. *Latitudo SS. est Charitas Pl. 118. Viam mandatorum tuorum cucurri cum dilatasti cor meum.* Legem DEI N. servabat, in nullo partem fecit dæmoni ut alii. Ephes. 6. *Nolite locum dare diabolo.* Ille est indivisibilis, anima nostra indivisibilis, si vel punctum habet in ea, totum habet. Confitebatur crebrò N. habuit erga proximum charitatem, quæ ut Aug. Catech. Rud. *Alios curat adificare, alios contremiscit offendere: ad alios se inclinat, ad alios elevat: aliis blanda, aliis severa: nulli inimica, omnibus Mater.* Ita N. erga domesticos, pauperes. Greg. in Pastor. *Cùm charitas misericorditer descendit ad infima, valenter insurgit ad summa.* Jam verò *Profunditas SS. est humilitas. Iai. 35. Mittit radicem deorsum, & mittit fructum sursum.* Fuit humilis N. maximè internè, de quo Hieron. Epist. 90. *Plus est animum deposuisse quàm corporis cultum, difficilius arrogantia quàm*

auro caremus. Externè etiam humilis fuit N. Chrysoft. in Palyer. 3. Quisquis gradus propria celsitudinis amat, humilitatis cultum in obsequio teneat, nam qui ab humilitatis operibus recedit, à dignitatis fastigio tumoris pondere cedit. Sanctorum Longitudo est perseverantia. Hos solos annos computemus quos DEO dedimus. Barlaam habuit annos 70. interrogatus à Josaphat de annis, dixit 45. quia tot annis DEO servivit. Similius relietâ aulâ Adriani, quia solùm annis septem DEO servivit, adseribi cumulo suo curavit. Hic jacet Similius septennus vetulus. De Saule 1. Reg. 10. Puer fuit unius anni Saul cum regnare cepisset, & regnavit duobus annis in Israel. Utrique annis 20. sed solùm duobus juxta DEUM. N. omnes annos DEO impendit, quare mature sunt uva ejus. Sed virtutes dictæ servari non possunt sine mortificatione. Gal. 5. Carnem suam crucifixerunt cum vitis & concupiscentiis. Mundum, carnem. Joan. 17. Pater non rogo pro mundo. Hos latrones N. Crucifixit. Mortificavit se. Alex ab Alex lib. 6. c. 18. scribit ad Danubium nasci vitem quæ aspersa cinere fit aurea: Mortificatio fecit nos aureos, ut patet ex 2. Cor. 4. Immensum gloria pondus operatur in nobis. Mundum ut patibulacum spernebat, pompas, &c. Lud. Barthema. hist. Novi orbis ait in littore maris Indici prope Taprobenam, fuisse idolum marmoreum, Maris Prætes, dictum Cechorab, quem qui transibat, plagis afficiebat & in faciem spuebat, adjecto. Perdidisti, per eas, quia eo loci multa fiebant naufragia. Ita in mundo, perit castitas, sobrietas, devotio. Agamus ut cum Cechorab. Sed N. non perit.

Aliud signum Zodiaci est aliud stemma. Timorem DEI notat, superflua debent recidi à vite. Stobæus, Est in juvenibus, mentis præcocitas, rerum ardor, voluntatis impetus, intentus ad voluptatem animus. Excidebat N. fuit ut Tobias nihil puerile gessit, Examinabat N. conscientiam, meminerat quod

quod est Eccl. II. *Lætare Juvenis in adolescentia tua, & in bono sit cor tuum, in diebus juventutis tuae, & ambula in viis cordis tui, & in intuitu oculorum tuorum, & scito quod pro omnibus his adducet te DEUS in iudicium, pro adducet te, &c.* Chaldeus legit, *appendit super te aciem.* Cùm lætamini Juvenes pendet supra vos acies, scilicet gladii, estis ut Damocles in convivio apud Dyonisium Tyrannum supra quem fuit appensus ensis in filo subtili. Considerate DEUM Judicem spectantem. Ita fecit N. I. Cor. II. *Si nos iudicaremus utique non iudicaremur.* Sequeretur ex hoc timore illud. I. Cor. 7. *Et qui gaudent tanquam non gaudentes &c. & qui utuntur hoc mundo tanquam non utantur, præterit enim figura mundi hujus.* Oleaster pro verbis *Adducet te, &c.* Legit. *Pro his scribit contra te DEUS iudicium.* Sicut apud Balthasarem Babilone Dan. 5. *In eadem hora apparuerunt digiti quasi manus scribentis contra candelabrum in superficie parietis aulae Regiæ.* Subito hæc hora venit, Balthasar tunc potabat Job. 21. *Tenent tympanum & cytharam &c. & in momento ad inferna descendunt.* Pejus aliquando apud vos fit quàm apud Balthasarem. ibi. Dan. 5. *Unusquisque eorum secundum suam ætatem bibebat.* Hic ultra ætatem. Bibebant de vasis sacris sed in quibus erant imagines sacræ, apud vos fædæ. ibi. *Laudabant DEOS aureos, argenteos, juxta fidem suam.* Apud vos maledictiones, imprecationes, spurca ut sulfur inferni. *Contra candelabrum, hæc scriptura non obscurabitur.* Manus hæc scribit non Babilonicè etsi Babilone, sed lingvâ ignotâ. *Mane Tecel Fares.* Numeravit, appendit, divisit, hoc est numeravit, dies, appendit merita, divisit à regno. Quis scit quid contra vos scribatur? ignotâ lingvâ. Simus ipsi nobis Danieles, legamus in nostra conscientia. Ita tuit N. eradicemus mala. Ambr. lib. de offi. *Adolescentum est timorem DEI habere, Parentibus deferre, honorem habere senioribus, castitatem tueri, humilitatem*

tatem non aspernari, diligere clementiam, qua ornamenta sunt juvenilis ætatis. Ita fecit N. Quare matura sunt uva ejus.

Aliud signum in Zodiaco, id est, stemma per quod notatur Castitas. Vidit Apoc. 14. Hi sunt qui cum mulieribus non sunt coinquinati, virgines enim sunt, hi sequuntur Agnum quocunque inierit. Ibi crescit vinum quod Zach. 9. germinat virgines. Talis fuit N. Hugo de clauastro animæ. In illa ætate quando crines flavescunt, cara nitescit eburnea, oculorum gemmis facies rosea decoratur, valetudo corpori vires subministrat: quando viget ratio, vigent corpori sensus, visus acutior, auditus promptior, intellectus rectior, & vultus jucundior, offerunt hostiam viventem, DEO placentem & immaculatam, agnum non aure, non oculo, non pede, non lingua carentem. Audiat hoc senum sera conversio, quibus ex defectu senectutis aures obturantur, oculi turbantur, ipsi in se per se deficiunt: hi non offerunt agnum immaculatum, sed porcum truentatum sicut enim porcus in siliquis, sic senex jacuit in vitiis. Non indussit N. conviviis, aures continuit, &c. Matura sunt uva ejus. Quæ sivit ex oraculo Philippus Macedo, quid illi cavendum esset ut diu viveret, dictum illi. Cave quadrigas, prohibuit illas in regno, montem hoc nomine dictum disjecit, periit à Pausanio qui gladio insculperat quadrigas. Habet suas quadrigas Venus, quatuor cygnos. Bern. in Cant. Luxuria currus quadrigæ vitiorum voluitur, ingluvia ventris, inhonestate sodalium mollitie vestium, otii soporisque resolutione. Cygni hi habent plumas albas, politicâ vestiuntur, quomodo cum sociis non bibam, ludam? &c. Cutis nigra, hæ quadrigæ sunt in poculis, vestibus &c. Eccl. 7. Nè impiè agas multum, ne mori aris in tempore non tuo. Ut amoni sexigis, Cassiod. super Matth. Sex sunt que incorruptam servant castitatem, evitatio opportunitatis. Adhibite his sexigis aurigam verecundiam. Bern. super Cant. serm. 86. Verecundia sit integritatis custos, virga disciplina, expugnatrix malorum, propugna-

pugnatrix puritatis, fame catrix, vita decus, & insigne totius honesti, Quare N. citò senex sap. 4. Atas senectutis vita immaculata. Propter hanc de S. Agnete dicit S. Ambr. lib. de Virg. Computabatur in annis infantia, sed erat senectus mentis immensa. Vestis te N. illo habitu quem Garzias Navarræ Rex, uti Causin. in symb. dederat suis militibus. In pallio erat cor, è quo lilia prodibant, supra quæ B. Virgo, in collo erat monile, factum è liliis.

Jam unus Angelus absolvit laborem monstrando hunc botrum N. maturum, succedit alter cum falce. Vindemiatur eius Filius ô Pater, deest Domui Botrus, sed ut Chrysol. *Non est hac sors calamitatis sed felicitatis non probram supplicii sed honor triumphii. Colligit botrum, ut in cœlum deferat sap. 4. O quàm pulchra est casta generatio cum claritate, &c. Cum se eduxerit, in perpetuum coronata triumphat, incoinquinatorum cor hominum premium vincens. Sunt certamina. Aug. Ierm. 57. in Evang. Inter omnia Christianorum certamina, duriora sunt castitatis prœlia, ubi continua, rarior victoria, nempe raro est concordia formæ atque pudicitia. N. toties vicit, meritò ut in cœlum triumphans. Habitus Angeli vindemiantis triumphalis. Nam ut Ansb. & Haym docent, hic est iste Angelus de quo superius. Apoc. 14. Vidi sedentem super nubem candidam, habentem in capite suo coronam auream, & in manu sua falces acutissimas. Quare cum corona non sceptrum, sed falx, & econtra, cœlesti modo vestitus, ad hæc negotium utiliter, ita Cherub, alas habuit & cruci erat affixus cum S. Francisco sacra stigmata communicaret, quia ad hoc serviebat talis habitus. Hic Angelus in corona, quia botrum erat coronaturus, & fortè ad deferendum illum in cœlum locavit sibi Angelum qui monstravit illius maturitatem. Ita Num. 13. botrum Caleb, & Josye ferebant è terra promissionis, ita in terram familiar*

N. missi duo isti Angeli ut eam explorarent, in signum fertilitatis hunc botrum extulerunt. Locus è quo in Palæstina decerptus est botrus, dicebatur Nechel Eschol, hoc est, rivus botri, sic dici debet & hic locus è quo decerptus hic botrus, rivus, fluxerunt Patri lachrymæ, & meritò. Cyrus ut scribit. Greg. Richter, habuit vitem auream, botri smaragdini. Talis hæc familia, deest botrus. Fuerunt botri quales vidit in somnis Pincerna Pharaonis, & de illis dabat Regi vioum. Ne solliciteris Pater, verbis te compello quibus Martiam Romanam Philosophus lugentem de obitu Filii, *Filium tibi Diu immortales non diu daturi, statim talem dederunt, qualis diu effici potest: quidquid ad summum pervenit ad exitum properat. Eripit se ex oculis aufertque perfecta virtus, nec ultimum tempus expectant, que in primo maturuerunt.* S. Macario obtulit quidam botrum, hic discipulo, ille alteri, & sic deinceps, tandem ad Macarium redit, qui illum DEO obtulit. Dederat tibi ô Pater, DEUS botrum, tu illum Academiis &c. reddiit ad te, offers illum DEO. Mortuus N. intrepidè. Henrico Duci Bavarix apparens S. Wolfgangus scripsit in pariete *Post sex*, ille putabat se moriturum post horas sex, deinde dies, &c. interea post sex annos factus Cæsar. Et illi datum Elogium *Seipsum singulis senarius superabat, & post mortem eandem vivebat.* Et N. expectando mortem, acquisivit cœlum. Dispositio Defuncti qualis? Jam valedicite tibi ô Rex, ô Patria &c. Clausit vitam, claudio sermonem.

In Funere alicujus in dignitate Sæculari.

MOS antiquus est Polonorum, ut in funere Regum frangantur Regis sigilla, in funere alicujus ex sua familia, ultimi stemmata rumpantur. Quid hoc? an quia ut ad sepul-

pulchrum perveniamus non est opus armis, an quia in morte jam nova stammata incipiunt, scilicet calvaria picta &c. Certius est, ut fragilitas nostra indicetur, mortuus cadit ut arbor Dan. 4. Succidite arborem, & præcidite frondes ejus. Solus Christus in virga ferrea regit, ceteri sunt ut vasa figuli, Aug, lib. 12. de Civit. *Regis caelestis virga ferrea est, Regum terrestrium virga fragiles sunt, propter quod addit, confringes eos.* 4. Reg. 18. Rex quidam appellatur baculus arundineus & contractus. Quare Hebræi cum memoriam celebrarent viri fortissimi Banajæ, appellabant diem illum ut scribit Rabbi Membre. *Planctum super fracturam virga seu fulcri.* Facimus hodie planctum super fracturam N. fulcri Patriæ. Planctus ab ipso DEO in tali casu imperatus est Ezech. 30. *Hac dicit D. DEUS, ululate, cum ceciderint vulnerati in Ægypto, & destructa fundamenta ejus, & corruent fulciantes Ægyptum.* Plangamus, Plangit familia, uxor, Filii &c. Ezech. 19. *Marcuerunt & arefacta sunt virga roboris ejus: non fuit in ea virga fortis.* Arbor fuit N. &c. *Planctus est, & erit in planctum.* Sed an in solo sistent luctu posterius Defuncti N? Jer. 48. *Consolamini eum omnes qui estis in circuitu ejus, & universi qui scitis nomen ejus, dicite, quomodo contracta est virga fortis? Fracta sub onere Patriæ.* Bene mundum descripsit Pelusiotæ lib. 2. Epist. *Mundus est perpetua ruinarum ruina, quod explicabitur ex verbis Chrysol. hom. 30. ad 1. Cor. Caduca est hominum natura, pulchritudo properat ad deformitatem, robur ad imbecillitatem, honor ad contemptum, sanitas ruit ad morbum, gloria ad vilitatem, divitiæ ad pauperitatem.* Sed & Euseb. lib. II. de præpar. Evang. c. 7. *Natura nostra inter vitium & mortem consistens instabilis est, corrumpitur enim infans in puerum, puer in juvenem, juvenis in virum, vir in senem. Et qui heri fuit, in eum qui est hodie, quique est, in crastinum; manet autem nullus idem.* Hoc idem est in

toto mundo. Assyriorum Monarchiæ, successerunt Medi; istis Persæ, Græci Persis, Græcis Romani. Idem fit in Regnis, Carthaginem occupârunt Asiatici, Babilonem Europei Macedones, Saraceni Italiam, Affri Hispaniam, in Græciam intravit Gallogræcia, in Galliam Franconia. Rursus in Galliam, Italiam, Hispaniam, Vandali, Gothi, Sarmatæ, in Sarmatiam Slavones. Idem in civitatibus, Bizantium convertitur in Constantinopolim, Memphis in Cairum, Carthago in Tunetum, Carrodunum in Cracoviam, aliæ in desertos campos, quid bella, naufragia? Fulciunt ruinas mundi magni viri, dignitatibus utuntur ut fulcris, Fulcivit N. Alii solùm fulciunt genere, alii ore, alii re. Parum est solo genere. Nazianz. *Clarâ sum stirpe, ait, quid ergo? verminosum nimirum & putridum Patris & Avi scepro niteris, & ruinâ potius quam fulcro fulcris, solis alios sepulchris vincis, & rescriptis novis, queis scriptus non educatus es. Sed hoc fulcrum debile. Job 9. Innisetur super Domum suam & non stabit, fulciet eam & non consurget. Jactat genus, de illo dici potest, Prov. 14. In ore stulti virga superbia. In manu nihil; sunt ut Rebecca, ut mulier. Gen. 24. Cujus filia es? sum filia Barhuelis filii Nacks, quem peperit ei Melcha. At vir debet esse ut David. 1. Reg. 17. De qua progenie es ô Adolescens? dixitque David, filius Isai Berhleemita ego sum. Et tamen ex nobiliore fuit domo quam Rebecca, sed notus erat exæde Goliathi. De Rebecca dici potest, quod Hieron. in epitaphio Fabiolæ, genus memoravit, ut quod in flore non poterat, in virgibus & radicibus demonstraret. At Pelusiora lib. 1. Epist. de Davide. Vide mihi pastorem puerum, bacillo unico & familiam suam, & Judæam sustentantem. Ita N. defunctus, non deerat illi genus, erat velut arbor plena hostium spoliis. Possum illi quod Ezech. 19. dicere. Mater tua quasi vinea in sanguine tuo plantata, frondes ejus creverunt, & factæ sunt ei virgæ solidæ in sceptris dominan-*

minantium, & exaltata est statura ejus inter frondes & vidit altitudinem suam in medio palmitum suorum. Sunt ibi Majores &c. Sed facta sua N. adjecit. Mater tua quasi vitis, & quasi flos factus es virga solida. Num flos fulcit? de columnis templi Salomonici, 3. Reg. 7. Capitella columnarum quasi opere lilii fabricata erant. Et Ecclesia Cant. 5. petit. Fulcite me floribus, Greg. per flores, tyrones & incipientes designantur, flos est Juvenis cum bene instituitur. Ego flos campi, jam campo & publico assuescitur, gronadillus excrescit in columellam, sed inter spinas non delicias. Ita N. crevit primò in Scholis, in devotione, studio, deinde in aulis, crevit ut Aaron cujus virga floruit Num. 17. in tabernaculo.

Fulcivit ora, Ijai 18. eloquentiam vocat *Virgam oris*, de Apostolis Pl. 18. *In omnem terram exivit sonus*, &c. Symmachus legit, & *finis orbis terra stant supra verba eorum*. Fulcivit verba. In comitiolis N. &, in judiciis, Ijai. n. *Judicabit in justitia pauperes*, & *arguet in equitate pro mansuetis terra*, & *percutiet terram virga oris sui*. Pauperes. Quia Divites potius per amicas comparitiones quàm per strepitum juris conveniunt inter se, præterea magis à Judice fulciendi pauperes, quia, facilius cadunt causâ quàm Divites. *Percutiet terram virgâ oris sui*. Quid hoc? Apoc. 1. *De ore ejus procedebat gladius*, quia verbum DEI tam est efficax atque gladius. Pl. 148. *Dixit & facta sunt*. Talis debet esse qui Patriæ servit, sed quare terram percutit? omnes respectus terrestres contemnit. Exod. 17. dictum Moyfi. *Percuties petram, & ex ea exibit aqua, ut bibat populus*, scilicet ille qui tamdiu sitiit justitiam, Pl. 84. *Veritas de terra orta est*. In quæ verba Theodoret. *Ut sæpè fons in terra, ita veritas in caulis latet, percutite semel & stillabit, percutite iterum & fluet, percutite tertio & exundabit*, gratis omnes bibent, Talis eloquentiæ fuit N. componebat discordes, pauperi suc-

currebat, cum vicinis concors, offensas remittebat, redimebat captivos, causas difficiles ut laxa, Pl. 104. *Dirupit petram & fluxerunt aqua, abjerunt in sicco flumina*, nempe veritatis, in sicco, apud pauperes Pl. 81. *Covocatis terræ Dominis dixit. Ego dixi Dii estis*, Ibid. *DEUS, stetit in synagoga Deorum &c.* Judices Deos vocat, locum judiciorum Synagogam, sive Ecclesiam. *Dii*, ut ita agant, ac ipse DEUS ageret, & aspicit an ita agant, *in medio autem DEOS dijudicat.* Sed ad hæc quid aliqui Judices? Pl. 81. *Nescierunt neque intellexerunt*, sed quid inde sequitur. *Movebantur omnia fundamenta terræ.* Omnia territoria, Sigebert. in Chronico. Cùm inique fuisset judicatus Gregorius Antiochensis, terra contremuit; Cùm Chrysoft. à Theophilo damnatus, Thracia, Propontis, Constantinopolis, contremuit. Quia cecidit fulcrum, Prov. 10. *Iustitia firmatur solum*, Confracta est fella sub Valente Imp. cùm vellet scribere decretum contra S. Basilium, Rustici terras fundant & earum opes, cùm illi ruunt, etiam istæ, 1. Reg. 2. *Domini sunt cardines terræ, & posuit super eos orbem*, in hæc Rupert., *Afflictos terræ Hebræi intelligunt, super quos Dominum, orbem posuisse dicunt, quia eorum meritis terram stare autumant.* Isti pauperes sunt nihilum, sed Job. 26. *Appendit terram supra nihilum.* Consilia etiam sunt fulcra Prov. 11. *Ubi non est gubernator populus corruet.* Vatablus & Pagninus legunt, *Ubi non sunt consilia, populus corruet.*

Proderat & reipsâ N. Fulcrum est panis seu bona terrestria. Ezech. 14. *Fili hominis, terra cùm peccaverit mihi, extendam manum meam super eam, & conteram virgam panis ejus, & imittam in eam famem.* & cap. 4. *Fili hominis ecce ego conteram baculum panis in Jerusalem, ut comedant panem in pondere & sollicitudine.* Isai 3. *Robur panis.* Psal. 104. *Firmamentum panis, non parcebat pani N, in bello, Fulcivit Ecclesiam.* 3. Reg. 10. *Fecit*

Rex

Rex de lignis thynis fulcra domus Domini, & domus Regiæ, & cytharas lyrasque cantoribus? Quare de iisdem? respondet Pelusietæ lib. 1. epist. quia non est melior consonantia, quam quando simul fulciuntur aulæ Regiæ & templum. Panethion Græcus in Bibliis Photii, dum illa explicat Pl. 67. *Regna terræ cantate DEO*, dicit. *Regna terræ sapienter DEO cantant, in quibus privata communibus, terrena celestibus consonant, dum Ecclesia fovetur.* Synesius de Regno. *Pietas primam substernitur, fulcrum, & crepido, cui firmiter insistat simulachrum Regni.* Ethnicus dixit Plut. contra Collat. *Mihi videtur citius sine solo Resp. quam sine Religione, aut constitui, aut constituta servari.* Ethnicus Val. Max. l. 1. c. 58. *Non dubitaverunt sacris imperia servire, ita se rerum humanarum futura regimen existimantia, se Divina potentia, bene atque constanter essent famulata.* Defuncto N. sonuit hic conventus, servivit Regi, servivit Ecclesiæ, meruit de se dici, quod de Oniæ filio Eccl. 50. dictum. *Simon Oniæ filius in diebus suis suffulsi domum, & in vita sua corroboravit templum.* Erexit N. pro antiquis templis nova, construxit Nofocomia, fuit filius Oniæ zelosi, pauperes studiosos juvit. Providentiam vidit Jerem. 1. *Video virgam vigilantem fulcrum vigilans, non lupulus huic virgæ adhærebat, gauderet si dignæ personæ ejus pane vescerentur.*

Sed omnia in mundo fragilia, decebat super omnes virgam Moyfis durare, sed conlumpta, vix particulæ super sunt Romæ in Laterano, & Sueffione in Gallia, sed manent coram DEO. *DEUS vocat ea quæ non sunt tanquam ea quæ sunt, nec mirum, Isai. 55. Sicut exaltantur cæli à terra, sic cogitationes meæ à cogitationibus vestris, & via meæ à visis vestris, dixit Dominus, cum homo destruit, rem quasi vult in nihilum reducere, DEUS destruit ut aliquid novi faciat, Isai 19. Percutiet Dominus Ægyptum & sanabit eam, Thren. 2. Cogitavit Domi-*

nus dissipare murum filia Jerusalem, tetendit funiculum ut novam scilicet ædificet. Ps. 146. Qui sanat contritos corde, & alligat contritiones eorum. Mittit Zachariam c. II. cum minis, & ille. Assumpsi mihi duas virgas, unam vocavi decorem, & alteram vocavi funiculum, decoris virga dissipabitur, sed manebit funiculus. Deflemus fractam virgam, fracta omnia, fortitudo &c. intentiones bonæ, N. sed hæc omnia apud DEUM integra. Osee 14. Sanabo contritiones eorum, diligam eos spontaneè, ero quasi ros, Israël germinabit sicut lilium, & erumpet radix ejus ut Libani, & erit quasi oliva gloria ejus. Hoc unguentum sanabit has fracturas. Est in cælo Apoc. 28. In medio plateæ ejus lignum vitæ, & folia ligni ad sanitatem Gentium. Meriebarur civitatem illam Angelus arundine aurea, ut scilicet cuique daret locum juxta ejus merita, est arundo quoad nostra merita, quoad merita Christi aurea. Debemus fulcire non solum Patriam, Ecclesiam, sed & nos ipsos. Cant. 8. Quæ est ista quæ ascendit innixa super dilectum suum? Super ejus merita cooperando per poenitentiam &c. In Christo spes nostra. Cant. 5. Crura ejus columna marmorea. Non fregerunt hæc crura milites, cum Joan 19. latronum frangerent. Ratio est 1. Petr. 5. Quia, DEUS gratia in Christo JESU nos perficit, confirmat, solidatque. Sed debet esse Christus à nobis dilectus ut ei innitatur, opus amore & operibus. Rom. 13. Plenitudo enim legis dilectio est. Joan. 14. Qui habet mandata mea & servat ea, ille est, qui diligit me. Nostræ actiones sunt arundo, sed meritis Christi immerse fiunt arundo aurea. In hoc fulcro fundavit se spes defuncti N. Innixus non super opes, dignitates, sed super dilectum suum. Confessus, &c.

In Funere cujusdam Nobilis.

CUM Absalon non fideret tantum suis filiis, ut ei post mortem erigerent monumentum, ipse illud erexit, dicendo. *Non habeo filium, sed hoc erit monumentum nominis mei, & vocavit illud nomine suo. Manus Absalon.* Melior multo Absalone N. defunctus meliores nactus filios, ab illis accepit monumentum in hoc templo, qui illud variè exornarunt, ut neque ego desim, aliquid apponam.

Addo huic monumento inprimis statuam virtutis Religionis, hæc virtus est Christiani, huic defunctus à puericia studuit &c. Ecclesiæ benefecit &c. Addo secundo statuam fortitudinis, fortis fuit pro Ecclesia. Hugo Capetus Rex Gallorum, dum interrogaret Veremundum Leodientem Episcopum, in quo possit DEI Ecclesiæ servire, respondit, *sic præsens ut prosis*, quærit Rex ulterius Episcopum quomodo id faciendum? respondit Episcopus. *Et palmo & pugno.* Hoc est, liberalitate & defensione Ecclesiæ. DEUS benedixit Capeto, quia per annos sexcentos ejus nepotes in Gallia regnarunt. Hermus Bilius Princeps Corsicæ dicebat, *Ecclesia sum Hermus largiendo*, ut fluvius Hermus aurifer. *Et Bilius à bile, propugnando.* Pro antiqua Ecclesia ordinavit DEUS, primitias à quolibet homine, aurum, & argentum, & cuprum, hiacynthum & scarlacam, &c. Marmor, onychen ad exornandum Rationale, & ita profecit largitas populi, ut artifices tabernaculi. Oliab & Bezeel dixerint, non debere plura afferri & hoc ipsum proclamatum est per Præconem. Tempore Salomons voluit DEUS templum sibi erigi in montè Sion, David illi paravit dotem in auro & argento, & Principes contribuerunt, &c. Quia non domus parabatur homini, sed DEO.

Quæ dos Ecclesiam novam decet quam sibi Christus despon-
 favit? In omnibus bonis mundi contra dotem illi inscripsit.
 Eam reddebant Constantinus, Alexius, Commenus, & alii
 Imperatores, similia fecit N. defunctus, videbis ejus beneficia
 ad ortum & occasum, &c. Si quis contradiceret, è parietibus
 responderent lapides de hac re mihi dicenti. *Bene dixisti ve-
 nerabilis Beda.* Sed hoc tempore opus est ut inveniatur Booz
 qui jubeat Ruth colligere spicas post metentium terga, cum
 non habeant unde servi DEI vivant. *Jungere meis, ubi messu-
 erint sequere.* Talis Booz fuit defunctus N. *Ut Ruth absque ru-
 bore colligat, & colligentem nemo impediatur.* Erigo defuncto sta-
 tuam Defensoris Ecclesie, invadunt bona illius Catholici &
 Hæretici. Discurrunt ut Sicilie Tyrannus Æsculapius, Da-
 pallium aureum Apollo, hyeme non calefacit, æstate onerat.
 Da arcum aureum Diana nunquam ex illo es jaculata, &c.
 Da pomum aureum Mercuri, si illud momorderis dentes læ-
 des, date sacerdotes bona nec uxorem nec prolem habetis.
 Nabuchodonosorem converterunt in bestiam bona Ecclesie.
 Antiochum in pastum vermibus eadem dedere. Eadem car-
 bunculis impleverunt in capite Leonem quartum Constan-
 tinop Imp. dum raperet quæ Heraclius Ecclesie S. Sophie de-
 dit. *Memoria Fosa in compositione odoris facta opus pigmentarii,
 in omni ore quasi mel indulcorabitur memoria ejus, & ut musica in
 convivio vini.* Redolet memoria Defuncti, dulcis memoria,
 sonant illius opera ut musica. *Ut quid te misimus peregrinari
 lumen oculorum nostrorum, solatium vite nostra, omnia simul in te
 uno habentes, non debuimus dimittere à nobis.* Discessisti à nobis,
 sed ita DEO placitum, hoc nobis sit solatio, quia in caelo adifi-
 cavit ascensionem suam. Valedixit & valedicit omnibus in
 terra. Amiserunt devoti exemplar, fortes Heroem. Ubi est
 illa facies, illud robur? &c. Dalila, mors, omnibus Samso-
 nem

hem spoliavit. Sol eclipsavit, Ambr. in funere Graciani. *Quomodo ceciderunt Potentes, quomodo rapidiora fuerunt vita curricula quam ipsius Rhodani fluentia? O quam angusto sine vitam clausisti &c.*

In Funere alicujus Notarii.

CUM alii in Dignitate moriuntur, supra feretrum ponuntur eorum insignia, ut Marsalci, Ducis, Concellarii. *Æneas* Miseno tubicini tubam imposuit *Æneid.* 6. *Jonathæ* 1. *Mach.* 3. *Super columnas arma in memoriam eternitatis.* In Notario neque penna neque liber ponitur. Sed est exemplum *Tim.* 4. *Paulus proximus morti. Ego enim jam delibor & tempus resolutionis meae instat, &c. Affer tecum libros maxime autem membranas.* Cum libris ad coelum vadit, ita pennam & librum secum defert Notarius, & ita *Ambr. Serm.* 114. in *Ps.* 110, *Si dormias, exurgent tamen penna tua, sequentur te.* Descripsit se jam in coelo. *Isai* 44. *Et hic scribee manu sua Domino* Septuaginta pro Domino legunt, *DEI sum* hoc Defunctus scripsit, sed quæramus prius quid hæc penna in terris fecit?

Homo est avi similis, quæ jam in hoc, jam in illo loco considerat, tandem ad nidum redit, ita homo ad terram. Ita *Eccles.* 1. *Ego Salomon fui Rex in Jerusalem, cur, fui? utique adhuc vivebat? Hugo Victor. Fui jam non sum, quia etsi sum, id ipsum jam nihil esse agnosco quod sum.* *Greg.* in 3. *Reg. c. 2. Multum quidem seculi bona durant, si cum amatore usque ad extremum vite pervenient, quæ finem transire non possunt.* Quis tandem. *Exibit Spiritus ejus & revertetur in terram suam.* Hoc accidit *Adamo* *Gen.* 3. *Emisit eum Dominus de paradiso voluptatis, ut operaretur terram de qua sumptus est.* Hoc ipsum est. *Avolabant quasi aves ex Ægypto, & quasi columba de terra Assyrio-*

rum, & collocabo eos in domibus suis. Volavit ad locum Ur, inde ad Haran ex Haran in Mambre, ex Mambre in Geraram, ex Gerara ad Bersabeam, ex Bersabea in Palæstinam, ex Palæstina in Hebron Chanaan, ex Hebron in Palæstinam, ex Palæstina in Bersabeæ, ex Bersabeæ in Mesopotoniam, ex Mesopotonia in Sichem, ex Sichem in Bethel, ex Bethel ad Chanaan, ex Chanaa in Ægyptum, ex Ægypto in desertum, tandem ad terram promissionis. Sed nec ibi perpetuò fuit. Peruenit in Babilonem, in Persiam, in Græciam, Romam. Hoc symbolum vitæ nostræ, cui adscribamus. Eccles. 1. *Generatio præterit, generatio advenit, de quo Hieron. Alius morientibus nascuntur alii & quos videras non vides, & quos non videras incipis videre.* Pennæ in hac ave sunt variæ ut status hominum. Sed quid? Job. 37. *Ventus transiens fugabit ea.* Dissipabit, ut tempus abit, ita & homo. Greg. 33. Moral. 3. *Nullâ intus firmitate solidantur, meri quippe calami intus sunt per fatuitatem vacui, sed foris per speciem & ostentationem pulchri, homo ut penna, abripit pennam tempus ut aqua.* Homo tamen conatur volare ut Icarus. Ezech. 18. *Et facta est aquila altera grandis, magnis alis multisque plumis, succedunt proles.* Describitur hic Pharaon qui in succursum venit Sedeciæ. Ita Hieron. Cecidit ut avis Judea; hoc idem accidit aliis. Nam & regna sunt ut aves. Describitur regnum. Dan. 7. *Prima bestia quasi leona, & habebat alas aquila.* De hac Jer. 50. *Gloriosa in regnis & inclita, quid deinde?* Dan. 7. *Aspiciebam donec evulsa sunt ala ejus.* Reges Aves. Pyrrhus cum illum sui dicerent Aquilam, ut est apud Plut. *Aquila sum, vos mea ala estis.* Hæ pennæ attollunt. Penna est & Defunctus N & gloriola citius regna sine gladio quam sine penna stare possunt, 1. Reg. 12. *Non est inventus ensis & lancea in manibus totius populi, qui erant cum Saule & Jonatha, tamen in hostibus. Versus erat gladius uniuscujusque*

ad

ad proximum suum, & cædes magna nimis. Gladio valebant Philistæi, gladio perierunt Sauli. Gladius damno fuit. *Arripuit itaque Saul gladium, & irruit super eum, sed cum utebatur pen- nâ vincebat. Recensuit Saul populum qui inventi erant cum eo qua- si sexcentos viros. Gladio periit Julius. Gladii usus sæpe, in- terdicebatur. Scribit Rodolphus Farerius lib. 3. rerum quo- tid. c. 29. de Pompejo. Quos præmisisset ipse gladiis eorum an- nuli signum impresit ne quem in via laderent. Quia ut Cyrill. de Adorat. Insuper est militari hominum generi, ut libentissimè sibi plus quàm aquitas patitur, vendicer. Suada de sago & toga lib. 4. Simul Alexander magnus gladium & pennam portabat Sidon. Ducum antiquorum dextera solebat non minùs stylum tra- ctare, quàm gladium. Quare ex Justinian. Novella 85. Per præ- sentem sancimus legem in nulla provincia aut civitate nostræ Reip. habere licentiam privatos, aut alium quempiam, arma faceret aut vendere, aut quolibet mercari modo: sed solos eos qui inter fa- bricenses referuntur hac instruere, & deferre ad sacrum nostrum armamentarium. At verò Patriæ Malach. 4. Sanitas in pennis ejus. Possunt Defuncti N. Posterii dicere de penna ejus, quod suo alato Leoni tenenti librum adscribunt Veneti. *Evangelista meus. DEI Majestas in pennis demonstratur. Ezech. Simi- litudo super capita animalium firmamenti quasi aspectus crystalli horribilis, & extenti super capita eorum desuper, sub firmamento autem penna eorum erecta, alterius ad alterum. Firmamentum est cœlum, & sustentatur à pennis quæ sunt sub illo. De Arca ita præcipitur. Cherubim unus sit in latere uno, & alter in alte- ro, utrumque latus propitiatorii tegant, expandentes alas. Syna- gogam penna regit, Ecclesiam penna, Apoc. 6. Et quatuor a- nimalia singula eorum habebant pennas senas. Aug. per hæc a- nimalia intelligit Evangelistas. Defunctus calamo suo su- stentabat jura, &c. Quare Græci libros vocarunt, vitam mor-**

tuorum. Qua propter Synagoga soli Notario templi thesauros concredebat & summo Pontifici 4. Reg. 18. *Ascendit Scriba Regis & Pontifex, effundebantque & numerabant pecuniam que inveniebatur in domo Domini.* Fuit præclarus Scriba Defunctus. Xenocrates discipulus Platonis ita salutavit Areopagitas, *Avete homines, jam non homines, sed lapides.* Et projecit inter illos Lapidem sardachaten dicendo, *Areopagita hic juri præfecti estis, hominem exuistis, lapidem induistis.* Hic lapis dare dicitur audaciam, nebulas & ventos disjicere, somnum & pigrum pellere; talis fuit Defunctus. In sepulchro Firmilini Judicis, ut scribit Marulus, crevit ejus statua saxea, inscript. *Stetit ut rupes.* Hoc Defuncto competit. 1. Paralip. 3. Cùm Levitæ ferrent arcam, non sentiebant pondus, quia DEUS attemperabat. *Cumque adjuvisset DEUS Levitas qui portabant arcam Domini, juvabat N. ad pacem.* Gen. 49. *Vidit requiem quòd esset bona, & supponit humerum ad portandum, dictum de Hachar.* Sed difficultates oriebantur. 4. Esdræ II. *Vidi & de pennis ejus nascebantur contraria penna.* componebat N. omnia. 1. Cor. 15. *Abundantiùs omnibus laboravi, non ego, sed gratia DEI mecum.* Hoc fuit de penna Defuncti quod de Aquila. Esdræ. 1. c. *Surrexit aquila super ungues suos & misit vocem, pennis suis dicens, nolite simul omnes vigilare, dormite unusquisque in loco suo.* Clamabat, abbreviare processum juris at N. sibi putabat dictum 2. Tim. 4. *Tu vero vigila, in omnibus labora.* Alii dormiunt, sed non N. Plutarchus scribit de Deo Timotheo, quòd pingeretur cum retibus, in quæ provinciæ & civitates incidebant. Sic ad Defunctum omnes curiebant. Caroli Magni filius dicitur Arnulphus, id est, auxilium aquilæ. Ita N. Joan. 8. digito in terra scribebat. Sic & legem scripsit Exod. 4. Quia non reperiebat hominem per quem scriberet. Repertus N. scribebat pro Ecclesia, quia *adificavit do-*

mum suam super petram, Matth. 7. Dormiuit ut Jacob supra lapidem, Hieron. in Pl. 35. Sub capite ipsius lapis erat Christus. Fecit ut Daniel pro Susanna, pro fide, scripsit contra Hæreticos sicut contra Baltasarem, Quare DEUS Eccl. 10. Super faciem Scriba impones honorem suum.

Sed venit tempus ut etiam pennæ Defuncti indiceretur somnus. *Quiesce à laboribus tuis.* Paruit, sed alii teria in crastinum. 4 Reg. 4. *Habebat pacem ex omni parte in circuitu.* De quo Hugo Victor, lib. 3. de Claustro c. 9. *In circuitu pacem habet qui non turbatur memoria præteritorum debitorum, nec inquietatur desiderio futurorum, non frangitur aduersis, non elevator prosperis.* Talis N. confessus, testamentum fecit, filiis benedixit. Ezech. 1. apud Cherubim. *Manus hominis sub pennis eorum.* Volant, sed manus sub pennis, evellit. Ita N. gaudebat de illo Patria &c. volabat. *Otinam ad cælum aspiremus?* Bern. serm. 1. de Sept. *Commoveatur intra me spiritus meus, suspirans nimirum ad patriam illam, in quo nec numerus est, nec mensura, nec pondus.* Præcepit DEUS ut Levica avium oblatarum, pennas seruaret. *Et plumas projiciat prope altare ad orientalem plagam.* Ibi posita penna Defuncti, ad orientem gratiæ. Cùm altare consecratur quatuor in eo cruces ponuntur, quæ notant quatruplicem amorem, DEI, sui, proximi, inimicorum. Fuit in Defuncto hic amor, quare possumus de illo. Sap. 3. *Florum anime in manu DEI sunt, non tanget illos tormentum mortis.* Ambr. lib. 10. in Lucem de arundine quam posuerant mi ires in manu Christi, *Arundo quoque secundum Matthæum comprehenditur in manu ejus, ut humana fragilitas jam non sicut arundo moveatur à vento, sed operibus Christi corroborata fundetur.* Arundine olim utebantur, & modo aliquæ Gentes utuntur loco pennæ. Debilis est, sed in manu DEI fortis. Habuit N. fidem, & DEUS dixit Oseæ., 2. *Sponsabo te mihi in fide.* Fuit castus,

Judic. 9. *Dixeruntque omnia ligna ad rhamnum veni & impera super nos.* S. Method. lib 1. de Castit. per rhamnum intelligit castitatem, illi dicunt Angeli, impera super nos. Habuit amorem pauperum. Chrysol. *In regno cœlorum coram omnibus Angelis, in conventu resurgentium quod Abel passus sit, quod servavit mundum Noë, quod Abraham fidem suscepit, quod Moyses legem tulit, quod Petrus super omni Ecclesia ascendit, DEUS tacebit: & clamabit quod comedit pauper.* Honoravit N. Parentes, domum bene rexit. Si DEUS illi palmæ de qua in die palmarum ramos pro Christo cædebant, hoc dedit, ut cum omnes aliæ arbores fuissent à Romanis vastatæ, illa manserit integra, ut scribit Cyrill. Catech. 10. *Quid non dedit huic Defuncto? Aperite illi cœli portas, pacatè venit cum calamo. Recipe hanc avicularum tub alas tuas Christe, qui ut gallina congregas pullos tuos.*

In Funere Mulieris Nobilis.

MInatus cuidam DEUS Isai. 22. *Mittet te Dominus quasi pilam in terram latam & spatiosam, ibi morieris.* Perit in gramine. Matth 7. *Lata porta & spatiosa via est qua ducit ad perditionem* Perit. 1. Cor. 15. *Omnes resurgemus sed non omnes immutabimur.* Imò Prov. 10. *Nomen impiorum putrescet.* Sed bonorum mors. *Jactant pilam in camera.* Eccl. 12. *Revertatur pulvis in terram suam unde erat, & Spiritus redeat ad DEUM qui dedit illum.* Alliditur pila terræ. *In pulverem reverteris.* Sed Ps. 76. *Nunquid in aeternum projiciet DEUS? Non peribit.* 1. Cor. 15. *Seminatur in corruptione, surget in incorruptione: seminatur in ignobilitate, surget in gloria, seminatur in infirmitate, surget in virtute: seminatur corpus animale, surget Spirituale.* Corpus cadet, sed Prov. 10. *Memoria justi in laudibus.* Anima ibit ad cœlum. Apoc. 14. *Ut requiescat à laboribus suis.* Talis lœdus fuit cum

cum Defuncto, iuic pila ad maturam ætatem, &c. *Rediet Spiritus ad DEUM.* Deest vobis Pater Filii, amisistis pauperes &c. Sed aliquando mortui è tumulo loquentur. Achatius sepulcus, petitus an viveret? respondit. *Verus obediens non moritur.* Irene Filia S. Spiridionis mortua rogata, ubi depositum reliquisset, ostendit locum Patri: & hic Defunctus reipsa loquitur. Job. 19. *Gloria mea semper innovabitur.* Pila hæc volitabit, ego gloriam ejus in hac ponam. *Vocabitur Virago.*

In multa mala impulit invidia dæmonis hominem, ac præcipuè in mortem, & cum abijt ex oculis, abijt ex memoria. id ut præcaveant, quærunt famam, hinc arces &c. ædificant, & merito, quia Eccl. 24. *Curam habe de bono nomine, hoc enim tibi magis permanebit quàm mille thesauri pretiosi & magni quia gloria à vitiis frænatur, divitiæ impellunt, recedunt divitiæ, fama manet, sed ut thesauros compares, labore opus, idem est de fama, augeri non potest nisi per virtutem, hæc verò in arduo est. Sed debet sciri via ad famam.* Aberravit Nero, de quo Sueton c. 55. *Erat illi æternitatis, perpetuæque famæ cupido, sed inconsulta.* Erravit & Hieron, Olgiatus, qui occiso Duce Mediolanensi Galeacio cum ad mortem duceretur, ita se solabatur. *Mors acerba, fama perpetua, stabit vetus memoria facti.* Erravit Erostratus qui propter famam exussit templum Dianæ Ephesi. Sed fama per virtutem quæri debet. Præterea errant qui famam non in factis sed lingvis ponunt, nemo potest augere sibi staturam, hoc neque faciet lingua. Eccl. 12. *Homo Sanctus in sapientia permanet ut sol, nam stultus ut Luna mutatur.* Supra quæ Bern. in Nativ. B. Joan. Bapt. *Mutatam Lumen nunquam in eodem statu permanet, sed crescit, deficit, extenuatur, annihilatur, & penitus non comparet. Sic qui conscientias suas in alienis lingvis posuerunt, modo parvi, modo magni sunt, secundum quod adulantium lingvis vel vituperare placuerit vel lau-*

dare. Sed agunt lingvæ ut aquila cum testudine, elevat in altum, ut deiciat in saxum. Quare innotet Eccl. 10. In fine hominis denudatio operum ejus, quia ut S. Maximus hom. 59. Illo potissimum tempore merita sanctitatis extollas, quando nec laudantem adulatio, nec laudatum tenet elatio. Quare securè possum loqui de Defuncta N.

Sed quomodo laudabo cùm dicat Eccl. 7. Virum de mille unum reperi, mulierem ex omnibus non inveni. Sed etsi rari viri boni, tamen sunt, unde Eccl. 44. Laudemus viros gloriosos, unde? Dominantes in potestatibus, imperantes in populo, in peritia requirentes modos musicos, narrantes carmina scripturarum. Mulieres unde laudandæ? Virgo domi lateat. Conjugata de viro sumit laudem. Nobilis in portis vir ejus, ubi judicia celebrabantur, quando sederit cum senatoribus terræ. A viro dicitur Palatina &c. à se quid? Stragulatam vestem fecit sibi, byssus & purpura indumentum ejus. Tota in ornatu, si pauperior, vacat rei familiari. De nocte surrexit deditque cibaria ancillis suis. Plebeja, quasi vit lanam & linum, & digiti ejus apprehenderunt fusum. Sed hoc est de Judaicis mulieribus. Ambr. in Pl. 18. Judaica mulieres si gloria, & nostræ gloriosa. Laudat illos Ecclesia. Venerat Venetias Legatus Solimani, habitus honorificè, tamen urgebat ut rediret, quare? quia Venetiis dormire se dicebat non posse, quia sunt in debili fundamento. Mulier quid debile. Mulier ut Isid. quasi, mollis aëc, vocatur sexus fragilis. 1. Petr. 3. Quasi infirmiori vasculo muliebri impertientes honorem. Tamen in hoc debili, sunt pretiosa & difflia. Talis fuit Defuncta N. quare Virago. Cùm jussus fuisset quidam in parva gemma sculperet XL millia Virginum, sculpsit Arcem, & ex illa unam exeuntem virginem, & per aliam portam intrantem aliam, reliquas dixit esse in Arce. Arx est mulier. Gen. 2. Edificavit D. DEUS costam in mulierem. Ornatum hoc castum, à genere,

in

in Defuncta, ab Affinitatibus. In prima porta, primus ex familia, in altera ultimus, vel filii, intra arcem alii, Applaudit natali magnorum cælum. Bzovius ad annum 1164 cùm nasceretur S. Thomas Aquinas, Ambros. Senen. Jacobus Meiranus, omnes Ord. Prædic. tres I unæ aparuerunt in cælo. Cùm S. Aldegundis, Sol alter lucidissimus supra domum paternam stecit. Cùm Romæ Lucius Servilius in lucem prodit instar apum volitabant stellæ supra domum quæ in varia palatia cum magna luce descenderunt, augurès explicuerunt, quòd Servilius cum multis initurus esset affinitates. Quare proles notantur per Solem, Lunam, stellas. Sed & Gen. 22. *Multiplicabo sementuum sicut stellas cæli.* Hoc impletum in Defuncta &c. Sed quare addidit Abraham. Ibid. *Et sicut arenam quæ est in litore maris?* Respondet Philo lib 1. de Abraham, *Propriet sustinentiam,* quia arena illa sustinet mare. Sustinuit proles Abrahamæ Pharaonem, Sennacheribum, Moabitas. Antiochum. Passa similes impetus hostium Patria, & ecce Judic. 5. *Stellæ manentes in ordine, & cursu suo adversus Sisaram pugnauerunt.* descendunt in terram, fiunt arena, sistunt impetum maris. Tales Majores & Filii Defunctæ. Maxime in bello N. ibi de Patre ejus potest dici quod de Lud. Montonorentio Duce Gallorum qui ab Hispanis defendit partem Galliæ dictam Provincia. *In omnibus expeditionibus fuisse victoriosus, & in Viennensi gloriosus: in aliis vocatus es imperator, in hac Pater & Servatos.* Ita & aliis mari-bus imperabant. Job 38. *Usque huc venies, & non procedes amplius, & hic confringes tumentes fluctus tuos.* Quare meritò potest dici de Defuncta, quod de Debora S. Ambr. lib. de vidui. *Domo propriâ filium produxit Ducem exercitûs, ut possitis agnoscere quòd vidua valeat instruere Bellatorem.* Itaque Virago.

Nescio cur S Greg. Mulierem comparat scalæ, fortè tamen ideo, quia cum Jobo dæmon omnia abstulisset, uxorem reliquit,

reliquit, ut per illam tentaret, quo considerato Greg. 3. Moral. 5. *In alto Job. mentem fixerat, & idcirco hunc hostiles insidia irrumperere non valebant. Queritur ab adversario in hanc munitissimam artem quibus gradibus ascendatur, quare ait sibi. Vicina est viro mulier atque subiecta. Effeci per Evam, per Madi-
 anitides, & modò contra Jobum succedet. Cor igitur mulieris tenuit, & quasi scalam quã ad cor viri ascendere potuisset in venit.* Ita Greg. mulierem appellavit scalam dæmonis. Sed Rupert in Genes. vocat scalam cœli. Jacob peragrinus Gen. 28. dormiens vidit scalam. *Vidit in somnis scalam stantem super terram, & cacumen illius tangens cœlos, Angelosque DEI ascendentes & descendentes per eam.* Quare Repert. sic ad Jacobum. *Quid somnus Jacob? video scalam, & scala quid significat? Jam tibi Rachel preparatur.* Ergo scala cœli mulier sed quare? quia per eam Angeli descendebant & ascendebant. Et Defunctam voco scalam. Guicciardinus in hist. Jud. Blancam uxorem Eustachii comitis Bononiensis, ita laudat. *Homines genuit, Angelos fecit. Defuncta hoc egit educando sic bonus David 1. Reg. 29. dicitur Angelus. Bonus es tu in oculis meis sicut Angelus DEI.* Parentes qui in hoc errant vocat S. Bern. *Non Parentes sed peremptores* Pinxerat quidam Picam in nido plumas componentem, inscrip. *Ut mollius cubent.* Pinxit & Aquilam virgulta-
 ponentem. Inscrip. *Alius ita labunt.* Alii parentes sunt ut Picæ, ornant filios &c. Quid erit filius? pica. Aquila durè educat, sed pullus erit aquila. Ita Defuncta educavit ut Patriæ &c. evolarent. Deut 32. *Sicut Aquila provocans ad volandum pullos suos.* Scribit Ferre. de gest. Gall. *Quædam Mater præ amore nolebat Filium domo dimittere, urgebat ille jam maturior, emitte, dicendo. De Filio Mater non facias idolum. Faciunt idola Matres blandientes, unde Filiis accidit quod idolis Pl. 113. Simulachra Gentium, argentum & aurum &c. Vestit illum*

illum, Sic idolum vadit ad Comitiola. *Os habent & non loquentur.* Vadit ad iudicia. *Aures habent & non audient.* Vadit ad castra. *Pedes habent & non ambulabunt.* Defuncta ad labores applicabat Filios. S. Felicitatem ita laudat S. Greg. hom. 3. in Evang. *Nunquid ergo hanc feminam Martyrem dixerim? quæ septem pignoribus ad regnum præmissis, toties ante se mortua, ad pœnam prima venit, sed pervenit octava.* At Defuncta N. nostra Felicitas dolorem in corde habuit, cum sciendo incerta belli 2. Reg. 11. *Varius est eventus belli.* Ad castra mitteret Filios. Cum abiret ad bellum Filius, Mater *ad pœnam prima, abiret alter &c.* Quare, *vocabitur Virago.*

Greg. Nyssen. in Cant. *A prosperitate non flecti grande miraculum.* Extollit, ideo cum alis pingit Fortunam Alciatus, opus insistere solido. *Ponant in DEO spem suam, non in affinitate, &c.* Depinxit in imagine navis Ezechiel 27. Tyrum, postea familias magnas. *Finitimi tui qui te edificaverunt, impleverunt decorem tuum. Abiectionibus de sanis extraxerunt te cum omnibus tabulatis maris, cedram de libano tulerunt, ut facerent tibi malum, quercus de Basan dolaverunt in ramos tuos: & transtra tua fecerunt tibi ex ebore indico, & prætoriola de insulis Italia. Byssus varia de Ægypto texta est tibi in velum ut poneretur in malis.* Qui verò spectabant ad Nauticam, vel regimen, mercaturam, numerat ex plurimis nationibus, vide ibi. Ita & familiam extruunt affinitates, Promotiones, Dignitates, vestes, successiones &c. Vadit navis, omnes laudant. *Andiu? Tyria navis cicò perit.* Quare? num peritas nautas non habuit? victum? &c. Invenietis omnia. Sola doceat anchora, in se speravit, non in DEO. Quare ibid. *O Tyre tu dixisti, perfecti decoris ego sum, nunc contrita es à mari, in profundis aquarum opus tuum, & omnis multitudo tua, quæ erat in medio tui.* Ita his accidit qui non sequuntur Davidem Pl. 61. *Sperate in eo omnis congregatio*

Q
populi

populi, Audivit Defuncta, & secuta est, sæpè repetebat Pl. 55. *Ab altitudine diei timebo, ego verò in te sperabo.* Progressa sum in altum ut Sol meridianus, sed scio dicebat etiam alias domos, Job. 4. *Flante DEO periisse.* Quare DEUS meus anchora. *Ego verò in te sperabo.* Habuit si quæ Mater successus, non se extullic, totum DEO tribuit, imo offendebatur his qui se extollunt. *Alienati sunt Pl. 57. Peccatores à vulva, erraverunt ab utero, locuti sunt falsa.* De genere se jactant, fortitudine. *Locuti sunt falsa.* Quare falsa? Quia *erraverunt ab utero,* non meminerunt quales nati. Isai. 15. *Attendite ad petram unde excisi estis, & ad cavernam laci de qua præcisi estis.* De petra, nolunt esse adamantes, I. Cor. 14. *Omnia honestè & secundùm ordinem sicut in vobis.* Egit semper modestè defuncta, ideò Virago. Pl. 121, cui DEUS multa dederat. *Propter Domum D. DEI nostri quasi tibi bona tibi.* Taliter dantur Ecclesiasticis, fit hoc in Ecclesia quod in mari. Eccl. 1. *Omnia flumina intrant in mare, & revertuntur ut iterum fluant.* Ita & reditus Ecclesiastici redeant in Ecclesiam. Sed, & sæculares non ideò habent bona ut emant sibi infernum. Ezech. 1. *Sume gladium radentem pilos.* Rasit caput & barbam, & pilos in tres partes divisit, unam combussit in medio civitatis, alteram concidit, tertiam in ventos disjecit. Aug. tr. 50. in Joan. *Capillis serge, si habes superflua, da pauperibus, & Domini pedes terxisti, capilli enim superflua corporis videntur; habes quod agas de superfluis tuis, tibi superflua sunt, sed pedibus Domini necessaria.* Sed homines ita de divitiis disponunt. Hug. Card. *Divitiarum prima pars in ignem, secunda in ventum, tertia mittitur ad gladium. Quomodo? Divitias suas alii expendunt in igne libidinis, alii in vento superbia & laudis humana favore, alii gladio cœdunt pilos, qui divitiis suis lites nutriunt.* Hi omnes infernum sibi erunt. Ac Christus jussit Luc. 12. *Facite vobis sacculos qui non veterascunt.* Chrysosol. serm. 22. *Hoc monito Christus voluit te di-*

te ditare non perire, perpetuari non vacuari sacculos imperavit
 iussit te transferre non perdere. Duæ sunt in homine partes: &
 sibi similes, & contrariæ. Lien ad se trahit nutrimentum cum
 suo damno, nam oppletur, obstruitur, ventriculus attrahit,
 sed aliis membris distribuit Prov. II. *Alii dividunt propria &
 ditiores fiunt, alii rapiunt non sua, & semper in egestate sunt.* Ad
 priores spectat defuncta, dabat templis &c. Verè *Virago*.

Ostendit defuncta animum virilem in virtutibus. 3. Reg. 4.
 dicitur de Salomone. *Dedit illi DEUS sapientiam, prudentiam
 multam nimis, & latitudinem cordis.* Latum cor, in quo multa
 possunt reponi, nulli est augustum. Hanc latitudinem ostendit
 DEUS in corde S. Claræ, cum enim mortuæ abluerent,
 corpus, adverterunt supra cor ultra modum pectus elevatum;
 cor aperitur, utpote magnæ magnitudinis, inveniuntur in
 eo instrumenta passionis Dominicæ formata ex carne, & in
 fundo cordis tres globuli quorum unus tantum ponderabat
 quantum duo, & utcumque mutarentur. Figura hæc SS. Trini-
 tatis, O cor amplum! Et defuncta cor amplum habuit, intra-
 vit in illud v. g. S. Dominicus, S. Franciscus &c. omnes in eo,
 S. Ambros. 4. Hexam. 6. quærit cur Sol & Luna vocata
 sunt luminaria magna? respondet. *Exemplum magnitudinis
 eorum evidens, quòd omnibus hominibus orbis Luna idem videtur;
 nam etsi interdum augeatur lumen ejus atque minuatur, tamen
 eadem nocte qualis mihi apparet, talis & omnibus. Sol similis, &
 Indis & Britannis, eodem momento videtur cum oritur, nec cum
 vergit in occasum minor apparet Orientalibus quàm Occidentalibus:
 Sol à nullo distat, nulli presentior, nulli absentior est.* Signum ma-
 gnitudinis, quia æqualis omnibus. Magnum cor in defuncta,
 quia æquale omnibus &c. Itaque *Virago* in omnes liberalis.

Mulieres aspera fugiunt, mortificationem. Facit scul-
 ptor statuam, non eget illa reparatione: facit Hortulanus ex

herbis, eget quia herbæ excreſcunt. Sancti in cœlo ſunt ut ſtatuae de marmore, non mutantur, nos ut ex herbis Eccl. 7. *Hoc inveni quòd fecerit Dominus hominem rectum, & ipſe ſe infinitis miſcuerit quaſtionibus.* Multæ herbæ excreverunt, opus forſice. *Mortificate membra veſtra, Mortificationem JESU in corpore veſtro circumferentes.* Faciebat hoc defuncta Virago.

Philippus III. Rex Hiſpan. Margaritæ Auſtriacæ Sponſæ ſux, miſerat ex adamante Sol cum inſcript. *Hæc quoque ornat.* Eccl. 26. *Sicut Sol oriens mundo in altisſimis DEI, ſic ſpecies mulieris bonæ in ornamento domûs ejus.* Mulier ſimilis Soli; talis defuncta. *Illustravit Eccleſiam &c. Luxit ut Sol. Eccl. 1. Oritur Sol & occidit, & ad locum ſuum revertitur, ibique renaſcens, gyrat per meridiem, flebitur ad Aquilonem.* Cucurrit defuncta ad occalum. Joſue 10. *Sol contra Gabaon ne movearis.* Vixit defuncta quamdiu opus erat. Surius 19. Maij. S. Dunſtanus habuit cum Angelis familiaritatem, venerunt ad illum die Aſcenſionis Domini. *Dunſtane veni in cœlum.* Sanctus reſpondit. *Cras ibo, hodie volo concionari, fecit propter charitatem.* Ita defuncta diu vivere deſiderabat propter prolem; hæc educatâ dixit. *Curſum conſummavi.* Deut. 33. Precatus Moyſes tribui Aſer. *Sicut dies juventutis tuæ ita & ſenectus tua.* Vixit in Juventute defuncta ſanctè, mortua ſanctè. Virago in vita, virago in morte. *Viam univerſa carnis ingreſſa.* Ut pila in altum evolavit. Eccl. 49. *In omni ore ejus memoria quaſi mel indulcorabitur.* Et merito, quia quod Caſſiod. lib. 2. varia. 5. ſcripſit de Amalaſunta, hoc defunctæ competit. *Si prudentem quaeris? hæc fuit, ſi fortem? nulli ceſſit, conſilio optima, Religione nitens, prole beata, ubique clara.* Liviae Lucretiæ Romæ ſcripſit hoc quidam Epitaphium. *Casta vixit, lanam fecit, Domum ſervavit* Hoc ſervit defunctæ, lanam fecit per bona opera. Appone illi: *Requieſcat in pace.*

In Funere ejusdem.

Videtur hoc corpus defunctæ, non eripuit à morte nobilitas, non stemmata hæc &c. Solum dicere possumus *Mortua est Rachel*. Dilecta marito suo, Gen. 29. &c. Quid Jacob mortuæ Racheli Gen. 35. *Erexit Jacob titulum super sepulchrum Rachel, titulum monumenti usque in præsentem diem*. Machinæ sepulchrales sunt tituli, sed non durant, talem erigamus qui perennet.

Tres titulos præcipuè defuncta N. habuit, sed duo transierunt, tertius manet & manebit. Jacobi titulus quam erexit fuit lapis grandis, & illi inscripsit verbum Hebraicum, ut testatur Reuchl. in lib. 3. de symbolis Judæorum, *Bethmalon*, hoc est, *Domus hospitii*. Hanc domum in tres partes divisit, prima erat *Charter*, hoc est, *atrium*. Altera, *Lischchau*, hoc est, *trichinium*. Tertia, *Beth Ischenah*, id est, *dormitorium*. Prima pars Atrium, est in vitam ingressus, hoc apud plebejos vacuum imaginibus, sed utcumque aliquis nascatur, tamen in atrio, & quisque si desint stemmata, potest illud exornare virtutibus, tamen si desit nobilitas, erit qui dicat. 1. Reg. 25. *Quis est David & quis est filius Isai? hodie increverunt servi qui fugerant dominos suos*. Jacob ergo inscripsit atrium, ut judicaret genus Rachelis, & hoc erat. Rachelem genuit Laban, Labanum Bathuel, Bathuelem Ochofad, Ochofadum Ale-dat, &c. Mater Rachelis erat Zelepha, Zelephæ Helda nurus Rebeccæ, Helda Aludira &c. Simili modo pono genus defunctæ, his atrium orno. Sed his non contenta N. addidit Majorum virtutibus suas, de illa potest dici, quod scripsit Ambr. de S. Agnete. *Vidi corpore juvenulam sed senectute mentis immensam*. Egit juxta præscriptum S. Aug. *Sit sermo virginis prudens,*

prudens, modestus, & rarus: non iam eloquentiâ pretiosus, quàm pudore speciosus; mirentur omnes eâ tacente verecundiam, eâ loquente prudentiam. Nec mirum quòd talis fuerit; quia bonam Matrem habuit, edocta ab illa se domi continere, Ambr. de Virgin. Virgo non debet esse vulgaris, non in foro, non in plateis, non esse voce querula, gressu lubrica, auditu facilis, aspectu vilis. Didicit prudentiam. Ambr. in Luc. Trepidare Virginum est, ad omnes viri ingressus pavere, omnes viri affatus vereri. Didicit devotionem. 1. Cor. 7. Mulier innupta & virgo cogitat quæ Domini sunt, ut sit sancta mente & corpore. Didicit contentiones fugere. Ambr. de Virgin. Claude virginitatem modestiâ loquendi, & abstinentiâ litigandi.

Altera pars, triclinium. Hoc ingreditur Virgo cum nubit, sed turpe si mulier ipsa irrumpat in hoc triclinium, Isai. 14. Apprehendent septem mulieres virum unum in illa die dicentes: panem nostrum comedemus, vestimentis nostris operiemur, tantummodo invocatur nomen tuum super nos. Expectet in atrio sicut Esther apud Assuerum. Stetit in atrio domus Regia, cumque vidisset Rex eam stantem, placuit oculis ejus, & extendit ad eam virgam auream quam tenebat manu, tunc accedens osculata est summitatem virgæ. Dedit illi ut uxori virgam auream non querenam, ut attineret summitatem: non imum, ne despectui haberetur. Prius sponsus loquatur cum Parentibus sponsæ. Cant. 8. Quid faciemus sorori nostræ in die quando alloquenda est si murus est, ædificemus super eum propugnacula; si ostium, compingamus illud tabulis cedrinis. Adhibet ad acquirendam velut arcem artes militares, non ipsa se offert. Judio. 5. Nova bella elegit Dominus. In quod Theophilact. Antiqua bella sunt furoris; nova bella sunt amoris: ubi amor depugnat, unum cor de altero triumphat. In hoc bello capitur uxor, tum primò Rachel ad triclinium ducitur. Introducta fuit N. defuncta in domum, & secum suum genus

ac virtutes intulit, Gen. 24. *Introduxit in tabernaculum Sara Matris suæ.* In illo triclinio tituli, Jacob sua gesta delineavit. Quomodo cum Angelo luctatus? quomodo illi dictum, Gen. 32. *Non vocaberis ultra Jacob sed Israël.* Sed quare Jacobe non depingis tuæ uxoris gesta? Quia uxor non sua, sed mariti considerat gesta. Videte Mariti quæ uxori- bus proponatis; fama Mariti in uxorem defluit. Si ille Nobilis, & illa, &c. In triclinio res agitur, ad suum locum vir invitat. *Accede & tange sceptrum.* Ruth. 2. *Extende pallium tuum super me, quia propinquus es mihi.* Extende titulos &c. Non depingam tua Marite N. gesta, nota sunt, tam in pace quàm in bello, ecce omnia collecta sunt in tumultum. De illa ipsa quære quod S. Franciscus Borgias Dux Gandiæ de Imperatrice Isabella. *Hæcine illa Isabella?* Viderat illam post magnam formam, maximè in tumba deformem. Dicam: Tunè es talis? Illa in Dignitaribus &c. O mors hæc mutaisti! Eccl. 10. *Cum morietur homo, hereditabit tantum vermes, bestias, & serpentes.* Titulus hic fuit mundanus, non duravit. Sed cur Jacobe uxorem tuam appellas toties ovem, id est Rachelem? Fuit ovis aurea N. Ovis uxoris symbolum, ita Nathan describit uxorem Uriæ Bethsabeam 2. Reg. 12. Parvula erat, licet genere magna & virtutibus, memor moniti S. Chrystost. in Polyerat. lib. 3. *Quisquis gradus propriæ celsitudinis amat, humilitatis cultum in moribus diligentissimè teneat; nam qui ab humilitatis operibus recedit, à dignitatis fastigio tumore cadit.* Hæc Ovicula erat à DEO Prov. 14. *Domus & divitiae à Parentibus dantur, à Domino autem uxor prudens.* Illi serviunt verba ulteriõra Nathan. *Creverat in domo ejus.* Non in domo quidem Mariti, sed ut Hieron. ad Paulin. *Creverat non annis sed palmis; non numerositate dierum sed operum, non atate sed integritate, statura ejus est assimilata palmæ.* Non succubuit oneribus familiæ, floruit in matrimonio, & fructus

Etus dedit ut quondam Sara filia Raguellis Tob. 10. *Osculati sunt eam, & dimiserunt eam: monentes eam honorare soceros, diligere maritum, regere familiam, gubernare domum, & seipsam irreprehensibilem exhibere.* Hæc omnia illa implevit. Testatur Maritus, Affines. Ovicula de quo Nathan. *De pane ejus comedens &c.* Hæc est concordia Conjugum. *In tribus placitum est spiritui meo, quæ sunt probata coram DEO & hominibus: Concordia Fratrum, Amor proximorum, vir & mulier bene consentientes.* Dicit Nathan, quod illius ovis de eodem pane comederit, quia uxor debet iisdem esse contenta quibus vir, ita debent vivere, ut Cassiod. in epist. *Jacob & Rachel quasi jugales. Rachel quod è domo habebat, augebat. Jacob in baculo uno exierat, in duabus turmis redibat. Quare? quia iisdem contenti erant, erat amor. Rachel erat sicut filia. Rapta est à te ista ovis ô Marite.*

Tertia pars, Monumentum, est dormitorium. Transit, titulus atrii Pl. 48. *Homo cum interierit non sumet omnia, neque descendet cum eo gloria ejus.* Jam stemmata vestra lucere desinunt, quia sub terram abeunt, & simul vos sub eandem deducunt. Alium titulum Defuncta N. assumet, qui manebit. Ex sepulchro S. Bulgariz Ducissæ Cremonensis, ut scribit Historia tripartita, prodiit arbor cedrina cum sarculis triplicibus. Alius erat balsami, & hic notabat ejus pietatem: alius olivarum, & hic misericordiam in pauperes: alius cupressi, & hic felicem mortem. Hæ tres virtutes in Defuncta reperiuntur. Fuit devota, confitebatur &c. Legebat, aderat concionibus &c. Confraternitates, jejunia. Hæc fuit virga balsami, inciditur balsamus ut gratior fluat liquor, illa se flagellis incidebat, hic sarculus erat cedro insitus, quia 1. Cor. 15. *Charitas nunquam excidit.* Eleemosynæ notæ, hæc sunt ramus olivarum, & cedro insitus, quia Eccl. 17. *Eleemosyna gratiam hominis quasi pupilla conservabit, & postea resurget, & retribuet retributionem unicui.*

unicuique in caput ipsius. Quare Defunctæ scribitur in coelo titulus. Jer. 11. *Olivam uberem, pulchram, fructiferam, speciosam, vocavit Dominus nomen ejus.* Erat ramus cupressi, sanctè N. mortua, usa SS. Sacramentis. Maritum deprecata, valedixit. Hæc planta est cupressi, sed cedro insita. Illi coelum adscribit. Eccl. 24. *Sicut cupressus in monte Sion, & hic repeto illud Jacobi.* *Hic est titulus monumenti Rachel usque in presentem diem.* Talem titulum queratis, qui non in verbis sed rebus consistit, & vobiscum manebit. Aliis titulis nites ô Defuncta, sed hic illustrior quem dedit vita bona, ex hoc noscèris in regione æterna. Grave nobis est tecum dividi, lugent Fratres &c. Solatur bona vita, quia tamen 1. Cor. 3. *Quis novit sensum Domini, aut quis consiliarius ejus fuit?* Fiunt pro Defuncta preces &c. Gratias vobis hæc facientibus, & per nos illa Christum precatur, Da requiem &c.

In Funere Mulieris Nobilis.

CUM educturus esset populum Moyses ex Ægypto, præscripsit illi DEUS Exod. 3. *Cum egrediemini non eritis vacui, sed postulatibit mulier à vicina sua, & ab hospita sua vasa argentea & aurea, ac vestes, ponetisque eas super filios ac filias vestras, & spoliabitis Ægyptum.* Moyses insuper, Exod. 13. *Taliter Moyses ossa Joseph secum reliquias.* Et in via, ut scribit Josephus, Antiq. lib. 5. Jam arca præcedebat populum, jam ossa Joseph, aliquando aut illa, aut hæc sequabantur, habemus ossa Defunctæ, &c. Ego solabor his verbis Gen. 35. *Mortua est Rachel &c.*

Mortua est Rachel, Mortis memoria & ingrata, & frequens, & ubique scripta in homine: Memento homo quia pulvis, &c. In aqua, 2. Reg. 14. *Omnes morimur, & sicut aqua dilabimur.* In vento, Job. 7. *Ventus est vita mea.* In avibus, Eccles. 1.

Omnes prætereunt tanquam aves; In sole, oritur sol & occidit. In mensa, mortes avium, ferarum quibus vescimur, & ea velut in sepulchro deponimus. In camera, sonat horologium omnia mortem commemorant. E contra dæmon securitatem ingerit Job. 40. Sub umbra dærmis in secreto calami, in locis humentibus, protegunt umbra umbram ejus. Sed quomodo umbræ umbram? Rom. 5. Per unum hominem peccatum introiit in mundum, & per peccatum mors. Umbra peccatum, anima sine peccato. Thren. 4. Candidiores Nazaraei ejus nive, rubicundiores ebore antiquo, Saphiro pulchriores. Sed in peccatum lapsa. Ihd. Demigrata est super carbones facies eorum. Amisit illud lumen. Pl. 4. Signatum est super nos lumen vultus tui. Mors etiam umbra, in morte tenebrescit ratio, oculi, memoria, nigra vestis. Seneca. Mors cuncta demigrat, has umbras fecit dæmon. Umbram ejus protegunt umbra, spes vitæ. Moritur Juvenis, dicunt Senes, mortuus propter ebrietatem, &c. Moritur senex, dicunt Juvenes, jam pridem erat cadaver. Moritur æger, &c. Sanus, dicunt, diutiùs debiles vivunt, Pauper &c. dives. Hoc rific Seneca. Epist. 102. Navigationes longas, & pererratis littoribus alienis seros in patriam reditus proponimus, cum interim adlatus mors est, quæ quoniam non cogitatur nisi aliena, nobis subinde ingeruntur mortalitatis exempla non diutiùs, quam dum miramur, hasura. Tamen DEUS. Luc. 11. Quà horâ non putatis Filius hominis venire. Terret, ut corrigat. Cum puniret Ægyptum misit & locustas. Cum orat Moyse pro illis. Exod. 10. Fecit flare ventum ab occidente vehementissimum, & arreptam locustam projecit in mare rubrum ut ne una remaneret. Peccatum simile locustæ; omnia absumit locusta, nascitur ex calore, Jacob. 1. Concupiscentia parit peccatum; veniat ventus ab occidente, à morte. Mors valet etiam in regna. Philo lib. Quòd DEUS sic immutabilis. Ante Macedonum imperium inclyta fuit Persa-

Perfarum felicitas. Sed una dies tam ingenti regno finem attulit. Fuit Ægyptiorum per ampla & magna potentia, sed nubes in modum felicitas ejus præcævit. Quid Æthiopes? Quid Cartago? quid Africa? quid Pontici Reges? quid Europa, Asiaque? & ut compendio dicam totus orbis habitabilis, nonne more navis sus deque jactata fluctibus marinis, nunc adversis ventis, nunc secundis utitur. Nihil igitur est rebus in humanis præter umbram, auramque plenissimam sine mora prætervolantem. Mors etiam imperiis & Regnis formidabilis est. Hanc mortis potentiam descripsit Joël 1. Residuum Eruca comedit bruchus, residuum bruchi comedit rubigo Quatuor Monarchias per has quatuor vermes intelligit S. Hieron. Cum DEUS punit miscet misericordiam. Abel mortuus Gen. 3. Posuit mihi Dominus semen aliud pro Abel quem occidit Cain. Submersus mundus, manserunt octo vivi. Sodomam periiit, mansit Loth. Cum subditi contribuunt, liberi sunt Domini, cum illi esuriunt, isti non sument, cum fulminat non timet justus. Sed mors, plaga Joëlis, nulli parcit, Joël hominem velut arborem cogitavit, Eruca vorat folia, locusta corticem, bruchus fructus, rubigo reliquum; ita mors, hoc modo Mortua Rachel, Defuncta N.

Mundus est instar malæ Apothecæ, omnes pixides inscriptæ; multæ vacuæ, multæ quid pro quo habent. Habemus titulos sine rebus. Cain significat possessionem: Abel vanitatem, contrarium in re, oportet nomini respondere. Alexandro Imp. dabant titulum Antonini pii. At ille, ut Lamprid. refert, *Ne Partes conscripti ad hanc necessitatem nominis me vocetis, ut ego cogar nomini huic satisfacere. Hac nomina insignia onerosa sunt.* Rachel significat ovem, Rachelem voco Defunctam N. Plin. lib. 12. c. 14. scribit quod oves hyeme & in autumno incubent sinistro lateri, alias dextro. Hoc ipsum præcepit DEUS Ezechieli 4. *Tu dormies super latus tuum sinistrum,*

& cum hac compleveris, dormies super latus tuum dextrum. Sed homines modo volunt jacere in dextro, sed talibus. *Ite maledicti.* Epulo in dextro jacuit Luc. 16. Lazarus in sinistro, venit mors mutavit. *Recepisti bona in vita tua, volumus in exilio patriam, in luto gemmam.* Huc Job. 17. *Noctem verterunt in diem.* Non sic anima bona. Cant. 3. *Tenui eum nec dimittam.* Commemorat super hoc Bern. serm. 16. in Cant. duellum Jacobi cum Angelo. *Ista non vult eum dimittere, & fortè magis quàm Patriarcha non vult, quia nec pro benedictione quidem. siquidem ille benedictione acceptâ dimisit eum, hac autem non sic. Nolo inquit benedictionem tuam sed te.* Bene Theodoret. in Genes. *In Israëlè terrena in pretio, cælum in mysterio.* Terrena in pretio apud Jacobum, Coelestia apud animam sanctam. Contenti multi benedictione terrenâ. Pl. 143. *Promptuaria eorum plena, oves eorum fatosa, non est ruina macerie. Filia eorum composita,* De his dicunt. *Beatum populum dixerunt cujus hæc sunt, sed errant. Beatus populus cujus D. DEUS ejus.* Anima sancta, non benedictionem, sed Christum vult. Sap. 14. *Creatura DEI in tentationem animæ facta sunt, & in muscipulam pedibus insipientium,* ut pro mire. Desiderant Filium, nascitur pessimus, uxorem, divitias. Agrippina de Herode *Occidat dum imperet.* Quid illa Gen. 30. *Da mihi liberos alioquin moriar.* Habuit, & tum, *Si sic mihi futurum erat quid necesse erat concipere?* Adonias petit in uxorem Sunamitidem 3. Reg. 2. ecce de illo *Frater. Hodie occidetur Adonias.* Compatitur his in dextro cubantibus. Luc. 16. *Va vobis qui nunc habetis consolationem vestram.* Quare non potius ægris &c. Compatitur ut Job. 30. *Flebam super eo qui afflictus fuerat.* Quia ut Damiani lib. 3. Epist. 4. *Consolatio mater peccati.* Quia ut Chrysof. hom. 14. ad pop. *Consolationes mundanae quamvis sint varia, gravatas usu suo trahunt in tartarum.* Nec recipiunt coelestia Lau. Justinianus de agone Christ.

Christ. *Nihil tam contrarium cælo quàm consolari in hoc mundo.* Ideò Christus felicibus compassus. Sur. 20. Martii S. Wolfranus Episc. Frisæ, adduxerat ad fidem filium, Pater Radborus jam eandem erat suscepturus, nocte præcedente Baptismum, comparet dæmon, ostendit palatium aureum, monet ne mutet fidem, promittit hæc ipsa se illi in sylva ostensurum. Nuntiat hæc Sancto Radborus, admonet fraudis Sanctus nihilominus ad videndum palatium in sylvis mittit Sanctus, Diaconum, & Dux suum, vident omnia, aurea, & thronum de quo vox. *Hæc domus est & ista sedes, quam Radbero DEUS suus, post hanc mortalitatem daturum se spondit.* At Diaconus si hoc est opus Dei stet in æternum, si dæmonis, pereat statim, & periit, cum redeunt ut id Radboro dicant, inveniunt mortuum. Multi sunt Radbori, palatia dæmon aurea promittit, non curant cælum, *Noctem verterunt in diem, in labore hominum non sunt.* Dextro incubant, vellent simul cælum, sed Hieron. *Delicatus es o Frater, si & hic vis gaudere cum sæculo, & postea regnare cum Christo.* At nostra Defuncta quamvis in domo magna, & Matrimonio, servavit quod virginibus dictum I. Cor. 7. *Mulier inupta & virgo cogitat que Domini sunt, ut sit sancta corpore & spiritu.* Ita laudavit Agnetem Imp. Damiani. *Non impedit vinculum Matrimonii animi ejus volatum, non emollivit lectus mollis cor cruci affixum, in matrimonio tanquam virgo, in palatio tanquam in calvario, vixit in sæculo absque sæculo, Patriam æternam mente voluens, cogitatione tangens.* Sinistro incubuit memor illius. *Qui utuntur hoc mundo tanquam non utantur.* Dedit DEUS genus, maritum &c. Sed illa. *Nolo benedictionem tuam, sed te.* Non cecidit in muscipulam ut Radborus. Quidam petit à S. Augustino, ut est in Alphab. Christi. ut ostenderet illi statum in quo salvandus esset, apparuit Sanctus & dixit. *Transite vana, transite vana.* Quòd deberet mundum

contempnere. Ita illi. Defuncta, in conviviiis, transire vana vestitu, honoribus, &c. Servavit bene ovium conditionem anhelans ad coelum. Satiabor cum apparuerit gloria tua.

Eccl. 18. Intuere omnia opera Altissimi, duo & duo, unum contra unum. Leo cum leone, duo & duo ovis cum lupo, unum contra unum. Aug. lupo assimilatur peccatum. Dicitur vulgo perditur vocem à visu lupi, idem facit peccatum, aspexit te lupo, jam non dices confidenter, Pater noster, &c. Et lupo infascinat. Opus timore, timidâ conscientia ut ovis. Homo debitor est DEI divitis, qui dives est in misericordia accepit ab hoc homo multa. Jacob. 1. Omne datum optimum, & omne donum perfectum desursum est descendens à Patre luminum. Expectat debitum usque, cum accepero tempus justitias judicabo, suo tempore. Creditor pauper, conscientia urget statim, hinc pavor. Deut. 28. Dabit tibi Dominus cor pavidum, & deficientes oculos, & animam consumptam mœrore, & erit vita tua quasi pendens ante te. Timebis die ac nocte, & non eredes vita tua. Manè dices, quis mihi det vespere? & vespere, quis mihi det manè? propter cordis tui formidinem quatberis, & propter ea quae tuis videbis oculis. Hæc tortura malæ conscientia maximè, vita tua pendens ante te. Ut si non ligatis oculis stet coram carnifice. Omnia tormenta Tyrannorum superat conscientia. Seneca. Prima & maxima pœna peccantium est peccasse. Ante judicia torquentur, omnia superat; simul est instigator, Judex, executor. Aug. Jusisti Domine, & ita est, ut omnis inordinatus animus sit sibi pœna. Sequitur. Aug. in Pl. 45. Inter omnes tribulationes animæ humanae nulla major est quàm conscientia delictorum si enim ibi vulnus non fuerit, ubicunque alibi passus fuerit tribulationes, illuc confugiet, & ibi DEUM inveniet. Quod si non fuerit ibi requies propter abundantiam iniquitatis, quoniam & ibi DEUS non est, quid factururus est homo? quò confugiet? Fugiet ab agro in civitatem, à publico in domum,

domum, à domo in cubiculum, à cubiculo jam quò fugiet? non habet nisi interius cor suum. Quodsi ibi tumultus est, si fumus iniquitatis, si sceleris fama, illò confugere non potest, à seipso pellitur. Si autem à seipso? quò fugiturus est? quocumque enim fugerit, se trahit post se & quocumque traxerit se, cruciat se, hujusmodi autem cruciatibus tantò sunt acerbiores, quantò interiores. Sed neque Lipsius malè. Conscientia ante peccatum frænum, post peccatum flagrum. Conditiones bonæ conscientia sunt 1. Quia non timeret, nec lingvas, nec calus, nec persecutiones, fulmina, maleficia. Sueton. de Caligula Imp. Ad minima tonitrua & fulmina connivere caput obvolvère: ad majora verò proripere se exstrato, sub lectumque condere solibat, pessimus erat. Ita Pharaò rogat Moysen. Ille Exod. 9. Cum egressus fuero de urbe, extendam palmas meas ad Dominum, & cessabunt tonitrua. Pharaò se abscondit, Moyses pergit. Ferdinandus 1. Dux Florentiæ, pingebat cates allascentes Lunam. Inscript. *Virus ubique tuta.* Aug. illa repetebat. *Senti tu quidquid velis de Augustino, sola me in oculis DEI conscientia non accuset.* De hoc 2. Cor. 1. *Gloria nostra hæc est, testimonium conscientia nostra.* S. Tiburtio allata martyrii instrumenta, ac ille. *Omnes pœna vobis sunt viles ubi secuta comes est conscientia.* 2. *Conditio bonæ conscientia non pulsat.* Bern. lib. de interiori domo cap. 23. *Ager benedictionis, hortus deliciarum, templum Salomonis,* loquitur de bona conscientia. An, quia templum ornatum? etiam conscientia. An, quia ibi sacrificia, etiam hic. *Grande sacrificium bona conscientia.* An, ob præsentiam DEI? etiam hic. *Conscientia castæ inhabitator DEUS.* Sed præcipuè, quia de templo illo 3. Reg. 6. *Cum edificaretur de lapidibus dolatis atque perfectis, malleus, & securis, & omne ferramentum, non sunt audira in Domo Domini. Non est malleus, ibi habitat DEUS. In pace factus est locus ejus, & habitatio ejus in Sion.* 3. *Habet bona conscientia semper ad cœ-*

lum accessum. Chrysoft. hom. 12. ad Rom. *Nihil sic animas sustentare, erigere, ac veluti volatiles reddere consuevit, ut conscientia bona.* S. Macarius hominem comparat avi, sed malus habet alas accisas, bonus integras. Habet suum festum bona conscientia, veniunt ad festa & divites ornati, & pauperes. Chrysoft. 1. c. *Etiamsi universum orbem choreas agitare videat, hęc ipsa de causa magis angitur ac dolet, pauper. Dives verò delicatus mutatoris vestibus abundans, in summa prosperitate vivens, etiam extra festiva tempora festum agere sibi videtur. Ita & spiritalibus usa venit. Qui enim vivit in iustitia & operibus bonis, vel absque festo, festum agit. Qui verò in peccato & malitia vitam degit, multorum malorum sibi met conscius, etiam cum maximè festum est, festo caret quàm maximè.* Defuncta habuit puram, sed timidam conscientiam, aliqui timent sed mali. Eccl. 21. *Quasi à facie colubri fuge peccatum quare, non ut colubrum?* In peccato, est culpa & poena, culpa caput, poenæ cauda, magis caput timendum. Illi solam timent caudam. Sed, inquires. Ambr. *Trepidare infirmitatis est & timoris, atque formidinis.* Ideò de conscientia timida non potest laudari Defuncta. Sed cum eodem in Pl. 118. serm. 21. Resp. *Est etiam timor Sanctorum. Timere Dominum omnes Sancti ejus, & Beatus vir qui timet Dominum; qua ratione beatus? quia in mandatis ejus cupit nimis.* Talis timor fuit Defunctæ. Abraham cum sæpè mutaret locum, tamen hospitalitatis non oblitus, semel sub arbore, Gen. 18. *In ostio tabernaculi sui in ipso fervore diei.* Cur sedit in sole? Chrysoft. *Tantopere curabat hospitalitatem, ut nollet horum venationem cuiquam familiariam committere, sed 318. vernaculos habens, homo senex & decrepita ætatis apud januam sedebat, quomodo? In ipso fervore diei.* 2. Reg. 4. simili tempore Holoeth filius Regis dormit. *Dormiebat super stratum suum in meridie.* Ad portam Ostiaria domus purgans triticum dormivit. Cur non

excubiæ? cur non domus clausa? occisus à latronibus. Abraham ipse excubavit. Ex hoc Nilus in Alceticis. *Quomodo enim Rex feminam haberet ostiariam, qui satellitum multitudine cum omni apparatu munitus esse deberet? Idcirco magnus ille Abraham non permittit uxori ut ostium seruet, neque enim ignorat quàm facile sensus decipiatur. Non reliquit Defuncta in porta conscientiae ancillam, id est, sensus, Abraham, ratio custodivit; inde Nihil toruum in oculis, nihil in verbis procax, nihil in actu invere. cundum, non gestus fractior, non incessus solucior, non vox petulantior. Ipsa species corporis simulacrum fuit mentis, figura probitatis.*

Ovis foecunda. Natura facit quod potest, & cum aliquo casu non potest aliud, facit monstrum. Helian. lib. 1. Hist. In insula Cai, ovis peperit leonem apud divitem Nicoppum, augures explicuerunt, de magna felicitate, hæc eadem natura dedit homini appetitum vitæ, quare saltem curat ut in prole vivat. Chrysoft. hom. 18. in Genes. *Postquam subintravit mortalitas, summa consolatio erat filiorum successio. Idcirco misericors DEUS puniendi severitatem diminuens, & morte personam auferens, successionem filiorum largitus est, & quasi imaginem resurrectionis, per hoc subindicans & dispensans, ut pro cadentibus alii resurgant. Quanquam alii dubitant, an sit bonum habere prolem? Boëtius. Est infortunio felix qui caret liberis. Maximè si nasci debeat, Caim, Cham, Ruben, Absalon, Nero, Caligula. Salomon collectis opibus & consideratis successoribus Eccl. 2. nauseam de illis concepit, nescio an hæredem sum habiturus sapientem? sed etiam educatio laboriosa. Tertull. *Amaræ est liberorum voluptas. Ideò Cosmus Medices Dux Hetruriz cum illi natus esset Filius, curavit parvam oleam dapingi. Inscript. Curabo. Olea filium notat. Pl. 143. Filii sicut novellæ plantationes in juventute sua. Inscriptio Patrem monet. Volo**

ut sit pacificus ut olea, *Curabo*. Incorruptus, sine scandalo, sit virtuosus, *curabo*. Sed pauci boni Parentes. Chrysoft. lib. 3. contra vitup. vitæ Monasticæ. *Perquam iniquum & indignum est, si filium tuum ad Regiam & Regem introducas ut ipsum familiarissimum Regi carissimumque constituat, omnia & facis ex pareris, cuncta moliris nihil penitus dum id quæris omittens, aut subterfugitas: non sumptus, non pericula non incommoda. Cælestis verò militia, cælestiumque munerum optione postposita, non doleas si extremum sortiatur locum, sitque omnium novissimus. Sagittarius dum collimat, assumit altius; Parentes juvant ad cælum præ aliis, quare malus Pater felicitior sine liberis, quia non est particeps eorum damnationis. Sed in scriptura fecunda erat felicitas. Maledixit Jer. 22. *Scribe virum istam sterilem, virum qui in diebus suis non prosperabitur, nec enim erit de semine ejus vir qui sedeat super solium David, & potestatem habeat ultra in Juda.* Romæ in Amphiatro petiit senex à Juvene ut ipsi loco cederet, respondit, non cedam, quia non genuisti junio-rem qui mihi etiam possit cedere. Aug. filios vocat memoria- lia & imagines Patrum. Quia Eccl. 30. *Mortuus est Pater ejus, & quasi non est mortuus, similem enim sibi reliquit post se.* Sint proles lapides ex quibus confurgit Familia. Exod. 3. **DEUS** *edificavit Domos* Id est, familias. Ruth. 4. *Quæ edificaverunt Domos Israël.* Deut. 25. *Qui non edificat Domos Fratris sui.* Quare gaudendum de Filiis. Sed si Mater stultè urgeat Gen. 30. *Da mihi liberos alioquin moriar?* Respondeat. *Nunquid pro DEO ego sum qui privavit te fructu ventris tui.* Rabini nar- rant, quod cum alios claves DEUS Adamo dederit, sibi quin- que rationis. Fabulentur illi, ego claves quinque reperio. 1. Pluvie Deut 28. *Aperuit Dominus thesaurum suum optimum ut tribuat pluviam in tempore suo.* 2. Pl. 34. *Producit ventos de the- sauris suis.* 3. Pl. 44. *Aperis tu manum tuam & implebis omne ani- mal**

mal benedictione. 4. Ezech. 32. *Ecce ego aperiā cumulos vestros, & educam vos de sepulchris.* 5. Prolium 1. Reg. 1. *Pro puero isto rogavi, & dedit mihi Dominus petitionem meam.* Fecunda fuit Defuncta. Chrysol. serm. 22. *Grave est & satis triste, & virginitatis carere premio, & filiorum solatia non habere; sustinere onera matrimonii, & ad fructum Matrimonii non venire.* Domus hæc est Domus Nicippi. Multis servire potest quod unus Lacon cum ipsi in imaginibus ostenderet bella suorum Atheniensis, ecce quomodo fortes sumus; at ille, *Fortes sed in tabula.* Ostendunt imagines Majorum, at ipsi fortes in tabula, ostendunt armamentaria, Chronica, in tabula, sed hujus filii non sic. Arist. hist. c. 12. *Aquas narrant esse multis in locis, quas cum oves biberint nigros generant agnos, ut in terra Assyritide, Chalcidit, Thracia facit amnis, quem præ nimia frigiditate Psychion vocant, Et in Alexandria duo sunt fluvii, quorum alter candorem, alter nigritiem pecoribus facit. Scamander etiam amnis flavos reddere oves creditur.* Defuncta, erat avis, transiit ad Mariti domum N. velut fluvium, nascentur agni candidi Innocentiâ modestiâ, devotione, flavæ affectus ad bellica.

Mortua est Rachel & sepulta in via qua ducit Ephratam. Ephrata idem est, quod ubertas, sepulta in Ephrata, in via salutis, quia de coelo Ps. 35. *Inebriabuntur ab ubertate domus tua.* Ephrata idem quod frugifera. Surgent fruges. Judas cum vendidit Christum, retulit argenteos, verterunt illos in sepulturam peregrinorum. Quare? S. Maximus ut quibus nulla est in mundo possessio, in Christo sit sepultura. Spero quod Defuncta sepulta in via salutis quæ ducit ad ubertatem, sepulta in Christo, quia spernabat mundum, egit ut 1. Cor. 2. *Qui utuntur hoc mundo tanquam non utantur.* Fuit peregrina, Mortua Sara Abrahæ, quærit locum pro sepulchro, invenit duplicem speluncam. *Duplex sepulchrum debetur, naturæ, & meritis. Ubi*

ista reponas. *Non habemus hic civitatem manentem.* Oportet in Christo sepeliri. Philosophus quidam hoc tumulto inculpfit. *Nudus in hunc mundum venit, miserè vixi, dubius moriar, quò venturus sum nescio.* Ista Echnicus, sed nostra Rachel que sepulta est in via qua ducit Ephratam.

Erexit Racheli Jacob titulum. Ab antiquo ponebantur Epitaphia: Machabæis crexerunt filii pyramides & in illis appenderunt arma, & inculpserunt naves. In Alexandri Magni tumulo erat ex cupro statua Asiæ ligatæ itemque Africæ, inscript. *Victoria Alexandri.* In sepulchro Josephi in Ægypto, lapidei frumenti manipuli. Hieron. ad Pammachium ep. 26. *Ceteri mariti super tumulos uxorum spargunt rosas, violas, floresque purpureos, & dolorem pectoris his officiis consolantur. Pammachius noster ossa veneranda eleemosynæ balsamo rigat.* Erexit Maritus Epitaphium. Marite iterum tibi uxor valedicit, gratias agit &c. Et nos unanimiter. *Requiescat in pace.*

In Funere Mulieris Nobilis.

O Diem luctuosam quâ mortua est N. Mater pauperum &c. Job. 3. *Dies ille vertatur in tenebras, & non requirat eum DEUS desuper, & non illustretur lumine.* Per dies septem Amici cùm visitarent Jobum præ dolore non loquebantur. Alias dolor loqui solet, sed quid loquar? dolores de hac morte numerabo.

Lugert inprimis familia. Sunt aviculæ dictæ soroactes in terra Saracenorum, quæ Dominica Passionis lugubres sine cantu pendent ab arboribus, alis in crucem expansis, & dum Eclipsim Luna patitur, corda in illis obrigescunt, oculi caligant. Imago hæ aves sunt familiæ. Jer. 1. *Nunquid avis discolor hereditas mea mihi, nunquid avis tincta per torum? Discolor*

scolor hæc familia ob varietatem dignitatum, statuum, &c. Est Eclipsis, quia inter familiam ut solem, & defunctam ut lunam, terra sepulchralis interponitur. Quod in corde est hoc producit oculi. Eccl. 13. *Cor hominis immutat faciem illius.* Agar in deserto ne spectaret mortem filii Gen. 22. Sedit contra eum, debuisset retrò, sed quia illum habebat in corde, oculis ad illum ferebatur; ita video mæstam familiam quæ intuetur fere-
trum Thren. 4. *Mæstum est in dolore cor nostrum, & oculi nostri contenebrati sunt.* Hæc N. omnes exhilarabat, humanitate, morum suavitate, ac modo canere potest Familia. Thren. 5. *Defecit gaudium cordis nostri versus est in luctum chorus noster.* Ecce cor tabescens Aviculæ. Videamus eclipsum. Magna fuit ex conjunctione illius familiæ cum familia mariti, magnus splendor utrinque dignitatum. Eccl. 26. *Mulier prudens lucerna splendens in candelabro sancto.* Et ecce modo, *Oculi nostri obtenebrati sunt.* Quare meritò plorat familia, quia Eccl. 22. *Super mortuum plora quia defecit lux ejus.*

Luget Maritus, eor amisit. Eccl. 26. *Gratia super gratiam mulier casta & pudorata,* hoc ipsum Oleaster ita legit. *Respiratio viri mulier casta & pudorata.* A corde principium respiritii hominis, à viro mulieris, custodit illam ut cor, quod nullum vulnus sustinet. Cor amoris sedes, uxor Marito amori est, animum sociat & unit. Et ecce modò cum Agag dicit. *Siccine separas amara mors?* Convenit te marite alloqui verbis Sopatris. *Perdidisti anima solatium, vita subsidium, annorum lactamentum, laboris adjumentum, utriusque participium.* Ullem tuum luctum moderari, sed illa lex moderatur. *Statutum est hominibus semel mori.* Quisque aliquem defunctum luget. 2. Reg. 14. *Omnes morimur, & sicut aqua in terram dilabimur.* Sed animus etiam tuus magnus te soletur, soletur DEUS qui corda hominum in sua manu habet.

Lugent proles. Thren. 3. *Contenebrati sunt oculi nostri.* Oculi sunt filii, ita Mater Tobix misso peregrè filio. *Ut quid te misimus peregrinari fili mi lumen oculorum nostrorum.* Nihil oculo carius, nihil filio. Si familia est cœlum, filii sunt stellæ, seu oculi cœlestes, qui aspectu omnes lætificant, motu morum exhilarant. *Contenebrati sunt oculi nostri. Mater nostra abiit, & quando revertetur? Pupilli facti sumus absque Matre.* Gen. 35. Cùm Rachel peperisset filium, appellavit illum Benoni, id est, *filium dexterae.* Vos Filii pupilli quomodo vocabo? cùm intueor sublimes natales, ætatem floridam, voco Beniaminos. Sed cùm pupillos, voco Benoni. Cum Patrem vestram specto, dico Beniaminos, cùm Matrem mortuam, Benoni. Video affinitates, &c. Sed utut vocari vultis, doloris est ingentis res ipsa. Si liceret scrutari DEI iudicia, dicerem, Deut. 22. *Si ambulans per viam, in arbore vel in terra nidum avis inveneris, & Matrem pullis vel ovis desuper incubantem, non tenebis eam, sed abire patieris, ut bene sit tibi, & longo tempore vivas.* Ita præcepisti circa pullos DEUS, & modò Matrem à filiis pepulisti. *Contenebrati sunt oculi nostri.* Tibi præcipuè condoleo Filia. *Unica matris suæ, & electa Genetricis suæ.* Thren. 2. *Cui comparabo te, vel cui assimilabo te filia Jerusalem? cui exaquabo te, & consolabor te virgo filia Sion? Magna est enim velut mare contritio tua, quis medebitur tibi? Non possum te comparare filix Raguëlis, quam Mater Domo legitimè expedit.* Tob. 10. *Apprehenderunt Parentes filiam suam, & osculati sunt eam, & dimiserunt eam, &c. Monentes eam honorare soceros, diligere maritum, regere familiam, gubernare domum, & seipsam irreprehensibilem exhibere.* Tibi Marice illa filiam commendat DEUS. 4. Eldræ 8. *Amplectore natos istos usque dum venio, & præstem illis misericordiam quoniam exuberant fontes mei, & gratia mea non deficiet.* Hoc sit tibi Filia solatio, habes Patrem qui Matris vices gerere potest.

Lugent

Lugent Amici, & istos appello oculos. Zach. 3. *Qui sunt oculi isti?* respondetur. *Hi sunt oculi qui discurrunt per universam terram.* Nobiles discurrunt per officia, castra, Dignitates Ecclesiæ, &c. Omnium capaces, & hic dico. *Contenebrati sunt oculi nostri.* Dafuncta fuit vobis instar lucis, jam sunt tenebræ. Vidit Ezechiel cap. 1. cursum. *Toium corpus rotarum erat oculus plenum in circuitu ipsorum,* &c. Per currum Euthymius intelligit regna mundi, illa ut currum DEUS regit. Dan. 4. *Dominatur Excelsus in regno hominum.* Nobiles partim sunt homines trahentes illum currum. *Et Joseph natus est homo Princeps fratrum, firmamentum gentis, stabilimentum populi.* Sunt alii Aquilæ. Job. 19. *Oculi Aquilæ de longè prospiciunt.* Sunt & Leones. Prov. 31. *Leo fortissimus bestiarum, ad nullius pavebit occursum.* Sunt & boves, propter laborem pro Patria. Nobilitas est tota, unde dicitur, *Rota equestris hi sunt oculi,* notat rota concordiam. *Aspectus rotarum est opus earum, quasi sit rota in medio rotæ.* Optima est concordia quando rota est in medio rotæ, in corde alterius, idem sentiunt. Philip. 2. *Idem sapiatus eandem charitatem habentes, unanimes, id ipsum sentientes, nihil per contentionem,* &c. *Non que sua sunt singuli considerantes sed que aliorum.* Rotæ illæ non solum cum animalibus sed etiam secum concordabant. *Cum ambularent animalia, pariter & rotæ juxta illa ambulabant, & cum elevarentur animalia de terra, elevabantur simul & rotæ.* Consonant cum Senatu Nobiles. Cyrillus apud Lyranum. *Non lyra suaviter sonat, nisi chorda inferior superiori concinat.* In rotis erat vita. *Quocumque ibat spiritus, illuc eunte spiritu & rotæ pariter elevabantur sequentes eum.* Obediant Nobiles Regi. Bern. serm. de Natura amoris. *Rota in quibus est spiritus vitæ, semper inclinant in voluntatem DEI perficiendam, nec revertuntur ad faciendam suam si jubentur præesse, præesunt in sollicitudine: si subesse, subsunt in humilitate*

militate: si coësse, in charitate: si Prælati sunt, sicut Patres ad Filios: si subiecti, sicut Filii ad Patres: si convenientes, seruos se faciunt omnium. Hi oculi sunt obtenebrati, sciunt qualem amiserunt. Castores si in genere suo principalem amiserunt, præcipui aliquot horis vigilias agunt, alii in luto se volutant. Apes post mortem suæ Matris, mel non conficiunt, favos corrumpunt, de qua re Chrylost. hom. ii. in Match. Imitentur bestias Amici, imitentur subditi, & fecerunt.

Causa hujus communis doloris quæ? satis causæ, quia mortua N. dum rem lugubrem Moyles narrat Gen. 36. Et Jacob. 48. solùm dicunt. *Mortua est Rachel.* In quæ verba Titus Bostrensis. *Hoc ad dolorem satis, quippe omnem tam populi quàm Filii iacturam unicâ mortis voce, omnem dolendi materiam unicâ Rachelis mentione consignârunt.* Satis & nobis, quia mortua N. Hic memora marito qualem amiserit, &c. Qualis fuit, genere, pietate. Hæc conservat familias. Quamdiu Saul D E O. carus tamdiu Rex, at verò 1. Reg. 15. *Projecisti sermonem D E I, & projecit te Dominus, ne sis Rex super Israël.* Educabat sanctè puellas Nobiles, egit in hoc ut scripsit Theodoricus de utilitate Monach. *Ulmus, etsi vinum non profert, vitem producentem vinum sustentat: ita par est, ut que virginitatem non profitetur, in aliis provehat, veneretur, inviolatam tueatur.* Istæ modò lugent. Pauperes. De eleemolyna scripsit Chrylost. serm 9. in Evang *Ut quid respicis cælum si nihil ibi habes repositum? quod pro anima dedisti hoc tuum est: quod reliquisti, perdidisti.* Cùm esset in civitate Jope mortua Tabitha liberalis in pauperes, Act. 9. rogârunt S. Petrum ut illam suscitaret, si modò effet Petrus, oraremus. Hæc omnia ô mors rapuisti. Audi D E U S germitus, & solare.

In Fu-

In Funere Viduæ.

DAVID Pl. 81. tria hominibus attribuit, dignitatem. *Ego dixi: Dii estis. desideria, Filii excelsi omnes.* Hieron. legit. *Filii affectantes omnes, tandem. Sicut homines moriemini, &c.* hæc tria in funere præfenti explicabo.

Dii estis. Homo nobile est opus etfi ex terra. Nazianz. vocat illum, *Inter nuntium caelestem.* Aug. *Civem cæli.* Basil. *compendium Divinitatis.* Chrysol. *Fibulam cæli & terræ.* Fabrica mirabilis, omnia in proportione, (vide meam Arithmeticam, & septimam partem Physicæ) In homine continetur Animus seu Spiritus ut cælum, qui idem est cum anima, sed Spiritus dicitur quantum se ad cælestia levat. Anima, ut aër, media inter cælum & terram, & hæc vivificat, corpus ut terra. 1. Thessal. 5. *Ipse autem DEUS pacis sanctificet vos per omnia, ut integer Spiritus vester & Anima, sine querela in adventum D. N. J. C. servetur.* Quare homo vocatur parvus mundus. Est sicut horologium ex diversis rotis. Greg. hom. 29. in Evang. *Omnia creaturæ aliquid habet homo: habet namque commune esse cum lapidibus: vivere cum arboribus: sentire cum animalibus: intelligere cum Angelis.* Agnoscunt præterea Creaturæ dignitatem in homine, & illum veluti subdici de medio sui præcipuum mittunt ad Principem salutandum. Pl. 148. *Laudate Dominum, &c. Sol & Luna, &c. dracones &c.* in fine. *Juvenes & virgines, senes cum junioribus laudent nomen Domini.* Quasi reliqua non satis essent ad hoc idonea, faciat homo. Sed si ita nobilis, cur ultimò factus homo? Respondet Chrysol. hom. de officio Hominis. *Cum Princeps est venturus, Præcedit culina, &c. Ut omnia parata inveniat, ita de homine, est Princeps.* Gen. *Dominamini piscibus maris.*

Ulterius Trismegist. *Magnum miraculum est homo, animal honorandum & adorandum. Hoc enim in naturam transi DEI, quasi ipse sit DEUS.* Lipsius epist. 26. ad Pelgan. *Tanta istius animantis, pulchritudo, dignitas, vis, vigor, ut si DEUS non esset, ipse DEUS esset. Quare, Dii estis.* Joan. 1. quomodo id fiat. *Dedit eis potestatem filios DEI fieri.* De quo Aug. tr. 2. in Joan. *Magna benevolentia, magna misericordia, unicus natus est & noluit manere unus. Multi homines cum filios non habuerint, peracta aetate adoptant sibi, & voluntate faciunt, quod natura non potuerunt. Si autem aliquis habeat filium unicum gaudet de illo, quia solus omnia possessurus est, & non habebit qui cum eo dividat hereditatem, ne pauperior remaneat, non sic DEUS. Quia DEUS dedit illis potestatem filios DEI fieri. Ne verò ex sua sublimi dignitate infletur, clamat Berm. term. 3. in vigil. Nat. D. *Adverce homo quia timus es, & non sis superbus quia DEO conjunctus es, & non sis ingratus.**

Videamus quomodo homines sint affectantes. Homo sic in alto constitutus voluit altius ascendere. *Filii excelsi omnes Affectantes omnes, hæc affectatio in coelis inter Angelos incepit, Adamum decepit, infecit omnes. Nabuchodonosor erexit statuam altam cubitos 60. Quæritur 1. Cur Rex cum esset vivus statuam sui exexit? 2. Cur fufam & solidam? 3. Cur non minorem? Ambitio. Osee 5. *Facti sunt Principes Juda velut assumentes terminum.* Id est transferentes, sicut vicinus avarus transfert, Plebejus vult esse Nobilis, &c. Et sacrificiis veteribus expulsa aquila, Quare? S. Th. 1. 2. q. 102. *Figuralis ratio horum est, quia per omnia ejusmodi animalia prohibita, designantur aliqua peccata, in quorum figura illa animalia prohibebantur & ulterius art. 6. In aquila que alte volat superbia prohibetur. Hinc Osee 9. Ephraim quasi avis evolavit. Quæ pennæ? Gloria eorum ab utero, à partu, à conceptu. Ita filii hominum sunt affectantes.* Sicut*

Sicut homines moriemini. Carolus v. postquam arcem ædificavit supra Neapolim, vocavit Proceres quod esset illorum stemma, quærendo. Dixerunt equum; ille ostendit arcem, ecce hic est frænum. Pl. 31. *Nolite fieri sicut equus & mulus quibus non est intellectus.* Sed non obedierunt, Job. 31. *Vir vanus in superbiam erigitur, & tanquam pullum onagri se liberum putat, ecce frænum.* Moriemini. Iumentum moritur, nihil superest. Homo moritur, Job. 19. *In carne mea videbo DEUM meum.* Moriuntur animalia. Homini dicitur. *In qua hora non putatis filius hominis venire.* Et hoc fiet citò. Job. 9. *Velocius dies mei transferunt, quàm à texente tela succiditur.* Similis vita telæ velocius quàm textor. Mors in se terribilis. Scribit Dion. Carthuf. de Lazaro quòd resuscitatus nunquam riferit, quia ut scribit Joan. de Voragine intellexit se iterum moriturum, hoc frænum est. 2. Cor. 4. ubi egit de moribus Gentilium. *Ergo mors operatur in vobis, vita in nobis.* Nos timore mortis nos mortificamus, vos spè vitæ omnia mala agitis. Qui opes appetit, &c. Vita operatur. Tertull. de Anima; ita de morte. *Speculum ejus somnus* Somnus cibos sequitur, crassus crassos, &c. Ita qualis vita, talis mors. Sicut speculum corrigit vultum ita mors mores. Quare Eccl. 10. *Si Spiritus potestatem habentis super te ascenderit, locum tuum ne dimiseris, quia curatio maxima cessare faciet peccata.* Frænum est memoria mortis.

Sicut unus de Principibus cadetis. Princeps fuit de quo Princeps hujus mundi ejicietur foras. Abrahamo Ethei Gen. 22. *Princeps DEI apud nos es.* Alius Princeps mundi, alius DEI. De Defuncto factum. *Sicut unus de Principibus cadetis.* Cui servit Isid. de summo bono. *Vita piorum norma aliorum, qui dum laudantur alii informantur.* Natns N. in familia, &c. Sed hoc minus. Bern. epist. 72. *Mirum opus naturæ, unde grossescit materia inde sarcina levigatur & quantum crescit in massa tantum decre-*

scit in pondere. Ab ave susceptum quæ quò majores habet alas eò levius volat, ita & homo virtutibus ornatus. Maxima tamen gloria si quis statui suo satisfaciat. Defunctus fuit in statu triplici. Adolescentiæ cælibis, conjugii, &c. Plut. Procem. in Agi. scribit fabulam, voluit ducere cauda serpentem, pessimè, ergo caput ducat Ephes. 5. *Caput mulieris vir.* Ira & in homine anima est vir, corpus uxor. Aug. tr. 2. in Joan. *Ubi caro imperat & spiritus servit, perversa domus est. Quid pejus domo ubi femina habet imperium supra virum? recta autem domus ubi vir imperat, femina obtemperat.* Quare etiam Gen. 3. dictum EVÆ. *Sub potestate viri eris & ipse dominabitur tui.* Jam ad statum vidualem.

Possunt vidui & viduæ dicere. Pl. 115. *Dirupisti vincula mea tibi sacrificabo hostiam laudis* jam liberius DEO servire possunt. Damiani 1. epist. 12. *Plurimæ mulierum affectant dissolutionem vinculi Matrimonii, pleraque suscipiunt ejusdem dissolutionem cum submissione mentis, non sine marore cordis, & à fructibus earum cognoscere eas, quadam enim illarum sacrificant mundo, quadam cælo. alia immolant DEO, alia diabolo.* Videndum in quid faciunt impensas. Divites sunt ut apes, ex subditis mel ex sugunt, sed veniet mors cum fumo, apes fugient, mel tolletur. Pl. 101. *Defecerunt sicut fumus dies mei.* El. 48. *relinquent alienis divitias suas.* DEO dabat mel Defunctus per eleemosynas, &c. Baron. an 567. Hermoaldus homo dives cum esset graviter infirmus misit eleemosynam ad cœnobium S. Laudomari Abbatis, erant 40. coronati Gallici: quemlibet olfacit Abbas, & 39. remittit, quia alii cum injuriâ subditorum acquisiti, si modò ita examinarentur nummi. Facilius mergitur quis in aqua fluvii dulci quàm in mari amaro, pereunt in dulci Judæ. *Abeuntes post carnem alteram.* Et viduæ 1. Tim. 5. *Cùm luxuriata fuerint in Christo, volunt nubere. Quæ in deliciis*

cies est vivens, mortua est. Non sic defunctus, voluit esse in aqua dulci, sed apud Abdiam non poteris esse sine cruce. *Si inter sydera profueris nidum tuum, inde detraham te.* Basil. hom. in Mar. Jul. *Quod fugies à homo à tribulatione? cælum te dejiciet, terra rejiciet, mare evomet, infernus non proteget, fugitivus DEI cum sis quis te abscondet? quis recipiet? Crux sequetur, etiam bonos, sed aliter quàm malos.* Aug. 21. Civit. 4. *De ipso igne mira quis explicet? quo quæque adusta nigrescunt cum ipse sit lucidus, & penè omnia quæ ambit & lambit, colore pulcherrimo decolorat, neque id quasi regulariter definitum est, nam è contrario lapides igne candente percocci, & ipsi sunt candidi.* Uritur lignum sic carbo niger maledictionum, &c. Thren. 4. *Denigrata est facies eorum supra carbones:* At boni fiunt candidi, ita Defunctus fuit patiens. Matres solent imprimere in utero fatui signa, vel ob motum, vel ob gaudium, vel ob grande desiderium. Imprestit Eva maximè mulieribus. Rupert in Genes. lib. 3. c. 2. *Mulier corpore & oculis vaga, dum incontinenter deambulat, fortè prospectans qualis extra paradysum mundus haberetur, occasio porrecta diabola unde tentaret.* Quia fuit vaga, hoc in filias transmisit, ita in ludo Scachiorum ubique discurrit Regina, non talis fuit N.

Misit ad N. DEUS Legatum morbum, venerant Legati Siciliae ad Carolum Magnum, invenerunt in horto laborantem, mirati, respondit illis. *Satis est, non invenistis otiosum.* Ita defunctum reperit morbus. Furatus quidam horologium Ferdinando 1. Imp. detinuit illum donec sonaret, sic prodidit & ita. Ps. 9. *In operibus manuum suarum comprehensus est peccator.* Ita Adam sub arbore, Caim repertus in homicidio, Sodomitæ in scelere, Absalom in rebellionè, Aman in fraude, omnes puniti. Hieron. ad Demetr. *Malorum operum pessima merces.* Mortem Th. Morus excubiis nocturnis in civitate,

comparavit, qualem inveniunt talem Judici sistunt, sed mors placaci non potest. In bonis operibus invenit Defunctum, vobis relinquit. *Vive memor leti.* Epictetus in Enchiridio. *Mors & exilium, & omnia quæ in malis habentur, ob oculos tibi versentur quotidie, omnium verò maxime mors, sic nihil unquam humile cogitabis, nec impensè cupies quidquam.* Hoc memora, illa omnes cœquabit, & ex levi sæpè causa. Plin. lib. 7, c. 7. *Tu qui viribus corporis fis, tu qui fortunæ munera amplexaris, tu cuius semper in victoria mens est, tu qui te DEUM credis aliquo successu tumens, tanto perire potuisti, atque etiam hodie perire potes, quantum serpenti ictus dente, aut etiam ut Anacreon Pœta, acino uva passa: ut Fabius senator poto in lactis haustu uno pilo strangulatus.* Greg. Nazianz. orat. 16. *Ad imaginem DEI facti sumus, sed, Hæc nostra temperatio est, ut cum imaginis dignitas nobis animos extulerit, pulvis eisdem deprimat contrahatque.* Juvenis es, potes cito mori, cor citius formatur quàm oculi, tamen oculi citius moriuntur. Hanc hæreditatem relinquit nobis defunctus, claudio verbis Pl. 24. *Anima ejus in bonis demorabitur, & semen ejus hæreditabit terram.*

In Funere cujuslibet.

ET sicut Abraham egreditur N. de domo sua, de cognatione vadit trans mare, valedicit vobis. Non redibis defuncte ad domum tuam, jam Filii in veste lugubri, non tali olim apparatu solebas progredi, pro curru feretrum. Eccl. 50. de Simone Sacerdote dicitur. *Circa illum corona Fratrum quasi plantatio cedri in monte Libano, sic circa illum steterunt quasi rami palmarum, oblatio autem Domini in manibus eorum.* Ita circa vivum ibatur, at modò cupressi, faces, sola oblatio superest, omnes vovent Eccl. 17. *Vade in partes sæculi sancti cum viventibus*

tibus & dantibus confessionem DEO, ne demoreris in errore impiorum. Precabor & ego bene abeunti & equos quibus abit considerabo.

Jovinianus Cæsar jussit currum pingi cum tribus equis. Uni adscripsit. *Est non est.* Alteri *Domi non est.* Tertio *nihil est.* Primus notat vitam nostram, est sanitas quasi non esset, opes, &c. Mors ubique insidiatur. Venit ad Baltasarem Dan. 5. conjugantem. Est, ad imaginem DEI, cras esca vermium. Bern. *Post hominem vermis, post vermem sator & horror, sic in non hominem vertitur omnis homo.* Putabat Darius se reperturum thesauros in sepulchro, quia illi semiramis inscripserat. *Quicumque Rex pecuniâ indiguerit, aperto sepulchro quantum opus est capiat.* Aperuit, ossa reperit, & scripturam. *Nisi vir malus esses & pecuniarum inexplebilis appetitor non sanè loculos mortuorum commovisses.* Poterat dicere, est thesaurus, sed vidit, quia non est. *Quid de homine post mortem, non est. Homo putredo, & filius hominis vermis.* Tamen vivimus ac si semper futuri essemus, nutrimus nos, ac si non esca vermium, &c. Similes fumus aviculæ dictæ Ephemerone, unâ die vivit, & volitat huc illuc procurando victum ac si diu victura esset: Job. 10. *Homo natus de muliere brevi vivens tempore.* Hodie Rex. Veteres pingebant hominem nudum, velatis oculis, ligatâ dextra, tempus paulatim discerpit velum, ita Richard. Brixian. in tymb. *Nudus, quia nudus sum egressus de utero Matris meæ.* Job. 1. *Nudus intellectûs ulu; clausi oculi, non videmus finem vitæ, est tamen est.* Quia est tempus nunc miserendi, poenitentia sed brevi videbis. *Non est.* Tempus erit vindictæ, tempus ultionis, manus ligata ad bona opera, sed tempus destruet velum, videbis, *non est.* Est modò Illustrissimus, &c. Scribit mors *non est,* quia es *imbecillitatis exemplum, temporis spoliū, fortune lusus, inconstantia imago, invidia & calamitatis trun-*

da,

nam ut. Quidam hominem definiuit. Considerate eos qui paulò ante erant potentes, &c. Quid sunt? pulvis &c. Videte ossa, an dignoscetis quis Rex, servus &c. Salomon &c. Ubi modernus N? ibi ubi Majores ejus, isti & illi, in cinere, hæc respiciens Bern. *Quid profunt divitia, quid delicta, quid honores? Divitia non liberant hominem à morte, delicta non liberant à verme, honores non liberant à fetore, nam qui modò sedebat dives & gloriosus modò jacet pauper in tumulo.* Videmus id in hoc Defuncto, fuit, &c. At modò. 1. Eld. 14. *Projectus quasi stirps inutilis, pollutus & obvolutus. à Matre divisus, à Patre, &c. Est non est.*

Alteri equo inscripseret, *Domi non est.* Prima domus est mundus, ejus parietes elementa, rectum est cœlum. Magna domus, tamen ex nihilo facta. Alia est domus quam incolimus, talibus olim non utebantur. In Fasciculo temporum, scribitur, quòd Matusalem cum jam exegisset annos 500. & egit sub arbore, audivit vocem. *Adhuc tibi alii ferè 500. vitæ supersunt anni, bene poteris construere domum ubi degas.* Respondit. *Si non amplius sum victurus Domine, non mihi opus est domo, sub arborum ramis vel in speluncis terræ degam.* Tertia domus est corpus nostrum. 2. Cor. 5. *Scimus quoniam si terrestris domus nostra hujus habitationes dissolvatur, domum non manu factam habemus in cœlis.* Domus hæc variis constat, de anima, quidam dubitabant in qua parte habitaret, alii in capite, alii in corde, alii in sangvine. Sed veritas est, totam esse in toto, & totam in qualibet parte corporis. Si quæremus animam defuncti in domo mundi, erit, est immortalis, sed in domibus, in corpore, *Domi non est.* In partes sæculi sancti abiit, corpus in terra. Ægyptii sepulchris adscribebant. *Si fueritis sicut hi, eritis sicut illi.* Aug. de cura pro mortuis cap. 4. Considerando quòd sepulchra dicantur monumenta, quasi monentia mentem,

mentem, ita ait. *Ibi monet mentem nostram, ut pro defunctis oremus, sicut enim ipsa pauperis visio nisi pauper taceat, elemosinam à vobis & suffragia poscit. Videmus Domini non est, effertur cum fletu, deinde bona diripiuntur, nemo defunctis succurrit, Bene quidam pinxit manum extentam, Inscr: da & accipe. Accipis successionem da pauperibus, Pocillatori Pharaonis post explicationem somni dixit Joseph. Memento mei cum tibi bene erit, fac mecum misericordiam ut suggeras Pharaoni, ut educat me de isto carcere. Hoc ad vos dicit defunctus, & clamat ut Job. 16. Misere mei saltem vos amici mei, quia manus Domini tetigit me. Jam defunctus Domini non est. Valedixit, bona vobis reliquit, ut Patriæ seruiatis, &c. Sed etiam animæ proficit, sicut sicut Aaron Num. 16. & ex ejus domo sacerdotes. Stans inter mortuos & viventes, pro populo deprecatus est, & plaga cessavit.*

Tertius equus, cui inscriptum nihil est, potest significare peccatum. Aug. *Peccatum nihil est, & nihil sunt homines cum peccant. Quia in omni peccato includitur privatio, quia homo privatus cælo, gratiâ, & sicut dives divitiis exuitur, de tali dicimus in nihilum abiit, amittit peccator. Ad nihilum redactus sum & nescivi. Hoc ipsum servit defunctis. Alphonus Aragonum Rex ut hoc nihilum exprimeret, tres cifras pingebat, Inscrpt, Nihil fuimus, nihil sumus, nihil erimus, concordat cum Sap. 4. Nos ex nihilo nati sumus, & post hoc erimus quasi non fuerimus. Carolus Magnus in suo Epitaphio scripsit. Fui, non sum, terra sum, Quærite ex defuncto quid sit? nihil, fui antea, &c.*

Sit quartus Equus ex Apoc. Rufus, hic designat bellatores in Domo mortui i. Mach. 3. *De quorum præliis narrabant omnes gentes. Affinitati juncti cum NN. valebat & ipse tam armis quam consilio & vos posteri. Ambulabitis per omnes vias Patriæ vestri.*

Sit quintus Zach. equus varius maculosus, notat inconstantiam fortunæ. Hodie quis honoratur, cras ridetur. Belisarius Persas vicit, Reges duos cepit, Romam muris cinxit, deinde à Justiniano Cæsare bonis & oculis exutus mendicabat. Fortuna dicitur à ferendo, quod offerat malum post bonum, vel est Fortuna quasi vertuna quia omnia vertit; quare defunctus omnia contemnebat mundi, & muniebat se per humilitatem. Ambr. de Pœnit. c. 14. *Transi secularia, & cecidisse aspicias altitudines impiorum.* Jactant se, & cadunt.

Sextus equus ex Apoc. pallidus. Mors Sancta. Frat. devotus N. totâ vitâ sed & in morte, jejunabat, quia ut Ambr. lib. de Elia. *Jejunium est mors culpa, excidium pœnæ, remedium salutis, radix gratiæ, fundamentum castitatis.* Hoc gradu citius ad DEUM pervenis. Ac alii luxui, potationi vacant. Ambr. de Elia c. 1. *Bibamus pro salute exercituum, pro Comitum virtute, & hac vota ad DEUM pervenire judicant à stultitia hominum, qui ebrietatem sacrificium putant.* Et tamdiu clamant *Vivat* donec ut mortui procumbant, & supra aliquos loco *vivat* dum feruntur ad sepulchrum, canitur *Salve Regina.* Devotionem defuncti N. sequebatur misericordia in pauperes, ideo cor nobis est in parte sinistra ut ad affectus sinistra fortunâ inclinemus. Ita N. potest dicere cum Aug. *Da quia dedi, fac quia feci dimitte quia dimisi.* Fac misericordiam DEUS, dimitte peccata. Sequebatur concordia quæ res unit. Turris Babel propter discordiam non est absoluta. Hortabatur Cornelia filios Gracchos. *Etiam vos atque etiam obtestor ut fraterno inter vos animo vivatis, memores, semper filios meos esse, & quo die vestram audirem discordiam, illum diem extremum vitæ meæ futurum.* Hoc ad filios defunctus loquitur. Silurus Scytha habuit 80. filios, totidem ligavit sagittas in fascem, nemo potuit frangere omnes, sed singulas facilè, ita si uniti sint fratres. Secuta in defuncto contritio. Hos

Hos equos considero in curru funebri defuncti. *Ferculum sibi fecit Salomon de lignis Libani.* Columnas argenteas, calcitrantem auream, gradus purpureos, simili defunctus devehitur. Jam illi precemur. *Vade in partes sæculi sancti.* Ultimum reddunt obsequium Filii, famuli, subditi, abi eò, ubi neque luctus, neque clamor, neque dolor erit ultra.

In Funere cujuslibet Fragmentum.

Nemo in tam brevi tempore gesta defuncti potest explicare. Deduceret quis à Patre, insignis, à Matre, sed ut Puteanus. *Quo sum orationis splendor in lugubri horrore? quorsum verborum officiosa circa sepeliendos mortuos sollicitudo? Otiosa cura ea mortuis ingerere, quæ nec illi sentiunt & nec eorum exemplo docemur illa contemnere.* Sed tamen Eccl. 22. *Plora super mortuum quia defecit lux ejus,* Plora non perora, hoc faciam, quia Seneca de Consol. *impietas in funeribus verba fundere, ubi etiam renitentibus lachrymæ excidunt, taceat ergo lingua ubi loquitur pupilla, & animum perfusa levat.*

De morte justæ Pl. 115. *Pretiosa in conspectu Domini mors sanctorum ejus.* Si mors, quæ est privatio, potius pretiosum corpus. De anima. 2. Cor. 4. *Habemus thesaurum in vasis fictilibus* itaque pretiosior, sed tamen, Pl. 33. *Custodit Dominus ossa sanctorum suorum.* Quare Joseph adjuravit Fratres. *Asportate ossa mea vobiscum de loco isto,* hunc thesaurum hodie spectamus. Alterum quod hic deponitur est Spes 2. Thess. 2. *Gloriamur in spe gloriæ filiorum DEI.* Spes terrena Sap. 3 *Vacua est spes illorum.* Cælestis Rom. 5. *Non confundit, ut humana.* Theodosius Imp. sepulchro suo curavit inscribi. *Sanitas.* Spem suam ostendens. Job. 19. *Illis se solatus. Scio quòd Redemptor meus vivit, & in novissimo die de terra surrecturus sum, reposita hæc*

est spes in sinu meo. Ita decessit N. in spe, erat in spe, in vita, in
suis laboribus. Eccl. 31. *Beatus vir qui post aurum non abiit.*
Mortuus sub onere publico vitam finivit, Cassiod. *Hoc ipsum*
grande doloris solatium, venantium sub onere Resp. fractum ceci-
disse. Non magnus sonitus cum rami cadunt, sed magnus cum
integre arbores. Quomocunque cecidit N. tamen cecidit ut
arbor. Thren. 1. *Abstulit magnificos meos de medio mei.* Quæ-
situs Agesilaus cur muris urbes non cingeret? dixit. *Non sa-*
xis & lignis, non manibus & vallis muniri civitatem, sed civium
fortitudine. Cecidit talis murus. Quærit Ps. 14. *Quis habita-*
bit in tabernaculo tuo? responder. *Qui operatur justitiam &*
non egit dolum in lingua sua, & opprobrium non accepit adversus
proximum suum. Hoc in defuncto fuit. Justus fuit cum subdi-
tis, vicinis. Mortuus bene dispositus. Verbis ad vos Audit.
utor S Hieron. epist. 5. *Audistis laudes eius, cujus semper vir-*
tute letati estis, non doleatis quod talem amiseritis, sed gaudete
quod talem habueritis. Deponite corpus ejus, Job. 29. *In ni-*
dulo meo moriar. Ps. 131. *Hæc requies mea, hic habitabo quoniam*
elegi eam; faciamus. Revertatur pulvis in terram suam. Ferd.
de S. Jacobo in Funere Philippi 2. Hæsp. scribit statuam
æneam repertam cum Inscr. *Quando ad Calendas Aprilis sol*
feriet meum caput, aureum caput habebø. Variæ interpretatio-
nes, illa optima, ubi umbrâ die illo ex capite in terra defiet,
ibi thesaurus. Doctrina nobis, hoc caput monstrat thesauros,
umbra est vita nostra. Sap 5. *Quid profuit nobis superbia, &*
divitiarum jactantia? transferunt ista omnia velut umbra. Vo-
bis ostendit divitias in sepulchro si vos ad illas apteris. Luc. 12.
Facite vobis thesaurum non deficientem in calis, fecit hoc defun-
ctis, in morbo. *Quam dilecta tabernacula tua Domine virtu-*
rum. concupiscit & deficit anima mea in atria Domini, Beati qui ha-
bitant in domo tua. Clavim ad coelum ostendit Rupert. Prin-
cipes

cipes mundi plerumque ad regnum deducit eleemosyna, eosque manu sua Regi caelesti representat. Hâc viâ ad cœlum, aliâs facilius camelum intrare per foramen acûs quam divitem in regnum cœlorum, alia media ægrè divitibus succedunt. Oratio qualis? &c. Chrylost. *Sola eleemosyna est cui porta cœlorum aperiuntur, & illâ intrante nullus janitorum audeat dicere, quæ es tu? aut unde venis?* Hâc usus defunctus facile per portas cœli transit, jam illum Christus salutat. *Euge serve bone, &c.* Interea quia est levera Dei justitia, oremus pro defuncto.

In Funere cujuslibet Fragmentum,

Multa de familia, multa de ipsius defuncti gestis possem dicere. Solùm dicam, de pueritia, Adolescencia, & virili ætate defuncti, quòd in omni fuerit perfectus.

Natus, &c. Educatus ut Filii Constantini de quibus Baronius. *Constantinus magnus in tribus Filiis Constantino, Constantio, Constante, semina pietatis sparsit, cum suis divinis præceptionibus, tum Magistrorum diligentia, quos omnibus virtutibus eis insignes præfecerat, quemadmodum & in aliis disciplinis eos adsciverat qui essent in suo genere consummati.* Quare dici de illo potest, quod de S. Eleazaro. *Apucro optima conversationis erat, & secundum sanctæ conditæ à DEO legis constituta educatus, tum in scholis, tum extra Patriam.* Jam quid egit Adolescens. Quid vir, ornavit domum dignitate Matrimonii, Amore in proximos, observantiâ in Principem, pietate in Patriam, Religione in DEUM, & S. Ecclesiam, in his agebat, ut de illo possit illud Nazianz Orat. 20. dici. *Majores suos generoso impetu assequebatur, nec à summis illorum virtutis agitationibus longo intervallo distabat.*

De Eodem Funere Fragmentum.

CUM esset mortuus Lazarus Martha accepit solatium; *Qui credit in me non morietur in aeternum. Hæc verba vobis in cæli superstites explicabo.*

Omnes affirmant necesse esse mori. Theologus Hebr. 9. *Statutum est hominibus semel mori. Pl. 88. Quis est homo qui vivet, & non videbit mortem? & Pl. 38. Veruntamen in imagine portransit homo. Job 14. Homo fugit velut umbra, sicut mercenarii dies ejus. Expectat solutionem. Ex Philosophis Trismegistis. Homo est DEUS sed mortalis. Plato, Homo est lusus locusque Dcorum Logici, Homo est Enthymema brevis. Physici, Homo est ens variabile, mobile, Mathesis, Homo est sphaera mobilis. Poëtae fingunt tres Parcas Habet in te homo mortis secretariam, Materiam primam, Natura nos clamat mortales. Matth. 6. *Considerate lilia agri. Ilai 6. Omnis caro fanum Anbr. Rotam spectata sapientius ut humana fragilitatis speculum. Rosis ut Basil. hexam 5. spinæ post peccatum Adæ accesserunt.**

Sed mors est triplex. 1. Secundum carnem. Pl. 102. *Homo sicut fanum dies ejus tanquam flos agri.* 2. Peccati, Geneleos 2. *In quacunque hora comedetis, morte moriemini.* 3. Aeterna, Luc. 16. *Mortuus est dives & sepultus est in inferno.* In Morte triplex terror 1. Ipsius mortis 1. Reg. 15. *Siccine separas amara mors?* 2. Judicii Job 9. *Verebar omnia opera mea Domine, sciens quia non parceres delinquenti.* 3. Damnationis Pl. 6. *In inferno quis confitebitur tibi?* Noverat se mortalem N. in eo fuerunt sicut in flore. Color generis, Odor meritorum, Proportio vitæ bonæ. Merita sunt odor. 1. Cor. *Christi bonus odor sumus in omni loco, demeritis Regem defunctus, Patriam. Proportio Juveni, cum studet. In Conjugio Proportio, Amoris, Honoris, Veritatis,*

tatis. Considerabat proportionem, cum DEO, multa bona fecit, proportionem cum sacerdotibus, eos honorando. Reddamus jam illum Christo.

In Funere cujuslibet Fragmentum.

SANCTUS Th. Villan. Conc. de S. Ildel. *Insidiosus latro mors est qui nec praevideri potest nec fugari; qui si dormientem invenerit jugulat, si vigilantem dissimulat, salve inquit o amice, salve, jam legatus summi Regis, te ad nuptias vocat.* Quare Christus vult nos similes esse hominibus expectantibus Dominum suum. Quid non auferet homini iste latro nisi vigilaverit? Ipse etiam Dominus, ut Bern. Dom. 1. post Epiph. serm. 1. *Veniet expectantibus tanquam revertens à nuptiis imbriatus vino charitatis & immemor iniquitatum nostrarum. Veniet non expectantibus revertens à nuptiis tanquam potens crapulatus à vino verè ebrius & immemor miserationum suarum, tunc enim quantum ad illos, obliviscetur misereri DEUS, veniet in ira & indignatione tanquam furibundus.* Infelix verò est qui dum sanus est, dormit in peccatis: & primò in morte constituit evigilare. De talibus S. Th. de Villan. conc. de S. Ildel. Pt. 15. illa verba intelligit. *Multiplicata sunt infirmitates eorum & postea acceleraverunt, non congregabo conventicula eorum de sanguinibus, nec memor ero nominum eorum per labia mea.* Ita hæc verba S. Th. explicat l. 2. *Hoc est, neque eos à suis sanguinibus peccatorum mundabo, nec ero amplius memor eorum.* Quod licet omnes metuere debent, præcipuè tamen illi qui sunt in dignitatibus, quorum cura aliis incumbit qui alios vel bono exemplo in bonum trahunt, vel malo præcipitant in infernum. De Sacerdotibus dixit S. Vincent. Conc. de S. Jo. Bapt. *Unus Presbiter damnat unum populum propter scandalum & detractiones.* S.

Franc. Xav. epist. 14. ad Joannem XIII. Regem Lusit. *Vehe-*
menter etiam atque etiam obsecro te Domine, ne pigeris jam nunc
preparare, in illud ultimum periculum decretorii momenti, quid-
quid expediri modo ac praeverti potest. Morbus enim supremus ac
mortis ingruentis vicinia, ita mentem languentis, in angorum do-
lorumque qui plurimi acerbi, finisque tunc saeviunt, praesenti sensu
miseram desigat, ut illi nequaquam vices aliis curis aut cogitatio-
nibus attendere. & epist. 12. ad eundem. Videbis te per mortem
spoliatum regnis & possessionibus ejectum cunctis, in alia longè di-
versa concludi terribilia & tenebrosa regna, in qua durissimum &
acerbissimum erit relegari ex illis aliis avulsam, praesertim si, quod
DEUS avertat, extra paradisum & spem ejus esses remandandus.
Quid verò scriptura de personis illustribus dicit, Judicium
durissimum his qui praesunt, & Potentes potenter tormenta patien-
tur. Hoc reduci potest quòd dixit S. Basil, in Pl. 7. Dominus
aliter Judaeum aliter Scytham judicat Sed hoc ipsum clarissimè
Luc. 12. Cui multum datum est multum requiritur ab eo. Sed
terribiliùs est quòd Bern. de Conversione ad Clericos cap. 3.
Qui bona receperit in hac vita, cruciabitur in futura

In Funere cujuslibet Fragmentum.

SANCTUS Cypr. de Mortalitate. *Non est exitus iste sed ad aeter-*
na transgressus, hospites & peregrini hic vivimus, complectamur
diem qua assignabit singulis domicilia sua. Chrysost. Orat.
de fide Resurrectionis. Pulchrum filium tuum cadavere defor-
mem lacrymaris, nec cogitas nihil sole jucundius esse, qui quot die
occidit. Redibit sol iste pulchrior, vincet tenebras quibus se-
pelitur. Tertull. de resurrect. c. II. Surget rescindens sepultra-
ram suam, tenebras, heres sibi ipsi existens. Lyranus in illa Eccl.
7. Memorare novissima tua, sic ait. Mors sicut nauta sedet in ul-
tima

sima parte navis ut diriget eam. Sicut qui ad clavum sedet, emi non vult mori homines, vult ut nunquam ex arbore pomæ colligantur, messes ex agro, & lumina non defluant in mare, hyems in anno locum non habeat, vestis non veterascat, &c. Hâc lege nascimur ut moriamur. maturus fructus legi debet, & alii maturescunt citiùs aliis. Bern. in Pl. Qui habitat, *Quid verò agimus ex quo primo incipimus vivere, nisi morti appropinquare, & incipere mori?* Sed ut Ambr. de iustic. Virg. 3. *Laudatio hominis, non in exordio sed in fine est. Nemo enim nisi legitime certaverit coronabitur. Ideoque sapiens dicit Eccl. II. Ante mortem non laudaveris hominem quemquam, quia in fine hominis nudantur opera ejus.* Tum pomum ex bonitate laudatur, &c. Qui sibi bene è conscius, mortem non timet. Cypri. de mortalit. *Ejus est mortem timere qui ad Christum nolit ire; ejus est ad Christum nolle ire qui se non credit cum Christo incipere regnare, &c.* *Quid ergo petimus & rogamus, Adveniat regnum tuum si captivitas terrena delectat?* In scena sumus, demus locum alii, in ponte sumus, cedamus ut alii transire possint. Clemens Alexandr. lib. 3. Stromatum, ait Christum interrogatum à Maria Salome, quamdiu vigebit mors? respondisse. *Quousque vos mulieres parietis.* Mutuò datam accepimus vitam, nemo dolere debet, si debitor mutuum reddat. Quid dixit Ethnicus Anaxagoras auditâ morte filii? *Noveram me genuisse mortalem.* Quid Pericles auditâ duorum filiorum morte? ad suggestum Oratorium processit, & suam Orationem incitando ad bellum Athenienses dixit. Quid Rex Antigonus in casu simili? *Serius ô fili tam gloriosam mortem obtulisti.* Et nos Christiani qui spem vitæ alterius habemus!

In Funere cujuslibet.

Hieron. epist. *Quidquid dixero quia ille non audit, qui*
X
mor-

mortuus est, mutum videtur. Quotiescunque nitor in verba prorumpere, & super tumultum ejus, epitaphii hujus flores spargere, toties implentur oculi lachrymis & renovato dolore totus sum in funere. Gratias ago tibi Christe Salvator, quòd tam potentem adversarium mortem dum occideris occidisti. Ubi nunc decora illa facies, ubi totius corporis dignitas, quàm veluti pulchro indumento pulchritudo anima vestiebatur? Sed fletum nostrum solari possumus ex eo, quia de mortuo bene speramus, quem si etiam sciremus cœlo frui, lachrymis omninò abstinendum esset. Ambrosius, Oratione de obitu Valentiniani Imperatoris, ex 2. Reg. 12. David moriturum filium flebat, mortuum non dolebat: flebat ne sibi eriperetur, sed flere desivit ereptum, quem scivit esse cum Christo; sed ut scias verum esse quod assero, incastum Amnon filiam flevit occisum, parricidam Absalon doluit interemptum. Sed etiam bonis moderato dolore parentandum est. Idem Orat. de obitu Fratris. Homini non referre gratiam simile homicidis judicatum est: quantum crimen est non referre DEO. Placuit ipsi defunctum ad securiosa transferre, &c. Et ipsa consideratâ morte non habemus cur lugeamus. Idem orat. de fide resurrect. Lugendum nobis non esse Fratrum nostrorum obitum doceamus. Quid enim absurdius, quàm ut id quod scias omnibus esse prescriptum quasi speciale deploras? hoc est animum supra conditionem extollere, communis natura consortium recusare, mente carnis inflari & carnis ipsius mensuram nescire. Quid absurdius quàm nescire quid sis, affectare quod non sis? &c. An Dominus jus est transferre mancipia quò decreverint, DEO non est? Cur eripis sententiam judicaturò? nec Sanctis istud permissum est, nec à Sanctis impunè unquam usurpatum. Videri potest Bern. in obitu Humberti. Ambr. tomo 2. Hieron. in Epitaph. Blæssillæ Nazianz. de Basilio, &c.

In Funere cujuslibet Fragmentum.

SI mortuos nostros nunquam nos speraremus viuros, merito affligeremur in eorum morte. Sed dicendum cum Tertull. cap. 9. de Patientia. *Cur doleas si periisse non credis?* Præmittimus illos in quandam civitatem, in quam paulò post sumus secuturi; hîc est hospitium, ibi viæ terminus, ad viam hanc semel faciendam ita obligamur ut ad cibum sumendum. Adam refugit sub ficum, hæc arbor symbolum veteribus mortis fuit. Quod verò citiùs hoc iter aliquis ingrediatur, fit sæpe ut calamitatibus hujus vitæ eripiatur 4. Reg. 22. Josiam DEUS mori fecit ne servitutem Israëlîs videret. Augustinum de Hipponam captam à Vandalis, &c. Etiam gratulari possemus quòd ante mala sit ablati maximè si dum viveret, id perfecit ad quod est natus, tum enim ad præmia recipienda sui laboris abiit, idèò quibusdam morientibus cœlum ipsum gratulatum est. Scribit Baron, an 752. Quòd dum Alphonsus Galaciæ Rex cognomento Catholicus, mortuus esset, aër sonuit his vocibus. *Ecce quomodo tolletur justus à facie iniquitatis, & erit in pace memoria ejus.* De aliis dici potest Cant. 2. *Flores apparuerunt in terra nostra, tempus putationis advenit.* Jam fecit in terra pro venerat, flores apparuerunt, odore bonæ famæ omnia complevit, amputetur ut succulus ut in cœlo plantetur. Agnovit hoc ille Hispanus Alphonsus Carthejæ Dux obsessus à Mauris, qui capto ejus filiolo minabantur se illum occisuros nisi Carthejam dederat; at ille de muris gladium projecit, ut haberent quo illum occiderent, & occiderunt, tum ille mensam instrui mandavit, & assedit. *Patriæ genueram Filium, Patria reddidi, ad hoc genui ut pro Patria moreretur fecit; non doleo de illius morte.* Hinc fortè originem sumplerunt ornamenta sepul-

chorum, in quibus describitur quid quisque fecerit, ut non frustra vixisse videatur, quanquam vanitas, & excessus in hac re, merito à S. Chrysoſto. in Pl. 43 reprehenditur. *Quo fueris ſplendidius inuitus, tanto lautioſorem menſam vermi præparabis, & ſepulchrorum effluſibus amplioſorem cupiditatem, & in miſerum corpus majores inſulias. Gloria tua utique ad mortem, imo ne ad mortem quidem; qui enim heri in curru, hodie in catena: qui heri obſervabatur ab adulatoribus, nunc ſtipatur à liſtoribus: qui unguenta olebat, nunc eſt reſperſus ſangvine: qui in molli letto acumbat, in duro ſole jacer. Hoc David inquit, non timeas cum homo dives factus fuerit, velut, cum multiplicata fuerit gloria domus ejus. Rectè gloria Domus, ambulacra, fontes, aurum, argentum, equi veſtes, non hominis. Hominis enim eſt gloria virtus. Quare non reprehendit, cum virtutis inſignia apponuntur ſepulchris, hæc enim ſuperſtites ad ſimilia invitant; iſti appoſitus eſt liber, iſti arma, mihi quid? Vide Baſil. Orat. de gratiis Diſcogendis. Dignum eſt ut etiam in mundo detur virtuti teſtimonium poſt vitam. Ambr. epiſt. 38. Quid eſt mundus niſi quidam agoneſ plenus certaminum? Hujus agoneſ inſtaurator utique Omnipotens eſt DEUS; qui igitur agoneſ ſuſcipit in hoc ſeculo, nonne omnia præparat quæ agoneſ ſunt neceſſaria, & tunc athletæ vocat, paratis præmiorum inſultis certaturos ad coronam, ne moram patiat qui vicerit, ſed præmio donatus recedat. Hinc Pſalm. 114. Bene ſibi ominatur Placebo Domino in regione vivorum. Regio mortuorum eſt mundus. Pl. 8. Ecce meſurabiles præiſti dies meos. Amb. cum LXX. legit, in hunc Pl. Veteres dies ſicut veſtis vetus continuoſ conſumuntur, ſint dies aliquorum pingves, ſint macri, ut boves quos vidit per ſomnium Pharao, & per quos Joſephus intellexit annos, utrique tamen egrediuntur de flumine, utrique paſcuntur in ipſa ripa; de his Ambr. Off. 16. Aquarum nempe impetu anni fluunt, &c.*



FRAGMENTA DE SANCTIS.

In Conceptione B. M. Virg.

Judas genuit Pharez. Mirum est quòd Ps. dicat
44. *Audi Filia & vide, &c. Obliviscere populum tu-
um, & domum Patris tui.* Imò recordare nostri
S. Virgo. Leo Imper. vult hoc intelligi de Adam
ut ejus obliviscatur S. Virgo, quia in eo non
contraxit maculam. Domum ad hoc Pharez ingredi non est
parvum. Cùm Ruth matrimonium cum Booz contraheret ita
illi Bethleemitæ sunt apprecati Ruth. 4. *Faciatur DEUS hanc mu-
lierem, quæ ingreditur domum tuam, sicut Rachel & Liam quæ edi-
ficaverunt Israel, fiatque domus tua sicut domus Pharez, quem Tha-
mar peperit Judæ.* Judas tres filios habuit Selam, Zaram, &
Pharez, quare non apprecati, fiat domus tua ut Sela & Zaram,
cùm isti fuerint majores natu? Quia non de illis sed de Pharez
processit David ideò in hoc Evangelio nonus à Pharez po-
nitur David de quo processit Christus. Sed hoc ipsum quare?
1. Paralip. 4. ubi familiæ duodecem filiorum Jacob describun-
tur, familia Judæ sic. *Filii Judæ, Pharez, Esron, &c. Et Sobal.*
Tacentur verò Zaram & Sobal. vel quia, ut dicit Hieron. in
peccato mortui, vel quia non processit ex iis David, ac proin-
de, neque Christus. Mater Pharez fuit Thamar, dum conce-
pit gemellos Gen. 34. unus in hora nascendi protulit manum,

& eam obstetrix ligavit coccino, sperans quòd iste esset prior nasciturus, sed alter natus prior, & illa dixit. *Quare divisa est propter te maceria?* Quare vocavit eum Pharez, *divisionem*; postea natus est Zara. Ex Pharez processit Virgo S. non ligata coccino peccati. Zara bis natus quia primò protulit manum, postea post fratrem prodiit natus, ita nos, in Adam nobis manus ligata est, & postea cum eadem ligata prodimus. In Adam ostendimus manum quam ille ad pomum extendit, & acclamant omnes. Hæc est manus quæ contra DEUM se extendit, hæc est ligata, quia qui facit peccatum servus est diaboli, ligata filo coccineo, belli signo, ligata manus, *quia non quod volo facio bonum*. Ex hoc filo nectantur funes peccatorum & ita miser Samson ligatur. At S. Virgo nascitur ut Pharez sine hoc vinculo. Nascitur S. Virgo sicut lilium inter spinas, segregata ab omnibus. Apoc. stellas 12. habet in capite, cum tamen ibidem Filius ejus eas habeat in manu, caput hujus mulieris conceptio, pedes Lunam calcantes mors ejusdem, corpus amictum sole, ne dubites de ejus pura conceptione, duodecem stellæ illam coronant, totus Zodiacus, totus annus, nunquam fuit sine stella. Hinc Dyonyf. Alexandrinus Epist. contra Paulum Samosatenum. *DEUS Matrem incorruptam, à pedibus usque ad caput benedictam servavit.* Epiph. de B. V. *dicam illam Crucem & cælum*, quomodo hæc duo cohærent? quia partus & integritas in S. Virgine sunt simul. Cælum totum est lucidum crux tota Sancta, ita B. Virgo tota lucida & sancta. In illa novus legislator Christus ut Moyses advectus nobis velut in fscella nullam admittente guttam aquæ. Nohuit DEUS legem suam dare in tabulis fractis Exod. 34. dicit Moyfi. *Præcide tibi duas tabulas lapideas instar priorum, & scribam super eos verba, quæ habuerunt tabulæ priores quas fregisti.* Quomodo legistorem Christum scripsisset in tabula confracta? In præsentī Evan-

Evangelio repetitur quadragesies, genuit hoc non est casu factum. Bern. *Si enim nec unus de passeribus sine Patre cœlesti cadit, putem ego de ore S. Evangelistæ superfluum disfluere verbum, præsertim in sacra historia verbi? non puto, plena quippe sunt omnia supernis mysteriis. Quod hic mysterium? Commemoremus illud Pf. Quadragesima annis proximus fui generationi huic. Quadragesies ponitur genuit ab Abraham ad Christum. Occurrat & illud Pf. 109. In splendoribus Sanctorum ex utero ante Luciferum genui te. Christus ergo genitus in splendoribus Sanctorum quando genitus ex utero Matris, itaque mater habuit hos splendores. Angeli, Adam, Eva habuerunt hunc splendorem quod sine macula à DEO facti, itaque & B. Virgo habuit, dedit hunc splendorem Matri, quem nulli dedit alteri ut pareret Virgo, itaque multò magis dedit illum, quem etiam concessit. In splendoribus Sanctorum. Lorinus docet hunc locum à Patribus intelligi etiam de humana Christi generatione, quia ubi nos legimus. In die virtutis tue. Chald. legit. In die quo prælium commiseris. Quod soli humanæ generationi servit. Hinc cum in Litanis in Bavaria caneretur, Mater admirabilis P. Rhem. advertebat ex imagine B. Virginis semper admirabilem prodire splendorem, ut scripsit P. Gans. Quia Virgo & genita & genuit in splendoribus.*

In Nativitate D. N. JESU Christi.

Quatuor res difficiles hominibus fuerunt circa DEUM 1. DEUM invenire Pf. 41. *Fuerunt mihi lacrymæ panes die ac nocte dum dicitur mihi ubi est DEUS tuus? Et quasi jam desperavisset de illo reperiendo in terra, dixit Pf. 35. Domine in cœlo misericordia tua. Ecce modò Vagit Infans inter arcta conditus præsepia, &c. 2. Metuebat homo DEI manum, Job. lamen-*

tatur in suis malis. *Manus Domini tetigit me.* Et tandem orat. cap. 13. *Manum tuam longè fac à me.* Ecce modò. *Invenietis Infantem pannis involutum.* Jam se ab homine permittit ligari ut Samsòn à Dalila Jud. 16. sed quare permittit? *Placuit oculis meis.* 3. Vocem DEI metuebat homo. Gen. 3. vocat DEUS Adamum, *Adam ubi es?* At ille *Audivi vocem tuam & abscondi me.* Et vocem hanc pro morte reputavit populus. Exod. 20. *Non loquatur nobis Dominus ne fortè moriamur.* Jam non metue homo non loquitur verbum asperum, dicit potius sicut Joseph. Gen. 46. *Nolite timere, ego sum Joseph Frater vester.* Dabit veniam. 4. Terribilis erat homini Majestas DEI. *Ignis in circuitu ejus, Gladius de ore ejus procedebat.* At verò modò Isai. 11. *Delectatur Infans ab ubere Isai.* 7. *Butyrum & mel comedet.* Quæ Majestas? positus in præsepio inter animalia. Quid jam nobis dicit? *Pax in terra hominibus.* Quid à nobis, quod tributum accipit? *Verè linguores nostros ipse tulit.* Obsignat hanc benevolentiam erga nos tot miraculis. Hodie in specu Bethlehem fons novus erumpit. Sol apparet spicis coronatus, hinc paratus hominibus cibus & potus. In regione Translyberina Romæ fons olei totà die fluit. Deceptoris hominum Apollinis Pythii oraculum obmutuit his ultimò dictis. *Me Puer Hebraeus Divos DEUS ipse gubernans Cedere sede jubet, tristemque redire sub orcum.* Iris signum pacis cœlo sereno comparet, & intra eam Puella cum Infante; hanc Iridem Sybilla Tyberina ostendit Augusto Imp. & ne illi deinceps Divini honores darentur prohibuit, ut scripsit Orosius lib. 6. c. 18. Vineæ Engaddi balsamum stillarunt.

De Eadem Nativitate.

DUM mecum meditor quid sim hodie dicturus, obtulit se oculis mentis meæ quidam puerulus formosissimus, sed pasto-

pastorali habitu, cum bacillo, stans in medio campi sollicitus: quæro quid sit rei? ait se missum à Patre ad quærendam oviculam quæ domo illius profugit, neque se rediturum nisi eâ reperta, sed, repono, mi Puella non est tanti ovis ut tuum periculum, in vadent te feræ, &c. Præsertim si Pater tuus habet alias oves. Ait ille, & Pater adhuc habet 99. Oves, & hanc unam perditam nisi reperero, non redibo, invadant me fanè omnes feræ, non curo, ita illam ovem amat meus Pater, ut propter illam me quodvis jufferit periculum subire. Sed si, inquam ovis tibi rursus fugerit; rursus ait ille quæram, &c. Castigabis ne illam quæro, ubi repereris? imò ait, illam osculabor & in humeros meos imponam. Quid verò de illa statuet Pater, ubi eam retuleris? Pater meus, ait tantum illam conspexerit, occurret, curabit convivium instrui, &c. Ecce habetis Puerum in cunis qui de cælo venit ad quærendam ovem, &c.

De Eadem Nativitate.

Regnabit in domo Jacob. Bern. serm. 3. super Missus. *Quis ex nobis est qui juxta interpretationem nominis Jacob, supplantet diabolum de corde suo, lucretur cum vitiis, &c. Sed regnet in eo JESUS.* Hoc prævidebat regnum ipse Jacob cum diceret Gen. 49. *Salutare tuum expectabo Domine* Greg. in Ezech. hom. 4. *Quod salutare dicimus Latine, hoc verbo Hebraico JESUS dicitur.* Ps. 84. *Ostende nobis Domine misericordiam tuam & salutare tuum da nobis.* Sed licet etiam à domo Jacob defecerimus, adhuc nobis Salvator nascitur. Bern. in Cantic. serm. 35. *Agnosce ô bos possessorem tuum, & tu ô asine præsepe Domini tui, cognosce pecus quem non cognovisti homo adora in stabulo quem non cognovisti in paradiso, &c. Comede fenum quem panem, & panem Angelorum non cognovisti.* Et tibi qui per tuos mores factus es jumentum

mentum nascitur Christus. Zach. 13. *In die illa erit fons patens domus David habitantibus Jerusalem, in oblivionem peccatoris & menstruata.* De quo Greg. lib. 2. in Ezech. hom. 20. *Fons quippe occultus Unigenitus Patris invisibilis DEUS fons verò patens est idem. DEUS incarnatus qui fons rectè dicitur domus David, quia ex David genere noster ad nos Dominus processit, &c. Cur igitur pigri sumus? Cur torpentes & frigidi remanemus, qui in hoc fonte pietatis tantos jam se lavisse cognoscimus? Factus fœnum pro jumentis dum factus est caro. Isai. 40. Omnis caro fœnum. Ipse erit Jacob pro nobis, luctabitur cum nostris Adversariis Isai. 15. Clamabunt ad Dominum à facie tribulantis, & mittet eis salvatorem & propugnatorem qui liberet eos. Et non tantum luctatus cum nostro Adversario sed illum cepit. Greg. Moral. 33. c. 9. Behemoth in hamo Incarnationis captus, quia dum in illo appetit escam corporis transfixus est jaculo Divinitatis. Nam cum dicitur Matth. 1. Abraham genuit Isaac, &c. Quædam quasi linea, torquetur, in cuius extremo Incarnatus Dominus, id est, hamus iste ligaretur, quem in aquis humani generis dependentem aperto ore iste cecus appeteret.*

In Festo SS. Innocentium.

OMni modo laborabat dæmon ut redemptionem mundi impediret. Et primò per Pharaonem aggressus perdere gentem de qua nasciturus erat Salvator, & effecit ut Pharaeo juberet submergi omnes Judæorum Masculos Exod. 1. sed non perfecit, quia Moyses eduxit populum. Deinde incitavit Aman Esther 7. ut eandem gentem perderet, sed obstitit Esther. Deinde conatur saltem illam domum perdere in qua erat nasciturus, & usus ad hoc 4. Reg. 11. Attaliâ impiâ, servatus est tamen Joas qui domum illam suscitavit. Versus iterum contra totam gentem 1. Machab. 2. sed Sap. 32. *Non est sapientia, non est*

est prudentia, non est consilium contra Dominum. Demum ad Herodem se vertit, ubi advertit ex tempore jam expleto venturi Messiae & miraculis, & illo usus. Apoc. 12. *Vidi draconem stantem ante mulierem, quæ erat paritura, ut cum peperisset, filium ejus devoraret.* Erupit ergo Herodes ut bestia ex cavea, quæ obvios quosque discerpit, clamor undique tollitur Jer. 31. *Vox in Rama audita est, ploratus & ululatus multus.* Alii cæsos deplorant, alii cavent vivos, sed Christo omnia vertuntur in testimonium quod ipse sit Messias. Cum David arcam deduxit 2. Reg. *Immolavit hostias & pacifica coram Domino.* Arca novi testamenti in mundum venit, procumbit grex immolatorum tener. Cum populus in Ægypto salvaretur ab occisore Angelo, ungebantur postes sangvine. Num. 19. hic ingressus sangvine perfunditur, quia venit salus. Qui voluit occidere, dat Christo fructus præcoces, quos desideravit Michæ 7. Quem voluit perire fecit decantari Ps. 8. *Ex ore infantium & lactentium perfecisti laudem.* Risit olim Herodem Isai. 16. *Ini consilium, pone quasi noctem umbram tuam in meridie.* Occultando intentionem tuam coram Magis. Tu Ægypte, absconde fugientes, & vagos ne perdas, habitabunt apud te profugi mei. Moab esto latibulum eorum à facie vastatoris conculcatus est miser, defecit qui conculcabat terram. Defecit, quia ad illustrandum Christum servierunt Herodis concilia. Leo ferm. 1. de Epiph. *Ut Dum Herodes atroci intentus facinori ignotum sibi indiscretâ infantium cade persequitur, annunciatum cælitus dominatoris orcum, insignior ubique fama loqueretur.*

In Circumcisione Domini.

Nomina quæ à DEO imponuntur, omninò cum rebus conveniunt, sic Abraham Pater gentium, Joannes gratia, quia lex gratiæ ab illo cæpit. Noë, consolatio, mundum consolatus

solatus dum ex illo renovatur, Samuel impetrans, &c. Nomen JESU Christo à DEO impositum, quomodo ejus significatum in illo reluceat videamus. Cùm DEUS vellet Abrahamo benedicere, ex suo nomine illi addidit literam He ut qui antè vocabatur Abrā vocaretur Abraham, Gen. 17. de quo Hieron. *Per quod ostendit non solum se bona imperituum ei, sed etiam seipsum.* Multo magis cum totum det Christo nomen, *Quod est supra omne nomen, ut in nomine JESU omne genu flectatur.* Hoc est nomen Divinum, proinde dedit illi totum quod ipse habet. Hoc verò nomen ad nos refertur, JESUS enim idem est quod *Salvator*, salvare vero nos respicit, igitur omnia quæ à Patre accepit in nostram salutem impendit, sapientiam in doctrina, omnipotentiam in miraculis. Ps. 22. *Deduxit me in semitas justitiae, propter nomen suum.* Eutym. ita legit. *Propter hoc quòd nomine DEI vocor tot in me DEUS beneficia congeffit.* Quòd Christiani vocemur quod ad JESUM spectemur. Sed ut nos salvet, opus agere quæ nomen hoc innuit. Hoc nomen à nobis exigit obedientiam erga DEI mandata, propter obedientiam enim Christo datum. Philip. 2. *Factus obediens, &c. Propter quod dedit illi nomen.* Isaias. hoc nomen explicat, *accelera festina.* In primò instanti suæ conceptionis statim se Patri obtulit ad faciendam obedientiam. Heb. 10. *Corpus accepisti mihi, &c.* Cyril. Alex. legit, *perforasti.* Bern. cap. 3. de vite. *Foderunt Judæi quod jam diu fuit perforatum.* Voluntate, scilicet, patiendi. Jam audi eundem serm. de discipulis Euntibus in Emaus. *Fortè aliquibus in morte apparet Christus cum vexillo obedientiae, & ineffabiliter exhilarat animam obedientis in illa tribulatione. Ne timeas filii obedientiae, ne timeas intueri manus propter obedientiam cruci affixas, considera pedes expositos fixuris clavorum, & latus lancea perforatum, attende quod propter obedientiam mortuus sum. Etsi propter fragilitatem conditionis humanae obedientia tua sit minus aliquid perfectum habens*

habens, volo ut plenitudo mea obedientiæ, sit tuo minus sufficientis supplementum. E contra inobedientes excipiet ut quosdam idololatrias. Hieron. in quæst. Hebr. in. 2. Reg. Jonathas in excelsis occisus est in Hebr. non habetur, est enim sensus. O Saul Jonathan in Excelsis tuis, in idololatria, id est in peccato inobedientiæ occisus, subauditur, est, &c. Inobedientia namque tua pro idolis, id est excelsis, reputata est. Requirit à nobis hoc nomen castitatem; datum enim est in circumcissione. Et ideò fortè nomen suum DEUS aperuit Moyse ex rubo mortificatiocis. Ideò nomen hoc cruci affixum, ut nostram carnem crucifigamus cum vitiis. S. Nilus in Asceticis Orat. 2. Qui ventrem cibis explet, & se castè victurum profiteretur, similis est illi qui dicit, in stipula se flammæ imperum fræno cohibiturum. Quid de turpibus cantilenis, de choreis? S. Ephrem lib. de vera pœnitentia. Ubi diaboli cantica, illic demonum requies, porro ubi choreæ chorique perstrepunt, ibi virorum ac mulierum offuscatio, ac diaboli celebritas est. Requirit à nobis hoc nomen contemptum mundi, nudo enim & pauperi Christo impositum Greg. hom. 4. Si quando reperimus ignis habitaculum absunit, quisque ejus possessor exriterit rapit quod valuerit, & fugit, lucrum deputat si quid secum ex ignibus tollat. Ecce tribulationum flama mundum concremat, & cuncta quæ in eo speciosa videntur finis jam proximus velut ignis devastat. Requirit hoc nomen mansuetudinem Cant. 1. Oleum effusum nomen tuum Greg. in 1. Reg. 16. Talis Rex ungitur, qui peccata per misericordiam dimittat non per austeritatem puniat. Opus est corrigere errantem, sed ut Fratrem. Si in te peccaverit Frater, &c. Bernardin. Frater est nomen amoris & charitatis. Ne tuffias peior illum coërcendo, quam fuit ille peccando. Conchæ si supra illas sonet, abortiuntur nec pariunt unionem, ostende te bene sentire de Fratre ut & ille possit bene de te sentire, juva illum dum in te laborat ille cogitare Christum ut id cogitare facillè possit, & ita facilius tibi ut Christo

obtemperabit. Etiam pessimis mendicis in quibus ægre cogitamus Christum, difficilius largimur eleemosynam. Levit 13. *Quicumque fuerit maculatus leprâ habebit os veste contactum.* Quia loqui cum ad correctionem non decet, quia ipse illa eget. Gen. 4. Maledixit terræ, sed non aquæ, quia si aqua habuisset maculam, non fuisset apta ad eluendas in Baptismo maculas, ut ait Alcuin. Non mittit cum hamo, qui lacerat, Apostolos ad piscandum Christus, sed cum reti vivos conservat pisces. Non vis ut bestia tractari si erraveris, nec fratrem tuum sic tracta. Fugiunt Medicum qui nescit curare nisi per visiones & ferrum, execrabilis verò est, si propter læsum digitum, totum amputet brachium. Vide quomodo. Christus receperit peccatores, Magdalenam, latronem, Samaritanam, Prodigum, &c. 4. Reg. 4. Cum vadit Giezi cum baculo non excitat à mortuis puerum, sed cum Elisæus se ad ejus parvitatem contrahit, tum exurgit puer

Caveamus verò omnes qui Christiani dicimur, ne illud cadat in nos Basil. Salevci orat. 19. *Quid gestas cognomen, quod personæ probro sit? factis appellationem impugnas, & calumniâ nomen tuum afficis?* Ne id eveniat sequere doctrinam Ambrosi. ferm. 47. *Recte consortium meretur nominis, qui consortium meretur operis.* Oremus cum Procopio, qui in illud Isai. 64. *Ab initio nomen tuum super nos.* Ita scribit. *Nostri igitur miserere, quos nomen tuum exornat, hæreditas enim tua nuncupamur, id ergo nomini tuo largire, ut apud Gentes non blasphemetur.*

In Eadem Circumcisione.

Congruè hoc festum die 1. Jan. celebratur. Januarius dicitur à janua, quia est janua anni, ungitur hæc Janua sanguine ne Angelus interfectos noceat, ut Exod. 12. Alii volunt dici Januarium à DEO Jano, hic erat Noë, pingebatur cum facie.

facie ante & retrò, quia videt mundum ante & post diluuium, Janus inde dictus, quia plantavit vineam primus post diluuium, quòd Chaldaicè dicitur Jain, hinc quasi Jainus, & corruptâ voce Janus. Et hoc Christo congruit, habet quasi duas frontes, quia est α & ω duas naturas habet, vidit mundum ante & post peccatum. Ramum oliuæ attrulit ad Noë columba, ipse vineam plantavit. Processerat homo ut ille qui de Ierusalem in Jericho, oportebat illi infundere vinum & oleum. Paravit ex his DEUS Pater medicinam pro nobis in Christo tanquam pixide Apothecaria, & illi datur in scriptis *JESUS* & ne putemus pixidem vacuum, hodie ex illa per circumcisionem guttæ aliquot effunduntur. Christus Eccl. 43. *Vas admirabile, opus Excelsi* Continet vinum, *Ego sum vitis*. Continet *Oleum offusum nomen tuum*. Propterea cum Christus natus vineæ Engaddi floruerunt, & fons olei Romæ erupit.

In Eadem Circumcisione.

Copiosam nobis redemptionem promittebat Pf. *Apud Dominum copiosa redemptio*. Eam fonti patenti comparabat Zachar. 13. *Erit fons patens Domui David & habitantibus Ierusalem, in ablutionem peccatoris*. Eandem instar maris extendit Micheas 7. *Revertere & miserabitur nostris, deponet iniquitates nostras, & projiciet in profundum maris omnia peccata nostra*. Sed hodie videmus impleri quod Isai 43. *Iste asperget gentes multas*. Aperitur cultro thesaurus, & modicus sanguis fluit, circumciditur Infans. *Asperges gentes* itaque dabit guttas sed quomodo guttæ, fons aut mare? Sed hæc gutta sufficit orbi toto, sed neque hic redemptionem absolvit. Effundet totum in cruce ubi nostra redemptio consummabitur; per crucem enim nos redimere constituit. Interim modò rigat his guttis. *Habituit plantas nobilis 99. multæ ex illis aruerunt, quia rigare no-*

luit, hanc ultimam centissimam aspergit, nos, non Angelos lapsos. Joannes. Eremita, emortuam arborem triginta annis rigavit, & tandem fructum tulit, nos fortè pluribus annis rigat Christus, quis fructus?

In Eadem Circumcisione.

VOcatum est nomen ejus JESUS Bern. in Circumcis. ferm. 2. *Sed quid dicimus, quod egregius ille. Propheta, hunc ipsum Puerum multis nominibus appellandum fore prædicens, hoc unum nomen JESU, tacuisse videtur. Isai. 9. Puer natus est nobis, Filius datus est nobis, &c. Vocabitur nomen ejus, Admirabilis, Consiliarius, DEUS fortis, Pater futuri sæculi, Princeps pacis, &c. Ubi est nomen JESU? Fortè illud in his omnibus invenies, sed expressum quodammodo & effusum. Est hoc nomen in istis, & ista in illo, sed quomodo? Est nomen JESU in primis admirale, dum hoc nomen accipit, fundit sangvinem, & nobis fundit hæreditatem Bern. in Cant. Serm. 15. Dicite Fratribus vestris date nobis de oleo vestro, si nolunt, rogate Dominum olei ut mittat vobis &c. Oleum effusum nomen tuum. Nomen etiam hæreditatem significat, idem ibid. Particeps nominis sum, sum & hæreditatis. Christianus sum. Frater Christi sum, si sum quod dico heres sum, Frater autem Christi. Christus idem est quod unctus, & nos in Baptismo unguimur oleo. Si Christianus, agendum mihi juxta legem Christi, quod si ita est, audi Tertull. de idololatria. Quid dicis, egebo? sed felices egenos. Victum non habebis? sed nolite inquit cogitare de victu, & vestitu, exemplum habemus lilia. Substantiã mihi opus erat? atqui omnia vendenda sunt & egentibus dividenda, &c. Audi ulterius eundem lib. ad scapulam. Amicos diligere omnium est, inimicos solorum Christianorum, &c. Nos, quos vos Ethnici, sacrilegos existimatis nec in furto unquam apprehendistis, nedum in sacrilegio, &c.*

Nos

Nos non aliunde noscibiles nisi de emendatione viriorum pristinorum, &c. Deposita non negamus, Matrimonium nullius adulteramus, pupillos pie tractamus, indigentibus refrigeramus, nulli malum pro malo reddimus. Taliter vivere homo non potest sine fortitudine, hanc DEUS fortis in illo operatur. Opus hic fieri petram, ideò manet Isai. 15. *Attendite ad petram unde excisi estis, & cavernam laci unde præcisi estis.* L. X. legunt. *Inspicite in solidam petram quam excidistis & in foveam laci quam fodistis.* Hoc est Christum, de cuius nomine gloriamur, ne de nobis lamentetur Thren. 4. *Quomodo obscuratum est aurum, muratus est color optimus.* Jam quomodo JESUS Pater futuri sæculi? Nunquid & in hoc sæculo non est Pater? est, sed ita ut nos pro futuro sæculo generet. Ibi erimus omnes sacerdotes, ut est in Apoc. hic ad istud Sacerdotium gignimur à Christo. Tertull. lib. de Monogamia. *Nos is sumus sacerdos & magnus Patris de suo vestiens, quia qui in Christo unguuntur Christum induunt, sacerdotes DEO Patri facit secundum Joannem.* Proinde agendum nobis sanctè ac si continuo sacrificium offerremus, nam sacrificium est quoddam oratio nostra; jejunia, mortificatio est; alioqui dicit nobis Salvian. lib. 4. de Governat. *Prov. 11. Circulus aureus in naribus suis mulier pulchra & fatua.* Cor nobis Christianum vocabulum quasi aureum decus est, quo si indignè utimur, fit, ut sives cum ornamento esse videamur. Denique qui vult scire plenius, vocabula nihil esse sine rebus, respiciat quomodo innumerabiles populi cessantibus meritis nomina perdididerunt, &c. *Judæi, Israël, & populus DEI Isai. 1. & Osee. 1. Vos non estis populus meus.* Christianus verus est similis illis animalibus quæ describit Ezech. 1. Habebant illa animalia alas ad volatum, id est fidem, & alæ fuerunt ignitæ charitate, sub alis erant manus promptæ ad opera. Sed unde charitas noscitur? Greg. in Ps. 6, *Pœnitent. Qui veraciter diligit, læsus non lædit, contumelias vicem non reddit, detrahentibus sibi non detrahit, qui eum ode-*

runt non odit. Ecce ignis in quo sacrificium nostrum in terra debemus offerre. Nomen JESU idem est quod *Consiliarius*, quia consulit & ostendit viam cœli Greg. 25. Moral. II. *Via Incarnatæ Sapientiæ est omnis actio quam temporaliter gessit. Viæ ejus sunt vivendi ordines quos ad se venientibus monstravit.* Sed an omnes hæc consilia sequuntur? proinde mendaces Christiani isti sunt in suo nomine. Ambr. 22. q. 5. cap. Cavete. *Mendacium est Christianum se dicere & opera Christi non facere.* Aug. lib. 4. de doctr. Christian. *Ex Sacramento unctionis vocabulum omnium Christianorum descendit & nomen ille frustra sortitur, qui Christum minimè imitatur.* Sed fortasse accidit quod tempore suo deplorat Greg. I. I. C. 10. *Quidam idcirco Christianitatis vocatione signantur, quia Christi nomine sublimiter exaltato, penè omnes jam fieri Fideles erubescunt, sed esse negligunt quod dici gloriantur. Rem virtutis intimæ sumunt ad decorem visionis externæ, & qui ante supernam Judicem nudi conscientie infidelitate consistunt apud humanos oculos professione sancta verbo tenus palliantur. Quia digna fidei opera servare contemnunt, etiam fidem perdunt quam tenere videbantur, &c.*

In Festo S. Thomæ Apostoli,

Quantum salutem nostram amaverit S. Thomas, patet ex eo, quia volebat pro mundi salute mori cum Christo, & alios ad hoc ipsum hortatus Apostolos, *eamus & nos moriamur eum illo.* Plane geminus Christi, ut enim interpretatur Cornel. à lapide, Thomas significat geminum. Sed cum Christus socium in hac re non admitteret, Vicario Petro Christi se junxit post Christi resurrectionem Joan. 21. & cum eo piscabatur præcludendo piscationi hominum accepto verò Spiritu S. totum orbem pervolavit, nam ut Th. Stapleton. in tribus Thomis, in Europa Sueciam, Daniam Germaniam:

am: in America Indias: in Asia Parthos, Medos, Bactrianos: in Africa loquitur S. Chrysof. *Aethyopes Baptismo dealbarvit.* Cum verò ex hoc mundo cessit S. Franciscum Xaver. sibi substituit. Nam ut Rhò in varia Historia. Franciscus hic apud sepulchrum Thomæ cum illud accessisset, *hausit Spiritum Apostoli & ejus factus gemellus.* Et ipse S. Thomas ante suam mortem id prædixit ut scribit Maffejus dum à mari in loco decem milliaribus germanicis dissito crucem lapideam erigeret, addito, cum mare ad eum locum pervenisset, similem sibi in eas terras venturum, quod factum est tempore Xaveri. Sed etiam articulum de resurrectione, in quo tota nostra nititur fides præ omnibus Apostolis roboravit. Greg. hom. 26. *Plus nobis Thomæ infidelitas ad fidem quàm fides credentium discipulorum profuit, &c. Factus est testis veræ resurrectionis.* Cum redivi Christi palpavit latus. Ambr. ferm. 32. *Sunt accedentes ad cor altum de majori spiritus libertate & puritate conscientie, &c. Talis erat Thomas qui nisi suâ manu tangeret manus & latus, credere non volebat, pusilla fides sed de magnitudine animi miro modo descendens. Talis Moyses, aut me dele de libro vitæ, aut his parce. Talis David, Tibi dixit cor meum, te exquisivit facies mea.* Dilexit omnes Thomas & cum omnibus cælum ingredi voluit. Bern. ferm. 12. in Cant. *Si Dives quispiam mulieri pauperculæ dicat, ingredi tu ad prandium meum sed quem gestas infantulum relinque foris, quoniam plorat & molestus est nobis, nunquid faciet? Nonne magis eligit jejunare quam exposito pignore charo sola prandere cum Divate? Ita nec Moyse sedet solum se introduci in gaudium Domini sui, foris scilicet remanente populo, cui licet ingrato & inquieto vice Matris dolenter inheret.* Tantum amamus animas, quantum pro illis facimus, & cum Thomas plurimum fecerit, summè illas dilexit. Qui verò animas amat, Christum amat. Hic probet suum amorem erga Christum Pater familias domi, &c. Greg. Pastoral. p. 3. *Si indigentibus pro-*

ximis ipsi quas habent pecunias absconderent adjucores procul dubio
 calamitatis extitissent, quo ergo reatu constringuntur aspiciant qui dum
 peccantibus Fratribus verbum prædicationis subtrahunt, morientibus
 vitæ remedia abscondunt. S. Bern. tales reos facit furti serm. 18.
 in Cant. Sanè cavendum in his, aut dare quod nobis accepimus, aut
 quod erogandum accepimus retinere rem profecto proximi retines tibi,
 si verbi causâ, plenus virtutibus cum sis, nihilominus donis scientiæ &
 eloquentiæ adornatus, metu fortè, aut minus discretâ humilitate, verbum
 bonum quod posset prodesse multis, inutili imò & damnabili ligas silentio,
 certè maledictus qui frumenta abscondit in populo. Quodsi insuper
 domi tuæ peccata permittis, particeps es illorum. Quidsi ad-
 huc pravo ipsi præeant exemplo? Jer. 10. Quia stulte egerunt Pa-
 stores, & Dominum non quaesierunt, propterea non intellexerunt, &
 omnis grex eorum dispersus est. Reddent tandem pro grege suo
 rationem. Audiant S. Greg. in lib. Reg. lib. 5. c. 4. Velut prodit-
 tores quidam exercitus, arma Christianæ doctrinæ induunt, profiten-
 tur se Christianos, & per exempla subito parvulos Christi feriunt, quos
 velle protegere loquendo putabamus. Quia loquuntur aliqui bene
 sed præbent mala exempla, cum fortius moveat exemplum
 quam sermo. Quodsi neque sermo sit bonus, & pravum
 exemplum? Greg. hom. 15. Plerumque, quod est gravius, qui pro-
 pria dare debuerant, aliena diripiunt, plerumque si quos humiliter, si
 quos continenter vivere conspiciunt irident. Considerate ergo quid de
 gregibus agatur quando Pastores lupi sunt. Hi enim custodiam gregis
 suscipiunt qui insidiari gregi dominico non metuumt, &c. Et Moral.
 lib. 26. c. 10. Calumniatores rectè possumus dicere omnes iniquos, quan-
 tò morum vitæ distat à rerum substantia tantò gravior calumniator
 est, qui malè vivendo vim infert nostris moribus quàm qui violenter
 opprimendo, damna ingerit rebus. DEUS loco sui tradidit nobis
 proximum ut in eum charitatem exerceamus, quomodo isti
 præceptum de charitate implent qui sunt animarum homici-
 dæ? S.

dæ? S. Bern. insuper dicit esse perjuros in Ps. 28. Quis ascendet in montem Domini? *Non sumus nobis inutiles ne in vano accipiamus animas nostras. Non sumus inutiles proximo nostro, ne in vano ei jurasse probemur, &c. De juramento convenit spiritui ut agnoscamus debitum, & promissam fidem irritam facere vereamur. Omnes enim proximis jurati sumus, cum quibus in Ecclesiæ venimus unitatem. Et hæc professio fidei Christianæ, ut qui vivit jam non sibi vivat, sed ei qui pro omnibus mortuus est, &c. Debitor es Sacramenti, cautione & propriâ professione teneris. Hic ergo accipiet benedictionem, à Domino DEO suo, hic qui unus accipit brachium.*

In Epiphania Domini.

Magna fit hodie rerum mutatio jam relinquere incipit Synagogam Christus & Gentes amplecti. Jacob junior, hoc est Gentes præripiunt benedictionem majori Esau, id est Judæis. Jam ipse Jacob benedictionem daturus per manuum impositionem nepotibus Gen. 48. transponit manus, & supra juniorem ponit dexteram. Ecce Moyses Æthyopiissam ducit uxorem, & Samson alienigenam. Ecce Isai. 9. *Populus qui ambulabat in tenebris videt lucem magnam.* Apparuit Magis in stella puerulus gestans crucem. Crux etiam apud Ethnicos magnum quid significabat, juxta Horum Apollineum notabat Ægyptiis spem futuræ vitæ. Antigono comparuit Crux in cœlo ex his literis formata ΓΓΕΙΑ sive Υγεia quod significat salutem. Plato litteram χ quæ crucem exprimit, inter admirandas habuit. Secuti stellam magi, id est, viri doctissimi, ingrediuntur Jerosolyman, & impletur quod prædixerat Tobias c. 13. *Jerusalem civitas Domini luce splendidâ fulgebis, & omnes fines terræ adorabunt te. Nationes ex longinquo ad te venient, & munera deferentes adorabunt*

bunt in te Dominum. Et cap. 14. Relinquent Gentes idola sua, & venient in Jerusalem, & gaudebunt in ea omnes Reges terræ adorantes Regem Israel. Vultis etiam videre in persona hos Reges? ostendet illos Beda in Collectaneis. Primus Melchior senex & canus, barbâ prolixâ, aurum obtulit quasi Regi magno. Secundus Gaspar juvenis imberbis, rubicundus, thus quasi DEO obtulit. Tertius, adolescens, fuscus, integrè barbatus Balthasar Myrrhâ oblatâ DEI Filium mortalem professus est. Quæ etiam verba locuti dum offerrent munera, audire possumus Doctore Cypr. Ambr. Tertull. Hilar. apud Isai. 45. Viri sublimes tui erunt, & post te ambulabunt, vincti manicis pergent, & te adorabunt, teque deprecabuntur. Tantum in te est DEUS, & non est absque te DEUS. Verè tu es DEUS absconditus.

In Festo S. Dorotheæ V. & Mart.

DUM S. Greg. hom. 12. Evang. de decem virginibus explicando, ad illud pervenit. *Dare nobis de oleo vestro*, ait. Quid est quod tunc à prudentibus oleum pecunie? nisi quod in Adventu Judicis cum se in eas vacuas invenerint, testimonium foris quærunt, ac si à sua fiducia deceptæ. Quia nos quasi sine opere repelli conspicietis dicite de nostris operibus quod vidistis. Sed hoc est miserum. Ite potius ad vendentes, olei venditores adulatorum sunt. Habuit Sancta testimonium intus.

Habuit imprimis testimonium veræ virginitatis, quantum sit crimen virginem se extra ostentare, in corde non esse, ostendit Tertull. lib. de Pudicitia. Siquidem post interdiciam alienorum Deorum superstitionem ipsorumque idolorum fabricationem, post commendatam Sabbati venerationem, post imperatam Parentibus secundam à DEO religionem, nullum aliud in talibus titulis firmandis monendisque substruxit præceptum, quàm, non mæchaberis. Virgo fuit

fuit sancta etiam inter Ethnicos, inter sollicitationes, &c. Etenim si absque Baptismi gratia, &c. Aliqui virginitatem servarunt, quomodo non turpe erit Christiano maculari? Salvian. de guber. lib. 7. *Quæ nobis rogo ante DEUM, aut vitæ esse aut veniæ spes potest, quando castitatem in Barbaris cernimus, & nec sic casti sumus?* Quare inprimis te domi continebat ut fuasit Hieron. Eustochio Virgini. *Foris vagentur virgines stultæ, tu intrinsecus esto cum sponso quasi ostium clausuris, & juxta Evangelii præceptum in occulto oraveris Patrem tuum. Veniet, pulsabit, & dicet. Ego sto ad ostium & pulso, si quis mihi aperuerit introibo, & canabo cum eo & ipse mecum. Et tu statim sollicita respondebis vox Fratris mei pulsantis & dicentis. Aperti mihi soror mea, proxima mea, columba mea.* Attendebat sibi à minimis quæ possent esse noxiæ Virginitati, ut sunt somnus aut cibus multus, sociæ vanæ, vestitus mundanus, libri parum casti, oculorum liber iactatus, &c. Quæ enim à parvis superatur quomodo resistet majoribus? Bern. de S. Clemente Papa M. *Ut quid ergo non possumus & nos cum B. Clemente Christi calicem bibere? Sed fortè respondent aliqui possemus si opportunitas non deesset, sed persecutionis tempus cessavit. At ego fateor, non satis crediderim ita dicentibus, quid enim? quotidie ceditis puncturæ actûs unius, & mucroni vos arbitramini posse resistere? in minimis probate.* Studuit summæ humilitati, nam luxuria procedit ex superbia. Greg. 26. Moral. 13. in illud Osee 5. Spiritus fornicationis in medio eorum & Dominum non cognoverunt. *Qui ut ostenderet quod causa libidinis ex causa proruperit elationis mox subdidit dicens. Ibid. Et respondebit arrogantia Israël in faciem ejus ac si diceret culpa quæ per elationem mentis in occulto latuit per carnis luxuriam in aperto ostenditur. Si Spiritus sub DEO premitur, caro illicitè super Spiritum non levetur, habet quippe spiritus commissum sibi dominium carnis si tamen recognoscat sub DEO jura legitima servitutis.* Nardus dedit odorem ait Cant. Bern. ferm. 42. in Cant. *Nardus est*

us est humilis herba, ideo per hanc mihi videor non incongruè virtutem humilitatis accipere. Ex humilitate processit quod vanitatem in vestitu fugerit, quod ad virginitatem requirit Cypr. de habitu Virginum dum Virginem sic affatur. Caterum si tu te sumptuosus comes, & per publicum notabiliter incedas, oculos in te Furventuris illicias, suspiria Adolescentum post te trahas, concupiscendi libidinem nutrias, peccandi fomenta succendas, ut & ipsa non pereas, alios tamen perdas, & velut gladium te & venenum videntibus præbeas, excusari non potes quasi mente sis casta & pudica, redorguit te cultus improbus & impudicus ornatus, nec computari jam potes inter puellas & virgines Christi quæ sic vivis ut possit adamari. Et Tertull. lib. de Virginit. velandis. Ejusdem libidinis est videre & videri, &c. Et Virgines videntur quæ a viris aliquid petere possunt? Occurrit idem hic illi responso. Scandalisamur inquit, quia aliis aliter incedunt, & malunt scandalisari quam provocari. Scandalum nisi fallor non bonæ rei. Bonæ res neminem scandalisant nisi malam mentem. Si bonum est modestia, verecundia, fastidium gloriæ, soli DEO cupiens placere, agnoscant malum suum quæ de tali bono scandalisantur.

Tale testimonium habuit Sancta de Martyrio, &c. Ut est in vita ejus. Nec desunt occasiones nobis Martyrii, nolit virgo consentire, persecutionem ideo patiarar, &c. Jam est quoddam Martyrium. Greg. Dial. lib. 3. cap. 27. Duo sunt Martyrii genera, unum in occulto, alterum in publico, nam etsi persecutio desit exterius martyrii meritum in occulto est cum virtus ad passionem prompta intus flagrat in animo. Quia enim possit esse & sine aperta passione Martyrium, &c. Ex Joanne constat, &c. Per hoc quod se omnipotenti DEO in corde mactaverunt etiam pacis tempore Martyres fuerunt.

In Fefto S. Jofephi B. M. Virg. Sponfi
CONCIO.

Desponsata Mater JESU Maria Jofeph.

Matth. 1.

PAUCA Evangeliftæ de S. Jofepho nec mirum, quia toti fuerunt in defcribendo Chrifto Matthæus probat effe verum hominem juxta promiffiones factas variis. Joannes toto Evangelio verum DEUM: Lucas verum Sacerdotem, ideoque illi bos appingitur ut victima. Marcus Judicem feverum. Satis tamen dixerunt cum virum Mariæ appellarunt. Cant. 4. vocat Spiritus S. B. Virginem *fontem fignatum*. Quia ut in fonte quieto, ait Ambr. Sponfus ex fponfa videri potest. *Desponsata Jofeph*. Ita & Moyfes defcribit mundi creationem ubi oportebat agere de mundi confervatione, de concurfu DEI, folùm dixit. *Quiervit DEUS ab omni opere* relinquendo reliqua nobis confideranda. Ita Evangelifta, *Vir Maria*. Quid in hoc confiderandum, aperiam.

Certum eft quod Matrimonium B. Virginis ex fpeciali Divina difpofitione confiterit, nam cum B. Virgo voverit virginitatem DEO, non alteri nupfit quàm illi de quo revelatum fuit quòd Virgo manfurus effet. unde etiam confidibus ejus Sacerdotibus dictum à DEO, ut non alteri daretur, quàm cujus in manu in templo confiftentis virga effloruiffet. Præterea cum illud Matrimonium affumpura erat protectionem, tum Filii ne videretur ex adultera natus fi fuiffet ex illa quæ non habebat virum, tum ne veluti adultera lapidaretur: tum ut haberet tutorem maximè in Ægypto, &c. Certum item quod

B. Virginem DEUS in filiam speciali modo assumpserat juxta illud. *Audi filia & vide.* inclina aurem tuam, cum tibi Gabriel annunciabit, *obliviscere domum tuam*, ad hoc non respice, quod sis vi conditionis humanæ ancilla & mancipium meum, eris Mater Filii mei. Itaque DEUS debebat B. Virgini talem dare sponsum qualem decebat dare filiae suæ, Matri Filii sui, & quod Matrimonium decebat miraculis firmari, uti & firmatum est, talem decebat esse Tutorem & Patrem licet putativum Filii sui: jam verò si B. Virginem fecit plenam gratiâ & sanctissimam, etiam Josephum plenum: si illa super omnes Angelos, saltem hic non infra omnes: si illa supra omnes sanctos, saltem iste inter maximos. S. Joanne Baptistâ *major non surrexit*, quia erat præcursor Domini, & ob hoc vocatur Angelus, an non sit par, si non majus officium, esse Patrem licet putativum, verum tutorem Christi, verum maritum Matris DEI? Si Moyses ad colloquium DEI admissus, quia duxit populum Domini ex Ægypto, non dubito & Josephum qui duxit & reduxit populi Dominum: si Isaiaë labia purgata de coelo quia clarius cæteris de Christo erat prophetaturus, quidni totus Joseph qui cum Domino circiter annis triginta habitaturus? Si Abraham benedictionibus impletus, quia figuram Christi in monte Isaacum exhibunt, quid iste qui ipsum Christum, &c. Unde ausim dicere hunc Josephum decus Patriarcharum; decus Prophetarum; decus Sanctorum omnium. Cant. 4. B. Virgo vocatur *fons signatus* quo sigillo? Ambr. imagine Sponsi qui in ea velut in speculo videbatur, scilicet per similitudinem maximam quam cum illa habebat, ob hanc enim vocamus filium Patris, filiam Matris imaginem. Addo quod est majus. *Vir est caput mulieris.* Et quidem Joseph factus DEI speciali ordinatione & miraculo caput B. Virginis, miracula verò non possunt ullo modo fieri in attestationem falsi, igitur verè caput erat: & quia DEUS illud

illud ordinaverat, tale erat caput quale verè decebat habere B. Virginem, id est, directorem, gubernatorem, Præsidem, quantus est Josephus? Sed multo majus est, quia per hoc erat director Christi, iterum cogitare quantus est Josephus? *Joseph vir Mariae*, igitur res ejus Maria, inde *fons signatus* illius imagine tanquam res ejus propria, o quam dives hoc suo thesauro Josephus? ornamentum conjugum amor mutuus, quantum hunc virum dilexit Maria, quæ cum in omni virtute fuerit excellentissima, certè etiam in amore sui conjugis. DEUS *Adamo inspiravit Spiritum vitæ*. Sed cur non etiam Evæ, utique & illa indignit animâ? Respondet Basil. Seleucus. *Quia in utroque conjugate est eadem anima*. Sic Josephus vixit ac si anima Virginis viveret: sic Virgo, ac si anima Josephi, Hinc paritas magna. Eccl. 24. *Quasi palma exaltata sum in Cades alii legunt. Maritata in Cades*. Cui nubit palma? certè non quercui, sed palmæ sibi simili, sic B. Virgo simili Josepho. *Cades* significat Sanctitatem, simili in sanctitate. Illa palma victoriæ signum: de hoc Missa incipit. *Iustus ut palma florebit*. Dixi ideò B. Virginem nupsisse B. Josepho ut ab illo in necessariis vitæ juvaretur, sed jam hoc dictum corrigo & aliquid amplius dico. S. Germanus orat. de oblatione B. V. ait. *Nutrimtum per Angelos accepit*. Nutrita est dum esset in templo, per eosdem etiam extra templum nutiri potuit. In primis datus illi Joseph ut conjugio protegeret à suspitione adulterii, ut verus maritus. Quod si maritus jam representator Spiritus S. sicut ille conceptum Christi & nativitatem obumbravit, ita Joseph reliquam vitam. Dixit Gabriel *Spiritus S. obumbrabit tibi*. Illa de se dicit Cant. 2. *Sub umbra illius quem desideraveram sedi*. Sub cujus? Palma sub umbra palmæ, in hoc enim est conjugium palmarum. l. c. *Sicut malus dilectus meus*. Cur non alteri comparat arbori? Palmam explicat Hieron. *Reges olim inaugurabantur sub umbra arboris fructuose*. Ex quo hunc elicio

elicio sensum B. Virginis : Non putate me infructuosam licet palmæ nupserim, est mihi hæc palma sub cuius sum umbra, malus. Philo Carpathius, per malum vult intelligi arborem fructuosam. Multos mihi fructus attulit Josephus, non solum victum, odore me virtutum recreat multiplici, foliis exornat verborum, colore pulcherrimo, bonorum operum tingit. Judic. 4. Debora dum exercitus pugnat contra Sisaram sedit sub palma, ut sciret exercitus quò recurrere pro auxilio & consilio deberet. Sedet sub umbra mali B. Virgo, sciamus illò recurrendum : sed spectando palmam. S. Teresa affirmat, à B. Virgine obtineri quidquid per S. Josephum petitur, & quid mirum? pomum est symbolum amoris, unum cor, una anima per amorem in B. Virgine & Josepho, Petamus subsidia contra hostem Christianorum cum pugnamus contra Sisaram Duce Debora nimirum B. Virgine, petamus per Josephum, de hoc prophetatum est, sub nomine alterius Josephi. *In verbis suis monstra placavit.* Per monstra Dan 7. describuntur Monarchæ qui orbem totum devorarunt, & noster hostis est ejusmodi monstrum. *Vir caput est mulieris*, itaque Josepho annuente & B. Virgo nobis annuet. S. Josephus est vir Mariæ, itaque bona Mariæ sunt bona Josephi, itaque de illis potest disponere, sic argumentatur S. Bonav. in speculo. *Quæ sunt uxoris sunt viri, itaque Beatissima virgo totum thesaurum sui cordis, quod Joseph capere poterat, libentissimè ei effundebat.* Et pro se quidem ex hoc thesauro multa Joseph accepit, accipiet & pro nobis. Hieron. contra Helvidium. *Dico ipsum Josephum virginem fuisse per Mariam.* Cum S. Antonius de Padua in concione dixisset. *S. Joseph est magnus Sanctus.* Crux aurea visa est super caput ejus; largitur cultoribus suis crucem sed auream Josephus. Dabit nobis contra hostem, crucem qualis olim data Constantino. Dum considerat Chrysol. ferm. 46. verba. *Desponsata est Mater JESU Maria Joseph:*

Joseph: ait. *Quid sibi vult, Sponsa Mater? si Mater non Sponsa: si Sponsa non adhuc Mater, suffecerat dixisse, cum esset desponsata Maria.* Non mirare Diue Doctor. Quia est Josephi Sponsa tantò est magis Mater, & ex quo Sponsa tantò magis statim Mater nostra.

Desponsata Joseph, igitur ut dixi, æqualis, igitur quæ sunt Virginis sunt Josephi. Illa precibus suis concurret ad tollenda peccata nostra, & Joseph concurret: quod de vetere Joseph dictum. Deut. 37. *Cornu monocerotis cornua ejus tollit venena.* Illa plena gratiæ, & iste. S. Ambr. exhort. ad Virg. ubi considerat de Joanne, *Accepit eam in sua.* Id est B. Virginem, quæ, inquit, sua, utique omnia Joannes dimisit. Sed, respondet, variis repleti sunt donis à Christo Apostoli, in hæc recipit. *Neque enim Mater Domini intraret nisi ad possessionem gratiæ.* Sed multo magis illam recepit Josephus in sua. B. Virgo, *Mulier amicta sole, luna sub pedibus ejus, Corona in capite duodecem stellarum.* Et huic Josepho competit quod de illo vetere scriptum. Gen. 37. *Vidi Solem & Lunam & stellas me adorare.* Quærebatur de Sponso B. Virginis Cant. 5. *Qualis est dilectus tuus ex dilecto? Candidus & rubicundus.* Candidus propter lucem Lunæ, rubicundus propter lucem solis. *Electus ex millibus* ut David. Mores similes, hæc Virgo, iste Virgo. Illa timet esse Mater DEI: hic non intelligens neque suspicare malevolens, vult occultè illam dimittere sicut Petrus, *Exi à me Domine.* Illa obediens, hic obedit & in Ægyptum terram Paganorum abit.

Desponsata Joseph Mater JESU. Christus filius putatitius Josephi, *Nonne hic est fabri filius?* Sed modo speciali, quia Joseph vere Matris ejus fuit maritus: unde illi natus ut viro uxoris, nec refert quòd ab eo non sit genitus, nam si alicui in agro ejus nasceretur seges miraculosè, absque dubio ejus esset: itaque & Christus est Josephi. Natus est è DEO Patre Christus per intellectum, è Joseph per intellectum & voluntatem quia

consensit, ut Matris ejus esset maritus. Jam si Sap. 2. *Gloria Filii Pater est.* Talis debuit esse Joseph ut deceret eum esse Patrem DEI. Præterea Filius quodammodo Josepho obligatus, per Josephum enim hæres regni David, ut ostendit Cornel. à lapide; & ideo fortè Matth. 1. per Josephum ejus deducitur genus. Quia verò filius, est sub jure Patris, & ideo nomen illi Pater imponit, proinde si Adamus debuit esse in statu innocentiae ut bestiis nomen imponeret, Gen. 2. Debuit multò magis esse Josephus ut imponeret Domino. Si Adamus debuit plenus esse sapientiâ, certè & Joseph. Si Adamus debuit intelligere naturas animalium cum imponeret nomina juxta eorum naturam, debuit & Joseph Christi plenius quàm alii naturam, & quid sit Christus, quod est maximum. Nec refert, quia revelavit Angelus Josepho, quale nomen erat impositurus: nam revelavit etiã Pater coelestis Petro, quòd Christus esset Filius DEI, tamen *Beatus es Simon Bariona.* Obediebat Filius Matri, obediebat rursus Mater Josepho, & Agnus virginem Matrem & Josephum sequebatur contra ac scriptum Apoc. 14. *Virgines sequuntur Agnum.* Tobias cap. 12. Volebat dare Angelo dimidium substantiæ suæ, quia Filium sanum duxit & reduxit, quid illi debet Pater æternus? In honore fuit verus Joseph quia Gen. 41. aluit Ægyptios: in quo honore hic debet esse Joseph quia aluit Christum? Filius quamdiu est sub potestate Patris unam in jure cum eo constituit personam: itaque & Christus cum Josepho. Respiciebat Joseph Mariam sicut in sanctuario respiciebant se Cherubim, & in medio erat propitiatorium: ita hic in medio Christus. Communia Patris & filii sub potestate Patris manentis sunt bona, itaque Christi & Josephi. Si Moyses ex consortio DEI brevi factus admirandus, quidni & Joseph ex tam longo DEI consortio? De Matre gloriatur Christus: *Tota Pulchra es.* Quidni & Joseph ita pulcher ut de illo

illo possit gloriari? S.Th.I. p.q. 27. a.5. *Quò aliquid magis appropinquat suo principio, magis de illo participat.* Ut quò magis igni propinqui fumus, magis calefcimus: quò magis glaciei propinqui magis frigemus, at verò post Mariam quis magis propinquus esse potuit Christo quam Joseph? inde Gerson. *O admiranda Joseph sublimitas tua, ô dignitas incomparabilis?* Christus erat subditus Josepho, igitur labores suos in bonum Josephi vertebat. Si felix fuit Simeon quia tantum semel in manus accepit Christum, quid Joseph? Si domui Obededom benedixit Domitius quia arca in illa subsistit, quid Joseph? Si Joannes ad cæli arcana admissus quia semel in pectore Domini recubuit, quid Joseph? Felix Joseph ab Arimathia qui corpus Christi ad sepulturam obtinuit, quid iste? O verè magnus Joseph, ô verè vir Maris, & Maris Matris JESU.

In Annunciatione B. M. Virginis.

Quando Christus sanavit cæcum Joan. 9. misit illum ad Naratoriam Siloën, quod interpretatur *Missus*. Aug. tr. 44. in Joan. *Expuit in terram, de saliva sua fecit lutum, quia verbum caro factum est, Inunctus erat, & nondum videbat, misit illum ad piscinam quæ vocatur Siloë, &c.* *Fam quis sit missus, agnoscite: nisi enim ille fuisset missus, nemo nostrum à crimine fuisset dimissus.* Ad hoc *Missus* remittitur peccator, videamus quomodo per hoc à peccato dimittatur. Proponit sibi S. Chrysol. ferm. 1. quare sit ad S. Virginem Angelus missus, dat fundamentum ex quo respondeatur. *Ut homo cursibus eisdem quibus delapsus fuerat ad mortem, rediret ad vitam; agit Angelus cum Maria de salute, quia Angelus cum Eva egerat de ruina, ut nostræ perditionis initio conveniens nostræ reparationis principium responderet.* Quod ipsum ulterius explicari potest ex Dami. ferm. de Annunc. *Per ipsam,*

& cum ipsa, & in ipsa, totum hoc faciendum decernitur, ut sicut sine
 ipsa nihil est factum, ita sine illa nihil sit refectum. Et Andr. Creten.
 Orat. de dormitione B. V. Sola præter naturam electa fuit ad na-
 turam renovandam sola deservit Opifici naturæ. Mirari poterat
 aliquis, quare Angelus dum S. Virg. solutat, nomen ejus non
 ponit, sed solum ponit. Ave gratia plena. Maria significat stel-
 lam maris, nondum fuit talis stella, quia nondum consenserat.
 Redeamus ad verba Chrysol. & ex illis ita discurremus. Pri-
 mâ die lux à DEO creata, hic virtus Altissimi obumbrat, nun-
 quam est umbra nisi ubi lux. Secundâ dividuntur aquæ ab
 aquis. Apoc 17. Aquæ multæ, populi multi, hic divisio fit,
 novum Regnum Christo erigitur, regnabit in domo David, &c.
 Tertâ separatur terra ab aquâ, Alb. M. 17. Missus. In Naza-
 reth annunciatur Christus nasciturus, quia in flore speratur fructus
 processurus, flos hic omnibus se exhibuit medicinam, confecit sensum,
 refecit corpus. Nazareth enim significat floridum, Die quartâ
 Sol & astra sunt producta, hic verò venit lux in mundum. Rom.
 13. Nox præcessit, dies autem appropinquavit. Die 5. Ex aquis avés
 & pisces prodierunt, hodierna dite tot sanctos producit. Sex-
 tâ, Adam creatus, hic novus Adam producitur. Septimâ, DEUS
 ab opere quiescit, hic in utero quiescit. Bonav. in Luc. 1. Sicut
 homo primus fuit conditus ad totius mundi complementum sexto die,
 sic secundus homo, scilicet Christus, incarnatus sextâ ætate, & sexto
 millenario ad totius creaturæ perfectionem. Ibi dixit, Crescite &
 multiplicamini, hic dedit illis potestatem filios DEI fieri. Quies in
 cœlo est, Andr. Jerosol. Universi cœlestium potestatum Ordines
 magno g audio exultant ob DEI reconciliationem nobiscum. Et hoc
 factum est per verba. Fiat mihi, &c. Tertull. lib. de Orat. c. 2.
 docuit nos DEUS orare, Pater noster, cur non Filius noster,
 siquidem hic homo factus? In Patre Filius invocatur, nec Mater
 quidem præteritur, siquidem in Filio & Patre Mater recognoscitur.

Invo-

Invocamus post DEUMS. Matrem. Quia ut Bern. super Missus
Quantum sine personali unione conditio creaturae patitur, luci illi inac-
cessibili videtur immersa. Aliis sanctis Apoc. 14. Nomen ejus &
nomen Patris in frontibus scriptum. Aliae virgines sequuntur
 Agnum, ista sole amicta. Bern. serm. signum magnum. *Illo igne*
labia Prophetae purgantur: illo igne Seraphim accenduntur. Longè
verò aliter meruit B. V. non veluti summam tangi, sed operari ma-
gis undique & circumfundi, & tanquam in ipso igne concludi. Bernar-
 din. tom. 3. serm. de Joseph. *Fuit B. Virgo creatura, nobilior*
omnibus creaturis, quae in humana natura fuerunt, aut possint, aut
potuerint generari. Inde Dami. serm. 46. Meritò B. Virgo dicitur
Oriens orientis, fons fontis vivi, origo, principium. S. Th. in Catena
 ad Luc. 1. *Totam sibi hauserat Spiritus S. gratiam.*

Ita facta mundi recreatio, sed etiam conservatio per B.
 Virginem, doctrina Evangelica conservat Ecclesiam Bern. in
 Salut. *Scientiarum Sanctarum scientia Maria.* Sed clarius Rupert
 lib. 5. in Cant. ubi eam vocat. *Prophetissam Prophetarum & Ma-*
gistrum Magistrorum, id est Apostolorum illa enim ut Hieron.
 serm. de Assumpt. *Forma disciplinae Christi, de illa Cant. 4. Sicut*
turris David collum tuum, quae aedificata est cum propugnaculis Pagni-
 nus legit. *Quae aedificata ad docendum. Alii, quae constructa ad di-*
sciplinas. De illa Dam. serm. 23. Totius est Religionis assertio. De
 illa Germ. Orat. de Nativ. *Non scriptum sanctitatis folium, vete-*
ris novique testamenti sigillum. Ubi legimus Prov. 8. Ego sapien-
tia habito in consilio, &c. Salazar legit. Habito in concilio, & eru-
ditis praesum cogitationibus. Apostoli Jerosolymis celebrarunt
 concilium, illi B. Virgo praesuit teste Rupert. lib. 1. in Cant.

In Eadem Annunciatione.

CUM verbum in carnaretur, nuptiae fiebant, ad has B. Vir-
 D 3 go ut

go ut esset Mater est invitata, & quia Mater, debebatur illi primus locus, sed ipsa jam tum fecit, quod postea docuit Filius Luc. 14. *Cum invitatus fueris ad nuptias recumbe in novissimo loco.* Ancillæ accepit locum, sed DEUS jussit illam ascendere superius & videamus quàm altè. Ascendit ad hoc ut gloriam quasi eandem habeat cum Filio. Arnold. Carnoten. lib. de laud. Virg. *Filii gloriam non tam comuram judico cum Matre quàm eandem.* Si eadem gloria, ergo qui se recognoscit servum Christi etiam agnoscat se B. Virginis servum, qui illum Dominum, hanc Dominam: qui illum Patrem, hanc Matrem: qui illius honorem amat, etiam istius, si illi Angeli serviunt, etiam isti, &c. Sed istà S. Virginis exaltatione non contentus Filius, adhuc illi adjicit, ut esset sui Domina, quia ille se facit ejus subditum. Paret sibi non imperant, sed subditis. Bern. serm. 2. supra Missus. *Quòd DEUS femina obtemperet, humilitas absque exemplo, quòd DEO femina principetur, sublimitas sine socio.* Sed etiam amplius exaltavit, ut fieret homo Filius in ejus potestate reliquit, quod est ferè idem ac vitam Patri relinquere in arbitrio Pauli, ut si dicas Petro, dabo tibi vitam, si voluerit Paulus; si ille noluerit non vives, hoc verò majus est quam dare gloriam, dominationem, quia vita his melior, nisi illa consensisset, non factum fuisset verbum caro: nisi dixisset. *Fiat mihi,* &c. Sed amplius processit Filius in exaltanda S. Matre. Gloriam enim suam, imperium, videtur S. Matri tribuere, quasi propter illam à Patre ista acceperit ita enim hoc orat à Patre. Pf. 85. *Respice in me, & miserere mei, da imperium puero tuo, & salvum fac filium ancillæ tuæ.* Quasi diceret, hæc da mihi, quia sum Filius ancillæ tuæ. Ita Aug. explicat. *Salvum fac Filium ejus, cujus Mater respondit, Ecce ancilla,* &c. Poterat certè multa alia Christus allegare: sed quia meminerat Patrem hic verbis *Ecce ancilla,* permotum ad vitam sibi dandam: Patri eadem representat, ut & alia det sibi bona, quæ

quæ licet illi debebantur titulo hæreditario tanquam vero non adoptivo Filio, etiam titulo Maternæ humilitatis petit, nam ut docent Bern. ferm. 2. de Annuat. B. V. Ildefon. ferm. 2. de Assumpt. Damascen. de eadem ferm. 1. cùm B. Virgo dixit, *Ecce ancilla* per hoc obtinuit ut fieret Regina omnium, allegat ergo Filius hoc ipsum. *Ecce ancilla, filius ancillæ* ac si diceret, deberur mihi imperium à te Pater quia sum tuus Filius qui es Rex omnium, sed etiam ex ista ratione da mihi illud quia sum Filius ejus, quæ per verba *Ecce ancilla* mèruit supra omnia imperium. Hinc duo discamus. 1. Quòd inter virtutes maximè DEO placeat humilitas, unde Greg. hom. 7. *Qui sine humilitate virtutes congregat quasi in vento pulverem portat, & unde aliquid foris cernitur, deterius intus cæcatur.* Et idem notat in Ezech. hom. 10. *Electi hoc semper in aliis attendunt quod à DEO melius acceperunt quàm ipsi, ita reproborum metus nunquam considerat quid alter boni ampliùs quàm ipsi, sed quid boni ipsi ampliùs quàm alter, habeant.* Ubi & medium ad humilitatem perveniendi, & signum prædestinationis innuit. De cætero Bern. de dono spiritûs cap. 2. *Mulro melius est peccatorem esse humilem, quàm Justum arrogantem.* Sed & S. Ephrem ferm. de recta vitæ ratione. *Qui ab humilitate recedit, incipit à DEO derelinqui, quem autem relinquit DEUS, à malo spiritu vexatur quemadmodum Saul.* Sed quid est ista humilitas? B. Isaias Abbas. *Humilitas nec linguam habet quâ de aliquo negligente aut superbo loquatur, neque oculos quibus aliorum errata perspiciat, neque aures quibus ea quæ animæ suæ non profunt audiat, nihil denique habet negotii nisi cum peccatis suis.* Alterum est ut B. Virginem valde æstimemus, honoremus, quia illi magna fecit DEUS, & super alias Creaturas post Christum exaltavit. Eccl. 24. *Primogenita creaturarum.* Primogeniti solebant in conviviis benedicere Fratribus, ut scribit Abulen. & Ligoman. *Benedicat nobis.*

In Eadem Annunciatione

MISIT DEUS Filium suum ut Legatum ad homines, Chry-
 sost. hom. ii. in 2. Cor. *Misit Filium Pater exhortari & le-
 gatione fungi apud humanum genus.* Illo mortuo, substituti sunt
 Apostoli, 2. Cor. 5. *Legatione fungimur pro Christo.* Et tam dili-
 genter huic officio incubuerant, ut etiam S. Paulus orationes
 aliorum expetierit ad impetrandum felicem successum. Ephes.
 6. *Orantes pro me ut decur mihi sermo in apertione oris mei cum fiducia
 notum facere mysterium Evangelii pro quo legatione fungor.* Nos in
 legatione succedimus Angelo Gabrieli dicenti. *Ave gratiâ ple-
 na.* Videamus quomodo illiud negotium impleamus. Legatio
 nostra est ad nobiliorem Personam quam fuerat Apostolorum;
 illi ad peccatores, nos ad Matrem DEI. Gabriel ivit ad Virginem
 Sanctam, sed nos ad Sancti Sanctorum, quia tunc non fuit Ma-
 ter DEI, modò est. Paulus in negotio salutis alienæ, nos in
 nostræ. Et tamen propter alienam quid non fecit? nos quid
 propter nostram? nec salutem nostram consequi felicius pos-
 sumus quàm per B. Virginem. Bern. serm. de Aquæ ductu.
*Plenâ est gratiâ, & gratiam adhuc invenit, digna prorsus invenire
 quod querit, cui propria non sufficit plenitudo, nec suo potest esse conten-
 ta hono, petit supereffluentem.* Quæ scilicet in nos per illam efflu-
 at. Hæc solata conjuges in Cana Galilææ cum vinum defi-
 ceret, &c. Vidit Joan. in Apoc. Sole amictam mulierem Bern.
 serm. Signum magnum. *Ea est quæ velut alterum solem induit sibi,
 B. Virgo quemadmodum enim ille super bonos & malos indifferenter
 oritur, sic quoque ipsa, præterita non discutit merita, sed omnibus sese
 exorabilem, omnibus sese elementissimam præbet.*

In Ea-

In Eadem Annunciatione.

Gabriel idem est quod fortitudo seu virtus DEI, hic ad S. Virginem mittitur. Bern. super, hom. i. *Non discordat nomen à nuntio, DEI quippe virtutem, Christum, quem melius nunciare decebat quàm hunc quem simile nomen honorat?* Solam S. Virginem invenit. Ambr. lib. 2. de Virginibus. *Quemadmodum sola cui tot libri adessent, tot Archangeli, tot Prophetæ?* Denique & Gabriel ubi revisere eam solebat, invenit, & Angelum Maria quasi viri specie mota, trepida; quasi non incognitum audio nomine recognovit. Factum hoc est in Nazareth per quod finis Synagogæ proximus indicabatur. Nazareth idem est quod flos. Bern. l. c. *In Nazareth Christus nunciatur nasciturus, quia in flore speratur fructus processurus.* Adveniente fructu flos decidit. Christus est fructus, flos erat Synagogâ. *Sed prodeunte fructu flos decidit, quia veritate apparente in carne figura pereransit.* Flores erant figuræ Christi venturî quæ dabantur Judæis. *Si flos non decidit, ubi ergo regnum, ubi Sacerdotium, ubi Prophetæ, ubi templum, ubi denique magnalia illa de quibus gloriari solebat Ps. 77. Quanta audivimus & cognovimus ea?* Idem ex ferm. parvis 5. *Dies diei eructat verbum. Dies diei Angelus Virgini, dies Angelus propter beatitudinem, Virgo dies propter integritatis virtutem. Et nox nocti indicat scientiam, serpens nox propter malitiam, mulier nox propter ignorantiam.* Dies est, umbræ figurarum cessant, nox reparatur, per aurem dæmon ingressum habuit ad Evam, per aurem Christus ingressus ad S. Virginem, id est, præcuntibus verbis Gabrielis. Bern. in Pentec. ferm. 2. *Missus est Gabriel à DEO, ut verbum Patris per aurem Virginis in mentem & ventrem illius eructaret.* Hic jam nostra fortuna superat Angelicam, nos possumus dicere DEUM Fratrem nostrum, quod illi non possunt; nos, quia

E

DEI

DEI Filius est Frater noster, possumus dicere DEUM Patrem nostrum, quod illi non possunt. Jobius Monachus 3. de Incarnat. c. 15. apud Photinum. *Absurdè faciunt qui mallent Angelum quàm homines esse; nam etsi sint illi doloris, morborum, & mortis expertes, cognatum DEUM Fratremque non habent.* Habemus nos dolores & mortem, sed DEUS noster in his socius. Et propter hanc Incarnationem ita nobis videndum, ne id de nobis dici possit, quod ne Angelo conveniret. Tanta est sublimitas nostra. Advertit hoc Chrysof. hom. 3. in 1. Ephes. *Revereamur caput nostrum, reputemusque quàm adorandi capitis corpus sumus.* Quid fieret si caput sanctum cœlo dignissimum, manus inferno, &c. Hoc nos in tribulationibus animet. Chrysof. l. c. *Si es Christi Corpus, Crucem tolle, nam & ipse hanc tulit: fer spica, fer colaphos, fer clavos, fecit id corpus ab omni labe doloque alienum.* Christus carne sumptâ in tantum nos dilexit, ut quasi nos in Spontam sibi rapuerit. Greg. 30. Moral. c. 16. *Labani filiam Jacob abstulit, quia ei per Prophetam Ps. 47. dicit. Obliviscere populum tuum & domum Patris tui.* In tantum dilexit, ut propter nos quodammodo sit factus serpens, ut illum serpentem qui nos per Evam perdidit destrueret. Ambr. 3. off. 14. *Projecit Moyses virgam & serpens factus est, qui devoravit serpentes Egypti, significans quòd verbum caro fieret, quæ serpentis diu venena vacuaret per remissionem & indulgentiam peccatorum.* Virga est enim verbum directum regale plenum potestatis, insigne imperii. Virga serpens facta est, quoniam qui erat Filius DEI ex DEO Patre natus, filius hominis factus est natus ex virgine, qui quasi serpens exaltatus in Cruce medicinam vulneribus humanis infudit. Hoc mysterium videns in spiritu Jacob, adoravit. Gen. 47. *Adoravit Israël Dominum conversus ad lectuli caput.* Hebr. ii. Legit S. Paulus cum LXX. *Adoravit fastigium virgæ ejus.* In quem locum Pauli Chrysof. *Jacob adoravit Christum in suo typo, & adorandum significavit à Fratribus*

tribus & nationibus. Occasio adorationis fuit, cum moreretur Jacob visitavit eum Joseph Filius ejus & juravit se ejus corpus non relicturum in Ægypto, sed in terram Chanaan translaturum, quo jurante adoravit Jacob summitatem virgæ Josephi, quam ut Prorex in manu gerebat, id est sceptrum, in summitate virgæ flos erat, sciverat Jacob egressurum de radice Jesse virgam hunc florem adoravit. &c.

In Coena Domini.

Iudic. 14. Samson cum Leone decertavit, & raptum ex illius ore favum attulit Matri, ita Christus cum morte pugnans, tanquam favum dedit Eucharistiam Ecclesiæ sed hæc nocet malis, sicut arca in templum Dagon introducta. Et sic decipiuntur aliqui, qui malè communicant, interea blandiuntur sibi, ut ille Dives Luc. 16. *Anima mea habes multa.* Opus est fide Moyses non permittit rubum ardentem accedere nisi solutis calceamentis, quæ erant ex pelle animalis, quod amplius non cognoscit, quam quod sensu percepit, sed neque intellectus mysteria capit. *DEUS habitat lucem inaccessibilem, seu In sole posuit tabernaculum suum.* Qui solem vult fixè intueri excæcatur. Ea quæ videmus, non percipimus; quid Divina? Dic quomodo magnes attrahit ferrum, acus magnete illita vertitur ad septentrionem, fulmen solvit gladium illæsâ vaginâ, Remora naves sistit, anima nostra spiritualis corpori unitur, & tota est in una parte, tota in toto? non intelligere sed credere DEUS nobis mandavit sua mysteria. Pf. 70. *Quia non cognovi literaturam introibo in potentias Domini* Genebrard. *Quia non satis intelligo mysteria DEI magnitudinem asserentia, veniam ad potentias DEI recolendas, sicque potentia DEI est superior nostro captu.* Accedendum cum charitate, nam peccata gustum tollunt, sicut abstulerunt

runt Judæis circa manna. Num. 21. *Anima nostra nauſeat ſuper cibo iſto.* Et tamen fuit cibus Angelorum, cepas appetebant. Hoc ipſum etiam in tactu evenit Jer. 5. *Percuſſiſti eos & non doluerunt.* Hic Chriſtus oſtendit quantum nos diligat, ſicut in teſtamento oſtendimus hoc ipſum, quando maximam partem alicui inſcribimus. Unde aliqui Principes templis quæ amant ſua corda inſcribunt ut in iis ſepeliantur. *Hic calix novi teſtamenti.* Dedit ſe quidem Chriſtus etiam Angelis, ſed non ita ut ſit res illorum, nobis ſe dedit teſtamento, & quidem ſingulis, ſic de illo participare poteſt pauper ac dives & dicere poteſt, *Dominus pars hæreditatis meæ.* Teſtamento animam inſcripſit, *Pater in manus tuas commendo ſpiritum meum.* Homines DEO inſcribunt Animam, bona Amicis, corpus terræ. Nos terra, Nobis ille dedit corpus, bona non habuit. Aug. in Pf. 98. *In ipſa carne hic ambulavit, & ipſam carnem nobis manducandam ad ſalutem dedit.* Et ſic impletum Eccleſ. 12. *Revertatur pulvis in terram ſuam, unde erat: & ſpiritus redeat ad Dominum qui dedit illum.* Sed nos Chriſti corpus non convertimus in nos: ſed ille nos convertit in ſe. Reliquit nobis corpus quod valdè dilexit, & ratione cujus appellabat ſe Filium hominis, & hoc toties. Cùm DEUS animaret Adamum inſpiravit in illum: modò cum hominem roborat dat illi corpus ſuum. Lac Matris maximè nutrit Infantem, nos Chriſti ſanguis. Cùm peccàſſet homo, fugiebat DEUM, factus eſt DEUS homo, ne illum fugeret ampliùs homo, modò cum ex mundo pellitur Chriſtus, *pridie quàm pateretur,* fit illi cibus, invenit modum quo per mortem non divideretur ab homine. Et ſic *in finem dilexit nos,* quia nobiscum in Sacramento manebit ad finem mundi, de quo Nazianz. *Magnum inventum, abſens præſentia, & præſens abſentia.* Abſens quia non videtur, eſt tamen præſens. *In finem dilexit* propterea S. Cypr. hoc Sacramentum vocat, *ultimam menſuram* ſcilicet chari-

charitatis, Garzias. *Omnia in unam Eucharistiam Christus, & opera & gratias asseruavit, in illa thesaurorum dona cumularvit, omnes amoris divitias in istam arcam effudit.* Sicut quando donatur monile, dantur & gemmæ quæ in eo continentur: ita cum dedit corpus & sanguinem, dedit investigabiles divitias Personæ suæ convenientes, benedictionem, dona supernaturalia, satisfactionem, donavit. Bern. in illa. *Conscidisti saccum meum.* Considerat corpus Christi fuisse thesaurum, in eo sunt adiumenta ad nostram vitam emendandam, ita ut plus una communio devota profit ad hoc quam reprehensiones, exemplum est in discipulis euntibus in Emmaus, qui ex nulla re ita profecerunt, atque dum Christus illis fregisset panem. In hoc thesauro corporum nostrorum fanitas. *Ecce lignum vite.* In hoc vita æterna. *Qui manducat me, vivit propter me. Sicut vivo propter Patrem, sic vivit propter me.* Vivit eadem vitâ quâ Pater, & nos eadem vivemus quâ Christus, ut dicere possimus. *Vivo ego jam non ego, vivit vero in me Christus.* Quò altiùs ascendere possumus, non solùm nos facit cohæredes, sed in se mutat. *Quid retribuam Domino? Suggestit quid. Calicem salutaris accipiam.* Contemnit hanc gratiam qui illâ non utitur, qui mavult bobus, prædiis vacare, &c. *Quam ad cænam venire.*

In Festo S. Georgii Mart.

SANCTUM hunc Græci in suo Martyrologio vocant magnum Martyrem & antesignanum, similis Equiti misso celitus 2. Machab. II. *Apparuit Eques in veste candida. armis aureis, hastam vibrans, tunc omnes benedixerunt misericordem Dominum, & corvaluerunt animis, non solum homines, sed bestias ferocissimas, & muros ferreos parati penetraret.* Hujus Sancti ope Nicephorus Imp. victoriam in bello obtinuit. Cedren. in compendio. Hujus ope

jus ope Gunibertus Rex Francorum, apud Paul. Diacon. in ge-
 stis Longobardorum cap. 5. Hujus ope Edoardus tertius Rex
 Francorum, & alii complures. Niceph. lib. 7. c. 15. Baron. tomo
 7. Serarius in Litaneaticis lib. 2. quæst. 20. Quare merito illum
 Missale Æthyopicum vocat, Sydus honoris & Stellam splen-
 didam. Hujus sacras reliquias studiosè conquissivit S. Germa-
 nus qui Jerosolymam profectus à Justina Imperatrice brachium
 ejus impetravit, & Parisios detulit. Amoniscis. lib. 2. de gestis
 Francor, cap. 20. & lib. 3. c. 9. Hujus Zacharias Papa caput
 reperit cum inscriptione nominis & in templo ejusdem Mar-
 tyris reposuit, ut est in libro vitæ Pontif. Extat etiam nunc
 templum ejus in Prospoli urbe seu Lidda in qua passus, Tyrius
 lib. 7. belli sacri. Hunc Venantius Fortunatus celebravit epi-
 grammate lib. 1. epigr. 13. Non obfuit in hoc sancto militia vir-
 tuti. Bern. serm. ad Milites templi cap. 1. militem comparat
 Martyri. *Quàm gloriosi revertuntur victores de prælio, quàm beati
 moriuntur Martyres in prælio.* Rupert. Præfat ad librum de vi-
 ctoria verbi DEI, de Machabæis militibus ait. *Eorum
 bellicam defensionem non minus quàm indefessam Martyrum
 patientiam in S. Ecclesia legendo & cantando celebramus.* Sed
 vestis sit candida, sit vita casta. Tertull. de Pudicitia. *Pudicitia
 flos morum, honor corporum, decor sexuum, integritas sanguinis, fides
 generis, fundamentum sanctitatis, præjudicium omnis bonæ mentis.*
 Arma Equiti fuerunt aurea, per aurum in scriptura significa-
 tur charitas, ex amore DEI, Ecclesiæ, Patriæ debent sumi ar-
 ma, non ad duellum, vindictam propriam, &c. Ambr. in He-
 xam. *Procul esto à magnanimis cupiditas ultionis.* In vitis PP. cum
 quidam omnino vellet se vindicare, ita orabat quidam senior
 lib. 3. *DEUS jam non opus habemus tuo judicio, neque nobis necessarius
 es ut curam habeas de nobis, quia nos ipsi, sicut Frater iste dicit, & vo-
 lumus & possumus nos vindicare.* De invocantibus DEUM in vin-
 dicem

dicem, ita apud Loberium de Fortitudine & Constantia. Aug. *Judex dicit occide, & tortor occidit, tu quando dicis DEO, occide inimicum meum, te facis Judicem, & DEUM quæris esse tortorem.* Vibrabat Eques hastam, armis utebatur Patriis, &c.

In Inventione S. Crucis.

Quid in Majo, mente amæno, crux facit? Imò facit, quia exhilarat, sicut si quis reperiret arma quibus é servitute dura per aliquem liberatus fuit, & quibus solis si reciderit in servitutem se potest liberare. S. Leo serm. 8. de Passione. *O admirabilis potentia crucis in qua & tribunal Domini, & judicium, & potestas Crucifixi.* Abduxerat Tyrannus mundum in captivitatem, misertus illus Christus Cant. 7. *Ascendam in palmam & apprehendam fructus ejus.* Delrio ita legit, *Ascendam in crucem & vincam Tyrannum.* Est etiam judicium in cruce. *Nunc Princeps hujus mundi judicatus.* Est potestas Crucifixi. Quia velut rem suam signant sigillo, ita ille nos in Capite Adæ sangvine suo obsignavit. Jo. Molanus de Sanct. Imag. cap. 17. quærit cur ab antiquo soleat appingi caput Calvariæ humanæ Cruci ut in eam stilleret sangvis, & ait, esse traditionem, quòd in monte Calvariæ sit Adam sepultus, & ita ejus caput appingi. De ipsa etiam cruce Didacus della vega Francisc. asserit ex gravissimis Authoribus & Historia S. Crucis, dum Adam fuisset moriturus, mandavit Filiis ut irent ad paradysum, & ab Angelo custode paradisi impetrarent aliquem ab eo ramusculum de Arbore vitæ; tulerunt illi, sed jam mortuum invenerunt Adamum, quocirco illum ramum in tumulo ejus plantarunt, qui tandem in arborem excrevit, dum Salomon templum ædificaret, excisa in usum fabricæ est illa arbor, sed nunquam aptari potuit, itaque abjecta super aquam ut ex ea fieret ponticulus. Regina Saba

Saba, ut hoc lignum vidit, edocta Divinitus futuram ex eo crucem, adoravit, & prædixit in ea quendam suspendendum propter cuius mortem periturum esset regnum Israël, quocirca Salomon illud lignum iussit defodi in piscina, sed lignum enatavit. Addunt alii hoc ligno fuisse agitatum in piscina Probatica aquam, post cuius motum sanabatur æger qui prior aquam ingressus. *Ecce potestas Crucifixi.* Ad hanc asperionem capitis Adæ potest illud adduci Heb. 12. *Acoessistis ad asperionem sanguinis melius loquentem quam Abel.* Vox sanguinis Abel Gen. 4. clamabat vindictam, hæc asperio clamat *Emundationem conscientiarum nostrarum ad serviendum DEO viventi.* Hujus erat effectus & signum, quia pendente in Cruce Domino, vivi percutiebant pectora, mortui resurgebant, & teste Anonymo Græco apud Gretf. tom. 2. *Mors subito refugit in orcum.* Ideo *Nos gloriari oportet in Cruce Domini nostri.*

De Eadem Inventione S. Crucis.

Non est ita horribile, ut putant homines, crucem invenire, credit S. Bern. de S. Andr. ferm. 1. *Si fuerit qui colligat semper lignum crucis, fructificat jucunditatem, oleum lætitiæ stillat, balsamum sudat spiritualium charismatum, non est sylvestris arbor crucis, apprehendentibus eam.* Mira hæc & in speciem creditu difficilia, propterea profundius inspiciamus. Dicta Bernardi illa vox faciliora intellectui reddit, *apprehendentibus eam.* Variè crucem variè apprehendunt. Alii pretio conducti ut Cyrenæus teste Vega, alii coacti ut latro malus, at qui fructus ejus supradictos percipere volunt, ferant ut Christus. Hebr. 12. *qui, proposito sibi gaudio sustinuit crucem.* Ad ferendam hoc modo horretur *2. Petr. 3. Nemo patiatur vestrum ut homicida, aut fur, aut maledicus*

maledicus, aut alienorum appetitor. Isti enim illibenter ferunt crucem. De Christo dicitur Cant. 7. *Scatura tua est assimilata palma, & ubera tua botris.* In Palæstina solent plantare vites penes palmas, & illæ se istis innectunt, & ita crescunt, palma significat crucem, an non libenter se vitis alligat palmæ, si enim humi jaceret cum fructibus suis putresceret, botri sustinent se premi, & sic vinum fundunt. Christus, proposito sibi gaudio sustinuit crucem, quia aspiciebat quantum gaudium habiturus ex sua redemptione videndo quod multi essent futuri sancti, per quos gloria Patri suo accresceret, hoc ipsum nobis faciendum. Dura crux sed qui eam fert laudem à DEO meretur, & de sua salute certior redditur, Bern. serm. de verb. Apost. Qui gloriatur in Domino gloriatur, &c. *Quid sibi vult, quod, non qui seipsum commendat ille probatus est, &c. Quis est qui in hoc seculo commendat? DEUS. Quomodo commendabit veritas eum qui adhuc reprehensibilis invenitur? Denique, ego inquit, quos amo, arguo, & castigo. Hæcine commendatio tota? prorsus, quantum mihi videtur ipsa est, nec testimonium amoris ejus nullum certius, nullum credibilius in hac vita quam quod desiderat Propheta Ps. 140. Corripies me Justus in misericordia & increpabis me.* Regnum cœlorum significatur per arcem Sionis; vi debet capi 2. Reg. 3. Arcem Sionis oppugnabat David, eam infederant Jebusæi, qui confisi loco munito, ad illudendum Davidi, cæcos & claudos posuerant defensores, proclamando. *Non ingredieris huc nisi abstuleris cæcos & claudos & deviceris eos.* David proposuit præmium suis militibus si quis percussisset Jebusæum, & titigisset domorum fistulas, & abstulisset cæcos & claudos, quo audito Joab unus è militibus Davidis, ut narrat Abulen. ex traditione Hebr. admovit arborem palmarum monti Sion, per eam sursum evasit, & cum militibus qui illum secuti, evasit in montem ac perfecit negotium. Et pro hoc facto creatus est Dux militiæ, ita Christus per cru-

cem ascendit coelum, & qui sequuntur, idem coelum capiunt
Ascendam palmam & apprehendam fructus ejus. Fructus in palma
 solum sunt in vertice, fructus verò hic est arx Sion, coelum,
 hunc nobis proponamus, durum quidem est attendere cru-
 cem, sed fructus est præclarus, quo gustato abstergetur omnis
 lachryma. Bern. ferm. de discip. euntibus in Emaus. *CruX est*
statera corporis Christi, quam desiderabat, qui dicebat Job. 6. Utinam
appenderentur peccata mea quibus iram merui, & calamitas quam pa-
sior, in statera. CruX facta est statera corporis Christi, cum enim ipse
crucifigeretur, appensa sunt cum ipso peccata quæ comisimus, & cala-
mitas quam incurrimus, &c. Cum adhuc in Cruce erectus staret, va-
cillare videbatur statera, nec planè cognoscebatur quâ cadere deberet,
cum inclinato capite emisit spiritum ut calamitas præponderando eade-
ret, & quasi arena maris gravior appareret, Gentes quasi momentum
stateræ reputatæ sunt. Nunc ad verticem palmæ elevati sumus
in statera quæ ex palma crucis pendebat. Ambr. ferm. 43. Cum
Gentilis esses, solebas signa perquirere superstitione Ethnicâ, quæ si-
gna quibus rebus essent prospera magnâ inquisitione colligere: jam nunc
nolo erres in numero signorum, scito quia in uno signo Christi est tota
rerum prosperitas. Sed, quomodo inquires Crucem conscende-
mus? Crucem conscendere, est illam ferre. Greg. hom. 37.
Duobus modis Crucem bajulamur, cum aut per abstinentiam carnem
afficimus, aut per compassionem proximi, necessitatem illius nostram
putamus qui enim dolorem exhibet in aliena necessitate, Crucem portat
in mente. Sunt plerique qui compassionem proximo non spiritualiter
sed carnaliter exhibent, ut ei non ad virtutes, sed quasi miserendo ad
culpas farveant, hi itaque crucem cadentur ferre, sed Dominum non
sequuntur. Sed Crucem Christi qui invenit, & ut debet appreh-
endit, clamat cum Andrea Apost. O bona CruX cum Paulo
Gal. 6. Mibi absit gloriari nisi in Cruce. Beatum se putat Matth.
 5. *Cum ei maledixerint homines.*

In Festo S. Stanislai Episc. & Mart.
CONCIO.

Cognoſco oves meas. Joann. 10.

VT fit aliquis Paſtor invenio in S. Scriptura aliquot ad hoc conditiones S. Chryſol. ſerm. 40. *Ille vult mori anæquam de ovibus ſuis quid mali videat.* 2. Curam illarum habet perpetuam. 3. Varias in bonum ovium adhibet induſtrias. *Argue, obſecra, increpa, &c.* 4. Exponit ſe pro illis periculo. Hieron. Epift. 12. *Legimus Aaron Pontificem viſſe obviam furentibus flammis & accenſo thuribulo iram DEI cohibuiſſe.* 5. Ovibus Domini tanquam propriis attendit. 6. Joan. 8. Cum oves emiſerit ante eas vadit. 7. Multum debet eminere in virtute. Chryſoſt. lib. 2. de Sacerd. *Quantâ inter ſe differentiâ homines rationis uſum habentes, & bruta ratione carentiâ diſſident: tantum ſanè diſcrimen inter eum qui paſcit atque eos qui paſcuntur eſſe velim.* 8. Noſſe oves. Sed non omnibus contingit eſſe Paſtores plurium ovium: cuique autem unius, ideò omiſſis aliis conditionibus, ultimam ſolum accipio ſine quâ nec unius ovis quiſquam poſteſt eſſe Paſtor.

Ovicula eſt Anima quàm cuique DEUS paſcendam dedit, hanc benè cognoſcere opus. Prov. 27. *Diligenter agnoſce vultum pecoris tui, ruosque greges considera.* Hanc oviculam poſſumus cognoſcere oculo humano, Chriſtiano, & Sanctorum. Humano oculo ſeu per naturalem diſcurſum. Res vivens melior non vivente, ideò pro nulla re danda eſt anima. Ariſt. 7. Polit. *Anima nobilior eſt corpore & omni poſſeſſione.* Aratus Poëta à S. Paulo in Actis adductus propter animam nos vocat genus

DEI, proinde honore & cultu omni digna est. Plato in Timeo
Ad hoc anima conjuncta est corpori ut fruatur scientiis & virtutibus.
 Cognoscebat ira animam suam Stanislaus, & eam primò Gnes-
 næ, deinde Parisiis ornavit omni scientiâ & virtute. *Inde rediit*
domum tanquam ex mercatura mercator bonus: integris, pietate, mo-
destiâ, castitate: excellenti doctrinâ, rerum gerendarum dexteritate
Summâ. Jam de eo si quis animam suam vilipendit quia non
 agnoscit, judicium Platonis lib. 9. de Repub. audiamus. *Si quis*
ut acciperet aurum, Filium aut Filiam, immanissimis ac pessimis Do-
minis in miseram servitutem venderet an non crudelissimus esset, &
stultissimus? Quid? tu non stultior multò & crudelior, qui partem tui
Divinissimam, hoc est animam, impientissimo & impurissimo demonio
vendis, ut expleas libidines? Unde qui animam peccatis subijcit,
 finit illi dominari avaritiam, ebrietatem, stultus est & impius,
 & nomine hominis indignus, sed hoc adhuc parum est.

Opus animam cognoscere Christiano oculo quem fides
 illustravit, & eâ cognitâ ornare virtutibus propriis Christia-
 norum ac scientiis, quæ sunt altiores quàm priores. Natura
 docet, Redde cuique quod suum est: fides docet Matth. 5.
Qui vult tunicam tuam tollere, prabe ei & pallium. Natura docet,
 nulli injuriam inferre: Fides, *orate pro persecuentibus vos.* Natu-
 ra, prospicere futuris: Fides, *thesaurisate ubi tinea non comedit,*
nec arugo demolitur. Natura fugere adversa. Fides, *Omne gaudi-*
um existimate cum in varias tentationes incideritis, &c. Sed & ipsi-
 us animæ cognitio est altior. *Vocavit nos in adoptionem Filiorum.*
 Sicut, si DEUS tuæ curæ permitteret suum Filium, ita etiam
 anima tua agere debet. Est & Filia, & Sponsa DEI, si hanc
 Sponsam per capillos raptam humi volutares, pedibus concul-
 carès. Egit ita Sanctus. Hoc in illo advertit Lampertus Ep. Cra-
 covien. qui eum per coactionem bonam fecit Sacerdotem, Ca-
 nonicum, & Concionatorem. Sed Sanctus oculo Sanctorum
 insuper

insuper animam suam cognoscebat, neque contentus suam exornare etiam alienas ornare studuit, & quia ut Ambr. serm. 76. *Prima doctrina est benefacere.* Et maxime virtutem docet, qui ipse facit. Scivit etiam quod Hieron. Epist. 2. ad Negotianum scripsit. *Non confundant opera tua sermonem tuum, ne, cum in Ecclesia loqueris, tacitus quilibet respondeat, cur ergo hæc quæ dicis ipse non facis? delicatus Magister est qui ventre pleno de jejuniis disputat.* Pugnandum erat Sancto, contra luxuriam: virginitatem suam integram exhibuit. Contra invidiam, adjecit mansuetudinem, cum illius nobilis qui ejus familiam vulneravit, ipsum noctu ejecit domo, Ecclesiam postera die injuriæ immemor consecravit. Contra gulam continua jejunia ostendit, contra superbiam, humilitatem: contra invidiam, summam erga miseros charitatem, unde viduarum & pauperum suæ diæcesis, ne quem præteriret, conscriptum habuit catalogum. Contra accediam, zelum, quo incensus veluti Mercator tempore nundinarum nullis se passus aliis implicari negotiis. Currebat per Diæcesim, & dicere cum Paulo poterat. *Omnia sustineo pro electis ut & ipsi salutem consequantur.* Incidit in Animam Boleslai turpissime infectam, vidit periculosum esse, Regem ferocem & in libidinem effusum aggredi audacter accedit & ingeminat. *Non licet tibi Rex.* Calumnia Sancto ingeritur à Rege, ille verò. *Quoniam diminuta sunt veritates à Filiis hominum, veritas de terra orietur, & justitia de caelo prospiciet. In nomine JESU Christi cui servio & cujus Ecclesiam tueor, &c.* Resuscitat mortuum, perstrictus Rex miraculo conquiescit; sed captâ Chioviâ, iterum turpior & crudelior evadit; occidit Stanislaum, &c. Ita Stanislaus animas oculo sanctorum regnoscebat, ut libenter pro illis vitam exposuerit, & DEUS miraculis hanc ejus cognitionem approbavit. Nam & post mortem corpus ejus quod fuerat concisum, factum est integrum, in Canonizatione suscitatus est mortuus.

Si modò quæreremus per domos, Scholas, templa. No-
stine animam tuam? fortasse alicubi contingeret, quod accidit
Nehemiæ 2. Mach. 1. quærebat ignem, invenit aquam crassam,
quæritur cognitio hujus oviculæ, scilicet animæ, & ecce aqua
crassa, & ecce lutum, taliter se cognoscit atque lutum. Vel cer-
tè cognoscunt se, & ita curant, ac si essent bruta animalia. Ezech.
8. *Fili hominis fode parietem, & ecce omnis similitudo reptilium, &*
animalium abominatio. Ille se putat propter avaritiam talpam,
ille propter astutiam vulpem, &c. Et agit ut vulpes, excæcavit
illos malitia eorum, hæc tenebras induxit ne videre possint,
quid inde? Apoc. *Foris carnis.* Non est bonum dare canibus
escam filiorum, aut Margaritam mittere ante porcos. S. Ma-
carius hom. 27. *Sicut in rebus ob oculos positis, si meretrix quæpiam*
se turpiter prostituat, ita anima quæ cuicumque se demoni tradit, cor-
rumpitur ab ipsis Spiritibus.

In Eodem Festo S. Stanislai Episc. & Mart. Fragmentum.

SIve Sanctum hunc comparavero cum Joan Bapt. non er-
rabo, & hic dicebat Regi, *non licet.* Et tum dici poterat
cum hic vixit quod Jerem. 5. *Scupor & mirabilia facta sunt in ter-*
ra, propheta prophetabant mendacium, &c. Applaudebant Regi.
De Sancto ut de Banania 2. Reg. 23. dicendum. *Vir magnorum*
operum, ipse percussit duos leones Moab, & ipse descendit & percussit
leonem in media cisterna in diebus nivis. Quando nimirum in pie-
tate refrixit Polonia sicut in diebus nivis, egit ut Ambrosius
de quo Theodoret, hist. lib. 5. cap. 18. cum excommunicavisset
Theodosium Imp. ac Rufinus Magister militum promitteret
Cæsari id se effecturum ut spontè Ambrosius anathema solve-
ret,

ret, dixit Cæsar. *Novi ego constanziam Ambrosii, & quod nullo Regiæ Majestatis timore Drvinam legem transgredietur.* Et certè fortior fuit Stanislaus Reginaldo Polo Cardinale licet viro sancto, de quo Surius, cùm eum Rex Angliæ Henricus confuleret, an divortium facere posset cum priore conjugè, loqui illi volebat aliquid Polus non ex veritate solida sed officiosè, ideoque statim aliquamdiu obmutuit, & reddità loquendi facultate, liberè Regem monuit ne id faceret. Bern. serm. de Joan. Bapt. *Ferveat etiam in nobis zelus iste, ferveat amor justitiæ, odium iniquitatis, nemo vitia palpet, peccata dissimulet, nemo dicat, nunquid custos sum Fratris mei?* Pl. 28. *Afferte Domino Filii DEI, afferte filios arietum.* Quod Chrysol. serm. 10. sic explicat. *Afferte, afferte filios arietum, quos spontè venire aut necessitas vetat, aut ætas impedit, aut tenent vitia, aut delicta morantur, adducite volentes, trahite nolentes, facite vobis de aliena necessitate mercedem, seruum Dominus adducat, Pater Filium, &c. Nemo dicat, non vult, quia Abraham, ut filium offerret colligavit, & Lothum Angeli ut subtraherent flammis, subtractum manibus sustulerunt.* Duos Leones Moab occidit Stanislaus. Moab, idem est quod, *Pater meus?* respectum Affinium, quid fiet de meis si Regem offendero? non promovebuntur ad dignitates; Alter Leo, Amor sui, quid de me fiet? Sed Leo fuit in cisterna Rex, qui in profundum peccatorum venerat, de quo dici poterat Isai. 48. *Scivi enim quia durus es tu, & nervus ferreus cervix tua, & frons tua ærea.* Descenderat in cisternam, vallaverat sua peccata veluti muro, ut si quis illum accessisset, aut illi aut Regi pereundum erat, exire Rex non poterat ut è profundo. Aug. in Pl. 68. *Est quedam iniquitas quam qui operatur, non potest fieri ut misereatur ei DEUS quæritis fortè quamam illa sit? ipsa est defensio peccatorum quando quis sua peccata defendit, magnam iniquitatem operatur, hoc enim defendit quod DEUS odit.* Talis ut Pistor Pharaonis supra caput suum

suum ponit corbem Gen. 40. & ad hoc devenit, ut postea à corvis laceretur, hoc luxuriæ proprium est, quia mentem excæcat, & rationem pervertit. Greg. 6. in 1. Reg. 2. *Nulla sunt vitia quæ spissiores menti tenebras ingerunt, quàm libido.* Et tales abjiciuntur à DEO. Greg. ibid. c. 1. *Iustitiâ DEI peccator projicitur, quando ad perpetranda luxuriæ inquinamenta curvatur.* Et ibid. c. 2. *De his qui puritatis merito jam Filii DEI vocabantur, in Genes. 6. dicit Dominus non permanebit spiritus meus in homine in æternum eo quod caro sit. Caro quippe homo efficitur, quando sensui carnis ratio subjugatur.* Bestia sensibus regitur, quod videt, audit, ab eo pertrahitur, homo per rationem sensui dominatur, sed in luxurioso ratio subjugatur, ideò jam non est homo qui ratione utitur, sed bestia quæ sensu. In tali non permanebit Spiritus S. qui est lumen cordium, extincto verò lumine quid aliud de homine fiet, quàm fit de cæco. A luxuria transitur ad cædes, virgo lapsa curat necem prolis, adultera mariti & tandem homo evadit in Leonem. Quare statim post prohibitionem idololatriæ, festorum injuriæ, ac Parentum, DEUS posuit in Decalogo legem de luxuria? respondet Tertull. adu Psychicos. *Quale delictum, intellige, cujus cohibitionem post idololatriam ordinavit, nihil secundum longinquat à primo, nihil tum proximum primo quam secundum, quod fit ex primo aliud quodammodo primum est, ideoque mæchia affinis est idololatriæ, nam & idololatria mæchia nomine & fornicationis populo sæpè exprobrata, etiam forte conjungetur illi, & serie etiam damnationis cohærebit illi, sicut & dispositione.*

In Assumptione B. M. Virginis.

Dicebat Martha ad Christum, dic Magdalenæ ut me adjuvet, nos hæc verba circa B. Virginem repetamus, quia sic Bern. serm. de Nativit. *Sic est ejus voluntas qui nos totum voluit ha-*

luit habere per Mariam. Et ferm. 3. in vigil. Nativ. Christi. *Quia indignus eras cui daretur, datum est Mariæ ut per illam acciperes, quidquid haberes.* Sed neque opus ut moneatur, cum ipsa ad succurrendum sit prompta. Richard. Victorin. in illud Cant. Duo ubera tua. *A DEO pietate replentur ubera tua, ut alicujus miseriæ notitiâ tacta, lac fundant misericordiæ, nec possit scire & non subvenire.* Scit verò multò melius nostras necessitates cum assumpta est in coelum, quam scivit cum esset in terra, quia ut S. Th. 3. p. q. 10. q. 2. *Nulli intellectui beato deest quin cognoscat in verbo omnia quæ ad ipsum spectant.* Ad B. Virginem spectat cognoscere nostras necessitates. Quia est Mater nostra. Aug. lib. de S. Virg. c. 6. *Corpore Mater Capitis, spiritu membrorum.* Et quidem propter nos facta est Mater capitis, quia si Adam non peccavisset Christus non venisset, ex quo Anselm. de Excell. v. c. 6. *Si igitur illa propter peccatores, scilicet propter me, meique similes, facta est Mater DEI, cur illam erga me non Parentem sperabo?* Et cap. 12. *Cur itaque non jurabis nos, utique eris Mater nostra, quando proptec nos in tantam celsitudinem es elevata, ut te Dominantem habeas atque veneretur omnis creatura.* Ex Maternitate secuta est tam sublimis gloria quam hodie in coelo obtinuit. Cum ita sit in nos prona debet orari, quia Bonav. in spec. *Non solum in te peccant ô Domina qui tibi injuriam irrogant, sed qui etiam te non rogant.* Quia promptitudine illius nobis ad benefaciendum se offerente non utuntur, promptitudinem verò hunc non exercebit nisi ores, quia ut S. Th. 2. 2. q. 83. a. 2. *Et si DEUS omnia nostra sciat, & dare proposuerit, tamen orari debet. Ut impetremus quod disposuit per orationes Sanctorum esse implendum.* Aliunde etiam DEO debetur oratio, ut ibid. a. 3. *Quia, per orationem DEO homo reverentiam exhibet, scilicet ei se subjiciendo, & proficendo se eo indigere sicut authore suorum donorum.* Assumptio ejus describitur in Cantic. *Ascendit sicut virgula fumi ex aromaribus,*

certe odorata. Apoc. Seniores odoramenta offerebant Agno, & ista erant orationes Sanctorum. Nostris orationibus illa quasi constaret, ascendit velut virgula fumi, illas secum defert. ut quæ petimus obtineat, ad hoc Evangelium hodie meminit castelli, quia ut Damasc. orat. de dormit. Virg. B. Virgo est, *Civitas. refugium, civitas. vivens. Regis. exercituum.*

In Festo SS. Corporis Christi.

ITA nobiscum hodie agitur, atque si alicui data esset res pulcherrima & optima, quâ satis delectari non posset, eamque per plateas circumferret, ostentaret: ita hodie habendo corpus Christi facimus, & merito. Zach. 9. *Quod enim bonum ejus aut pulchrum est nisi frumentum. electorum & vinum germinans virgines?* Rursum hanc in nobis humiliatio debet oriri, si enim Miphiboseth filius Saulis cum esset jussus affidere mensæ Davidis 2. Reg. 9. *Adorans ait, quis ego sum servus tuus quia respexisti super canem mortuum similem mei?* Quanto magis nos. Quia Ruth. 2. concessit ipsi Ruth Booz colligere spicas in agro suo, non se potuit capere præ lætitiâ, sed hoc gaudium communicavit focruî suæ. Si Rebecca Gen. 24. ostentabat dona oblata sibi à Procuratore Abrahamæ, multò magis nos dicere possumus. *Venite, videte, quanta DEUS fecit animæ meæ.* Ponebantur, ut est 1. Reg. 21. semper calidi panes propositionis, nullus calet magis amore DEI quàm iste noster, in quo nobis omnem dat benedictionem, & ut Isaac Jacobum Gen. 21. *Frumento. & vino stabilivit nos.* Et ultra hæc quid nobis faciet, cogita homo quid tibi velis plus fieri. Vis cum Angelis eodem cibo vesci. Pf. 77. *Panem Angelorum manducavit homo.* Vis certus esse de salute æterna. *Pignus future gloriæ datur.* Vis esse affinis Christi? Cyrill. Alex lib. 10. in Joann. 13. *Sicut si quis liquefactæ ceræ aliam ceram.*

ceram infuderit, alteram cum altera per totum commisceat necesse est, sic qui carnem & sanguinem Domini recipit cum ipso ita conjungitur, ut Christus in ipso & ipse in Christo inveniatur. Et ut Cyrill. Jerosol. cathech. 4. Concorporei & consanguinei Christi efficitur, Christiferi, hoc est Christum in corporibus nostris ferentes. Volumus sanitatem? Idem Cyrill. Ibid. Non mortem solum, verum etiam morbos omnes depellit hic panis. Sedat membrorum nostrorum scævientem legem, pietatem corborat, perturbationes animi extinguit, ægros curat, ab omni nos erigit casu, &c. Ut in aliis lectionibus Breviarii pro hoc festo. Per carnem nos debellabat dæmon, ut patet in Davide, Samson, &c. Carne nostrâ illam Christus debellavit ut Goliathum David proprio gladio, hunc gladium reposuerunt in sanctuario i. Reg. 21. & hanc victoriosam carnem in sanctuario habemus, ad hunc gladium recurrit David in periculo ut est ibid. nos ad hunc panem. Ps. 22. *Parasti in conspectu meo mensam aduersus eos qui tribulant me, hic panis est. Gladus Gedeonis Judic. 7.*

In Festo S. Basilii Magni.

Satis in laudem hujus sancti dicam, si illum ut appellat totus orbis, Magnum vocabo hic enim titulus non datur nisi valde eminentibus in aliquo. Sic Alexander Magnus, Carolus ob ingentia facta in bellis. Albertus Magnus propter summam Philosophiæ scientiam, sed in explicanda Basilii magnitudine sequar Sanctum ejus Fratrem Greg. Nyssenum, hic neque majora vero audebit dicere, quia dixit coram iis qui Basilium noverant: neque Fratri aliquid de laudibus derogare. Dicit ergo in vita ejus quod fuerit. *Par Moyse, Eliæ, Joanni Bapt. & Paulo, & in his sisto.*

Par Moyse Basilus quia Moyse ex Ægypto duxit

populum præcedente columnâ igneâ: Basilium vidit S. Ephrem esse columnam igneam, nec pauciores duxit quam Moyfes, quia tot millia Monachorum quot orientalis Ecclesia numerat. Ille primus regulam scripsit, statum illum ordinavit. Sæculum SS. PP. comparant Ægypto, unde S. Antonius Magnus sæculares vocabat Ægyptios. Opera eorum ostensa sunt S. Arsenio ut est in vitis PP. lib. 4. Vidit hic Sanctus tres Æthyopes, unus in fascem componebat ligna ut portaret. Et cum experiretur fascem esse gravem, plura apponebat: ita in sæculo difficile divitem intrare in regnum cælorum, tamen plures apponunt divitias. Combussit hæc ligna columnâ igneâ Basilium per votum paupertatis. Alter infundebat aquam in dolium pertusum quod non impletur, exsiccavit istas aquas Sanctus per votum Castitatis. Tertius inferebat trabem transversam in templum, correxit per votum obedientiæ. Et hic tria signa prædestinationis seu terræ promissæ. *Beati pauperes, &c. Beati munda corde. Qui sequitur me non ambulat in tenebris.* Bern. declam. *Cella terra sancta & locus sanctus est, in qua Dominus & servus ejus sæpe colloquitur.* In terra promissionis primum est templum DEO erectum, hoc est in monasteriis Bern. ibid. *Sicut templum est Sanctum DEI, sic cella est servi DEI, & in templo enim & in cella Divina tractantur, sed crebrius in cella, in templo visibiliter & figurativè aliquando Christianæ pietatis Sacramentum dispensatur, in cella verò sicut in cælis, ipsâ veritate, ipso ordine assidue celebratur.* Horum omnium caput Basilium ac proinde Magnus.

Par Eliæ Basilium, resistit Imperatori, Hæretico Eunomio ac si Elias, si DEUS est Baal, &c. Ario, &c. *Verba ejus tanquam facula ardens.* Quod de Elia dictum, Greg. lib. 7. epist. 5. *Et quid tot & labores proderunt si in unitate fidei inventa non fuerit quæ ante DEI Omnipotentis oculos in bonis actibus animam præcipuè custodit? Hinc enim dicitur, una est columba mea, perfecta mea.* Cant.

6. Hinc

6. Hinc ad Moysen Dominus dicit Exod. 38. Est locus penes me, & stabis super petram, &c. Est locus apud eum Ecclesie S. unitas, in qua super petram statur, dum Confessionis ejus soliditas tenetur. Quid ad hoc schisma? Segregavit Basil. ut Elias Balamitas, Magnus Dux Basil. nemo ante illum.

Par Joanni Bapt. Vitæ austeritatem consideremus. Greg. Nazianz. in Monachia. Basilius unicâ tantum tunicâ se amiciebat, humi cubitabat, noctibus totis vigilabat, quotidie jejunabat pane solo contentus, & loco deliciarum sal habebat, aquam continuò potabat. Hic videmus quàm verum sit quod dixit Tertull. ad MM. Nihil erus sentit in nervo id est in equuleo, cum manus in cælo est, totum hominem animus circumfert & quo vult transfert. Ubi cor tuum ibi thesaurus tuus; vocati sumus ad militiam DEI vivi, nemo miles ad bellum cum deliciis venit, nec de cubiculo in aciem procedit. Ita egit Basilius qui à puero vixit sanctè, quid nos? Ambr. 1. de offic. 36. Moriatur caro nostra ut in ea omnis culpa moriatur, & quasi ex mortuis viventes noctis resurgamus operibus ac moribus. Bene monet Greg. lib. 6. in Reg. cap. 2. Non solum confitenda sunt peccata, sed etiam penitentiæ austeritate delenda. Qui circa salutem suam solliciti sunt, sic delere penitendo magna studeant ut minora plangere non omitant.

Æqualis Paulo in laboribus. Conciones ejus videtur Apoc. 15. expressisse. Vidi septem Angelos, &c. Cantantes canticum Moysi, verus testamentum, & canticum Agni, novum. Acceperunt septem phialas aureas plenas iracundiâ DEI viventis, quas fuderunt super terram. Hæc materia Concionum Basilii, ira DEI, quia concio non debet esse sicut musica, sed sicut tuba, irridet Jer. 48. dum ait. Date flores Moab quia florens egredietur. Quia vastabitur ab Assyriis. Oportebat hortari ad poenitentiam non flores dare. Hostis muros quatit, & floribus carpendis occupamur. Quid alii labores Basilii? Isai. 1. Principes tui infideles.

Hebr. legit. *Principes tui putridi & fatidi* ut in pisce primò caput putrescit, post reliquum corpus, &c. Paulus. *Castigo corpus meum, &c.* Ita Basil. exemplo præibat, Cinis quamdiu jacuit, in Ægypto nihil nocuit, sed quando illum Moyfes Exod. 9. in aërem jactando elevavit, vesicas in corporibus produxit Pf. II. *In circuitu impij ambulat secundum altitudinem tuam multiplicasti filios hominum* Hebr. legit Hieron. *In circuitu impij ambulat, cum exaltati fuerint vilissimi filiorum.* Id est cinis ficcus sine pænitentiae lachrymis, frigidus sine charitate, tunc impij ambulant in circuitu. Greg. lib. I. epist. 24. *Omni curâ vigilandum est, ut Rector cogitatione sit mundus, operatione præcipuus, discretus in silentio, utilis in verbo, singulis compassione proximus, præ cunctis contemplatione suspensus, bene agentibus per humilitatem socius, contra delinquentium vitia per zelum justitiæ erectus, &c.* Qui loci tui necessitate exigitur summa dicere, eadem necessitate compellitur summa monstrare: hinc Isai 40. *super montem excelsum ascende qui evangelizas Sion.* Taliter egit Basilius.

In Nativitate S. Joannis Baptistæ.

Quomodo S. Joannes triennis pervenerit in eremum refert S. Joan. Geometra Græcus in hunc modum, Postquam delusus fuisset Herodes à Magis, furorem vertit in uxorem, filios, & SS. Innocentes, quos mactavit: Christus verò evasit in Ægyptum, Elisabetha etiam cum Joanne abscondit se in eremo, quæ verò ibi acciderunt, magna & ineffabilia sunt atque incomprehensibilia, quapropter Herodes in Zachariam vertit iram, & quia Filium abscondit, & quia B. Virginem jam prægnantem collocaverat in templo inter virgines, asserens esse virginem, & tanquam ita manifestè violantem legem factelliter, occiderunt inter templum & altare, ministrantem DEO &

& sacrificantem, sanguinem sanguini commiscentes, hæc Germ. Eadem afferit Euthym. Theophilaët. & Basil. hom. de humana Christi generatione. Sed quòd ideò sit occisus quòd Adventum Salvatoris prædicaverit, pro apocrypho habet S. Hieron. Joannem vocat Angelum Malach. 31. hunc Angelum dicerem eum qui stetit uno pede in mari, altero in terra. Apoc. 10. Chrysoft. hom. de Joan. Bapt. *Gloriosius fuit Joanni quod cum homo esset, Angelus vocaretur, quàm si illud esset & nomine & naturâ.* De illo Cant. 2. *Surge amica mea & veni, vox turturis audita est in terra nostra.* Greg. Nyssen. hom. 5. in Cant. *Joannes turtur est, & veris præcursor, quo de radice Jesse flos prodibit.*

In Eadem Nativitate S. Joannis.

OMnes sancti gratiam DEI acceperunt, sed Apostoli copiosius ut est Rom. 8. De Moyse Eccl. 24. *Non est inventus similis illi qui conservaret legem Excelsi.* Sed Joannes etiam in utero sanctificatur, Pater Christi, quia illum baptifavit, est Propheta, Confessor, virgo, Martyr. Sed unde mos processit apud Polonos præcipue ut per ignem cum superstitionibus aliquando excitatum saltent, artemisiâ herbâ se præcingant, &c. Dicam ex Polono Medico Martino Urzedov; ubi de herba Artemisia. Dianna habuit aliud nomen, Artemis, illi dicata fuit herba prædicta, & propter eam vocata Artemisia, die 24. Junii, hæc Dea colebatur saltibus per ignem, canticis, coronabatur levina dictâ herbâ, homines se eadem præcingebant, hic ergo cultus cum obscœnis cantionibus, superstitionibus, est cultus Dianæ, non gaudium in Nativ. S. Joannis. Similia insinuant Constit. Synodales.

In Ea-

In Eadem Nativitate S. Joannis.

PLeraque contraria in Joannis Nativitate, evenerunt his quæ facta sunt in Nativitate Christi. In hac exultant Angeli, pastores pervigilant, Magi veniunt, stella præcedit, &c. In illa Zacharias obmutescit, Elisabeth absconditur, &c. Uti-que Joannes *erat lucerna*, quid tenebræ inducuntur? Erat lucerna, sed cum Sol oritur illa seponitur, verum Joannes nusquam magis lucet quam dum absconditur. Dum Joannes esset in propatulo, erat propheta Altissimi, dum absconditur *est plus quam propheta*. Nam in terra Messiam digito ostendit, mox sub terra Patribus eundem indicaturus jam morti proximus, mittit ad Christum. *Tu ne es qui venturus es?* &c. Sciebat bene hunc esse illum, quid ergo quærit? Greg. hom. 6. *Hoc, an etiam ad inferos descendere dignaberis? insinua.* Respondit illi Christus obscure sed ita ut ille caperet. *Beatus qui non fuerit scandalisatus in me.* 1. Cor. 1. *Nos predicamus Christum crucifixum Judæis scandalum.* Greg. 1. c. *Quid ergo est dicere, Beatus qui non fuerit, &c. Nisi aperta voce abjectionem mortis sue humilitatemque signare?* Ex quo etiam collegit animam Christi ad inferos descensuram, quia sciebat quod esset descensura, si Christus esset mortuus, cum isto nuntio prævenit Joannes ad inferos, & Patres velut lucerna illuminavit, quantum ibi gaudium? Adam diutissime poenam peccati primi sustinuit, scilicet limbum, & quò aliquis ab illo remotus, breviori tempore illam passus; venit tandem Christus & has tenebras penitus abstulit, ut possimus nullo tempore post mortem perferre privationem visionis DEI, si ipsi voluerimus. Ne tamen Joannem quis putaret esse Messiam ipse se abscondit. *Non sum dignus solvere corrigiam calceamenti eius.* Messias habebat sponsam Ecclesiam. Greg. hom. 7. *Mos*
apud

apud veteres fuit, ut patet ex Levit. Si quis eam quæ sibi competeret uxorem noller, illi ei calceamentum solveret, qui ad hanc sponsus jure propinquitatis veniret. Joannes ergo, non est meum Sponsam habere Ecclesiam, atque ita non sum Messias. Ego Redemptoris nostri vestigia denudare non valeo, quia sponsi mihi nomen immeritò non usurpo. Greg. l. c. Ita latuit, sed interea & apud Judæos & apud Gentes reluxit, nam etiam modò à Turcis æstimatur, & hoc indicatur per illud, quia mel sylvestre & locustas comedit: ita enim hoc ipsum Christo applicando explicat Greg. in Job. Moralium 31. c. 12. Dominus quia infructuose Gentilitatis dulcedinem sumpsit, mel sylvestre edit: quia verò Judæorum plebem in suo corpore ex parte convertit, locustas accepit, subitus salus dantes, sed statim ad terram cadentes. Abscondit se in carcere Herodis, sed ut Chrysof. apud Barelet. Non opponas mihi Evangelistam inter ceteros magis dilectum, non Apostolorum Principem omnibus aliis antelarum, non vas electionis ad cæli tertii secreta translatum, nec Apostolicus splendor audeat occurrere Pracussori. Considera mansiones regni, & ordinem humanæ generationis obambula, solumque Joannem tum novis tum veteribus videbis præpositum. Nascitur Puer, & Ecclesia dicit. Elisabeth magnum virum genuit. Chrysol. serm. 89. Joannes natus est ut nato in terris DEO suus Angelus non deesset.

In Ascensione Domini,

CUM Christus ascenderet, meritò admirabantur discipuli. Quia viderunt Corpus Christi naturâ grave vehi nube, quæ est solum vapor aquæ aut terræ halitus. Videbant Angelos adstantes, cœlos aperiri. Prov. 30. dixit Salomon. Tria mihi difficilia, & quartum penitus ignoro. Viam aquilæ in cælo. Hoc est, dum velut Aquila suis viribus ascendit Christus. Viam navis in medio maris, dum passionis rubrum mare enavigaret. Vi-

am colubri supra petram, dum velut serpens appensus in cruce, deinde è petra sepulchri resurgeret. *Viam viri in adolescentia, dum incarnaretur. Vadit Christus veluti Samson contra fractas secum deferens portas. Vadit velut David cum ense quo occidit Goliathum. In nube solitus loqui Patribus, modò illum suscepit nubes. Pro spinea corona, glorià & honore coronatur. Aspiciebant cœlum discipuli, quia Sol recedens radios retrahit: omnia verò nobis Pater dederat cum ipso. Sed non metuant discipuli. Hic qui ascendit constituitur à Patre velut Joseph Salvator Ægypti. Data est illi omnis potestas in cœlo & in terra. Ille cœlos referat & in illos captivam inducit captivitatem, transit sicut Arca per siccum Jordanis fundum, revidet quanta sit in cœlo vacuitas facta per Angelorum lapsum, & illam incipit implere. Hebr. 10. *En ascendit iter pandens inter nos. Parat nobis locum Joan. 14. Vado parare vobis locum.* Aliquibus locum Angelorum, aliis Archangelorum, &c. Advocat nos Luc. 22. *Ut edatis & bibatis super mensam meam.* Modò sub mensa comedimus ut Adonisebec. Postquam consistet in cœlo funes demittet quibus nos ad se trahat Joan. 19. *Ego cum exaltatus fuero, omnia traham ad me.* Inflammabit desideria nostra, sicut Sol quo altior, eò calidior. Et mittet ad nos in igne Paracletum, qui nos elevabit ut Sol nubem, hic Spiritus instar navis instituet Ecclesiam, erunt gubernatores Apostoli, arma Sacramenta, tela virtutes, Crux malus, & hanc ipse vento impellet vehementi.*

Si vidissemus ascendentem, clamassemus sicut Elisæus ad Eliam, Spiritum tuum duplicem da nobis. O quam ibi triste & lætum vale. Matri dicit, Tu interim mane pro solatio meorum. Apostolis volentibus simul ascendere. *Euntes docete omnes gentes.* Magdalenæ, focia Matris meæ esto. Ecclesiæ suæ, paulò post magis refulgebis. Quia Luna quò remotior à sole magis

magis lucet. Abacuc. 3. juxta L. XX. *Exaltatus est Sol & Luna stetit in ordine suo.* Sol quo magis recedit à terra, magis calefacit, vivificat, ut patet æstate, initio pauci credebant, postea multi. Jam ascendit in cœlum, si pervenit una ad portum navis, spem bonam habent & aliæ. Si Dux evasit in arcem à se oppugnatam sperant & milites. Job. 36. *Ut annuntiet de ea amico suo, & quod sit possessio ejus, & quod possit ad eam ascendere.* Michæ. 2. *Pandens iter ante eos.* Cyrill. lib. 5. de orat. *Primus ascendit ad Patrem instaurans nobis aditum ad cœlum.* Sicut arca ad Jericho & per Jordanem. Jam ergo, *Quæ sursum sunt sapite,* &c. Isai. 49. *Nunquid oblivisci potest mulier infantem suum, ut non misereatur Filio uteri sui? & si illa oblita fuerit, ego non obliviscar tui.* Sed Ps. 23. *Quis ascendet in montem Domini, &c. Innocens manibus, &c. Quid statis aspicientes, quid otiamini?*

In Festo SS. Petri & Pauli.

Æ Dificaturus Moyse tabernaculum, assumpsit artifices Beseleel & Oliab. Aug. in Ps. 41. *Tabernaculum Christi in terra, est Ecclesia adhuc peregrinans.* Faldensis, Beseleel & Oliab, sunt Petrus & Paulus, qui duo edificarunt Ecclesiam Christi. Beseleel idem est ac umbra DEI, Oliab, protectio Patris. Umbra DEI Petrus, umbra Petri sanabat ægros, Umbra. *Beatus es Simon Bariona, hoc est Filius columbæ.* Christus DEI Patris Spiritus S. columbæ. Hieron. l. 3. in Matth. 16. *Ex confessione sortitur vocabulum, quod revelationem ex Spiritu S. habeat, cujus & Filius appellandus sit.* Et sic est umbra quædam Filii Paulus, à DEO in tot periculis protegatur, de utraque S. Maxim. hom. 5. *Cujus sine meriti Beatissimus Petrus & Paulus, hinc possumus intelligere; quod cum Dominus Orientis regionem propriâ illustraverit passione; Occidentis plagam, ne quid minus esset, horum Apostolorum sanguine*

illuminare dignatus est. Hinc quanta spes nostra. Miserat Josue in terram promissionis exploratores, retulerunt ibi esse gygantes, respectu quorum ipsi essent veluti formicæ: si dixissent, quòd isti Gygantes adjuturi illos erant in occupanda terra illa, quanta fuisset spes? Petrus & Paulus in meritis gygantes, sunt pro nobis in expugnando cœlo, quia ipsi ædificant Ecclesiam. Dum Petrus Romæ moraretur, ut est in actis ejus passionis, adstiterunt illi Angeli cum rosis & liliis, & Christus cum libro aperto, quasi diceret, quòd inscribam libro vitæ tam Martyres quàm Confessores, per te id factum. De Pauli abscisso collo fluxit lac in signum ejus, quòd Ecclesiam lactaverit ut adolesceret. Quantus verò gygas Paulus, audi Chrysof. in proëm. epist. cap. 4. *Paulus omnium virtutum fuit arca, adeò ut etiamsi quis contra eum totum justorum chorum sigillatim appendat, inveniet trutinam virtutum ponderibus à Pauli parte depressam.* Paulus Doctor Gentium, Petrus caput Ecclesiæ, Pauli circa Ecclesiam labores describit Chrysof. hom. 4. de ejus laud. *In tantum virtute progressus est, ut vix triginta annorum spatio, Romanos & Persas, Parthos & Medos, & Indos: Scythas & Aethyopes: & Sauromatas, & Saracenos, & omne prorsus humanum genus sub jugum mitteret veritatis.* Ambo Ecclesiæ protectores: ambo stiterunt persecutionem Ethnicorum dum M. Constantino apperuerunt: ambo S. Leoni contra Attilam strictis gladiis adstiterunt ut Baron. tom. 6. Scribit Fabianus Justinianus Episc. Adiacen. in cap. 4. Tobiae. In Corsica in mea Diœcesi sunt morbi qui jumenta invadunt, & si unum iis corripitur, omnia pereunt, est verò templum S. Petri ad Melam oppidum, cujus si clavis uni jumento appendatur, omnia sanantur. Ita verificatur, *Homines & jumenta salvabis.* Uno verbo sunt isti duo, columnæ duæ quæ ducunt populum per desertum: Paulus ignea, quia Gentium noctem illuminat: Petrus columna nubis, quæ Judæos duxit.

De S. Paulo.

Micheæ 5. *Et tu domus Effrata non es minima inter Principes Juda.* Ambr. Epist. 18. *Effrata domus furorem videntis, hoc enim habet interpretatio istius nominis, &c. Quia in Effrata & peperit Rachel Benjamin specie superiorem, mysterio posteriorem, Paulum scilicet qui antequam generaretur non minimos Matri præstitit dolores, &c. Er in paucioribus est, quia pauci sunt qui intrant in domum panis (Bethleem) per angustam viam. De Juda quoque tribus est Bethleem, ut docet lib. Judic. 19. Cum dolore Matris natus est Paulus quia persecutus Ecclesiam, & de se potest dicere quod ille: 1. Reg. 4. *Ego sum qui veni de prælio, qui de acie fugi hodie.* Greg. in 1. Reg. lib. 3. c. 1. *Quasi in prælio se fuisse memorabat, qui dicebat Gal. 1. Audistis conversationem meam in Judaismo. Heli Sacerdos, vetus corruit, arca cecidit, &c. Militavit contra Ecclesiam, Ananias non credidit illi quod fugisset, in die fugit, quia lux illum de caelo circumfulsit, uterque Filius mortuus. Sicut Heli Sacerdoti accidit, id est uterque ordo Sacerdotis. Plaga magna in Israël facta quia tot damnantur, arca capta, quia vetera Sacramenta exinanita, Cecidit Heli de sella quia extolli desinit de doctrina, cadit juxta ostium, quia Joan 10 Christus dicit. *Ego sum ostium, cecidit Saulus quando Christus dixit, Saule, Saule, quid me persequeris?* Persequebatur Ecclesiam & imprimis Stephanum. Greg. 1. c. *Lapidantium Protomartyrem vestimenta servabat, & velut omnium manibus lapidabat qui expediros ad lapidandum omnes reddebat. Conversio autem B. Apost. Pauli facta est ad pro-verbium peccatoris. Audiat unusquisque peccator B. Pauli conversionem & non desperet de criminum multitudine. Sed jam videamus qualis surrexerit. Greg. hom. 21. in Ezech. *Vultis fidem videre. Philip. 1. *Mihi vivere Christus est & mori lucrum. Vultis vitam co-*****

gnosceret? Gal. 6. *Mihi mundus crucifixus est & ego mundo. Vultis patientiam audire?* 1. Cor. 4. *Usque in hanc horam instabiles sumus, &c. Vultis benignitatem cognoscere?* 2. Cor. 12. *Ego autem libentissime impendar & superimpendar pro animabus vestris.* Inde proveniebat quod de illo Greg. Moral. 30. c. 8. *Prædicando Paulus vult omnia simul docere, amando vult omnes simul videre, quia & in carne permanendo vult omnibus simul vivere, & de carne transeundo per sacrificium fidei vult omnibus prodesse.*

- In Visitatione B. M. Virg.

Abit S. Virgo cum festinatione, & quidem ut S. Bonav. Vespere ab Angelo salutata, statim mane sequenti processit, varii affectus in prægnantibus excitantur propter factum quem gestant, idem in B. Virgine videtur accessisse, Filius in opere festinus Isai 26. *Ascendit Dominus super Cherubim, & volavit super pennas ventorum. Pl. Exultavit sicut gygas ad currendam viam suam.* Sicut Medicus dum ad ægrum periculosum properat, sicut 4. Reg. 4. missus Giezi ab Elisæo ad resuscitandum mortuum. Ita modò ut quamprimum succurrat Joanni & liberet ab originali peccato, excitat in Matre festinationem. Origen. *Festinabat Christus qui in utero illius erat, sanctificare Joannem.* Non cessavit in S. Virgine hoc desiderium succurrendi peccatoribus. Est *Aurora consurgens* quæ solem præit, & simul *pulchra ut Luna.* Quæ noctu lucet etiam bestiis. Hinc discamus quàm sædum sit peccatum, cum ita properet, ut ab eo Joannem eripiat, certè cum Rex festinat ad aliquam domum privatam & quidem pedes, debet esse causa gravissima.

In Festo S. Mariæ Magdalenæ.

DUM Sancta ad pedes Christi procubuit, impletum est quod Abac. 3. *Egredietur diabolus ante pedes ejus.* Erant in Sancta septem dæmonia, ista sunt egressa cum audivit: *Dimittuntur ei peccata.* Bern. ferm. 6. in Cant. *Ubi peccatum remittitur, ibi procul dubio diabolus ex cor peccatoris ejicitur,* sed idem ferm. 1. ibid. *Si dixerit mihi JESUS dimittuntur tibi peccata tua nisi ego peccare desiero, quid proderit?* Hoc utrumque fit nobis in exemplum, & DEI bonitas ostensa peccatrici, & peccatricis poenitentia.

Dicitur Christus ex Magdalena septem dæmonia eiecisse Greg. hom. 33. *Quid per septem dæmonia nisi universa vitia designantur? quia enim septem diebus omne tempus comprehenditur, rectè septenario numero universitas designatur.* Sed nunquid latrocinata, nunquid furata, &c. Solùm invenimus quod luxuriæ vacaverit, quomodo hic universa vitia? explicabit hoc nobis S. Cypr. de Singularit. Clericorum. *Omnis inconueniens sodalicas mulierum gluten est delictorum, & viscus toxicatus quo diabolus aucupatur.* Cùm dæmon ad libidinem perduxit in visco hominem, habet veluti avem, quâ pro suo placito utitur, & in universa vitia impellit. Inprimis ad hoc inducitur ut vitium in sui formatione adscribat DEO, hinc fucos hinc colores adhibet, Cypr. de habitu Virg. *Domini dicit Matth. 5. Non potes facere capillum nigrum aut album, & tu ad vincendam Domini tui vocem vis te esse potiore?* &c. *Malo præsigio futurorum capillos jam tibi flammeos auspicas.* Eo tempore mulieres affectabant flavos capillos. Avis pingant facies, &c. *Non metuis ora quæ talis es, ne cum resurrectionis dies venerit, Artifex tuus te non recognoscat? ad sua præmia & promissa venientem removeat, & excludat, increpans*
vigore

vigore Censoris & Judicis dicat. *Opus hoc meum non est, non est imago nostra, &c. DEUM videre non poteris, cum oculi tibi non sunt quos DEUS fecit, sed quos diabolus infecit? illum tu sectata rutilos atque depictos oculos serpentis imitata es, de inimico tuo compta, cum illo pariter arsura.* Jam ulterius inducit luxuria ad quandam idolatriam. Greg. lib. 6. in Reg. 15. cap. 2. *Reprobis mentibus magnum non est immunda cogitare, sed coram DEO peccatum parvum non est in templo DEI, hoc est in regenerato spiritu, immunda reponere.* In templo fordes aliquas, lupanar collocare quis non putat esse maximum crimen? clamat Paulus. An nescitis quia templum DEI estis. Luxuria facit DEUM non cognosci. Osee 5. ut legit S. Greg. *Spiritus fornicationis in medio eorum, & Dominum non cognoverunt.* Perjuria, caedes, neglectum rerum sacratarum, contemptum Parentum, ut totum Decalogum non excutiam, patet quomodo, luxuria impugnat, sed etiam ipsius corpus quem mulcet invadit & jam ad hoc Ethnici testimonio utar, Seneca epist. 95. *Miraris tot ubique debiles esse: morbi luxurie supplicia sunt.*

Jam ad Sanctae pœnitentiam, sed quid de ista loquar? Greg. hom. 33. *Cogitanti mihi de Mariae pœnitentia, flere magis libet quam dicere.* Sed tamen dicendum est, quia idem addit. *Cujus enim vel saxeum pectus illa hujus peccatricis lachryma ad exemplum pœnitendi non emolliant? consideravit quid fecit, & noluit moderari quid faceret.* Hic videte quid facit in domo Simonis, quid deinde in eremo. Hic simul consideremus, quod licet DEUS nulli desit, ut in eadem domo non defuit Phariseo, imò forte plus fecit Phariseo, dum illum ex ore suo convicit, ut dixerit, plus existimo diligit, cui plus dimittitur, ut Greg. l. c. factus est, quasi phreneticus funem portans ex quo ligetur. Non est conversus, licet ligatus neque est conversus, propterea. *Unusquisque penset quo debito constringitur, quando illum DEUS expectat, ne contemptus exasperetur.* Subjicit pedibus capillos, sicut victori subjicit victus

victus vexilla, fuerunt capilli arma contra Christum &c. Ungit modò pedes, unget postea totum corpus. O quæ felicitas Magdalenæ! Bern. ferm. de divers. affect. Animæ. *Sunt quidam nolentes peccare, cum jam resipiscere vellent nisi peccati consuetudine miserabiliter obligati justo DEI judicio quo in sordibus sunt sordescant adhuc.* Recipit Christus cum omni amore pœnitentem, nam & Lazarum resuscitatum admisit ad mensam, & ipse facit quod Isai. 21. præcepit Judæis, ut scilicet redeuntibus è captivitate Babylonica obviam irent cum pane & aqua. Petro qui se negaverat, jubet specialiter suam resurrectionem annuntiari de quo Greg. *Vocatur ex nomine ne desperet ex negatione.* Agit sicut cum avicula auceps, quæ è cavea evolavit, Osæ 9. *Ephraim quasi avis evolavit.* Laborat ut rursus capiat, si revertatur non eam castigat. Ezech. 18. *Agite pœnitentiam & non erit vobis iniquitas ad ruinam.* Non erit peccator sicut merces perditæ in mari, sed erit sicut domus ex lapidibus facta, quæ si corruerit, ex iisdem lapidibus rursus reædificabitur. Job. 22. *Si reversus fueris ad Omnipotentem ædificaberis, & longè facies iniquitatem à tabernaculo tuo, dabitque pro terra silicem, pro hoc ædificio ut sit stabilius quam antea. Et pro silice torrentes aureos.* Sunt aliqui qui in desperationem labuntur, dum illud Isai. 6. considerant. *Vade & dices populo huic. Audite audientes, & nolite intelligere, & videre visionem & nolite cognoscere, excæca cor populi hujus, & aures ejus aggravat, & oculos ejus claude, ne forte videat oculis suis, & auribus suis audiat, & corde suo intelligat, & convertatur, & sanem eum. Et dixi, usquequò Domine? & dixit. Donec desolentur civitates absque habitatore, & domus sine homine, & terra relinquatur deserta.* Sed audite quid est ista obduratio, quid excæcatio? *Est prava animi nostri affectio, quâ quis in malo suo proposito obfirmatus, DEO præcipienti ut aliquid fiat, aut eidem corripienti parere non vult.* Ex nobis excæcatio, obduratio, & causæ hujus com-

munitur quatuor ponuntur. Homo non obstans principiis, in peccato permanens, dæmon ad malum instigans, demum ista fieri permittens DEUS, ex his illa excæcatio nascitur. Prov. 18. *Impius cum in profundum peccatorum venerit contemnet.* Ex homine ipsius obcæcatio. Aliqui apud Salazar hunc locum ita legunt *Impius cum in centrum peccatorum venerit contemnet.* Quia res in centro conservatur, quiescit, unitur, sicut lapis si ad centrum terræ deveniret, à centro in nullum latus moveri nisi violentè non posset, ita in peccatore conscientia tumultuatur, jam quiescit, contemnit poenitentiam, poenas inferni, inde sequitur conservatio, quædam vana fiducia, & ut Aug. 8. Confess. 5. *Ex voluntate perversa facta est libido, & dum libidini servitur facta est consuetudo, & dum consuetudini non resistitur facta est necessitas.*

In Festo SS. Petri & Pauli.

Multum nobis boni attulit Petrus, multum Paulus, Petrum dicunt ad se Pontifices spectare, Episcopi, Parochi, Religiosi: Paulus est Doctor omnium. Petrus à Domino obtinuit declarationem præmii, quod manet Religiosos. *Ecce nos reliquimus omnia, centuplum accipietis.* Obtinuit claves Regni cælorum per confessionem Christi Deitatis. *Tu es Filius DEI vivi: Tibi dabo claves regni cælorum.* Dedit societati nostræ Patriarcham, primum miraculum fecit sanando claudum, ut est in Act. & hoc modo plures ad Christum traxit; sanavit S. P. N. Ignatium pedibus Pampelone læsum, & multos in toto orbe convertit. De Paulo Chrysoft. hom. 1. de ejus laud. *Non tres aut quinque urbes, sed orbem univèrsam de diaboli extorsit manu, &c. Et tot propriis mortibus maximam securitatem aliis comparabat, &c. Job domus omni adveniènti aperiebatur, Pauli verò anima univèrso patebat orbi.* Idem hom. 2. de eod. *Paulus Tyrannos ac populos*

populos spirantes furorem velut quosdam culices existimabat: mortem vero & cruciatus, & mille supplicia quasi ludum putabat esse puerorum &c. Tanquam pennatus rotum pervolarvit docendo orbem, & velut corporis expers labores omnes periculaque contempsit. Petrus reliquit nobis pulcherrimum exemplar poenitentiae, negaverat Christum, in domo Caiphæ, respexit eum Christus, & nihil ipsi dixit, at ille ut Bern. in Cant. serm. 57. *Respexit Petrum & non fecit ei verbum, & fortassis ideo flevit ille, quia respiciens se, tacuerat.* Sed etiam tota vitâ flevit quoties galli cantum audivit Joan. 21. quando Christus in mari comparuit Bern. 2. de Consideratione. *Petrus sciens quia Dominus, in mare se misit, & sic venit ad ipsum aliis navigio pervenientibus, quid istud? nempe signum singularis Pontificii Petri, per quod non navem unam ut ceteri quique suam, sed sæculum ipsum suscipit gubernandum, mare enim est sæculum, naves Ecclesiæ, particulares.* Toti mundo suam proponit poenitentiam. Ambr. serm. 46. Dum advertit quod Petrus dum eum in domo Caiphæ Christus respexit, nullum verbum fecerit, sed tantum fleverit, ita commentatur. *Ideo Petrus non utitur sermone quo sefellerat, quo peccaverat, quo fidem amiserat, ne ei non credatur ad confitendum poenitenti, ac per hoc maculam suam causam flere quam dicere & quod voce negaverat, lachrymis confiteri.* Tantus pudor dolori adjunctus. Petrus voluit sursum pedibus crucifigi in tali tamen loco ex quo ferè totam potuit spectare Romam: de Pauli collo resecto lac fluxit, de quo Ambr. serm. 68. *Quæ quidem res in S. Paulo stupenda non est, quid enim mirum si abundat lacte nutritor Ecclesiæ, sicut ipse 1. Cor. 3. lac vobis potum dedi?* Decollatus fuit in eo loco ex quo Romam videre non potuit, lac ergo reliquo: Petrus ad exitum animæ suæ gregem suum spectavit. Quot ornamenta in coelo habet Petrus, quot Paulus? Paulus adhuc in hac vitâ ut de eo Chrysoft. hom. 2. *Decorabatur vinctus carenâ magis quam diademate coro-*

natus &c. in terra graditur. Sic se agebat in cunctis quasi Angelorum societate fruere. Et hom. 7. Paulus catenâ pro torque ornatus vinculisque suis, vulneribus, & verberibus longè splendidior est diademate purpurarum fulgentibus. Et hom. 8. Delectabat quicumque eum propter Evangelium vulnerabat, &c. Non minus plagis suis gaudens quàm aliis triumphis, nec aliter delectatus naufragiis, quàm alter acquisitis solet gaudere thesauris. Si hoc in terris, quid in caelis? fluunt etiam hodie fontes quos caput Pauli amputatum Romæ excussit, & lactis saporem retinent, atque magis gloria Pauli quàm suâ sunt aquâ pleni. Sunt columnæ ibid. quarum uni Petrus alteri Paulus fuerunt alligati, osculis honorantur, catenæ Petri & Pauli tam ex amore mutuo quem inter suo habuerunt, & quem testati inter se osculo dum simul ad mortem educti, sed illam diverso loco subituri, sunt divulsi. Greg. hom. 18. in Ezech. Gal. 2. Cum venisset Petrus Antiochiam in faciem ei restitit, erat reprehensibilis, & simulationi eius consenserunt ceteri Judæi. Videtur hic dissensio, sed hæc dissensio, maximè Petri erga Paulum ostendet amorem. Idem verò Apostolorum primus cum multa discipulos admoneret atque à quibusdam detrabi Pauli scripseris agnosceret, dicit 2. Pet. 2. Sicut charissimus noster Frater Paulus secundum datam sibi sapientiam scripsit vob. Laudat ea scripta, & in illis agnoscit sapientiam cœlestem. Ecce Paulus in epistolis suis scripsit Petrum reprehensibilem, & ecce Petrus in epistolis suis asserit Paulum, in his quæ scripserat admirandum, &c. Non revocat in memoriam quod prior ad Apostolatam vocatus, non quod claves regni cœlestis acceperit, &c. Quis rogo nostrum, si vel extremum aliquod signum fecisset (id est miraculum) à minori fratre increpatum increpationis verba patienter audiret? &c. Pensemus, Paulus Apostolus qui tantum patiens fuit inter persecutores, quantum mansuerus inter discipulos? &c. Dedit Christus in hac vita nomen suum. Ambr. serm. 84. Sicut à Christo Christianus dicitur, ita & à Petra Christo Petrus Apostolus

Aolus vocatur, Petra autem erat Christus. Dedit Paulo, quia ex Saulo vocavit Paulus. Quæ in cœlo dedit nomina ubi dat cuique nomen novum, ut est in Apoc.

In Festo S. Jacobi Apostoli.

MOS erat apud Judæos in conviviiis, ut non se cogere ad æquales, sed cuique calix apponeretur tantus, quantum illi suffecturum putabat Architriclinus, hinc proverbium enatum de calice. Calix hic à DEO diversus datus diversis. Greg. lib. 12. epist. 61. ad Mauritium Imp. qui prohibuerat ne milites fierent Monachi, sic ait. *Plerique sunt qui nisi omnia reliquerint, salvari apud DEUM nullatenus possunt.* Aliis calix alterius status, alia vocatio offertur: hic finis noster ad quem actus nostros dirigere debemus; salus nostra, quam consequemur: per calicem nostrum non alienum. Basil. Selev. hom. 24. de legendis libris Gentil. *Finem respice & ejus gratiâ cuncta facere, proprium nisi brutis æquiparari velis, oportet.* Si hunc calicem biberis, dabit DEUS necessaria, ut illi satisfacias. *Elegerunt Stephanum, &c.* Accepit hunc calicem, *faciebat prodigia, &c.* Oecumenius. *Qui ante electionem non faciebat prodigia, ut qui antè nec satis cognitus erat, ubi per electionem effectus est, tum enim donum quod electionem consecutum est, demonstrabatur.* Econtra alii dum novum calicem sumunt, ad quem DEUS vocat, in multa incidunt mala. Accidit enim sæpè quod illis duobus, quorum unus erat sapiens alter stultus dum ibant peregrè, inciderunt in bivium, una via fuit aspera, altera suavissima, volebat sapiens per asperam ire, dissuasit illi stultus, secutus sapiens stultum, inciderunt ambo in latrones, qui jam à Judice quærebantur: capti latrones, & illi: Judex omnes supplicio jubet affici, excusat se sapiens dicendo, iste me stultus decepit, tantò magis meritis es mor-

tem quia cum sis sapiens stultum es secutus, ita fit, carnem stultam sequimur, & perimus, atque etiam ipsa temporalia amittimus. Laur. Justinian. de Agone cap. 7. *Facile quisque quod acquisivit amittit, si non vocatus se inconsulte exponat.* Ad quam sublimem statum Dominus vocavit Jacobum cum illi eundem calicem quem ipse bibiturus erat, dedit, & quomodo illum Jacobus ebudit, &c.

In Festo S. Annæ.

Eodem modo DEUS mundum reparavit, ac creavit. Initio mundi creavit DEUS cœlum & terram, initio reparationis Joachim & Annam. Ille cœlum, Philip. 3. *Nostra conversatio est in cœlis.* Anna licet non minus sancta, terra est, de qua egressa est Virga de radice Jesse. Terra erat vacua & inanis, Anna sterilis. Tenebræ fuerant super faciem abyssi, utriusque tristitia. Spiritus Domini ferebatur super aquas: ad lacrymas utriusque missus Gabriel qui illos consolatus. Dixit DEUS, fiat lux. Nascatur Filia in qua non erunt tenebræ peccati. Vidit DEUS lucem quod esset bona, B. Virgo bona est omnibus.

In Festo S. Ignatii S. JESU

Sicut Benjamin inter Fratres minimus fuit, ita Religio fundata à S. Ignatio minimam se appellat. Benjamin natus inter maximos dolores Matris, Societas inter maximam Ecclesiæ afflictionem quam passa propter hæreses. In Benjamin sacco absconditus calix ex quo solebat augurari Joseph. Figura Christi fuit Joseph, hic in Societate abscondit suum calicem, ut non pateat aliis licet sit. Sed tamen ille est calix ex quo Joseph augurari

gurari solebat. Videmus quid Ignatio, quid ejus societati sit auguratus hic Joseph, scilicet Christus.

Auguratus imprimis Sancto profundissimam humilitatem. Unde Sanctus audacter dicebat. A nullo sibi minus vitio timere quàm à vanitate, interea tamen tam attentus fuit ne quid in ejus laudem redundaret, ut dum ejus Confessarius coram aliis aliqua de illo gloriosa dixisset, non amplius illius operâ usus. Confessarius ille optabat ut saltem unâ horâ superviveret S. Ignatio; qui de illo posset admiranda quædam dicere, favet DEUS Ignatio quia citius ille Confessarius mortuus. Plane agebat Sanctus ut S. Paulus, certus hic fuit de sua prædestinatione, tamen *Castigo corpus meum*, &c. Cerrus Sanctus de humilitate, tamen omnia abscondebat. Antequam fundaret societatem ostendebat suas virtutes in mortificationibus, cùm eam fundavit, abscondit, si certus de suâ humilitate, ergo felicior quàm David qui numerando populum lapsus in superbiam. Excusat Davidem Ambr. *Quid miramur semel lapsum & eo peccato quo Angeli lapsi?* Igitur Angelis firmior Ignatius, superbiunt multi ut Nabuchodonosor. Nonne hæc est Babilon. quam feci? nonne hoc meum opus, &c. Omnis lapsus origo superbia, quòd aliquis deveniat ut sit veluti bestia in moribus, ex superbia est, ut patet in Nabuchod. Unde ira? ex superbia, cur me iste contempsit?

Societati id auguratus. *Nomen meum erit in te*, cùm quis admittitur in familiam nobilem ut eo nomine possit gaudere, etiã gaudet viribus. Hinc revelavit S. Teresiiæ & S. Francisco Borgiæ non damnandos eos qui in Societate morerentur. 2. Revelavit S. Magdalena de Pazzis quòd eo tempore nulla religio fuerit sanctor. 3. Revelavit Cordubæ cuidam Moniali quæ vidit cujusdam & Societate Fratris animam in coelum duci ab Angelis, & Christum illi euntem obviam, quòd taliter finguli

singuli qui in Societate moriuntur in coelum inducantur. 4. P. Henricus Garnettus in Anglia pro fide occisus, vidit quod B. Virgo totam Societatem suo pallio protegeret. 5. Landulfus Carthus. & Hugo Victoria qui vixerunt ante Societatem, afferunt omnes, ut in terra à Christi Christianos, ita in coelo à JESU dicendos Jesuitas, & quod in coelo nomen novum ceteri expectant, jam Societas habet in terra. 6. Quod quem calicem bibit Societas, eundem sibi porrigi ab hominibus Christus censebit. Dum è carcere Romano abiret Petrus, occurrit illi Christus, suam reputavit. Dum S. Ignatius iret Romam, apparuit illi Christus spinis coronatus, crucem portans, & dixit. Romæ vobis propitius ero. Ait Ambr. Orat. ad Auxentium, ubi supra citatum de S. Petro historiam adduxit. *Christus non poterat iterum crucifigi, intellexit ergo Petrus quod iterum Christus esset Crucifigendus in servulo. Nam si illius cibus erat ut faceret voluntatem Parris, idem cibus illius est ut nostris passionibus epuletur.* S. Ignatius hoc ipsum intellexit de afflictionibus quas erat passurus, sed in eo Christus patitur. 7. Quando DEUS S. Paulum vocavit in Societatem Filii sui, ut ipse loquitur, dixit de eo. *Hic portabit nomen meum coram Gentibus & Regibus, &c.* Bellum susceperat David contra Amalecitas, dum eos prosequitur invenit quendam Ægyptium infirmum, & illo ductore vicit hostes. Christus Ægyptium Ignatium, Ægyptios vocat S. Antonius & alii mundanos, reperit infirmum ex vulnere in arce Pampelonensi, eo ductore debellat mundum. Et istæ sunt stellæ. 7. in manu Christi, ut est in Apoc. & istæ dum post mortem corpus S. Ignatii transferretur visæ sunt tumbam prosequi. Occurrunt nobis monstra ut Goliath, difficultates, meminerimus nomen Domini esse nobiscum. Puer David in nomine Domini dejecit Goliath. Christiani sumus, in nomine JESU superavit Ignatius difficultates. Videntur quædam nostras vires

vires superare, sed solem stetit Josue sive JESUS. Basil. hom. de transfigar. *Sol stetit ob reverentiam tanti nominis*, solâ Musicâ Josue dejecit Muros Jerichontis, & hoc est in nomine JESU agere. Alterum est pro JESU pati. Josue non vocabatur JESUS, sed filius Osee, donec Deut. 18. Jussu Moysis fuisset cum Amalecitis pugna congressus, in quod Origen. *Hic primò audio nomen JESU ubi magna oportet facere*. Sed & agendum & pauca dum in JESU, hoc est, in ejus gratia propter JESUM, non nostram gloriam quærendo. Cùm aliquid facturi sumus, cogitemus an nos hoc JESUS facere juberet? inebriari, &c. juberetne? Sancti eligebant sibi aliquod symbolum, quod veluti nautæ in mari Cynosurram respiciebant. S. Franciscus Seraphicus, *Noverim me, noverim te*. S. Franc. Xav. *DEUS meus & omnia*, &c. Ego suaferim eligatis. *Itane JESUS egit?* hoc S. Ignatius habuit, nam in ejus vita scribitur. *Si duo æque gloriam DEI respiciunt, &c. Eligerem illud in qua plus est contemptus, ut similis JESU fierem*. Hic jam moderemini, hic me sprevit, hic contumeliâ affecit, &c. Itane JESUS egit cùm illi similia contigerunt,

De Eodem.

EX tribus solent æstimare sanctitatem alicujus, ex mortificatione sui tam quoad interna quàm quoad externa: ex donis DEI & miraculis: ex magnis laboribus pro DEI gloria. Hæc omnia in S. Ignatio abundè fuissè ostendo. In primis quoad mortificationem corporis, præstitit id quod præstare potest homo, jejunavit 4. 6. aut etiam octo diebus continuis nullum sumendo cibum aut potum, jejunavit toto anno in solo pane, aquâ, præter dies Dominicos, quibus aliquid herbæ cinere conditæ addebat, pro cingulo usus spinis, pro lecto

K

lapide

lapide, præter spinas cingebat se catenâ ferreâ aculeatâ, & alteram similem ad flagellandum corpus suum quotidie adhibebat, quinque peregrinationes longas obivit ad sepulchrum Christi, Romam, Composiellam, ad montem Serratum, &c. Oratio de genu quotidie horis septem. Dimisit aliquid ex voluntate DEI de isto rigore qui magis Eremitæ convenit, quàm illi statui, ad quem DEUS Ignatium vocabat. Quia ut Greg. lib. 4. in 1. Reg. 3. *Qui magna carnaliter exhibet, affectum charitatis non curat.* Retinuit tamen ex his mortificationibus tantum quantum status hic novus admittebat. Et nunquam aliquid de internis quæ sunt multò difficilliores dimisit, imò illas vehementer auxit. Magna hæc fuerunt quæ circum corpus egit, magnum erat nato in Domo illustri, educato in aula Regia, animi magnitudine pleno, indui sacco, & ita mundo comparere: sed majus id erat fecisse tunc quando maximè cavillis patebat, id est, post amissam Pampelonam, virum militiæ clarum inter pueros in Schola & templo confidere, Magistri arbitrio subjici, ostiatim mendicare victum, &c. Sed hæc condiebant solatia interna, ergo & istis se abdicat. Pro magno Ecclesia reputat quod sine hls solatiis S. Tereffia & S. Rosa Limana per annos plures DEO servierint ferventes: & Ignatius illa veluti tentationes ultrò à se removebat dum studeret, & amplius progressus, malebat incertus beatitudinis vivere ferviendo gloriæ DEI & proximorum saluti, quàm certus ejusdem statim mori.

Veniamus ad bona illi à DEO collata statim initiò Principem Apostolorum DEUS ad Ignatium mittit ut illum sanet. Venit B. Virgo & tollit omnem libidinis sensum, quod nec Hieronymus inter eremum, nec Sanctissimi multi viri post multos labores habuerunt, unde se aliqui igne, urticis, &c. conficiebant, ut eum obtunderent. Dicit eadem B. Virgo
homini

homini tunc illiterato libellum Exercitiorum, & docet ejus usum, dicitat deinde Regulas. DEUS Pater Filio Ignatium recommendat, Spiritus S. tanquam in Apostolum in igne descendit. In raptu ut Paulum, sed octiduanò, mysteria altissima edocet adeò clarè, ut si deinceps sacræ literæ non extarent, si orbis à fide vera deficeret, adhuc ex iis quæ illi Dominus perfecerat, solidus in fide permaneret. Christus illum quadragesies minimum visitat. Globus igneus supra caput Missam celebrantis sæpius conspicitur, vultum ejus cœlesti luce radiantem S. Philippus Neriùs aliique conspexere. Simul comparet Romæ & Coloniae, in dæmones exercet mirum imperium, quod ipsum imagines hæctenus faciunt, quod ipsum etiã aqua quæ vocatur Ignatiana. Mortuos excitat, aridos sanat, obstinatum Judæum illo verbo convertit, *mane nobiscum Isaac*. Dum ad funus deducitur, stellæ in aëre proximò comitantur. O quanta habuissèmus de Ignatio, si Confessarius ejus cui sua revelavit, aliquamdiu illi supervixisset, qui de illo se admiranda dicturum promittebat? certum est ex ipsius sancti ore quòd plura & majora DEUS illi fuerit largitus, quàm in omnium sanctorum vitis ad nos pervenerint. Infans ejus festum postridie primò futurum miraculosè Calari prædicit. Quærite quæ in Sicilia dum ex imaginis ejus chartaceæ digito sanguis fluxit, quæ in Germania circa puerperas, quæ alibi circa ignes, morbos &c. operatus.

Venio ad labores ejus pro DEO & Ecclesia. Totum mundum statim agresus, Hæresi Ethnicæque superstitioni bellum indixit, & successit continuatum, &c. Mores Catholicorum restauravit, adeò ut Baronius Societatem ab eo institutam vocaverit Anartarim, id est, resurrectionem. *Ab ipso Sacramentorum frequentia*, &c. Omnem statum ad virtutem provexit, ex ejus exercitiis S. Carolus Borromæus profecit, ejus doctrinæ S.

nã S. Philippus Neriſus ſuam adſcripſit ſublimem contempla-
 tionem. Illius filiis ſe aſſeruit multum debere S. Tereſſia & S.
 Magdalena de Pazzis. Illi totum tribuit S. Franciſcus Xaver.
 & S. Franc. Borgia. B. Stanisl. Koſtka, B. Aloyſius, &c. Illi
 curã damnati ad mortem, ægroti in noſocomiis, &c. Com-
 plexus ſuo labore omnem locum, carceres, triremes tem-
 pla, pagos, &c. Europam &c. Germaniam &c. Omnem
 modum, confeſſiones ſãcras, libros, Conciones, cathechefes,
 Scholas, in quibus cum docentur literæ, pietas inſtillatur, Miſ-
 ſiones, &c. Omne tempus, dum nos dormimus, in aliõ orbe
 fiunt Miſſæ, &c. Per omnes ſuos, nam laborant Chericici in
 Scholis & catechiſmis; Coadjutores temporales orant pro
 ſucceſſu aliorum laborantium. Statim è primis ſociis, S. Franc.
 Xaver. regna integra convertit. Simon Rodriquez ita ſtre-
 nuè in Luſitania rem egit, ut ab eo tempore ibidem Apoſtoli
 vocemur, & illi, ſi humanæ fides hiſtoriam, gratia miraculorum
 adſcribitur, Jacob Laynez in Concilio Tridentino tantam
 oſtendit ſapientiam, ut illo ægrotante Concilium vacaverit,
 & alias columba ſupra caput ejus intra Miſſam dicitur viſa. Pe-
 trum Fabrum poſt mortem quidam inter Seraphinos conſpex-
 erunt. Nicol. Bobadilla tam gravis fuit hæreticis ut eum publico
 decreto vitandum conſtituerint, Broëtus ſuſtinuit Nuncii Apo-
 ſtolici in Hibernia perſonam. Codurii animam ipſe S. Ignatius
 vidit in cœlum ab Angelis deferri; pares iſtis & reliqui duo, Clau-
 dius ſpretis Infulis, &c. Succeſſerunt hiſ tot in India & Anglia &
 alibi qui uſq; ad profuſionem ſanguinis laborarunt, & alii etiam
 inter pericula apud Barbaros & Hæreticos laborant. Quare S.
 Ignatium vocabat Marcellus 2. Pontif. inſtrumentum DEI velo-
 citer operantis. Urb. 8. Atlantem Eccleſiæ, ſed & ipſe Chriſtus ut
 ſcribit Andr. Lucen. cuidam Eremitæ qui dum videret à Sancto
 acceptari pro Collegiis reditus, &c. Proptereaque illum contem-
 peret, dixit. *Quem tu contempnis eſt mihi vas electionis ad ſalutem
 multorum.*

multorum plenum Apostolico spiritu. Et hinc fervire potest illud scripturæ. *Non contemnendum putes, est nomen meum in illo, & illud. Ecce servus meus nomine meo vocavi eum.* Quia ipsemet Christus nomen suum imposuit ejus Religionis nomen quod continet in se magna, neque ullum nomen quod à DEO imponitur, diffidet à rebus. Quærit S. Bern. serm. i. de Circumc. cur aliquod nomen ex iis quæ prædixit Isai. non sit Christo impostum. *Vocabitur nomen ejus, Admirabilis, Consiliarius, Princeps pacis, Pater futuri sæculi, &c.* Ubi est nomen JESU? respondet. *Forse in his omnibus unum illud invenies sed expressum quodammodo.* Admirabilis Societas, &c. Sed illud quomodo intelligemus? Datum nomen JESU in circumcissione, at Paulus dicit. *Humiliavit semetipsum factus, &c propter quod illi dedit nomen, &c.* Uti que dedit ante crucem, sed per crucem illud meruit. Dum affligitur Societas tum in illa maximè ostenditur nomen istud, tum illi maximè propitius JESUS. Jam si nomen suum dedit, etiam sui nominis privilegia dedit sicut & homines qui in suum nomen adoptant. Revelatum S. Tereffiæ & S. Fr. Borgiæ nullum damnandum qui in Societate moritur, & hoc ipsum confirmat quod Christus dixit S. Joannæ. *Mea est Societas ipse ego illam in corde meo gero, & nullum in ea patiar cum gravibus defectibus, sed subito eum ab illa dimitti faciam.* Sub pallio B. Virginis parvus JESUS sæpè fuit, sub pallio ejusdem Virginis vidit Societatem Henricus Garnettus. Sanctitas mira in nomine JESU. S. Tereffiæ & Magdalenæ de Pazz ostendit sanctitatem Societatis magnam DEUS. JESU ministrarunt Angeli, vidit Monialis Cordubensis animam quandam ab Angelis deferri ad coelum cum Christi oecursu, petit quale id festum ageretur in cœlo? responsum cujusdam è Societate Fratris animam deferri & honorem fieri similem omnibus qui in Societate moriuntur. Nomen JESU qui maledicit est maledictus. B. Josaphat M. Archiep. Polocen. Græci ritus, dicebat,

esse signum certum reprobationis æternæ hanc Societatem persequi, & in illam eos confurgere, qui vel sunt Hæretici saltem occulti, vel in carne merfi. Abrumpo & claudio verbis Leonis de Passione Dom. ferm. 10. *Non potest deficere quod dicam, quia non potest satis esse quod dicitur.*

De Eodem.

Quasi triumphum de toto orbe facturum Christus lumina per totum accendit, cum ait ad Apostolos, *vos estis lux mundi.* Agnovit Card. Paleottus S. Ignatium tale lumen, dum vocat *Lumen Ecclesiæ.* Quam tantopere illustravit, ut dixerit. Laur. de Zamora S. Ord. Cisterc. esse illi plus obligatam, quam omnibus (saltem eo tempore) in toto mundo, & addit, merito dixisse quendam in Hispania Præsidentem, debere cum simili vexillo statui hunc Sanctum, atque statuitur S. Dominicus & Franciscus. Contemplemur hoc aliud lumen post Sanctos Apostolos.

Lumen Ignatii diffusum est imprimis per totum orbem. Congreg. Cardin. in literis ejus beatificationis ita & de Religione S. Ignatii loquitur. *Quæ non sine maxima Reipub. Christianæ utilitate per universum orbem diffusa ac dilatata est.* Utilitatem videbimus, si audierimus rationem cur potius cum S. Dominico & S. Francisco ponam Ignatium, quam cum aliis SS. Patriarchis. Legitur in Chron. Francisc. quod DEUS tres lanceas paraverat in ruinam mundi, & quod per S. Dominicum & Franciscum sit placatus, & duas quasi lanceas quasi extorserunt, tertia supererat, hanc S. Ignatius sistit, ita dicitur Zamora Sanctuarii tom. 2. lib. 6. disc. 51. Quare simile ac illis Sanctis dandum est vexillum Ignatio, & si illorum lux in totum se extendit orbem, etiam istius. Sed jam lumen ipsum vide-

videamus. Lumen est purissimum, quia est Divinum, DEUS nullam in se mixturam patitur, nihil habet caro in Ignatio, cujus stimulus omnis miraculose sublatus. *Scimus quia cum apparuerit similes ei erimus, quia videbimus eum sicuti est.* Visio clara DEI, quâ nunc fruitur Ignatius facit DEO similem, sed ad visionem quæ dispositio? *Omnis qui habet hanc spem sanctificat se.* Aug. legit, *castificat se.* Castitati succedit similitudo cum DEO, DEUS altior est rebus temporalibus; omnia sprevit Ignatius, etiam vestes mendico tradidit, gladium templo. DEUS in sui contemplatione est totus; Ignatius in DEI. In ore ejus semper major DEI gloria, optabat semper DEI gloriam crescere, suam semper decrescere, cognitionem Divinam sequitur amor, qui cognoscit Ignatium accenditur DEI amore. Anno 1553. Joannes III. Rex Portugalliæ mittendo Aloysium Gonzalez inter cætera præcepit illi, ut omnes Ignatii actiones exactè observaret. Redux Aloysius dixit Regi, se id fecisse, & nullâ oratione, aut lectione spiritali se ita fuisse ad amorem DEI inflammatum, ut observatione Ignatii. *Sicut adamantem & silicem dedi faciem tuam.* Lucet adamas non percussus, flex non nisi percussus emittit scintillas. Aloysius vidit ut adamantem, sed alii ut silicem. Apud Hispanos Aliolæ projectus in compedes, Salmanticae in compedes, ab Hispaniæ militibus pessime habitus veluti explorator, Barcellonæ mille fustes sustinuit, sed omnes amore DEI incendit, secuta in omnibus morum emendatio apud eosdem ipse gloriosus factus. DEUS suam semper facit voluntatem, Ignatius DEI, paratus ad omnia quæ vult DEUS, sive in mortem sive in vitam, vult DEUS ut temperet poenitentiam, vestes assumat meliores, facit; vult ut contemnat dignitates, &c. Facit DEUS omnia ad suam gloriam, fecit Ignatius omnia ad DEI.

Jam videamus quantoperè Ignatius illuminaverit mundum.

dum. Aug. lib. de catech. rudium. *Opus est ut non solum sanctus personaliter existat, sed etiam alios illuminando, causa sanctitatis sit.* Et hæc præstatur magis operibus quàm verbis. *Ut videant opera vestra bona, & glorificent Patrem vestrum qui in cælis est.* Hoc fecisse Ignatium testatur bulla ejus beatificationis. *Ignatius multis & eximiiis virtutum & gratiarum, & miraculorum donis illustratus fuit.* Plenus Stephanus gratiâ, plenus Ignatius virtute. Et in omni eminens, in paupertate, obedientia, &c. Plenus gratiâ ut illi S. Franc. Xaverius non nisi flexis genibus scriberet. Miracula plurima. His illustravit inprimis suam Religionem, ad quam fundandam ut dicit Greg. XIII. fuit à Spiritu S. inspiratus: quare Surius illum vocat Sanctissimum. Genebrardus illum dicit à DEO missum contra Luciferum, Sanderus, *Virum DEI, & à DEO motum ad opus quod fecit.* Elias vocabatur vir DEI, Contra Luciferum missus Archangelus. A DEO motus ad opus, ut Moyse ad fabricationem tabernaculi. Bozius vocat, *Virum clarissimum sanctitate vitæ.* Doctor Pavia Portugallus vocat *Illustre exemplar sanctitatis, virum admirabilem, particulari cæli beneficio datum mundo.* Ita lucebat operibus suis, &c.

In Festo Portiunculæ.

CHristus verus Pontifex noster, sæpe etiam post suam mortem circa nos munia sui Pontificatus exercuit, non semel de cælo descendit ad templorum consecrationem. Non semel Sacrum Pontificaliter celebravit, &c. Hodie distribuit indulgentias, in templo suæ Matris, quæ hic loca ideò dicta Angelica, quod ibidem cantus Angelorum audirentur; dicta de Portiuncula quia ibi Dominum in portionem suam assumpsit S. Franciscus. Non dubium quin Christus in hoc loco dando

dando indulgentias convenientissime in hoc egerit, has convenientias inspiciamus.

S. Franciscus ad reparandam missus Ecclesiam, reparabat prædicando poenitentiam. Sed licet poeniteat peccatorem & culpa illi dimittatur ob quam poenam meretur æternam, adhuc manent sustinendæ poenæ temporales. Dimissa est Moyfi incredulitas, tamen in poenam non intravit terram promissionis, &c. Duo enim sunt in peccato, Aversio à summo bono, & hæc si non sit dimissa punitur in æternum: & ad conversio ad bonum creatum. De hac Aug. in epist. ad Rom. prop. 42. *Unusquisque peccando, animam suam diabolo vendit, acceptâ tanquam precio dulcedine voluptatis temporalis.* Ita fit nobiscum ut si quis furetur magnam pecuniam Principi propter quod meretur mortem flet, orat veniam, dimittit illi Princeps mortem, sed minorem tamen statuit poenam. Franciscus in toto orbem voluit reparare, fuit verò mansuetissimus, ejus sunt verba in Manuali Francisc. *Postquam corrigere & emendare non possum prædicatione, admonitione, & exemplo: nolo carnifex fieri ad puniendum & flagellandum sicut potestas hujus sæculi.* Voluit etiam hæc debita temporalia exolvi, favit illi in hoc Christus, & in domo illa instituit indulgentiam plenariam, quam Pontifices ad omnia templa sui Ordinis extenderunt. Factum id in templo B. Virginis, quia per illam nobis dona sua largitur Christus, &c.

In Festo S. Dominici.

DE hoc sancto dicit Reginaldus. *Hic est qui in Adam non peccavit.* Aug. ferm. de quinque panibus. *Si quis habuerit charitatem tantam, ut paratus sit mori pro Fratribus, in eo charitas perfecta est.* S. Dominicus voluit vendi pro filio viduæ, libros Palentiæ vendidit ut fame laborantibus succurreret. Coram

Innocentio Papâ cum diceret in Concione admiranda, quæfitus unde ea haberet? respondit, ex libello charitatis. Ad illius Religionem B. Virgo misit Reginaldum de statu vitæ deliberantem, & ipsa illi dedit vestes religiosas. Alex Papa IV. *Hi sunt viri probati in lege Domini, Fratres Ordinis Divi Dominici, efficaces quidem in opere, atque potentes in sermone, quia ubique ipsorum ora insonant per totum mundum velut tubæ, & in omnem terram exivit sonus prædicationis eorum, & usque in fines orbis terre salutifera verba sonant.* Cùm S. Dominicus ascenderet in cœlum, Christus & B. Virgo tenebant scalas, quod vidit Gualla Episc. Brixien. Abbas Joachim in templo S. Marci longè antea curavit depingi S. Dominicum. Constantinopoli in S. Sophiæ templo penes S. Paulum; multò etiam antè depictus in habitu hujus Ordinis vir cum inscriptione Græca, *vocor Dominicus.* Hæc ex Bareleta Ord. Prædic.

In Assumptione B. M. Virg.

Abscondebat totâ vitâ suâ B. Virgo dona DEI in se collata, & suas virtutes. Prima votum fecit Virginitatis. Aug. lib. de S. Virginit. c. 4. *Annuntianti Angelo Maria respondit, quomodo fiet istud quoniam virum non cognosco? quod profectò non diceret, nisi se priùs virginem DEO vovisset.* Abdias in vita S. Bartholomæi. *Hæc Virgo cùm execraretur omnem virum, servandæ virginitatis votum cùm à nullo homine nec verbo didicisset, neque exemplo ad imitationem fuisset invitata, prima DEO obculit, nulla enim hoc votum DEO obrulerat.* Sed clariùs Beda hom. de Annunt. *Virgini Divino munere collatum est, ut prima inter fœminas DEO virginitatis munus offerret.* Parentes habuit divites ut S. German. in encom. S. Virginis, qui, ut Hieron. de ortu Virginis, in tres partes sua bona diviserunt, templo, pauperibus, sibi
ipsis

ipsis, hæc omnia B. Virgo distribuit. Apud S. Birgit. Revel. lib. 1. cap. 10. dicit ipsa. *Omnia quæ habere potui indigentibus distribui, & à principio voti in corde meo, nihil unquam possidere in mundo.* Et lib. 7. cap. 52. *De divitiis ego & Joseph nihil reservavimus nobis, nisi necessaria vite ad honorem DEI, reliqua dimisimus ad honorem DEI.* Magi obtulerant pretiosa munera, quid de illis fecit S. Virgo? Bonav. de vita Christi cap. 9. *Zelans virgo pro paupertate, & intelligens Filii voluntatem, tam intus docentis quam foris ostendentis, totum intra paucos dies pauperibus erogavit.* Habuit tamen omnia quæ ad viam honestam necessaria. In purificatione stetit inter conjugatas, & inde existimabatur non esse Virgo, obtulit par turturum tanquam egentissima. Rupert. in Cant. 2. *Cuncta virtutes, omnes gratia, cuncta dona, quæ Virginem Mariam exornabant, humilitati ejus tributum pendebant.* Hoc ipsum fecit in Assumptione, cum est mortua, unde aliqui eam argumentantur in peccato conceptam, quia ex peccato originali mors profluxit, sed neque Christus originale habuit, tamen mortuus est. Duplex est causa mortis nostræ. 1. Natura nostra, quia constamus contrariis, calore & frigore, humiditate & siccitate, hæc continuò in se agunt, & tandem aliqua prævalent, & turbatur hominis temperamentum, & sic anima abit, contra hoc malum, ante originale peccatum, ut docet S. Th. 1. p. q. 97. a. 1. & 3. *Inerat animæ vis quædam supernaturaliter Divinitus data, per quam corpus ab omni qualitate poterat preservare, quamdiu ipsa DEO subjecta mansisset.* Altera causa mortis, peccatum, *Mors per peccatum intravit.* Peccante Adamo, & arbor vitæ ablata quæ valebat ad instauranda corpora, & vis illa animæ. B. Virgo hanc vim debuisset habere, sed noluit sicut & ejus Filius, cæteris tamen effectibus peccati originalis caruit, quales sunt, corpus reverti in terram, dolores in partu sentire, morbos pati, &c. Aug. serm. 4. de Assumpt. *Pucredo & vermis*

humane opprobrium est conditionis, à quo opprobrio cum JESUS sit alienus, natura Mariae excipitur, quam JESUS de illa sumpsisse probatur, caro enim JESU caro est Matris. Petr. Blesen. serm. 2. de Assumpt. Maria à communi viri & mulieris maledictione facta est immunis, quâ dicitur, in cinerem ibis. Idem docet S. Cypr. serm. de Nativ. Christi. Non sustinebat justitia ut illud vas electionis communibus lasaretur injuriis, quod plurimum à ceteris non naturâ differens communicabat, sed culpâ. Sed & mors ipsa in B. Virgine multum differebat à nostra. Damasc. de dormit. B. V. c. 22. Postquam dolorem sensisset, peperit, absque dolore fuit ejus quoque ex hac vita excessus. Apud nos dolor est causa mortis apud illam amor Alb. in Mariali. B. Virgo sine dolore præ amore mortua est. Idem adstruit de laud. Virg. Dionys. Carthus. à. 3. idem S. Birgitta 6. Revel. 62. Vide plura in mea Prophetissa. Et quod mortua est factum est quasi per miraculum unde Richard. Victorin. lib. 2. de Emmanuele cap. 28. Quæ causa est quæve justitia, ut remaneret in Maria pena, ubi nulla est culpa? Nam ut Damasc. l. c. orat. 2. Ex qua omnibus vera vita manavit, quomodo illa mortem gustaret? & rursus. Hanc, quæ sine dolore aliquo peperit, ac DEO se totum consecravit, quonam modo mors devoraret? His consideratis Salazar infert, mortem B. Virgini ad meritum datam, ut moriendo mereretur. Nam ut Aug. ex illo. Spectaculum facti sumus DEO & Angelis, deducit. Angeli invident quod pro Christo mori non possunt uti Martyres. Mors enim est meritorum ferax si illâ uti noverimus & dicere velimus. Accepto mortem, quia DEUS mori jubet, & est summæ obedientiæ actus ad imitationem Christi, Factus obediens usque ad mortem. Accepto mortem in poenam peccatorum meorum, ut Reus, & est actus justitiæ. Accepto mortem ne peccem amplius, & est actus Contritionis. Accepto ut DEO meo fruam, & est actus Amoris. Accepto ut tester hunc articulum fidei esse verum, hanc virtutem DEO gratam, &

& est Martyrium, Hinc sancti appetebant mortem, Paulus, *Cupio dissolvi*. S. Soter quæ semper vultum habuit velatum, cum esset palmis cædenda, illum detexit, de quo S. Ambr. exhortat. ad Virgines. *Vultum aperuit soli invelata martyrio, & volens injuria occurrit, vultum offerens, ut ibi fuerat sacrificium martyris ubi esset testamentum pudoris*. Chrysoft. hom. 67. ad pop. *Si Religionis tuba vocet, statim progredere, & animam parvipende, &c.* Tantâ ergo promptitudine proprium effundamus cruorem quantâ quis aquam effunderet, nam & aqua sanguis est corpus irrigans, & tantâ facilitate carnem exuamus quantâ vestimentum. Cùm denuntiaretur mors Cardin. Bellarmino ter in hæc verba prorupit. *O letum nuntium!* Cùm Joanni Fischero Episc. Rosen. qui jussu Henrici Regis Angliæ securi erat pro fide decollandus, solennes accepit vestes & dixit. *Nonne hæc est dies nuptiarum mearum, ut eam honorem majori cultu opus est?* Si tanti est mors quàm alias debet homo subire quanti B. Virginis quàm subire non debuit? & quia plus meretur qui in Majore DEI est gratia, B. Virgo cùm fuerit in majore quàm ullus post Christum, quantum per illum meruit? Quid non DEUS Abrahamo dedit, quia suum obtulit Isaacum, quid non Virgini quia suam vitam?

NB. De Eadem assumptione reperitur, ubi erratum est, in Ascensione Domini. fol. 48.

In Festo S. Hyacinthi.

Quod S. Bern. serm. i. dixit in die S. Andreæ optimè convenit S. Hiacynto. *Fluvius est Prædicatorum ordo, non in eodem permanens loco, sed extendens se & currens, ut diversas irriget terras*. In hoc brevi elogio comprehensa sunt omnia Sancti.

Fluviū non definit currere donec in mare influat, ita hujus Sancti nota devotio in B. Virginem. Fluvius nulli terræ adhæret, ille omnia contempsit, S. Nilus in Ascet. *Si quid enim retinetur, id cogitationem ad se assidue trahit, & à præstantioribus studiis animum avertit, ad extremumque etiam penitus abrumpit à fraternitate.* Fluvius semper à suo fonte abit, fumus ex muliere, ab hoc fonte qui vult caste vivere, debet se elongare, &c. Diversas terras irrigat, &c.

De Eodem.

QUOD S. Hiacynthus expectaverit juxta præscriptum hujus Evangelii Dominum, nulli potest esse dubium, præcinxit lumbos quia virgo, Greg. hom. 13. in Evang. *Lumbos præcingimus cum carnis luxuriam per continentiam coarctamus.* Habuit lucernam ardentem in manu, ardebat versus DEUM amore, versus proximum exemplo. Erat expectans, continuo prospiciens per orationes, mortificationes, tandem illum Dominus super omnia bona sua constituit, pauca ex illis accipio ad considerandum.

Omnia quæ in mundo sunt, hujus Domini bona sunt. *Domini est terra & plenitudo ejus.* Itaque Sancto dedit terram, hinc ab ea pellit pestes, morbos, dedit aquam, incescit pedibus per fluvium Vandalum prope Vissogradum, socios etiam in pallio vexit, &c. Sed non sola hæc visibilia habet hic Dominus, habet quasdam dignitates spirituales, & supra has sanctum etiam constituit. Prima dignitas est esse prophetam, Matth. 11. dicitur de S. Joanne Bapt. *Inter natos non surrexit major Joanne Baptista, & alibi. Hic est plusquam Propheta.* S. Th. quærit unde ista eminentia colligi possit, & respondet, ex specialibus favoribus quos DEUS S. Joanni præstitit. Quia fecit illum suum præ-

præcurforem, quia ab illo voluit monstrari digito quia à B. Virgine in utero visitatus, inde *plus quam Propheta*. Et S. Hiacynthus visitatus, quando illi dixit B. Virgo, *Exaudita est oratio tua*. Baptistavit Joannes Christum, & Sanctus nomen illius propalavit prædicando, juxta illud. *Narrabo nomen tuum Fratribus meis*. Et prædicationem suam adeò miraculis confirmavit, ut eum Bzovius vocaverit thaumaturgum, quomodo & Christus suas prædicationes confirmabat Isai 35. *DEUS noster veniet, tunc aperientur oculi cæcorum, aures surdis patebunt, tunc saliet sicut cervus claudus*. Quæ tam clarè probabant quòd verè se asseruerit DEUM, ut Nicodemus Joan. 3. dixerit. *Nemo potest hæc signa facere quæ tu facis*. Hoc ipsum considerando Richard. lib. 1. de Trinit. cap. 2. ita Christum alloquitur. *Domine, si error est, à te decepti sumus, quod est impossibile, nam tantis signis confirmata sunt*. Quod ipsum prævidens in spiritu David. *Testimonia tua credibilia facta sunt nimis* quasi diceret, nimium ostensa clarè veritas nostræ fidei. Pœnitentiam asperam egit S. Joannes, egit & Hiacynthus. S. Joannes ostendit Christum, & hic per fluvium in SS. Sacramento deportavit, magnus est Joannes & plusquam Propheta, sed etiam Hiacynthus inter Prophetas numerari potest. Quoad vitæ merita utor verbis S. Th. *Ego Prophetam Prophetæ non audeo comparare*. Sed etiam de hoc Sancto dici potest, *Ego vox clamantis in deserto*. Cùm fuerit ex sua vocatione Prædicator.

Aliud bonum Christi ex Apostolatus, Apostolorum fuit hoc singulare quia Spiritus S. descendit in illos die Pentecostes, specie ignis, & quia supra S. Martinum Episc. dum celebraret Missam visus est globus igneus, idè illum Ecclesia appellat *Apostolis confertum* ut scribit Joan. Bethel. in Rationali, sed etiam lux supra Hiacynthum apparuit, ut in ejus vita, &c.

Alia bona sunt hujus Domini, quibus etiam corollas seu

aureo-

aureolas imponit, Martyrium, Virginitas, Doctoratus, & hæc dedit Hyacintho, &c. Omissis aliis innumeris, ultimum bonum est Domini, quia ultimus noster finis, *gaudium Domini*, in hoc intravit iste Sanctus.

In Festo S. Augustini.

Quod Job. 28. dixit. *Profunda quoque fluviorum scrutata est, & abscondita in lucem produxit.* Hoc S. Th. S. Augustino attribuit, & numerat quæ abscondita, *nimirum scripturæ, creaturæ, culpæ & gratiæ.* Scripturam S. explicuit, naturam Angelorum & animæ, culpâs suis in libris confessionum, gratiam DEI, neque plura sunt in hoc mundo, quare lux est totius mundi.

Lucem Augustini ita describit Claudianus Mammertus lib. 5. de statu animæ cap. 5. *Aurelius Augustinus & acumine ingenii, rerum multitudine, & operis modo, velut quidam Chrysippus argumentandi virtute, aut Zenon sensus subtilitate, aut Varro noster voluminum multitudine enituit.* Præfert illum sibi M. Greg. scribendo ad quosdam amicos. *Si delizioso cupitis pabulo saginari, patriæ vestri opuscula legite, & ad comparationem siliginis illius nostrum furfurem non queratis.* De illo Hieron. *Quidquid dici potuit, & sublimi ingenio de Scripturarum SS. hauriri fontibus, à te positum atque discretum est.* De illo Sigisbert. ad ann. 406. *Librorum, tractatum, & epistolarum, plusquam ad mille trecentum extenditur, multis numero hoc non comprehensis.* Vertit hoc suum ingenium ad illustrandum orbem, & ita illustravit, ut dixerit Hieron. *Catholici te Conditore antiquæ rursus fidei venerantur atque suscipiunt, & quod signum majoris gloriæ est, Hæretici detestantur.* Ex quo ita diligebatur à S. Hieron, ut dixerit hic. *Ut Absque tui mentione neque unam quidem horam præterire patiamur, qui contra flantes*
ventos

ventos in ardore fidei perstitisti. Perstitit contra Pelagium, Arianos, Manichæos, & illos confutavit.

Fuit & aliud lumen in Sancto non minus, quo etiam orbem irradiavit, scilicet Sanctitas, &c. Incipiamus ab humilitate. Per triennium latuit ne Sacerdos ordinaretur. Coram toto orbe sua peccata confessus, in libris suis fassus aliquos errores ita ut illos retractaverit, &c. Et quia ut ipse Aug. argumentatur, quò altius debet esse ædificium tantò profundius effoditur fundamentum, cum ita profundè effoderit, quantum assurrexit? Fuit in eo paupertas, nam statum Monasticum professus, propterea DEUS se illi in opes donavit. S. Prosper. lib. 2. de vita contempl. c. 10. *Quid potest eo esse felicius, cui efficitur sui conditor census, & hereditas ejus dignatur ipsa esse Divinitas.* Ecce impensæ hujus fabricæ Divinitas, quam celeriter verò assurrexit, patet ex hoc, quia in altum volavit Greg. hom. 18. in Ezech. *Volant qui terram quasi non tangunt, quia in ipsa nihil appetunt.*

In Nativitate B. M. Virg.

Nascitur S. Virgo velut piscina probatica ab Angelo movenda, ut omnes nostras sanet infirmitates, hæc piscina fuit vicina domui Joachim quam habebat Jerosolymis. Petr. Blesen. ferm. 1. *Probativa piscina S. Virginem significavit, descendit in eam magni consilii Angelus.* Adrichom in descript. Jerosol. n. 62. *Putarunt nonnulli in loco piscine fuisse ignem sacrum occultatum, quem cum requireret Nehemias, ejus loco reperit aquam crassam.* Machab. 1. Olim DEUS fuit ignis consumens, sed quando in S. Virgine absconditus, factus est aqua, Homo. *Omnes sicut aquæ dilabimur.* S. Th. 1. 2. q. 103. a. 3. docet festo Neomeniæ Judaicæ substitutum festum B. Virginis, de Neomenia Levit 13. *Mense septimo, primâ die mensis erit vobis Sabbatum memorabile clan-*

gentibus tubis, & vocabitur sanctum. Mense septimo, id est, in Septembri nata est B. Virgo, Festum Neomeniæ fuit vel ob legem datam per Moysen, vel in memoriam Isaac immolandi, & per Arietem liberati utrumquæ B. Virgini convenit, in illa nascitur Legislator Christus, ille liberavit occidendum Isaac, genus humanum. Est piscina in qua ignis abscondus, postquam è Dalmatia translata S. Domus Lauretana in Italiam, ut scribit Tursellin. l. 1. c. 7. Petrus à Sylva Eremita, per decem annos continuos sexto Idus sept. quartâ vigiliâ noctis semper videbat flammam in illa domo, quæ in cœlum postea abibat & petiit à DEO id sibi explicari, atque didicit hoc fieri in honorem festi hodierni; iidem ignes etiam ad nostra tempora quibusdam comparent, & in nostram devotionem descendunt.

De Sanctis Angelis.

Nullus ita salutem nostram desiderat ut Angeli, sicut nullus ita desiderat civitatem suam reparari ut cives illius, Bern. in vigilia Nativ. ferm. 2. *Putatis quantum desiderant cives cœli civitatis, suæ restaurari ruinas, quomodo solliciti sunt ut veniant lapides vivi, ut coedificentur eis quomodo mediū discurrant inter nos & DEUM?* Quia quod ex illis cum Lucifero decedit, per nos est complendum. Propterea Hebr. 1. *Omnes sunt administratorii spiritus, ut nobis ferviant, & nos ad salutem deducant, nos ubique consequuntur.* Unde Bern. ferm. 12. in Pf. *Qui habitat, nos monet. In quovis diversorio, in quovis angulo, Angelo tuo reverentiam habe, tu ne audeas illo præsentem, quod me spectante non auderes.* Illi circa nos decreta DEI exequentur. Greg. hom. 38. *In hominibus omne iudicium per Angelos exercet.* Illi actus nostros inspicunt, & si non viderint inter nos concordiam, ut ait Bern. ferm. 1. pro S. Michaële. *Dicunt Sancti illi & beati spiritus, ubi scandala*

scandala invenerint & diffensiones, quid nobis & generationi huic spiritum non habenti? Hic jam ex eodem Bern. ibid. discemus cur in festo SS. Angelorum legatur Evangelium de scandalo. Videtis quàm congruat huic solennitati Evangelica lectio, quæ sic deserret nos à scandalo parvulorum, quandoquidem tam vehementer displicent Angelis scandala. Quia vero ex omni Angelorum choro corrui aliquis, & novem sunt chori juxta illud Greg. hom. 34. Angelus non ad similitudinem DEI factus, sed signaculum similitudinis ejus dicitur Ezech. 38. ut quò in eo subtilior est natura eò in illo imago DEI similius insinuetur expressa, quo in loco mox subditur, omnis lapis pretiosus operimentum tuum, sardius, topaxius & jaspis, &c. Ecce novem dixit nomina lapidum, quia profecto novem sunt ordines Angelorum. Sic etiam singulæ suam civitatis partem restaurari quærent, & restauramus illam pro diversitate nostrorum meritum dum alii capimus locum inter Angelos, alii inter Archangelos, &c. Hinc quia poenitentes locum Angelorum occupant, gaudium est Angelis in cælo super uno poenitente. Sed omnibus quidem assistunt Angeli, ab aliquibus tamen absterrentur, Basil. in Ps. 33. Omni in Christum credenti Angelus assistit, nisi nos illum ob nostra peccata absterreamus; velut enim fumus opes fugat, & fætor columbas absterret: sic Angelum vitæ nostræ custodem, tenebrosam faculentumque peccatum. Ambr. lib. de Virginibus, Cant. 7. Mille Salomoni & ducenti, qui servant fructum ejus, &c. Sexaginta potentes. Crevit numerus ubi crevit fructus, quia quo sanctior quisque eo munitior, sic Eliseus propheta exercitus Angelorum sibi præsidio adesse monstravit, sic JESUS nave Ducem militiae cælestis agnovit, &c. Ubi ostendit S. Doctor quòd sanctioribus viri plures aut nobiliores Angeli assistant, & de Virginibus ait, Vobis Virgines Sanctæ speciale præsidium est, quæ intemerato pudore sacrum Domini servatis cubile. Alludit ad lectulum Salomonis, &c. Neque mirum si pro vobis Angeli militant, quæ Angelorum moribus militatis.

Sed id firmemus amplius, quod bonis plures Angeli assistant. Jacob Patriarcha tot Angelos sibi obvios habuit, ut dixerit. *Castra DEI hæc sunt, quod ipsum est Ps. 33. Castra metabitur Angelus Domini in circuitu timentium eum.* Et de Angelis serm. 39. in Cant. explicat Bern. castrorum Choros in Sunamitide. Cum Abbas Moyses graviter affligeretur tentationibus, ostendit illi ad solatium ex loco edito Abbas Isidorus exercitus Angelorum, suppetias fetentium servis DEI, quia per quos magis sperant civitatem restaurandam iis majorem curam impendunt & ad hoc Angeli superiores mittant inferiores, & ipsi orant pro nobis & preces nostras offerunt, S. Anton. Magnus epist. 2. *Verè nati mei, hæc nostra humiliatio, in peccata dejectio, Angelis tristitia est, sicut iterum salus & gloriatio nostra lætificationem eis ac requiem omnibus præbet, sed etiam pro quovis orant.* Origen. l. 8. contra Celsum. *Hominibus bonæ voluntatis precantibus ultrò se adjungunt Angelorum exercitus millia, & intercedunt pro mortali nostro genere.* Et hoc specialiter faciunt cum missæ intersumus, in qua apud Græcos mos erat ut totus populus laudes DEO acclamaret, ut patet ex Chrysof. hom. 3. de incomprehensibili DEI natura. *Tempore illo sacrificii non solum homines clamorem illum horribilem reddunt, sed etiam Angeli DEO genuflectunt, sic Angeli tunc pro ramis oleagnis corpus Domini, prætendentes, rogant pro genere humano.*

Oremus omnes SS. Angelos ut docet Ambr. lib. de viduis. *Obsecrandi sunt Angeli qui nobis in præsidium dati sunt.* Sed specialiter S. Michaël quia ut Viegas in Apoc. 12. cujus etiam est sententiæ Serarius in Josue 5. q. 45. pag. 551. *Creditur Michaël animas corpore discedentes particulari judicio exercere, indeque est quod cum scatera & gladio depingitur, ut summa ejus potestas, justitiæque æqualitas declaretur in nostris sive meritis sive demeritis expendendis, & hoc ipsum insinuare Ecclesia. Archangele Michael consti-*
tui ro

tui te super omnes animas. S. Michaël representet eas in lucem sanctam. Quare precemur cum S. Ildefonso, lib. de Virginit. B. M. c. 12. Oro te S. Angele per indissicabilem hereditatem fidei nostræ, per tuæ hereditatis statum, per meæ redemptionis mysterium, &c. Siquidem ut Bern. serm. 1. de S. Michaële. Nos, o B. Angeli, catelli sumus Domini illius quem tanto affectu diligitis, catelli inquam cupientes saturari de micis, quæ cadunt de mensa Dominorum nostrorum, qui estis vos. Et hæc dixerim Fratres, ut amplioem de cætero erga Beatos Angelos fiduciam habeatis, ac proinde familiarius in omni necessitate vestra eorum invocetis auxilia. Et serm. 21. in Pf. qui habitat. Quoties ergo gravissima cernitur urgere tentatio, & tribulatio vehemens imminere, invoca custodem tuum, Doctorem tuum, adiutorem tuum, in opportunitatibus, in tribulatione, inclama eum & dic. Domine salva nos, perimus.

In Festo S. Angeli Custodis.

Quia dæmon ad infernum detrusus à DEO, odit DEUM, & quia illi nocere non potest, imaginem illius invadit, scilicet hominem, homo se non posset tueri, addit DEUS homini Angelum. Greg. Bellum inter DEUM & dæmonem est, sed materia belli homo. Arma quibus nos oppugnat, sunt membra nostra, ideò Rom. 6. Non exhibeatis membra vestra arma iniquitatis peccato, & 1. Petr. 2. Abstineatis à carnalibus desideriis quæ militant adversus animam. Angelus etiam nostris armis pugnat pro nobis, cui potius illa commodemus. Veniet profectò tempus quando Angeli canent tubis, & tum ad se eos colligent qui contra dæmonem militarunt.

In Festo S. Francisci Seraphici.

ET si in verbis simplex fuerit S. Franciscus dum concionaretur

retur, mirabilis fuit efficaciam, quare ipsum audiamus, & inprimis dicat nobis unde accepit suam regulam. Sed DEUS pro ipso respondet cum illi dicit. *Francisce nihil est in tua regula de tuo, sed totum est meum quidquid est ibi. Et volo quod seruetur hac regula ad literam, ad literam, ad literam, sine glossa, sine glossa, sine glossa. Ego scio quantum potest humana fragilitas, & quantum volo eos iurare.* Hoc DEUS, sed quid etiam ille ipse? Solebat dicere, professionem suorum esse librum vitæ, spem salutis, arrham gloriæ, medullam Evangelii, viam Crucis, statum perfectionis, clavem paradisi, & pactum æterni fœderis. Revelavit illi Angelus quod Religio sua non sit defectura ad finem mundi, & quod nullus in ea volens male vivere, diu sit in illa mansurus. Quod quicumque ex corde dilexerit hunc Ordinem, quantumcunque sit peccator, tandem misericordiam consequetur: & quod nullus illum ex industria persequens diu sit victurus. Ipsemet Sanctus Gregorio Papæ asseruit. Quod quanto plures Fratres essent in Ordine suo, tanto illis DEUS abundantius sit provisorus, & quod nullus suum deferens habitum male esset moriturus, sed quid amplius ipse Christus dixit Sancto. *Quando mundus perdet fidem Ordinis tui, non remanebit ultra lux, quia posui eum in lucem mundi.*

Jam audiamus quid de humilitate? *Moneo & exhortor in D. JESU Christo ut caveant Fratres ab omni superbia, &c.* Minores ideò vocati sunt Fratres mei, ut majores fieri non præsumant, ex humilitate nascitur patientia, sic de illa sanctus. *Curent diligere eos qui nos persequuntur, reprehendunt & arguunt, quia dicit Dominus, Diligite inimicos vestros, &c.* Amici nostri sunt omnes illi, qui injuste inferunt nobis angustias, tribulationes, injurias, dolores, & tormenta, martyrium & mortem: quos multum diligere debemus, quia ex hoc quod nobis inferunt, habebimus vitam æternam. In obedientia quantus ipse fuerat dixit ipse de se. *Firmiter obedire volo*
Ministro

Ministro Generali Fraternitatis hujus, & illi Guardiano quem sibi placuerit mihi dare: & ita volo esse captus in manibus suis, ut non possim ire vel facere ultra obedientiam, & voluntatem suam, quia Dominus meus est. De hac ipsa virtute ita concionatur. Fratres qui sunt subditi recordentur quòd propter DEUM abnegaverint proprias voluntates, unde firmiter præcipio eis ut obediant in omnibus suis ministris. Sed quid esse verum obedientem? Tolle corpus exanime & ubi tibi placuerit, loca ipsum: videbis illud non repugnare motum, non murmurare suum, non reclamare dimissum; quodsi in cathedra exaltetur, non alta sed ima respicit sic verus obediens, &c. Charissimi ad primum verbum, præceptum implere, nec expectetis iterari quod dicitur vobis, nihil etiam impossibilitatis causemini si judicatis esse in præcepto, quia etiamsi supra vires ego vobis mandarem, obedientia viribus non careret, & scitote quòd ille qui præcepto obedientiæ festinanter non obedit, nec DEUM timet, nec homines reveretur.

Paupertas fuit Sancto carissima hinc. Caveant Fratres & eorum Ministri ne solliciti sint de eorum rebus temporalibus, & rursus. Fratres nihil sibi approprient, nec domum, nec locum, nec aliquam rem, sed tanquam peregrini & advenæ in hoc sæculo in paupertate & humilitate Domino famulantes vadant pro eleemosyna confidenter, nec oportet eos verecundare, quia Dominus pro nobis pauperem se fecit in hoc mundo. Hæc est illa celsitudo altissimæ paupertatis, &c. A Paupertate ad Castitatem transeamus. Omnes Fratres ubicunque sunt & vadunt, caveant se à malo visu & frequentia mulierum, &c. Adjunxit servandæ huic virtuti jejunium, hinc omne otium proscribebat. Cuidam Fratri otioso dixit, vade Frater juxta viam tuam, quoniam vis comedere laborem Fratrum tuorum, & esse otiosus in opere DEI, sicut apis otiosa & sterilis, quæ non lucratur & non laborat, & comedit laborem & lucrum bonarum apum. Et seipsum in exemplum allegat. Ego manibus meis laboravi, & omnes Fratres mei volo ut laborent, &c. & qui nesciunt discant, &c. Vide in Manuali Franciscanorum.

In Festo SS. Omnium.

Quia in hoc mundo præmium coeleste cognoscere non possumus nisi per quosdam circuitus, & similitudines, cogitationes perfectionum demendo ab illis imperfectiones. Dyon. Areop. *Impossibile est nobis aliter lucere Divinum lumen nisi velamine figurarum fuerit circumvelatum.* Creavit DEUS ad hoc creaturas, ut nos ex illis velut pueri literulas, id est perfectiones colligendo, verba aliqua formare possimus. S. Th. de Villan. conc. de S. Aug. *Mundus iste sensibilis non solum in ministerium, sed & in magisterium hominibus datus est, ut in visibilibus istis visibilia discant.* Hinc Aug. 10. confessio. Dum quærit quid sit DEUS, & singulos ad hoc tensus adhibet, & respondet, non esse DEUM coloratum, sonorum, &c. Et 10. Confess. 6. Interrogat singula elementa & respondent illi quod ipsa non sint DEUS; tum ille. *Dixistis mihi de DEO meo quod vos non estis, dicite mihi de illo aliquid. Et exclamaverunt voce magnâ, ipse fecit nos, & pergit. Quid autem amo cum te DEUS amo? non speciem corporis, non decus temporis, &c. Non hæc amo, & tamen amo quandam lucem, quandam vocem, quandam odorem, &c. dum amo DEUM meum.* Et sic aliquam voculam de DEO componit. S. Th. villan. l. c. *O quàm decora litera Sol! quàm pulchræ literæ Luna, stellæ, orbes, mare, bestie, pisces, quas in hoc mundo ut in puerorum pagina, celestis ille scriba depinxit, nobisque proposuit legendas! &c. Quid nosster discursus est nisi laboriosa literarum compositio? Componam creaturarum perfectiones, ut aliquid dicam de Sanctorum illa felicitate.*

Beati mundo corde. S. Th. Villan. conc. de S. Ildefonso. *Effugit omnem iniquitatem Spiritus DEI, sed ab hoc fædo turpique contagio luxuriæ, amplius elongatur, propterea quod præter ipsam*
crimini

criminis deformitatem annexam habeat turpitudinem quandam spiritus deco. i maxime contrariam. Itaque mundum cor magis accedit ad spiritum, &c. &c.

Pro Fidelibus Defunctis.

Tanta est poena purgatorii, ut S. Th. ut 4. dist. 21. a. 1. affirmet, minimam poenam purgatorii excedere maximam hujus vitae. Quia quò creatura est nobilioris naturæ, tantò poena illi inflictà est gravior, anima verò est nobilior omni corpore, in hac vità corpori non animæ infertur sensus poena. Præterea poena quanto universalior tanto major, at verò in anima nihil est quod in purgatorio non affligatur. Præterea quæ fiunt miraculosè, fiunt meliora, potentiora, sic vinum in Cana Galilææ fuit quovis alio vino melius, panis allatus Eliæ per Angelum, ita confortavit ut illo semel comesto ambulaverit quadraginta diebus & totidem noctibus, ustio verò animæ ab igne materiali est miraculosa, ignis ille ex se est vehementissimus, quia ut S. Th. l. c. est idem cum igne inferni, de illo Aug. lib. de vera & falsa poenit. *Excedit omnem poenam quam unquam aliquis passus in hac vita, etiam Martyrum tormenta* S. Th. l. c. *Duplex est locus purgatorii, unus secundum legem, alter juxta dispensationem Divinam.* Hinc aliqui in terra purgantur. Sciunt verò ibidem quis pro illis aliquid faciat boni. Aug. l. c. vel quia DEUS revelat hoc illis, vel quia nunciant Angeli, aut animæ ex hac vita venientes.

Pro iisdem.

Venit ad nos mendicatum æger, sed ita feбри ardens ut manus instar ferri candentis ardeant, oculi instar carbonum,

num, ex ore, auribus flamma ut è carbone prorumpat; caput veluti statuæ lignæ pice illitæ eructat flammam, &c. Vultisne illius misereri, & dare id illi quo dato nihil vobis decedet, imò accedet? Anima ex purgatorio ista est. Miserant olim animæ legatum ad Concionatorem ex Ord. Prædic. ut ardentem faceret concionem de juvandis animabus, quia DEUS constituerat quindecim millia ex purgatorio dimittere, si concione ejus homines moti deprecarentur. Mittunt & modò cùm auditis repeti, *Miseremini mei*, &c. Cùm pulsantur campanæ, &c. date illis saltem poculum aquæ frigidæ, quodsi dederitis, non carebitis mercede, ut promissum. Matth. 10. Alphonsus Rex Castellæ morbum, quo mortuus, per dies traxit decem, tertia ex illis ante mortem erupit fons ex altari, ad quem venientes, duo Episcopi biberunt, & conjecerunt quòd post mortem Rex petiturus esset aquam frigidam, quæ scilicet effluxit ex latere mortui Christi, hanc in animas derivemus. Memineritis præceptis, si pauci fuerint in domo ad sumendum Agnum paschalem, *assumes vicinum*. Agnus immolatur in altari qui à toto mundo consumi non potest, assumite Vicinos, Parentes, Fratres, mortuos, sed dicetis. Fiant ad ipsum fontem, qui dicit. *Qui sitit veniat ad me*. Respondebunt non ibimus, tempus apud nos patiendi, non merendi, non satisfaciendi, si ire possimus, à vobis non mendicaremus. Bethardus Provincialis interrogatus à Benedicto, ambo erant. Ord. Prædic. cur sæpissime pro vivis oraret, non item pro defunctis? respondit, defuncti sunt in tuto, vivi in periculo. Ad hoc Benedictus, si tibi duo Pauperes occurrant, unus juvenis & laborare potens: alter senex mutilis manibus, cui potiùs eleemosynam dares? certè posteriori, quia se juvare non potest, tales sunt defuncti, nihilominus Bethardus pro vivis orabat, licet ipsæ Ammæ aliquando preces ejus exposcerent, tandem semel animæ illum

in lecto jacentem gravibus lignis obruunt à quibus se cum liberare non posset, conatus opem aliorum inclamare; ex quo didicit, illis qui se juvare non possunt, succurrendum esse. Torquentur illæ animæ gravissimè, S. Bern. de obitu Humberti, putat poenas purgatorii graviores centuplò quàm sint ullæ in mundo, S. Greg. majores tormentis Martyrum. S. Th. Christi suppliciis, S. Anselm. omnibus in hac vita possibilibus, S. Cæsarius, omnibus cogitabilibus. Multi Theologi affirmant non differre illas poenas à poenis inferni, hoc de poenis sensus, quid de poena damni, quæ adhuc est gravior? Monet autem Jo. Euseb. Nieremberg. de gratia l. 3. c. 10. Satisfactionem non acceptari à DEO si quis illam faciat existens in peccato mortali, sed cum aliquis est in gratia, pondus ejus meritorum attollit, ut si obolus attolleretur ad valorem millium, & ita modico labore possumus exolvere illorum ingens debitum, quod animæ in purgatorio solvendum habent, si sumus in gratia.

In Festo S. Stanislai Kostka.

Hic Beatus videtur similis nubeculæ quæ instar vestigii hominis apparuit Elisæo, magnam tamen adduxit pluviam. Videtur similis lapillo Danielis de monte abscisso qui statuam contrivit, & ipse in montem excrevit. Similis puero illi quem Christus in medio discipulorum statuit Matth. 18. De hoc sui patriotæ possunt dicere quod Joseph de Beniamin.

De Eodem.

Constat quòd Beatus Virgo jusserit Societatem JESU ingredi, in obediendo huic præcepto non minus fecit quam Abraham circa Isaacum, quia seipsu immolavit, in

præmium dedit DEUS Abrahæ literam de suo nomine. De qua S. Hieron. *Literam de suo nomine communicari voluit DEUS cum nomine Abraham, ut ostenderet se non solum bona sua impertiturum ei, sed etiam seipsum.* Beato totum nomen suum imposuit, & supra pectus Matris gravidæ illud depinxit, & in aëre supra infantem intra fascias jacentem exhibuit, & jam tunc dicere cum Paulo poterat. *Benedictus DEUS qui nos vocavit in Societatem Domini nostri JESU Christi.* Nomen JESU est tantum ut DEUS Pater illud in præmium laborum Christo dederit. *Humiliavit semetipsum, &c.* Propter quod DEUS dedit illi nomen quod est supra omne nomen, ut in nomine JESU omne genu flectatur. Sine dubio & Beato cum hoc dedit hujus nominis esse socium, multa contulit. Ps. 22. *Deduxit me super semitas justitiæ propter nomen suum.* Euthymius & Nicephor. legunt. *Propter hoc quod nomine DEI vocor, tot videlicet in me DEUS beneficia congescit.* Certè in præmium dabitur in cœlo nomen novum, quod illud? Hugo Cardin. in Apoc. 2. ex sententia Ludolphi Carthus. *In gloria cœlesti ab ipso JESU dicemur Jesuitæ.* In hoc nomine etiam oportebit non unum flecti genu eo modo quem Dion. Areopag. de S. Hierorch. c. 7. explicat juxta translationem Ambrosii Camaldulen. *Eadem quoque ratione, JESU felicissimâ Societate dignatus, intelligendum non quòd ex fictis imaginibus aut formis, illæ Deificam similitudinem nitantur exprimere, sed quòd illis Divina imitatio excellentiarum modo donata sit, communicantque quantum par est Deificis ipsius, benignissimisque virtutibus.* In nomine JESU omne genu flectitur, ad similitudinem istius & Stanislao flectitur. Fugantur dæmones, terra mortuos reddit, &c. Christi imperium, unde oritur dicta adoratio. Describit Ps. *Reges eos in virga ferrea & tanquam vas figuli confringes eos.* Quod Arnobius ita explicat. *Reges Gentes in virga quasi ferrea, non enim cedit foribus mundi, nec miserorum despiciet facies: iram venturam contemp-*

toribus

*prooribus pollicetur, fictilibus vasculis comminatur interitum. An non
 similia Beatus? Non cedit vivus furori Patris, mortuus exau-
 dit, & in suos contemptores est severus, fragiles ad poenitenti-
 am conterit. Fratrem monita aspernantem in sua vita sustinet.
 S. Pacianus Parænesi ad Poenitentiam, de spernentibus monita,
 dicit. *Ut cœnum maximè solet fatere si moveas, ita illi. Quæ non
 passus à Fratre? sed ut Nazianz. orat. de moderat. in disput.
 dixit. Tu qui spirituali illo unguento (nomine IESU) delibutus es,
 fraterni factoris nonnihil perfer, sive verus sit ille factor, sive ita tibi
 videatur, ut illi vecissim boni tui odoris aliquid impertias. Impertiit,
 in virum sanctum mutavit Fratrem. Ita feceret antea Christus
 quem timebat Martha invitare ad Lazarum, quia jam scætebat,
 sed Chrysol. serm. 65. Quod proditori fatet, non fatet Creatori.
 Habuit adversarios Christus, habet ejus Societas, habet Beatus
 qui illum jam mortuum ab ea extrahere volunt, sed illis dicere
 potest quod Optatus Milevitanus lib. 7. adit. Parmenianum.
 Aliqui vestrum volentes nos populis suis contemnendos ostendere, illud
 miscnt tractatibus suis, quod à Salomone dictum est Eccles. 10. Muscæ
 morituræ exterminant olei suavitatem, & quasi muscæ morituras nos
 appellant, sed dum vos invidiæ tempestatibus impulsæ quasi in oleum
 caditis vos ipsos exterminatis, non suavitatem illius olei quod in nomine
 Christi confectum est, unde condirentur mores, unde incenderetur lumen
 mentis ad salutarem & veram intelligentiam, vos exterminatis rem
 ubi oleum fuit & suavitas. Orat Beatus in cœlo pro Patria quæ
 sæpè vim precum ejus experta, orat etiam pro sua Societate,
 Isai. 64. juxta lectionem Procopii. Nostri miserere quos nomen
 tuum exornat. Hereditas tua nuncupamur, id ergo nomine tuo largire
 (orat pro tota Ecclesia) ut apud Gentes non blasphemetur. Ezech.
 47. Stabunt piscatores ab Engaddi usque ad Engallin. Patria hic
 nostra descripta. Engaddi idem est, atque fons hædi, Engal-
 lin idem ac fons vitulorum. Alexander Magn. Græcos repræ-
 sentat,**

sentat, & pro stemmate hædum habuit. Judæi ad vituli adorationem sæpè redibant, in has duas Gentes totum orbem distinxit Paulus Rom. 10. *Non est distinctio Græci & Judæi.* Inter nationes Barbaras & Christianas non Catholicas sita est Polonia. Ora Beate, ut ita vivat, ne nomen DEI occasione illius blasphemetur, ora ita bellet, ut agnoscant, quia nomen DEI, Christi, sunt Catholici, est in ea.

In Festo S. Elizabeth.

Laudat viduam Luc. 2. *Erat Anna prophetissa filia Phanuelis de tribu Aser.* Anna idem est quod gratia, Phanuel idem quod vultus DEI. Aser, beatitudo aut divitiæ. Hieron. ad Furiam, de Anna. *Quia ab adolescentia usque ad 84. annos onus viduitatis sustinuerat, et non recedebat de templo diebus ac noctibus insistens jejuniis & obsecrationibus idcirco meruit gratiam spiritualem, & nuncupari filia vultus DEI, & dirari beatitudine divitisque consequi.* Altera vidua laudatur in scriptura 3. Reg. 17. Sareptana. Tertia Judith. cap. 10. Quarta Noëmi, Ruth. 1. Quinta pauperula Luc. 13. Marc. 12. sed asserit Hieron. l. c. *Omni populo Israëllico ditiozem, quæ recipiens granum synapis & mittens fermentum in farinae satis tribus, Patris & Filii confessionem Spiritus S. gratiâ temperavit, & duo minuta misit in gazophylacium, id est, quidquid habere poterat in substantia sua, universasque divitias in utroque fidei suæ obrulit testamento. Hæc sunt duo Seraphim ter glorificantia Trinitatem, & in thesauros Ecclesie condita. Unde & forcipe testamenti utriusque ardens carbo comprehensus Isai. 6. purgat labia peccatoris.* Hæc omnia sunt laudes Elisabethæ, ac de sola hîc prima loquamur. Fuit vidua. Tertull. ad uxorem lib. 1. *Durum planè & arduum satis continencia saxum fœmina post viri excessum, DEI causa, cum Gentiles sathana suo & virginitatis & viduitatis sacerdotia proferant.*

ferant: Romæ Vesta, Achajæ Junoni, apud Ægeum oppidum Africanæ Cereri, &c. Hoc diabolus præcipit & auditur, provocat nimirum DEI servos continentiam suorum quasi ex æquo continentium Gehennæ Sacerdotum. Quare sancta hæc, ne dæmon haberet viduas, Christus non haberet, constituit vidua vivere. Nam licet Ecclesia etiam secundum Matrimonium permittit, tamen Bern. ferm. 58. in Cant. Nuptiarum secundarum etsi forsitan culpa propter incontinentiam venialis est, ipsa tamen tanta incontinentia turpis est. Pudet ad negotium honestatis quod natura possit in volucre. Scilicet, turture, quæ secundum maritum non accipit, sed gravius quid insinuat Hieron. epist. ad Salvinam. Unde illud Apostoli quod fornicationis metu indulgere compellitur scribens 1. Tim. 5. Volo adolescentulas nubere, filios procreare, matresque familias esse, nullam occasionem dare adversario maledicti causâ. Cur id indulserit, statim subjicit. Jam enim quedam declinaverunt post sathanam. Ex quo intelligimus, illum, non stantibus coronam, sed jacentibus manum porrigere. Vide qualia sunt secunda matrimonia quæ lupenaribus præferuntur, quia declinaverunt quedam post sathanam.

Vacabat jejuniis, quia qui vult castè vivere, inquit Casian. collat. 22. cap. 3. Non solum laucioribus epulis abstinendum, sed etiam à vilioribus cibis æquali continentiam temperandum, imò etiam panis & aquæ satiety cavenda est, ut possit in nobis diu acquisita puritas corporis permanere. B. Laur. Justinian. in Schola PP. Pudicitiam cum carnalibus blandimentis, nihil aliud esse quàm ignem velle extinguere & ligna super injicere. Fuit Sancta in obsecrationibus, quia continentia est DEI donum. Greg. in Ps. 4. Pœnit. Non est virtutis humanæ ita ab illicitis motibus mundare animam, ut perstrepentium voces non audiat cogitationum. Non recedebat à templo, quia ut idem Greg. lib. 5. in Reg. cap. 4. Ad extinguendum fornicationis Spiritum virtus una non sufficit, abstinencia quidem ciborum contra hoc vitium fortissima, sed sola non prævalet, velut enim

miles est, pugnare potest, superare exercitum non potest, qui ergo fornicationem percutere appetit, addat abstinentiæ corporis virtutem humilitatis, nam si mens DEO subdi humiliter despicit, carnis suæ desideria dominando ac præeminendo non premit, addatur frequens numerus orationis, &c,

In Præsentatione B. M. Virg.

Quod Chrysost. dixit de Anna Matre Samuelis dum filium offerret in templo, *suorum viscerum facta est immolarix.* Hoc de S. Anna Matre B. V. amabat Filiam, &c. Filiam DEUS recipit, & sicut Samuelem in locum Heli qui perierat substituit, ita B. Virginem in locum Evæ, & jam figura impletur. Deplorabat Jeremias cap. 18. ruinam suæ patriæ, misit illum DEUS in domum figuli, hic unum vas à se factum collidit, sed collectâ eadem argillâ, facit aliud vas. *Conversusque fecit illud alterum vas sicut placuerat in oculis ejus ut faceret.* Sic DEUS alterum vas fecit B. Virginem pro Eva, Eccl. 50. *Tanquam vas auri solidum ornatum omni pretioso lapide.* Jam hodie quale sit hoc vas incipit ostendere. Hieron. tr. de ortu Virginis. *Jam Dominus in Virginis suæ infantia magnum quid operabatur, & quanta futura esset hujus miraculi indicio præmonstrabat.* Quia cum esset trimula, nullius ope eguit ut gradus quindecim templi conscenderet. Ascendit ergo, & Angeli mirantur. Cant. 3. *Quæ est ista quæ ascendit sicut virgula fumi?* Fumus res est vana, quid illi cum S. Virgine? Job. 3. *Dies mei sicut fumus evanuerunt.* Sed videte, Num. 16. fuit de coelo ignis missus in filios Core ut eos absumeret, opposuit igni huic fumum Aaron de thuribulo suo & ignem extinxit, talis fumus B. Virgo. Fumus hic est umbra DEI. *Virtus Altissimi obumbrabit tibi.*

In

In Festo S. Matthiæ Apost.

Docet S. Th. 2. 2. q. 85. a. 8. *Sors dicitur cum fit aliquid, ut ejus eventum considerato, aliquid occultum innotescat.* Proinde non oportet cogitare, aleas fuisse Mathiæ datas. Ita fortis vicem obiit quando floruit virga Aaronis, quo signo habito factus est summus Sacerdos. Columba erat fors S. Fabiani, quæ ostendit illum in Papam esse assumendum. Mathiæ fors fuit lumen quoddam è coelo in eum descendens, ita S. Dyonis. Areop. S. Aug. serm. 2. in Pf. 30. Orig. hom. 33. in Josye. Cùm factus est Apostolus accepit spem proximam ut in gratia DEI confirmaretur, ut non amplius peccaret mortaliter, accepit potestatem miracula faciendi. Jurisdictionem spirituales in totum mundum juxta illud. Pf. *Constitues eos Principes super omnem terram.* Accepit specialem assistentiam Spiritûs S. accepit sapientiam ad gubernandas Ecclesias. Potestatem faciendi sacerdotes & dandi illis hoc ut possent remittere peccata. Accepit ut Judici in judicio extremo mundi affideat, accepit intelligentiam scripturarum, custodem Angelum ex altiore ordine, hæc enim etiam aliis Apostoli data. Natus fuit in tribu Juda, educatus à Simeone sacerdote, factus Joan. Bapt. discipulus, deinde unus è septuaginta qui Christum secuti, & ut S. Vincent loquitur, intravit in Societatem Christi, natus fuit in Bethlæem. In Apoc. ubi gemmæ attribuuntur Apostolis, Mathiæ adscribitur Amethystus, de hoc lapide narrat Aug. in Pf. 101. quod eum ponat Aquila in suo nido ut eum sic reddat tutum à serpentibus. Ponat Aquila Polonica contra suos serpentes. Joseph. lib. 3. Antiq. c. 12. Quod apud Judæos fuerit vexillum Sacerdotale, & in eo 12. gemmæ quales in Apoc. Apostolis attributæ, ex his antequam exercitus confliget, tantus fulgor

emica-

emicabat, ut procul videretur, & oculos hostium perstringeret, & hoc certum erat signum victoriæ. Emicet, rogemus in nostris vexillis hic Amethystus.

In Dedicatione Templi.

SANCTUS Augustinus successus bellorum, quos habuerant Romani, rejicit in hoc, quia templa Deorum in maximo cultu habuerunt. Crassus dum spoliasset templum Jerosolymis occisus in bello à Parthis, idem Pompejo accidit. De Balthasare lege Dan. 5. De Abimelech Jud. 9. qui ut regnum Israël usurparet, argentum tulit templi, & à muliere occisus. De Heliodoro vide 2. Mach. 3. Fridericus 2. Imp. qui in res Ecclesiæ involaverat, à filio suffocatus. Veraca Hispaniæ Regina dum vasa argentea de templo S. Isidori Hispalensis aufert, crepat media, & terrâ absorbetur, ejus maritus Alphonsus Rex Arragonum, dictus bellator, à Saracenis victus, nescitur quò devenit. Alphonsus Lusitanorum Rex aliàs in bellis victor dum bona Ecclesiæ eripit, miserè perit. Dum similia facit Constantinus 2. Imp. Orient. ex hac ipsa causa pugione confossus; Ataulfus verò Longobardorum Rex in simili scelere, fulmine occisus. Lotharius Gallorum Rex, etsi cum consensu omnium Regni sui Prælatorum, accepturus erat argentum templorum: quia tamen unus de Episcopis minatus est vindictam DEI, abstinuit, & sine sacro argento rem benè peregit. Sed nonnisi ictus Rex Lusit. Emmanuel restituit Ecclesiæ, cum scilicet experiretur continuam in se manum DEI. Prudentius Ferdinand. Rex Hisp. dicebat, malle se Orationibus Ecclesiæ juvari quàm auro. Perferunt & modò non pauci pœnas de hac rapina, sed illis accidit quod alicui guloso qui experitur certo cibo se graviter lædi: vel ebrioso qui ob vini copiam, se in podagram relabi, nec tamen abstinet.

INDEX


Fragmentorum de Sanctis totius anni.

I N Conceptione B. M. V.	Fol. 1
In Nativitate D. N. JESU Christi.	3
De Eadem Nativitate.	4
De Eadem Nativitate.	5
In Festo S. Thomae Apostoli.	14
In Festo SS. Innocentium.	6
In Circumcisione Domini.	7
In Eadem Circumcisione.	10
In Eadem Circumcisione.	11
In Epiphania Domini.	17
In Festo S. Dorothea V. & Mart.	18
In Festo S. Josephi Sponsi B. M. V. Concio.	21
In Annuntiatione B. M. V.	27
In Eadem Annuntiatione.	29
In Eadem Annuntiatione.	32
In Eadem Annuntiatione.	33
In Cena Domini.	35
In Festo S. Georgii Mart.	37
In Inventione S. Crucis.	39
In Eadem Inventione S. Crucis.	40
In Festo S. Stanislai Episc. & Mart.	43
In Eodem Festo.	46
In Ascensione Domini.	57
NB. Loco In Ascensione Domini Erratum est. Debebat poni titulus, In Assumptione B. M. V.	
In Festo SS. Corporis Christi.	50
In festo S. Basili Magni.	51
In Nativitate S. Joannis Baptista.	54
In	In

INDEX

<i>In Eadem Nativitate S. Joannis Bapt.</i>	55
<i>In Eadem Nativitate S. Joannis Bapt.</i>	56
<i>In festo SS. Petri & Pauli.</i>	59
<i>In Eodem festo.</i>	66
<i>De S. Paulo.</i>	61
<i>In Visitatione B. M. V.</i>	62
<i>In festo S. Mariae Magdalena.</i>	63
<i>In festo S. Jacobi Apostoli.</i>	69
<i>In festo S. Annae Matris B. M. V.</i>	70
<i>In festo S. Ignatii Societ. JESU.</i>	70
<i>In Eodem festo Concio.</i>	73
<i>In Eodem festo fragm.</i>	78
<i>In festo Portiunculae.</i>	80
<i>In festo S. Dominici.</i>	81
<i>In Assumptione B. M. V.</i>	82
<i>In Eadem Assumptione B. M. V. Ubi erratum est.</i>	48
<i>In festo S. Hyacinthi.</i>	85
<i>In Eodem festo.</i>	86
<i>In festo S. Augustini.</i>	88
<i>In Nativitate B. M. V.</i>	89
<i>In festo S. Michaelis Archangeli.</i>	90
<i>De S. Angelis.</i>	93
<i>In festo S. Francisci Seraphici.</i>	93
<i>In festo SS. Omnium.</i>	96
<i>Pro Fidelibus Defunctis.</i>	97
<i>Pro iisdem.</i>	97
<i>In festo B. Stanislai Kostka.</i>	99
<i>In eodem festo.</i>	99
<i>In festo S. Elizabeth.</i>	102
<i>In Presentatione B. M. V.</i>	104
<i>In festo S. Mathiae. Apost. pro parte hyemali.</i>	105
<i>Pro Dedicatione templi.</i>	106

FINIS.



A 200 —

×KSIEGARNIA×
ANTYKWARIAT

DOM
KSIĄZKI
DOM

Nr 830840

Biblioteka Jagiellońska



stdr0017153

